






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2260/A






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2260/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2260/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2260/A


2260

A

C. 11.

15/f

A 562



250. 2042
A562
MARSILII FICINI

FLORENTINI MEDICI

atq; philosophi celebe viri *Libri*

tres, recens iam m. lus suu
uindicati.

QVORVM

Primus, de Studiosorum sanitate tuenda.

Secundus, de Vita producenda.

Tertius, de Vita coelitus comparanda.

Eiusdem Apologia.


HIS ACCESSIT

Epidemiarũ antidotus, tutelã quoq; bonæ
ualetudinis cõtinens, eodem autore.

Cum nouo omnium rerum atque
uocum Indice.

BASILEAE

1532,



GENERE ET VIRTUTE IUXTA

nobili illustriq; Domino RENHARDO

Comiti Liningensi ac Vuesterburg,

Andreas Leennius, S.



VVM nullum genus hominum, uita nedum sana, uerum & longa sit dignius quàm literarum studiosi, ut qui ex optimorum placitis autorum sibi bene prudenterq; uiuendi normam pararint, reliquis quoq; rerum publicarum futuris administratoribus, eam ceu per manus tradere, & iuueni animis possint instillare: tamen nescio quo fato siue errore id fiat, ut ij cæteris breuiorem sortiantur uitam, multi superstites uoletudinarij degant tamen: plures sanitatis suæ negligētia αἰδὲ πεισθέντες, ut uobis id nobis acceptum referri facilius patiar, quàm in deos culpam refundi, pro ipsis cum Homero inquiens:

Ω πόποι, οἷόν μ' ἔειπες θεὸς βροτῶν ἀπιόωντα.

Ἐξ ἡμέων γὰρ φάσι κακ' ἐμμελῆαι, οἱ δὲ τ' αὐτοὶ Σφῆσιν ἄλσασθαι, ὡς μόνον, ἄλγε' ἔχουσιν.

Huic errori, generose Comes, facile mederi posses, olim te mihi dicere memini, adq; id operæ tum primum me destinaras. Quñ uero necdum urgere cesses, idq; non tui solum, uerū etiam omnium studiosorum nomine, hanc me prouinciam capere uelis, age libuit huic utili imperio morem gerere. Et quod omnibus modis contendis, ut me indice, studiosorum consultum fiat salubritati,

ANDREAE LEENII

eiusce rei, quandoquidem ita uis, actionem suscipio. Is certe labor nos diu satisq; exercuit. Excussa tandem professionis nostrae libellorum quantulacunq; supellex etile, hos tibi deligo Marsilij Ficini de Vita triplici libros. Autor profecto mihi uisus, iudicio tuo acri non indignus, et qui multorum teratur manibus studiosorum peraccomodus, si à blattis tineisq; liber, emaculatio prodeat in lucem. Quæ enim eius auctoris in publicum hucusque sparsa sunt exemplaria, adeo mendis referta sunt, ut eorum quæ bene scripta, nullus propemodum sit usus. Nos secus, tanti uiri lucubrationes à carcinoma-
tis liberæ, in publicum edendas curauisse, æquus Lector facile deprehendet. Porro hoc opere tibi conciliando, non est quod uehementer anxij simus, quum id epistolaris non ferat angustia, et res αὐτῶν σεαυτῶν αὐ-
λαῖ. Marsilij iudicio amplissimo, Angelus Politianus inquit, ceu Orphei cithara Eurydicen, ita illius, Platoniam sapientiam ab inferis reuocatam. Demum illius laudes hoc disticho est executus:

Mores, ingenium, Musas, sophiamq; supremam

Vis uno dicam nomine, Marsilius.

Is ea quæ iugi literarum cognitione, improbis sudoribus, longa æui prudentia experientiaq; adsecutus, Medicinæ hæc præcepta studiosis maxime salubria, hoc exiguo fasce sic apposite iunxit atq; foedere nexuit, ut dubites (rem fixius æstimans) num maiore id fieri potuerit solertia. Trifariam uitæ prospiciens tribus hisce
libellis

EPIST. NVNCVPATORIA.


libellis, quanquam singulis seorsum & sine altero suus
 maneat honos, ita tamen alter alterius partes tuendas
 suscipit, ut ἀμαχέδαι Γερύονι τε βραπύλῳ ma-
 gis tutum fuerit, quàm horum compagem atque socie-
 tatis nodum dissoluisse. His accedit, De passim
 grassantibus morbis, Liber non minus quàm cæteri bo-
 næ tuendæ ualitudini utilis, quem nos addendum cen-
 suimus ueluti auctarium, ueriti ne quod ille tanta indus-
 tria orbi consulens, in mediũ protulerit, tempus edax
 rerum, absorberet. Quantum uero nobis exantlatum
 sit uigiliarũ in hoc autore pristinæ dignitati restituen-
 do, dicere supersedeo. Quibus carcinomatis atq; uomi-
 cis cicatrices induxerimus, is facile perspiciet, qui no-
 stra ueteribus est collaturus, quem penes iudiciũ esto.
 Illustrissime Comes, tu non modo dignus cui has dedi-
 cem opellas occurristi, sed planè uisus es aptus, ut qui
 simul ubi nactus aliquid ocij fueris, id libèter te in eius
 generis lectione omne positurum, compertũ habeam.
 Id uero ipsum in literis præstas, ut si quis politiori hu-
 manitati faucat, ab eo tibi uere gratulandum existi-
 mem. Texerem hic tuarum uirtutum fusiolem catalo-
 gum, nisi tecum agerem, qui sciam immoderationis te
 laudis contemptorem, & esse bonus potius quàm ui-
 deri mauis. Mihi autem uolupte est, quũ me tanti abs te
 fieri perspiciam, ut tua humanitate non modo ad altio-
 ra conanti addas animum, uerumetiam nihil tale pro
 meritum magnificencia tua iuues. Scio equidem nihil

EPIST. NVNCVPATORIA.

in me esse eiusmodi, quod te ista generositate atque dignitate uirum, ad amicitiam meam expetendam adducere debuerit: non tamen omittere possum, quin isto tuo uel beneuolentiae uel iudicij testimonio delecter plurimum, & de eo etiam tibi gratias agam immortales. Ex hac re facile quoque intelligo, quàm non sim expectationi de me tuae responsurus. Cui tamen, uti spero, satis à nobis quoque fiet modo, si uel perpetua grati animi memoria, uel ullo studiorum nostrorum fructu testimonij tui laudem sustinere atque tueri potero.

Vale felix studiosorum Mecœnas, &
hanc nostram opellam boni
consule.

INDEX TOTIVS H. I. V. S.
ENCHIRIDII NOVVS.



A Cida et stypti ca confortant stomachū. 26	na tempora consulenda. dum. 138 (160)
Aegrotantis amor fidesq; erga medicum plurimū confert. 205	Aëtites lapis partum cit. Agarici uis et laus. 295
Aëris electio ad uitæ lon- gitudinem. 62	Alectorij lapidis uis ex Dioscoride. 175
Aër temperatus serenuscq; studiosus usui. 24	Alimenta aurea. 71
Aër à Sole tenuatur. 16	Alimenta euchyma. 54
Aër nocturnus uitand. 66	Alimentis utendum non fa- cile putrescentibus. 62
Aër qualis ambiēs talis in nobis euadit spiritus. 95	Alimenta similia, corpori simili conferunt. 115
Aëre spiritus nutriri. 95	Aloë lota. 63
Aër præcipuum alterans corpus. 96	Aloë efficacia. 28
Aër nocturnus spiritibus inimicus. 151	Aloëtica pilulæ. 28
Aër uenenosus, quomodo accipiendum. 263	Aloë substātia proba. 269
Aëre puro pestis non con- sistit. 252	Alui astrictioris remedia.
Aetates quinque. 83	Ambrae facultas. 70 (91)
Aetati cuilibet iuxta Lu-	Ambra et muscus stypti- cam habet uirtutē. 70
	Amygdalinū lac melācho- licis esto familiare. 24
	Amygdalinum lac studio- rum mensis familiare esto. 42

INDEX

- Angelus Politianus. 244
 Animū cogitatiōe intentū
 corpus ferè deferere. 7
 Anima prædita omnia ui-
 uentia. 112
 Anima spiritus fomes. 231
 Animæ uirtus per quintā
 essentiā dilatatur. 114
 Animorū duces. 2
 Animalis uirtutis confor-
 tandi ratio. 136
 Animalia nutrimento futu-
 ra quomodo sagines. 62
 Animus adipe & sangui-
 ne suffocatus cœleste ni-
 hil peruidet. 15
 Anima mundi & stellarū
 dæmonumq; alliciuntur
 corporū formis. 112. 113
 Anni Climacterici seu de-
 cretorij. 103
 Anni initiū unde sumant
 Astrologi. 197
 Annus septimus quisq; iu-
 dicatorius. 103
 Anulos factos certo influ-
 xu, & stellarum nomini-
 bus appellatos, prisci ma-
 gni fecerunt. 142
 Apollonius anuli usu cen-
 tum annis uixit iuuenili
 forma. 142
 Apostematis curandi ra-
 tiones, modi, & cōditio-
 nes. 311. 312
 Apostematis doloris miti-
 gatio. 319
 Apostematis caro putris
 quomodo incidēda. 319
 Apostematis plaga quo-
 modo mūdificetur. 320
 Aquæ nitidæ aspectus stu-
 diosos recreat. 24
 Argentū subijci lunæ. 183
 Aromata cordialia. 69
 Aromatica cordi alimen-
 tum suppeditant. 95
 Artium experimentum
 fallax. 47
 Ars perfecta, nisi uitæ lon-
 gitudine non contingit.
 47. 48

Aspectus

INDEX

- Aspectus oppositus. 147
 Astrologos de stellis uitæ
 consulendos esse. 103
 Astrologia Medico neces-
 saria. 149
 Astronomica diligentia in
 uitæ actionibus lauda-
 tur. 228.229
 Astrorum minas cassari
 prudentia & temperan-
 tia. 103
 Atræ bilis proportio. 9
 Atræ bilis duplex. 8
 Atræ bilis morbi. 9
 Atræ bilis noxæ. 32
 Atræ bilis uitandæ præce-
 pta. 22.23.24
 Atræ bilis quomodo inge-
 niosos faciat. 11.12
 Atræ bilis quo pacto con-
 ducat ingenio. 11.12
 Atræ bilis ingenium labe-
 factans nō repente edu-
 cenda, sed paulatim. 32
 Atræ bilis terræ assimilā-
 tur. 5
 Atræ bilis curatio. 32.33
 Atræ bilis qualitas & re-
 media. 23.24
 Atræ bilē augentia. 22.41
 Aurū Ioui & Soli attine-
 re. 183
 Aurū esse Soli simile. 119
 Auri facultates. 71.301
 Auri potabilis descriptio.
 Auri potabilis fa-
 ciendi norma. Ibidem
 Aurora studijs amica. 16.
 Autoribus legendis (17
 hora accommoda. 19
B Alneandi opportu-
 nitas quæ potior.
 Bezoar lapides, (148
 mortis liberatores. 272
 Boli Armeni in peste usus.
 306
C Aloris ad humores
 tēperatura. 50.51
 Caloris naturalis pabulū.
 Canicie non omnia (49
 bus idem tempus. 90
 Canorū in iuuenibus ora-
 tus. 90
 Canis rabidi morsus cura

INDEX

- tio. 74 (24
 Cantus citharæq; facultas. 175
 Cantum afficere. 211
 Cantus solamē laborū. 87
 Cantus & uerba magnā
 uim ad beneficiū coeleste
 captandū habere. 206
 Capitis doloris medelæ. 30
 Capiti fouendo medicinæ.
 76
 Capitis pectendi ratio li-
 teratis obseruanda. 20
 Capricornus medicinis
 aduersus. 149
 Carnium abusus interdicitur. 59
 Carnes quæ salubres. 60
 Catarrhi remedia. 29
 Cause humoris melanco-
 lici. 5. 6. 7
 Causa potentior, prom-
 ptior ad agendū. 117
 Cephæ succo scriptas lites
 ras delitescences, ignis
 prodit. 196
 Cerebri cura diligens ha-
 benda. 3
 Chelidonium lapis curat
 melancholicos. 175
 Christophorus Landinus
 orator. 244
 Christus per cœlum ani-
 malia quæuis ad medici-
 nam instigat. 243
 Cibus adobrutus animus
 nihil tenue parit. 14
 Cibus nimius speculationi
 officit. 14. 15
 Cibus qualis & quomodo
 studioso sit ex usu. 25
 Cibo sumpto nō protinus
 lucubrandum. 26
 Cibi sumendi qualitas, &
 ordo, studiosis obseruan-
 Cibi senum. 75 (di. 25
 Cibi humidiores quibus
 sint condiendi. 63
 Clysteres adhibendi ante
 uenæ sectionem. 38
 Clysteribus quando uten-
 dum. 148
 Coctionē præ cæteris ubi-
 que curandam. 52. 53
 Coctionē remorantia. 53
 Coctionis

INDEX

- Coctionis necessitas & usus. 52
 Cœlū terræ maritus. 243
 Cœli potentia in inferiora. 177. 178
 Cœli figuræ efficacia. 184. 185. 186
 Cœlum agere posse uel in corpora durissima. 179
 Cœlū ipsum temperatissimum moderatur & temperat omnia. 200
 Cœlū suis fauere inceptis. 220. 221. &c.
 Cœlum quomodo agat in spiritum, corpus & animam. 219
 Cœlo similiores, ampliores alijs dotes referūt. 219
 Cœlestiū dona quomodo ad nos descendere dicamus. 219
 Cœlestiū uultus, uires inferioribus imprimendi habere potentiā. 184. 185
 Cœlestib. nos septē modis accommodare possumus. 214
 Cœlesti potestate et radiorum uiribus imagines plantantur uim sortiri. 177
 Cœlo nihil temperantius in mundo. 80
 Cœna sumpta, hora una uigiliæ sat est. 26
 Cogitatio intenta, cauenda. 89
 Coitus spiritus exhaurit subtiles, & cætera eius mala. 14
 Coitus à cibo protinus digestionem impedit. 52
 Coitus epilepsiæ species. 263
 Coitus comitali similis, Hippocratis sententia. 14
 Colores potentes qui. 156
 Color uiridis temperatissimus. 80
 Color uiridis fouet uisum. 72 (79)
 Cōfectio aurata. 72 (79)
 Confortatiua studiosis necessaria. 33
 Corallorum uis. 160
 Cordialia fouendis senibus. 69

INDEX

- Corporis et animæ æqualitas seruanda. 86
- Corpora coelestia imprisunt nonnunquam corpori nostro ad eligendū sæpe quod melius est, etiam si rationē finemq; nesciamus. 143
- Corpus dulcedine, spiritus aromaticitate nutriti. 95 (255)
- Corpora pesti obnoxia. 156
- Crocus solaris est. 156
- Cruditās ubiq; uitanda. 53
- Cruditās periculosa. 53
- Cruditati quomodo medeamur. 53
- D**æmonem quendā unicuique nascenti uitæ esse custodem. 220
- Dæmones hominum duo. 222
- Dieta peste correpti. 300
- Dieta & uictus senū. 65
- Dieta & uictus ratio tempore pestifero. 259
- Dieta melancholici. 23
- Dictami facultates. 160
- Decani planetarū. 145
- Democriti dictum. 8
- Democriti factum. 98
- Democritus panis calidi medulla uitā quoad placuit remoratus. 67
- Destillationis medelæ. 29
- Dies uigiliæ dicata, nox somno. 16
- Dei facientes adiunāt. 221
- Digestio bona, uitæ radix, necessaria ad uitam. 52.53
- Digestiones quatuor. 53
- Digestio quarta qualia exigit. 84
- Digestionis quartæ uehicula. 58
- Domus signorum. 146
- E**brietatis noxa. 52
- Ebrietatem furibundus facere. 14
- Edendi regula. 58.59.60
- Electuaria tutissima. 40
- Electuarium quando sumendum. 148
- Electuariū

INDEX

- | | |
|---|--|
| Electuarium admodum sa-
lubre. 100 | Fidem in imagines pluri-
mum conferre. 205 |
| Electuariū pro senib. 100 | Figura uniuersi quomodo
fabricanda. 197 |
| Electuariū Mesues. 39 | Figurarum in cœlo descri-
ptio & ordo. 146 |
| Elixer. 123 | Figuræ in et sub cœlo quā-
uim habeant. 184. 185 |
| Emplastra fortia. 315 | Figuræ cœlestes antiqui-
tus imaginibus impres-
se. 188 |
| Emplastra temperata. 316 | Flagitiosorum familiari-
tas pestilens est. 225 |
| Epidimiæ ortus causæ 251 | Flauæ bilis indicia. 31 |
| Epidimiæ præseruatricis
curatio. 267 | Fomentū seni mirificū 67 |
| Epularū qualitas. 58 | Frictionū singularum fa-
cultates ex Hippocrate. |
| Essentiæ quintæ materies | Fructus ex editis lo (19
cis salubriores. 62 |
| Euchymi cibi. 54 (114 | Fructuum humidiorū esto
parcior usus. 58 |
| Eufrasia oculis singulare
præsidium. 31 | G entilis & aliorum
cōposituræ cōtra
pestem. 267. 268 |
| Excrementorum tarditas
perniciosa. 17 | Glycyrrhiza calefacit &
refrigerat. 133 (225 |
| Excrementorū purgatio
ad curam necessaria. 53 | Glycyrrhiza senib. apta
68. |
| Exercitij usus. 54 | |
| Extenuatis uigilia quomo-
do medearis. 41. 42 | |
| F atigatio mala tum
corporis tum animi. | |
| Fides mirificam ha (21
bet potentiam. 205 | |
| Fides medicinæ est uita. 83 | |

I N D E X

- Gradus septem concilian-
 di superos. 207.208
 Gratia tres coniunctæ, Iu-
 piter, Sol, Venus. 128
 Gustus restaurandi medi-
 cinæ. 31
Habitatio qualis eli-
 genda. 62
 Hæmatitis imago contra
 uenena & morbos. 175
 Hebetudinis atq; obliuio-
 nis medelæ. 43
 Hebræi cur uitulū aureū
 in Aegypto extruxer-
 rint. 165
 Helleborus in Anticyra
 sumptus innoxius, alibi
 uero uenenum. 62
 Helleborus purgat ocul-
 ta proprietate. 202
 Helleborus rite adhibitus
 purgat & iuuenem fa-
 cit. 202
 Hepatis cura habenda stu-
 dioſo. 3. 4.
 Heracliti dictum. 11
 Herbae septem principa-
 les contra uenenū 275
 Herbae cor confortantes.
 275 (172)
 Herculei lapidis natura.
 Herodicus ualeudinarius
 prudentia uitā uixit lon-
 gæuam. 48
 Hesiodus à calumnia uin-
 dicatur. 63
 Hiarchæ dictum. 124
 Homo quatenus cœlo con-
 formis uiuit, eatenus re-
 portat & cœlestia do-
 na. 201
 Hominis natura secundū
 stellas. 117. 118
 Hora studijs opportuna.
 Horarū electio quid (19)
 ualeat. 163
 Hortorū nemorūq; usus
 studiosis conuenit. 24
 Humanæ speciei proprie-
 tas. 117. 118
 Humidiores epulæ aroma-
 ticis condiendæ. 58
 Humor quomodo natura-
 li calori contemperan-
 dus.

INDEX

- dus. 50.51
 Humor naturalis quibus
 causis areseat uel exun-
 det. 52
 Humores uitiosi quomodo
 expurgandi. 34
 Humanæ species planetis
 subiectæ. 118
 Humorum purgandorum
 obseruatio. 133
 Hyacinthus à fulmine tu-
 tum reddit. 160
 Hyacinthus animum exhi-
 larat. 24
Ignauis dii infensi. 221
Ignis usus in pestilentia
 li constitutione. 279
 Imago efficacior quâ fiat.
 Imaginū uires secun- (183
 dum priscos. 104.164
 Imagines secundū priscos,
 electa hora fabricatæ,
 sunt uultibus cœlestibus
 subiectæ. 164.165
 Imaginū uirtutes atq; me-
 dicinarū. 164.165.171.
 172.190
 Imagines quantā uim ha-
 bere putetur in spiritū,
 & spiritus in eas. 202
 Imaginationis intentio in
 medicinis maximi mo-
 menti. 206
 Imaginis imprimendæ apti-
 tudo cum stellis. 183
 Imaginum sculpendarū ri-
 tus antiquitus. 190
 Immoderati ad mediocri-
 tatem reductio. 56
 India Saturno subiecta.
 216 (216
 Indiæ populi longæui.
 Infantium sanguinē cur su-
 gant sagæ. 73
 Influxus alioqui natura-
 les, arte comparari
 posse. 232
 Ingenium & memoriam
 confirmantes medicinæ.
 26
 Ingeniū uniuscuiusq; qua-
 ratiōe cognoscatur. 225
 Ingeniū quisq; suū scrute-
 tur & fidus, ut prospere

INDEX

- ad illius præscriptū agat. 220. 221
- Ingenio plurimū conferre nocturnū somnū, obesse diurnum. 15. 16
- Iocinoris firmandi præcepta. 115
- Iouis gratiam ambire semper faustum, aliorū non æque. 132
- Iouis gratia inter Solem Veneremq; media. 128
- Iouialia simplicia 116. 154
- Iudiciū artiū difficile. 47
- Iupiter generationis princeps. 134
- Iupiter omnes naturæ potentias iuuat. 132. 133
- L** Ac senib. ex usu. 73
- Lac puellæ senibus conferre. 73
- Lac amygdalinū studiosis utile. 42
- Laboribus rusticis nō nunq; uti ex re est sanitatis. 54
- Lapidum certorum potentia. 171. 172. 183
- Lapidis è draconis capite exacti historia. 174
- Laurus à fulmine tuta 169
- Lazuli lapidis uirtus. 199
- Liquentiū conditio. 246
- Literati quibus uiuant obnoxij morbis. 4
- Lucubrationibus aptum tempus. 19
- Lucubratio nocturna studiosis inimica. 15. 16. 17
- Lunæ qualitates per sua tempora quatuor. 130
- Lunæ cursus diurni in partes quatuor diuisio. 131
- Luna Soli iuncta ab eo capit uirtutē uiuificā. 130
- Lunæ qualitates secundum quatuor ætates. 138
- Luna sub aliquo signo existente, caue membrū tangere ferro uel igne, cui præest illud signū. 148
- Lunares populi. 216
- Lunaris herba. 171
- Lux sicca, anima sapientissima. 11

Magia

INDEX

- M**agia duplex. 241.242
 Magū quem dicamus. 233
 Magorū medicinæ. 102
 Magnes cur ferrū trahat. 172.234
 Marathrū uisum acuit. 30
 Marathro serpētes exuūt senectutem. 71
 Marathrum dulce senibus prodesse. Ibidem
 Marsilij pater medicus multos peste correptos restituit. 249
 Materia disposita agens citò sortitur effectum.
 Matricis ad odores (254 mutatio. 99
 Medicinæ exordiū. 208
 Medicinis quàm imaginibus fortiores esse uires.
 Medicinæ corporis (176 & animæ. 86
 Medicinæ coelitus acquisitæ, & earundē uirtutes.
 Medicinæ ueneni (240 dissipatiuæ. 288
 Medicinæ singulis mēbris cōferentes & spiritibus.
 Medicinæ aëris (27.28 excessum tēperantes. 24
 Medicinæ senum. 83.91
 Medicina magica pro senibus. 102
 Medicinæ liquidæ. 37
 Medicinam purgatoriam quando sumere expedit.
 Medicinæ contra (149 pituitam. 28.29
 Melancholia duplex. 8
 Melancholicum faciētia.
 Melancholia & pi- (5.6 tuita abūdare studiosos. 5.6.7
 Melācholici fiunt literatī multis de causis. 5.6.7
 Melancholicos ingeniosos esse. 7.8.11.12
 Melancholici, plurimum cōtemplationibus dediti.
 Melancholia tempe (6.7 rata, uino similis. 11
 Melancholiæ æquabilitas.
 Melancholiæ adu- (9.10

B

INDEX

ſæ quatuor ſpecies	8	dioſo curanda.	3.4.
Melancholiæ noxæ .4.9		Memoriam tribus iuuari.	
Melancholia obſcuſcat ſpi		Menta recens ſpiris	(33
ritus.	9	tui ſalutaris.	99
Melācholiæ utrinque ui-		Mercurij proſopopœia ſe	
tandæ exceſſus.	10	nibus perſuadentis.	82
Melancholiam argentia.		Mercuriales homines qua	
Melancholiā ſoluen	(23	les potiſſimū.	146
tia pharmaca.	33.34	Mercurialia ſimplicia.	118
Melancholiæ purgandæ		Mortis cauſæ.	49.85
Galenī præceptū.	32	Mortem naturalē differri	
Melancholicus humor in		poſſe, Aſtrologiæ et Me	
ueteratus quomodo irri		dicorum præſidio.	104
tandus & ſoluendus.	37	Mundus animal.	232
Melancholiam uino molli		Mundi ſpiritus quomodo	
ri.	24	attrahatur.	123
Mel flos ſlorum.	98	Mundi tres colores.	198
Mel à putrefactione tue-		Mundi concordia.	117
tur.	98	Mundi corpus ubiq; uiuū.	
Mel cibus ſenibus amicus.		Musæ uirgines cur	(121
Membrorū ſouendo-	(75	ſingantur.	14
rum ratio.	138.139	Myrobalanorum facultate-	
Membra & uires iuuan-		tes.	26.68.101.102
tia.	27	Myrobalani conditæ me-	
Membrorum principalium		liores.	100
medicinæ.	27.28.29	Myrobalani iuuentutem	
Mēbra quæ præcipue ſtu		conſeruant.	160
		Myroba	

INDEX

Myrobalani senectutē morantur. 68

Natura nostra aëris qualitatem imitatur. 16

Naturæ facultates quatuor. 133

Nauseæ cura. 32

Nox somno tributa, uigilia dici. 16

Obletamenta uaria seni captāda. 66

Obluionis remedia. 43

Oculis grata. 80

Oculorum caligantiū medelē. 30

Odores spiritū recreant. 94 (94

Odore solo quosdā uiuere.

Odor nutriens. 98

Odor uini ante omnes nutrit. 99 (les. 24

Odores melancholicis uti

Odoribus suauibus & calidis utendū. 63

Oleum de scorpionibus cōficiendi norma. 282

Olympius Magus cōtra Plotinū Romæ disputās suis ipsius telis confossus est. 194

Opportunitas laudata.

Orationi magnam uim inesse. 24

Oui uitellus sanguinem reparat. 60 (60

Oui facultas ex Auicenna.

Paeoniā comitali ex sua uirtute occulta mederi. 160

Panis esto duplus ad oua, triplus ad carnes. 61

Pantauræ inuentor Apollonius. 172

Pantaura omniū in se lapidum uires cōtinet. 170

Parcæ tres. 105

Pelles uulpiū Medici uentant, agninas uero probant. 230

Pentaphylli uires. 161

Pestis signa. 257

Pestis uniuersalis & particularis causæ. 252

ß 2

INDEX

- Pestis fomenta. 252
 Pestis quæ corpora obnoxia. 252.253
 Pestis ex alio in aliū transiit. 253.254
 Pestis è terra prodeuntis signa. 253
 Pestilens uapor qua ratione homini contrarius sit.
 Pestis Florentiæ magna. 250
 Pestis signa. 257.278
 Pestis signa indicatiua cur fallacia. 257.258
 Peste laborantes cur sibi aliquādo sani uideantur. 257
 Pestis curandi rationes per sanguinis missionē. 283.
 Pestis curandi rationes physicae. 281.288
 Peste laborantis cibus, & regimen. 300
 Pharmacum uix mouere ubi Luna cum Ioue. 132
 Pilula aloëtica studiosis conferunt. 27.28
 Pilula aureæ siue Magicae. 34
 Pilula ad soluendā melancholiam. 34.35
 Pilula theriacales. 272
 Pilula Marsilij. 271
 Pilula pestilenciales. 268
 Pilula Nicoli. 269
 Pinei nuclei senibus familiarēs. 67
 Pineorum nucleorū præparatio. 71
 Pingues citò interire. 19
 Pituitæ indicia. 31 (4
 Pituita ingeniū suffocat.
 Pituitæ et atræ bilis studiosos esse obnoxios. 4.5
 Pituitæ uitandæ præcepta.
 Pituitæ expurgandæ (21
 pharmaca. 29.30
 Planetarum dignitates in signis ad usum medicinarū obseruandæ. 118.144.
 Planetis quomodo (146
 debemus uti in medicinis. 146.147
 Planetarū fines. 144
 Planetæ

INDEX

- Planetae quādo fortes. 134
 Planetarū oppositiones. 215
 Planeta quilibet sui (138
 orbis caput, cor, & ocul
 lus est. 217
 Planetae singuli quibus uir
 tutibus commodent, offi-
 ciant ue. 129. 130 &c.
 Planetarum qui singulis
 membris praesint. 148
 Planetarū unitas. 132
 Planetarum singulorum
 studia 120
 Planetae per ordinē infan-
 ti dominantes. 103
 Planetae cōtemplationem
 iuuantes tres. 15
 Plato philosophos ab lo-
 ue proficisci ait. 130
 Poëticas fores absq; furo-
 re frustra pulsari. 8
 Potionis ad cibū propor-
 tio debita. 61
 Problema. 74
 Problema cur metalla &
 lapides nō generent. 122
 Pueri & foeminae cur plu-
 rimū peste capiātur. 215
 Puluis ex fructibus humi-
 dioribus corruptionem
 praecauens. 63
 Puluis cōtra pestem. 289
 Purgatio repentina uehe-
 mensq; uitanda. 29. 35
 Purgatio bilis atrae. 34
 Purgatio exquisita sene-
 scere facit. 98
 Purgare sub quibus signis
 conueniat. 130 (247
 Pythagoræ praecepta.
 Q Valitas aromati-
 ca. 95
 R Adios stellarū pro
 natura sua uarie as-
 ficere posse. 180. 181
 Radij siderum terrae mo-
 lem ad centrum usq; pe-
 netrant. 178
 Radij coelestis efficacia.
 179. 180
 Radiorū ictibus aliter at-
 que aliter incidentibus
 diuersae uirtutes nascun-
 tur. 180

INDEX

Rasis canon.	261	Sanguinem clarificantia.	
Rasis præceptū ad iuven	273		
tutem diu seruandā.	56	Sanguis bonus qualis.	54
Rationes rerum similes		Sanguis bonus lōgæ uitæ	
tot, quot sunt idæ in men		utilis.	55
te diuina.	III	Sanguinis utilitas.	38
Rei effectus ex dispositio		Sanguis & humor, qua	
ne subiecti & forti agen		les esse debeant natura	
te pendere.	254	les.	54. 55
Ruptoriorū applicando		Sanguinis in aurora mo	
rum regulæ & modi.	313	tio fit.	16
Ruptoria composita mul		Sanguinis necessaria uitæ	
ta.	315	proportio ad cæteras	
Ruta aduersus uenena ua		qualitates.	55. 56
let.	161	Sanguinis abundantioris	
Sacchari facultas.	73	notæ.	38
Sacerdotes priscos		Sanguinis mittendi cano	
fuisse cum Medicos, tum		nes.	38
Astrologos.	239	Sanguis minuendus sub	
Salvia dentibus amica.	93	Cancro.	148
Salvia paralyfi aduersa.		Sanguinis humani potus.	
161	(4	73. 74	
Sanguis spiritui seruiens.		Sanguinis diffluentis reme	
Sanguineos quī agnoscas.		dia.	57 (76
277		Sanis conuiuere conducit.	
Sanguineis solum inciden		Satiætatîs mala.	14. 15
da uena. Ibidem		Satiætas studijs inimica.	23
		Saturni	

INDEX

- Saturni qualitas.** 118
Saturnus Venusq; æque
fugiendi. 89
Saturni die Moses nego-
cium interdixit. 218
Saturno & Marte uten-
dum tanquam uenenis.
 119
Saturnus senibus domesti-
cus. 77
Saturnus quibus aduersus,
& quibus amicus. 215
Saturnus Planetarū altis-
simus, stellis proximus,
primoque mobili simili-
mus. 217
Saturni die figurā sculpe-
re cauebimus. 198
Senū uictus qualis esse de-
beat. 66.67.71
Senum recreatio. 73
Senum potus. 73
Senum uitam lacte puella-
rum sustentari. 73
Senum diæta, habitatio,
consuetudo, medicinae.
 25.66
Senum purgatiões. 91
Senes à Planetis accipiant
adminicula ad omnia mē-
bra fouenda. 76.77
Senum confabulatio sub
Venere. 78.79
Senū naturam non esse ci-
borum pondere fatigan-
dam. 75
Senectutem uino molliri
Platonis sententia. 64
Senectuti amicæ medica-
nae. 67.68
Senectutem remorantia.
 66.67.68
Senectutem præproperā
adferunt Venus et Satur-
nus, & quomodo. 90
Septem modi superos con-
ciliandi. 214.215
Septenarij uitæ singuli, pe-
riculosi. 102.103
Septimo quolibet anno ui-
tæ impendent discrimi-
na. 103
Signa ex Solis communio
ne reddi uinidiora. 193

I N D E X

<i>Signa duodecim cœli quibus mēbris præſint.</i>	148	<i>tundem ſanguinis emanaret.</i>	14. 263
<i>Simile ſimili nutriri.</i>	94	<i>Spiritus definitio, ſecundū medicos.</i>	3 (152)
<i>Simplicium ruptiorum deſcriptio.</i>	310	<i>Spiritus natura qualis.</i>	
<i>Sitis medelæ.</i>	275	<i>Spiritus instrumentū.</i>	3. 4
<i>Sol omnes cœleſtium uirtutes habet.</i>	131	<i>Spiritus uitā ſuppeditat.</i>	
<i>Sol in leone uenenum deſpellere potens.</i>	125	<i>Spirituū cura habenda.</i>	(97 44)
<i>Sol Ioue ualidius agit.</i>	126	<i>Spiritui inimica qualitas Saturni.</i>	153
<i>Sol quando potentior.</i>	20	<i>Spirituū quomodo ſolare efficias.</i>	170
<i>Sol epidimiæ aduerſus.</i>	125	<i>Spiritus noſter quibus nutriendus.</i>	87
<i>Solaria ſimplicia.</i>	115	<i>Spiritus nutriri per odores.</i>	95. 96
<i>Solares homines qui.</i>	146	<i>Spirituum copia à ſomno.</i>	
<i>Solare corpus quo modo reddas.</i>	115	<i>Spirituū ſanguinis rationem obtinere.</i>	(18 4)
<i>Somnus nocturnus bonus, diurnus malus.</i>	61	<i>Spiritus uapor ſanguinis, instrumentū ſtudioſorū.</i>	
<i>Somnus meridianus uitandus.</i>	26	<i>Spiritus animalis tria fomenta.</i>	(3 96)
<i>Species ſingulæ ideas ſortiuntur ſuas.</i>	111	<i>Spiritus reſolutio quibus de cauſis fiat.</i>	6
<i>Sperma præter naturam profluens, plus debilitat, quàm ſi quadragies tantumdem ſanguinis emanaret.</i>		<i>Spirituū extra uel intro uocari</i>	

INDEX

- cari assidue, periculo-
 sum. 90
 Spirituum distractio ma-
 la. 17. 89
 Spirituum distractionem re-
 morantes medicinae. 99
 Spiritus, uires & membra,
 fontes medicinae. 27
 Spiritus coelestis qui fieri
 possit. 124. 125
 Spiritus mundi medius in-
 ter corpus & animam.
 Spiritus mundi (122. 124
 omnia generari. 122. 123
 Spiritus noster quomodo
 mundi spiritum hauriat per
 solis radios. 124. 150. 151
 Stellarum attractus quo-
 modo fiat. 118. 119. 120
 Stellarum fixarum poten-
 tia. 139. 140. &c.
 Stellae uirtutes occultas tri-
 buunt rebus naturalib.
 & artificiosis. 158. 159
 Stellae dant ordinem rebus,
 secundum Platonem. 168
 Stellis quae uis insit consi-
 derandum. 113
 Stellarum uigor quando ma-
 ximus. 189
 Stellaris herbae facultas.
 Stomachi medici (168
 nae. 31. 76
 Stomacho amica. 25
 Stomachi debilis alimen-
 ta. 60
 Stomachi fomenta extrin-
 secus. 26
 Stomachus somno fouetur.
 Stomacho imbecillo (17
 cauenda. 25. 26
 Stomachi cura. 25. 26
 Studij feliciter peragendi
 rationes. 15. 16
 Studij hora aptissima. 19
 Studiosorum cibi conuenien-
 tes. 21. 22
 Studiosorum pestis commu-
 nis. 29
 Studiosi quo uictu regenda.
 di. 23
 Studiosis fugienda. 49
 Studiosis utrinque pericu-
 la. 49

INDEX

Vinum quale studiosis con ueniat. 23	Virtutes stellarum occulte in materias operantes. 158.159.160
Vinū senum quale sit. 64	Visum oblectat color uiri dis, aqua, speculū. 124
Vinum bono sanguini ac commodatum. 57	Visus caligantis medelæ. 30
Vinum sic cicutæ uenenū esse, ut cicuta homini.	Vita est ex cōmissione per fecta qualitātū. 200
Vinum theriacis (100 simile. 65	Vitæ sedes in corde. 70
Vinum spiritum recreat. 66.94	Vita mundi in inanima tis. 150
Vinum aquosum & debi le fugiendum. 64	Vitæ mundi spiritus quī particeps fias. 150.151
Vinum iuuenibus miscen dum, senibus minus, fri gidis minime. 65	Vitā accipimus & nasci mur sub Ioue. 118
Viridis color cur præter cæteros uisum delectet iuuetq;. 79.80	Vitæ quinque gradus. 83
Viros magnos furore cor reptos. 8	Vita nostra, perpetua ser uitus. 230
Virtutē attractiuā igneis iuuari. 135	Vita per res temperatas permanens in spiritu re creatur. 81
Virtutum trium sedes & effectus. 3.4	Vitam producere cupien tibus quid agendū. 94.
Virtus cœlitus fauorē at trahens in quo cōsistat. (111	Vita longa ad scien tiæ perfectionem necessa ria. 47
	Vitam

INDEX

- Vitam longam unā & no
stra præstat diligentia. 197
- Vita consistit in calo (47
re & humore. 49
- Vitæ producendæ regulæ.
49. & per totum secun
dum librum. 148
- Vitam producere cupien
tes spirituum custodia ne
cessaria. 97
- Vitam longā quæ possint
præstare. 47. 48
- Vita quibus diu seruetur
incolumis. 48
- Vitæ producendæ neceßa
ria. 49. 87
- Vitam differri posse cona
firmatio. 104
- Vitæ sanæ neceßaria. 53
- Vitalis caloris alimentū.
- Vita malorum, mors (49
est bonorum 48
- Vitæ neceßaria est trans
quillitas animi. 245
- Vitelli ouorum utilitas ex
Auicenna. 60
- Vniuersitatis fabricandæ
modus. 197
- Voluptas spirituum esca.
89
- Vomere quando non li
ceat. 148
- Vultus cœli. 186
- Vultures et miluos pestilen
ti aëri cedere. 253
- Z**edoaria uis. 70.
161
- Zedoaria senibus commo
dissima. 70
- Zinziber seni prodest. 70
- Zinziber epulis infusum
arcere syncopim. 160
- Zinziberis conditi usus.
22. 70. 71
- Zinziber conditum manē
stomacho uacuo sumptū
sensibus & memoriæ cō
fert. 22. 43
- Zodiaci per figuras parti
tio & stellas. 113
- Zodiaci signorum ad men
bra respectus. 148

FINIS.

MARSILII FICINI FLOREN

tini in librū de Vita, ad magnanimū Laurentiū

Medicē patriæ seruatorem, Epistola
dedicatoria.



ACHVM Poëtæ summū an-
tistitem sacerdotū, bis natum canūt.
Fortè significantes, uel futurū sacer-
dotem statim initiatum, oportere re-
nasci: Vel perfecti tandem sacerdo-
tis mentem deo penitus ebriam, iam uideri renatā: Aut
forſan humiliorē ſenſu, uinum Bacchi germen genera-
ri ſemel in uite quaſi Semele, maturis ſub Phœbo race-
mis: regenerari rurſum poſt ipſum uindemiæ fulmen
in ſuo uaſe uinum, uelut in Iouis ſcœmore merū. Sed de
ſacris in præſentia myſterijs nō eſt loquendū, ubi mox
phyſica potius ope languentibus opitulaturi ſumus.
Nec agendum ſtylo grauitatis ſeruo, ſed libero potius
& iocoſo, poſtquā à Libero patre neſcio quomodo ſta-
tim exorſi ſumus. Et recte inquā neſcio quomodo, nam
fortè prudentior aliquis à Phœbo medicorum primo,
potius quā à Baccho medicinam auſpicatus eſſet.
Quid uero? Si quod non uanum omen ſit in ore nunc
ſorte quadā proferente Bacchum. Hic enim almo quo-
dam uino ſecuritateq; lætiſſima, ſalubrius fortè medea-
tur, quā herbis ille ſuis carminibusq; Phœbus. Quo-
cunq; uero ſenſu uel illa uel hæc acceperis, dux ille ſa-
cerdotum Bacchus, geminas quaſi matres habuiſſe fer-
tur,

MARS. FIC. EPISTOLA.

tur. Melchisedech autem summus ille sacerdos, unam
uix matrem, unum uix patrem habuit. Ego sacerdos
minimus, patres habui duos, Ficinū medicum, Cosmīe
Medicen. Ex illo natus sum, ex isto renatus. Ille quidē
me Galeno, tum medico, tum Platonico cōmendauit:
hic autem diuino consecrauit me Platoni. Et hic simili-
ter atq; ille Marsilium medico destinauit: Galenus qui-
dem corporū, Plato uero medicus animorum. Iandiu
igitur sub Platone salutarem animorū exercui medici-
nam, quando post librorum omnium eius interpreta-
tionem, mox decem atq; octo de animorum immorta-
litate libros, et æterna felicitate composui, ita pro uir-
ribus patri meo Medici satisfaciens. Medico uero patri
satis deinceps faciendum putans, librum De literatorū
ualetudine curanda cōposui. Desiderabant præterea
post hæc homines literati, non tantum bene quandoq;
ualere, sed etiā bene ualentes, diu uiuere. His ergo de-
inde librū De uita longa dedi. Diffidebant autem me-
dicinis atque remedijs in re tanta terrenis: Adiunxi li-
brum De uita, tum ualida, tum longa cœlitus compa-
randa, ut ex ipso mundi corpore uiuo, uita quædam ue-
getior in corpus nostrum quasi quoddam mundi mem-
brum, uelut ex uite propagaretur. His uero tu medi-
cinæ libris ignosce precor indulgentissime Laurenti, si-
dum medicus esse uolo, nescio quomodo etiam nolens
sum etsi nō bonus sæpe poëta. Nam et Phœbus idem
est medicinæ repertor, poësisq; magister, uitamq; ille

MARS. FIC. EPISTOLA.

suam nobis non tam per herbas quàm per citharã can-
tumq; largitur. Ipsa quinetiã Venus apud Astrologos
Musicum æque parit & Medicum. Sed hætenus dum
literatorum ciuiumq; similium uitæ curiosius consulo,
librorũ meorum salutem negligo, quandiu inter se pa-
tior esse seiunctos. Quamobrem in eos nunc primum
pius, in corpus unum copulo. Cuius artubus in unam
formam iam cõpactis, uita protinus adsit. Non potest
autem hoc opus physicum, id quasi corpus meum, ui-
tam accipere nisi meã. Eiusmodi uero uita ex mea dun-
taxat pendet anima. Hæc autem iandiu penes te ma-
gnanime Laurenti mi patrone uiuit, in ea præsertim
amplissimarũ ædium tuarum parte, ubi unã cum Pla-
tone, nostrum illud de animorum immortalitate ser-
uatur opus tuo iam pridem nomini dedicatum. At ani-
mus iste meus, etsi in beata quadam quasi patria penes
te uitam agit, ueruntamen quod & Theologi uolunt,
inquietus est interea, donec opus id physicum tanquam
suum corpus accipiat. Accipe igitur optime Laurenti
post illos de Anima, hos etiam de corpore libros, eos-
demq; afflatu, quo & illis dudum, feliciter his aspira.

Ita enim & corpus hoc sub tuo spiritu, per
suam uiuet animã, & anima uicissim
nostra cum iam suo corpore
in tuis laribus con-
quiescet.

MARSILII FICINI

FLORENTINI MEDICI ATQVE

philosophi celeberrimi, de Studiosorum sa-

nitate tuenda, siue eorum qui literis

operam nauant, bona ualetu-

dine conseruanda,

LIBER PRIMVS.

DE NOVE M STUDIOSORVM

DVCIBVS. CAP. I



Vicunq; iter illud asperum
arduumq; et longum ingre
diuntur, quod quidem uix
tandem ad excelsum nouē
Musarū templū assiduo la
bore perducit, nouē omni
no itineris huius ducibus in
digere uidentur: Quorum primi quidem tres in cœlo,
tres sequentes in animo, postremi tres in terra, nos du
cunt. Principio, in cœlo Mercurius, ut inuestigādo Mu
sarum iter aggrediamur, uel impellit uel adhortatur:
si quidem Mercurio tributum est inuestigationis omnis
officium. Deinde Phœbus ipse, et quærentes animos et
res quæsitæ splendore uberrimo sic illustrat, ut perspi
cua quod quærebatur, à nobis inueniatur. Accedit gra
tiosissima Venus, Gratiarū mater, atq; almis omnino
lætisq; radijs suis, rem omnem adeò condit et ornat, ut

A

DE STUDIO SVRVM

quicquid & instigante Mercurio quæsitum fuit, & monstrante Phœbo iam erat inuentum, mirifica quædam & salutari uenustate Veneris circumfusum, delectet semper & proffit. Sequuntur tres itineris huius duces in animo, uidelicet uoluntas ardens & stabilis, acumen ingenij, memoria tenax. Tres in terra postremi sunt, prudentissimus paterfamiliâs, probatissimus præceptor, medicus peritissimus. Absq; his nouem ducibus nemo ad ipsum nouem Musarum templum peruenire uel potuit, uel poterit unquam. Cæteros quidem duces ab initio nobis præcipue Deus omnipotēs naturaq; tribuerūt, tres uero postremos nostra adhibet diligentia. Sed præcepta officiaq; quæ ad patremfamiliâs, et quæ ad præceptorem circa literarum studia pertinent, antiqui plures sapientesq; tractauerunt, præcipue Plato noster, & sæpe aliâs, & in libris de repub. ac de legibus diligentissime. Deinde Aristoteles in Politicis, Plutarchus quoq; & Quintilianus egregie. Solus autem literarum studiosis hæcenus deest medicus aliquis, qui manum cunctibus porrigat, salutaribusq; consilijs atq; medicinis adiuuet eos, quos neq; cælum, neq; animus, neque paterfamiliâs præceptor uel destituit. Ego igitur sortem eorum laboriosissimam miseratus, qui difficile, Minervæ minuētis neruos, iter agunt, primus tanquā medicus debilibus et uoletudinarijs adsum, sed utinam facultate tam integra, quā propitia uoluntate. Surgite iam adolescentes, Deo duce alacres: Surgite iuuenes, atq;

SANITATE TVENDA LIB. I

nes, atq; uiri, quos ardentius Mineruæ studiū nimium enervat: Accedite libenter ad medicum, qui uobis ad instituti uestri perfectionem, monstrante Deo atq; fauente, consilia remediaq; salutaria largitur.

Quàm diligens habenda cura sit cerebri, cordis, stomachi, & spiritus. Cap. II

P Rincipio quantam cursores crurium, athletæ brachiorū, Musici uocis curam habere solent, tantam saltem literarū studiosos cerebri, et cordis, iocinorisq; & stomachi oportet habere rationē: imò uero tanto maiorem, quanto et membra hæc præstantiora quàm illa sunt, & ij frequentius atq; ad potiora his membris, q̃ illi illis utuntur. Præterea solers quilibet artifex instrumenta sua diligentissime curat: penicillos pictor, malleos incudesq; faber ærarius, miles equos & arma, uenator canes & aues, citharam citharædi, cetera sua quisq; similiter. Soli uero Musarum sacerdotes, soli summi boni ueritatisq; uenatores, tã negligentes (proh nefas) tamq; infortunati sunt, ut instrumentū illud, quod mundū uniuersum metiri quodammodo et capere possunt, negligere penitus uidentur. Instrumentū eiusmodi spiritus ipse est, qui apud medicos uapor quidā sanguinis, purus, subtilis, calidus, & lucidus definitur. Atq; ab ipso cordis calore, ex subtiliori sanguine procreatus uolat ad cerebrum, ibiq; animus ipso ad sensus tam interiores quàm exteriores exercendos assidue utitur.

4 DE STUDIO SVRVM

Quamobrem sanguis spiritui seruit, spiritus sensibus, sensus deniq; rationi. Sanguis autem à uirtute naturali, quæ in iocinore stomachoq; uiget, efficitur. Tenuissima sanguinis pars fluit in cordis fontem, ubi uitalis uiget uirtus. Inde creati spiritus cerebri, & (ut ita dixerim) Palladis arces ascendunt: In quibus animalis, id est, sentiendi mouendiq; uis dominatur. Itaq; talis plurimum fermè contemplatio est, quale sensus ipsius obsequium. Talis autem sensus, qualis et spiritus: spiritus uero talis, qualis et sanguis: & tres illæ uires quas diximus, naturalis scilicet, uitalis, et animalis, tales, ut sunt à quibus, per quas, in quibus spiritus ipsi concipiuntur, nascuntur, atq; fouentur.

Literatos pituitæ & atræ bili obnoxios esse. Cap. III

Non solum uero membra illa, uiresq; & spiritus, homines literarum cupidi curare diligentissime debent, uerumetiam pituitam semper & atrabilem, non aliter quàm nauigantes Scyllam atq; Charibdim, cautissime deuitare iubentur. Quantum enim reliquo corpore ociosi sunt, tantum cerebro ac mente negociosi. Inde pituitam, quod Græci phlegma: hinc atram bilem, quam iidem melancholiam uocant, genere compelluntur. Illa quidem ingenium sæpe obtundit & suffocat, hæc uero si nimium abundauerit flagrauerit ue, assidua cura crebrisq; deliramentis uexat
animum

SANITATE TVENDA LIB. I

animum iudiciūq; perturbat: ut non immeritò dici possit, literatos fore præcipue sanos, nisi pituita molesta esset: & lætissimos sapientissimosq; omnium, nisi bilis atræ uitio uel mœrore sæpe, uel interdum desipere cogerentur.

Quot sint causæ, quibus literati melancholici sint, uel fiant. Cap. II II

VT autem literati sint melancholici, tres potissimum causarū species faciunt: Prima cœlestis, secunda naturalis, tertia est humana. Cœlestis, quoniam Mercurius, qui ut doctrinas inuestigemus inuitat, et Saturnus, qui efficit ut in doctrinis inuestigandis perseueremus, inuentasq; seruemus, frigidi quodammodo sicciq; ab Astronomis esse dicuntur: uel si forte Mercurius non sit frigidus, fit tamen sæpe Solis propinquitate sicciissimus, qualis est natura apud medicos melancholica: eandemq; naturā Mercurius ipse et Saturnus literarū studiosis, eorum sectatoribus impertiunt ab initio, ac seruant augentq; quotidie. Naturalis autem causa esse uidetur, quod ad scientias præsertim difficiles consequendas, necesse est animum ab externis ad interna, tanquam à circumferentia quadam ad centrum sese recipere, atq; dum speculatur in ipso (ut ita dixerim) hominis centro stabilissime permanere. Ad centrum uero à circumferentia se colligere, figiq; in centro, maxime terræ ipsius est propriū, cui quidem atræ

DE STUDIO SVRVM

bilis perſimilis eſt. Igitur atra bilis animũ, ut ſe & col-
ligat in unum, & ſiſtat in uno contempleturq; aſidue
prouocat. Atq; ipſa mundi centro ſimilis, ad centrum
rerum ſingularum cogit inueſtigandum, euehitq; ad
altiſſima quæq; comprehendenda: quandoquidem cum
Saturno maxime congruit altiſſimo planetarum. Con-
templatio quoq; ipſa uiciſſim aſidua quadã collectio-
ne & quaſi compreſſione, naturam atræ bili perſimis-
lem cõtrahit. Humana uero ea ex nobis cauſa eſt. Quo-
niam frequens agitatio mentis, cerebrum uehementer
exiccatur: igitur humore magna ex parte conſumpto
(quod caloris naturalis pabulum eſt) calor quoq; plu-
rimum ſolet extingui, unde natura cerebri ſicca frigi-
daq; euadit, quæ quidem terreſtris et melancholica qua-
litas nominatur. Præterea ob frequentiſſimum inqui-
ſitionis motum, ſpiritus quoq; moti continuè reſoluun-
tur: Reſolutos autem ſpiritus, ex ſubtiliore ſanguine
inſtaurari neceſſarium eſt. Quapropter ſubtilioribus
clarioribusq; ſanguinis partibus ſæpe conſumptis, re-
liquus ſanguis neceſſariò denſus redditur & ſiccus &
ater. Accedit ad hæc, quod natura in contemplatione,
cerebro prorſus cordiq; intentæ, ſtomachũ heparq; de-
ſtituit. Quare alimentis præſertim uel uberioribus uel
durioribus male concoctis, ſanguis inde frigidus craſ-
ſusq; & niger efficitur. Demum nimio membrorum
ocio neq; ſuperflua excernuntur, neq; glutinoſi, tena-
ces, ſuſciq; uapores exhalant. Hæc omnia melancholia
cum

cum spiritum, mœstumq; & pavidum animum affice-
re solent. Siquidem interiores tenebræ multo magis q̃
exteriores, mœrore occupant animũ atq; terrent. Ma-
xime uero literatorum omnium hi atra bile premun-
tur, qui sedulo philosophiæ studio dediti, mentem à cor-
pore rebusq; corporeis seuocant, incorporeisq; cõiun-
gunt: tum quia difficilius admodum opus maiori quo-
que indiget mentis intentione, tum quia quatenus men-
tem incorporeæ ueritati coniungunt, eatenus à corpo-
re disiungere compelluntur. Hinc corpus eorum non-
nunquam, quasi semianimum redditur atq; melancho-
licum. Quod quidem Plato noster in Timæo signifi-
cat, dicens, animum diuina sæpißime & intensißime
contemplãtem, alimentis eiusmodi adcõ adollescere po-
tentemq; euadere, ut corpus suum suprã quã natura
corporis patiatur exuperet, ipsumq; uehementioribus
agitationibus suis aliquando uel effugiat quodammo-
do, uel nonnunquam quasi dissoluere uideatur.

Cur melancholici ingeniosi sint, & qui
horum sint eiusmodi, aut secus.

Caput V

HActenus quam ob causam Musarum sacerdotes
melancholici uel sint ab initio, uel studio fiant,
rationibus primo cœlestibus, secundo naturalibus, ter-
tio humanis ostendisse sit satis. Quod quidem cõfirmat
in libro problematũ Aristoteles: Omnes enim, inquit,

A 4

uiros in quauis facultate præstātes melancholicos exti-
tisse. Qua in re Platoniciū illud quod in libro de scien-
tia scribitur, confirmauit: ingeniosos uidelicet pluri-
mum concitados furiososq; esse solere. Democritus quo-
que nullos, inquit, uiros ingenio magnos, præter illos
qui furore quodam perciti sunt, esse unquam posse.
Quod quidem Plato noster in Phædro probare uide-
tur, dicens poëlicas fores frustra absq; furore pulsari.
Etsi diuinam furorē hic forte intelligi uult, tamen neq;
furor eiusmodi apud physicos, alijs unquam ullis, præ-
terquam melancholicis incitatur. Deinceps uero asig-
nandæ à nobis rationes sunt, quare Democritus &
Plato & Aristoteles asserant, melancholicos nōnullos
interdum adeo ingenio cunctos excellere, ut non huma-
ni, sed diuini potius uideantur. Asseuerant id Demo-
critus, Plato et Aristoteles absq; dubio: rationem uero
tantæ rei haud satis explicare uidentur. Audendum ta-
men (monstrante Deo) causas indagare. Melancholia
(id est atra bilis) est duplex: Altera quidem naturalis
à medicis appellatur, altera uero adustione contingit.
Naturalis illa nihil est aliud, quàm densior quædam
sicciorq; pars sanguinis. Adusta uero in species qua-
tuor distribuitur. Aut enim naturalis melancholiæ, aut
sanguinis purioris, aut bilis, aut salis pituitæ combus-
tione concipitur. Quæcumq; adustione nascitur, iudici-
o & sapientiæ nocet; nempe dum humor ille accen-
ditur atq; ardet, cōcitatos furentesq; facere solet: quam
Græci

Duplex me-
lancholia.

SANITATE TVENDA LIB. I 9

Græci Maniam nuncupāt, nos uero furorem. At quando iam extinguitur, subtilioribus clarioribusq; partibus resolutis, solaq; restante fuligine tetra, stolidos reddit & stupidos, quæ habitum melancholiam proprie & amentiam uecordiamq; appellant. Sola igitur atra bilis illa quam diximus naturalem, ad iudicium nobis sapientiamq; cōducit. Neq; tamen semper. Sanè si sola sit, atra nimium densaq; mole obfuscet spiritus, terret animum, obtundit ingeniū. Si uero pituitæ simplici miscetur, quum frigidus obstiterit circū præcordia sanguis, crassa quadam frigiditate segnitiam adducit atq; torporem, atq; ut densissimæ cuiusq; materiæ natura est, quādo eiusmodi melancholia frigescit, ad summum frigiditatis incenditur. Quo in statu nihil speratur, timeantur omnia, tædet cœli conuexa tueri. Si bilis atra uel simplex uel mixta putrescit, quartanam gignit febrem, lienis tumores, & multa generis eiusdem. Vbi nimis exuberat, siue sola sit, siue coniuncta pituitæ, spiritus crassiores facit atq; frigidiores, cōtinuò animum afficit tædio, mentis aciem hebetat, nec salit arcadico circum præcordia sanguis. Oportet autem atram bilem neq; tam paucam esse, ut sanguis, bilis, & spiritus quasi freno careant: unde instabile ingeniū labilemq; memoriam esse contingat: Neq; tam multā, ut nimio pondere prægrauati dormire atq; egere calcaribus uideamur. Proinde necessarium est, omnino eam esse quoad eius natura patitur, subtilissimam. Si enim te

nua: pro natura sua maxime fuerit, poterit forsitan
 absq; noxa etiam esse multa, atq; etiam tanta ut æqua-
 re bilem saltem pondere uideatur. Abundet igitur atra
 bilis, sed tenuissima: non careat humore subtilioris
 pituitæ circumfuso, ne are scat prorsus durissimaq; eu-
 dat. Non tamen misceatur omnino pituitæ, præsertim
 uel frigidiori uel multæ, ne frigescat: Sed bili sangui-
 niq; ad eò misceatur, ut corpus unum conficiatur ex tri-
 bus, dupla sanguinis ad reliqua duo, pro portione con-
 positum. Vbi octo sanguinis partes, duæ bilis, duæ ite-
 rum atræ bilis portiones existant. Accendatur aliquan-
 tulum à duobus illis atræ bilis, accensaq; fulgeat, non
 uratur: ne, quemadmodū solet materia durior, dum fer-
 uet nimium, uehementius urat & concitet: dum uero
 refrigerat, similiter frigescat ad summum. Bilis enim
 atræ ferri instar, quando multum ad frigus intenditur,
 friget ad summum: quando contrà ad calidū ualde de-
 clinat, calet ad summum. Neque mirum uideri debet
 atræ bilem accēdi posse facile, atq; accensam uehemen-
 tius urere. Siquidem uidemus calcem illi similem, aqua
 perfusam feruere statim atq; exurere. Tantā ad utrun-
 que extremū melancholia uim habet, unitate quadam
 stabilis fixæq; naturæ. Quæ quidem extremitas cæte-
 ris humoribus non contingit. Summe quidē calens sum-
 mam præstat audaciam, imò ferocitatem: extreme ue-
 ro frigans, timorem ignauiamq; extremam. Medijs ue-
 ro inter frigus caloremq; gradibus affecta uarie, affe-
 ctus

SANITATE TVENDA LIB. I 18

Flus producit uarios, non aliter quàm merum, & ræcia
pue potens, bibentibus ad ebrietatem uel etiam paulò
liberius affectus inferre uarios solet. Igitur opportune
temperata sit atra bilis oportet. Quæ quū ita modera
ta est, ut diximus, & bili sanguiniq; permixta, quia et
natura sicca est, & conditione quantum ipsius natura
patitur tenuissima, facile ab illis accenditur, quia solida
est atq; tenacissima: accensa semel diutissime flagrat,
quia tenacissimæ siccitatis unitate potentissima est, ue
hementius incalescit. Quemadmodum lignum in pa
leis si utraq; accendatur, magis diutiusq; calent & lu
cent. Atqui à diurno uehementiq; calore, fulgor in
gens, motusq; uehementis et diurnus proficiuntur. Huc
tendit illud Heracliti: Lux sicca, anima sapientissima.

Quo pacto atra bilis ingeniosos
efficiat. Cap. VI

QUæret forte quispiam, quale sit corpus illud
humoris eiusmodi ex tribus illis humoribus,
ea qua diximus proportionem conflatum? Tale est fer
mè colore, quale aurum esse uidemus, sed aliquantum
uergit ad purpuram. Et quando tam naturali calore
quàm uel corporis uel animi motu accenditur? fermè
non aliter quàm ignitū rubensq; aurum, purpureo mi
xtū calet & lucet, atq; uelut iris trahit uarios flagan
te corde colores. Quæret aliquis iterum, quonam pa
cto humor eiusmodi conducat ingenio? Nempe spiris

tus ex hoc humore creati, primo quidem subtiles sunt, non aliter quàm aqua illa quam & Vitæ, seu Vitis aquam nominant et Ardentem, quoties ex crassiori mero, quadam ad ignem destillatione, ut fieri solet, exprimitur. Spiritus enim sub angustioribus atræ bilis eiusmodi compressi meatibus, uehementiore ob unitatem calore, maxime tenuantur, perq; arctiores meatus expressi, subtiliores erumpunt: deinde calidiores similiter atq; eadem ratione lucidiores: tertio, motu agiles, actione uehementissimi: quarto, solido stabiliq; humore iugiter emanantes, actioni diutissime seruiunt. Tali autem animus noster obsequio fretus indagat uehementer, perseuerat inuestigando diutius. Facile quæcunq; inuestigauerit, inuenit, clare perspicit, sincere diiudicat, ac diu retinet iudicata. Adde quod quemadmodum in superioribus significauimus, animus instrumēto siue incitamento eiusmodi, quod centro mundi quodammodo congruit, atq; (ut ita dixerim) in suum centrum animum colligit, semper rerum omnium & centra petit, et penctralia penetrat. Congruit insuper cum Mercurio atq; Saturno: quorum alter omniū Planetarum altissimus, inuestigantem euehit ad altissima. Hinc philosophi singulares euadunt, præsertim quum animus sic ab externis motibus atq; corpore proprio seuocatus, & quamproximus diuinis, diuinorum instrumentum efficiatur. Vnde diuinis influxibus oraculisq; ex alto repletus, noua quædam inusitataq; semper excogitat

SANITATE TVENDA LIB. I 13

gitat, & futura prædicit. Quod non solum Democri-
tus atq; Plato affirmant, sed etiam Aristoteles in Pro-
blematum libro, & Auicenna in libro Diuinorum, &
in libro de Anima consentitur. Quorsum hæc de atra
bilis humore tam multa? Vt meminerimus, quantum
atra bilis, imò candida bilis eiusmodi quærenda &
nutrienda est tanquam optima, tantum illam quæ con-
trà se habet, ut diximus, tanquã pessimam esse uitan-
dam. Adeò enim dira res est, ut à malo dæmone eius
impetus instigari Serapio dixerit, & Auicenna sa-
piens non negauerit.

Quinq; præcipue studioforum hostes, scilicet Pi-
tuita, Atra bilis, Coitus, Satietas, Matuti-
nus somnus. Cap. VII

VT autem redeamus illuc unde iam longius di-
gressi sumus, longissima uia est quæ ad uerita-
tem sapientiamq; perducit, grauibus terræq; marisq;
plena laboribus. Quicunq; igitur hoc iter aggrediun-
tur, ut poëta quispiam diceret, sæpe terra mariq; peri-
clitantur. Siue enim mare nauigent, continuè inter flu-
ctus, id est humores duos, pituitam scilicet & noxiam
illam melancholiã, quasi inter Scyllam Charibdimq;
iactantur: Siue terra (ut ita dixerim) iter agant, tria
monstra protinus sese illis obijciunt: Primum terrena
Venus, secundum Bacchus & Ceres, tertium nocturna
Hecate frequenter opponit. Ergo & Apollo ab æ-

there, & Neptunus ab æquore, & à terra Hercules
 sepe uocandi, ut monstra eiusmodi Palladi inimica,
 iaculis Apollo transfigat, Neptunus tridente domet,
 claua Hercules contundat & laceret. Primum quia
 dem monstrum est uenericus coitus, præsertim si uel pau-
 lum uires excesserit: subito nanque exhaurit spiritus,
 præsertim subtiliores, cerebrumq; debilitat, labefactat
 stomachum atque præcordia, quo malo nihil ingenio
 aduersus esse potest. Cur nam Hippocrates coitum
 comitiali morbo similem iudicauit? nisi quia mentem,
 quæ sacra est percellit, tantumq; obest, ut Auicenna in
 libro de Animalibus dixerit: Si quid spermatis supra
 quam natura toleret, coitu profluat, obesse magis, q̃
 si quadragies tantundem sanguinis emanarit, ut non
 iniuria prisca Musas atq; Mineruam uirgines esse uo-
 lucrint. Huc Platonium illud spectat, quum Venus
 Musis minitaretur, nisi sacra ueneria colerent, se con-
 tra illas suum filium armaturam. Responderunt Musæ,
 Marti, ô Venus, Marti talia minitare: Tuus enim
 inter nos Cupido non uolat. Denique natura nullum
 sensum longius quam tactum ab intelligentia segrega-
 uit. Secundum monstrum, est uini cibiq; satietas. Qui-
 pe si uinum uel nimium uel nimis calidam uehemensq;
 fuerit, caput ipsam humoribus pessimisq; fumis imple-
 bit. Mitto quod insanos facit ebrietas. Cibus uero ni-
 mius, primum quidem ad stomachum, in ipso coquen-
 do omnem naturæ uim reuocat. Quo fit, ut capiti simul
 speculationiq;

SANITATE TVENDA LIB. I 15

speculationique intendere nequeat. Deinde inepte co-
ctus, multis & crassis uaporibus humoribusq; aciem
mentis obtundit. Quinetiam si satis coquatur, tamen
ut Galenus ait, animus adipe & sanguine suffocatus,
coeleste aliquid peruidere non potest. Tertium denique
monstrum est, ad multam noctem, præsertim post coe-
nam frequentius uigilare; unde etiam post ortum Solis
dormire cogaris. Quoniam uero in hoc errant fallun-
turq; studiosi permulti, idcirco quantum ingenio no-
ceat, latius explicabo, atq; rationes septem præcipuas
afferam: Primam ab ipso cælo, Secundam ab elemen-
tis. Tertiam ab humoribus, Quartam ab ordine re-
rum, Quintam à natura stomachi, Sextā à spiritibus,
Septimam à phantasia deductas. Principio, tres Pla-
netæ, quemadmodum in superioribus dicebamus, con-
templationi & eloquentiæ maxime fauent, Sol, Ve-
nus atque Mercurius. Hi uero paribus fermè passibus
concurrentes, aduentante nocte nos fugiunt, die uero
uel propinquante, uel iam surgente resurgūt, nosq; re-
uisunt. Post uero Solis ortum in plagam cæli duodeci-
mā, quæ carceri tenebrisq; ab Astronomis assignatur,
repente traduntur. Ergo nō qui uel nocte quando nos
fugiunt, uel die post Solis ortū, quando carceris tene-
brarumq; domum intrant, sed qui uel propemodū pe-
tentibus ortū, uel iam surgentibus ad contemplandum
scribendumq; ipsi quoq; consurgunt, ij soli acutissime
speculātur, & eloquentissime inuenta sua scribūt atq;

componunt. Ratio secunda scilicet ab elementis est talis: Oriente sole mouetur aer, tenuaturq; & claret, occidente uero contrà. Sanguis autem et spiritus, motum qualitatemq; aeris circumfusi, naturaq; similis sequi necessario compelluntur. Tertia ratio, quæ ab humoribus ducitur, est eiusmodi: In aurora mouetur sanguis, & regnat, motuq; tenuatur & calescit & claret, spiritus uero sanguinem sequi imitariq; solent. Verum accedente nocte melancholia illa crassior & frigidior, atq; pituita dominantur, quæ spiritus ad speculandum ineptissimos proculdubio reddunt. Quarta ratio, que trahitur ab ordine rerum, hæc erit: Dies uigiliæ, nox somno tributa est. Quoniam quum sol uel ad hemispherium nostrum accedit, uel super ipsum incedit, radijs suis meatus corporis aperit, atq; à centro ad circumferentiam humores spiritusq; dilatat, quod quidem ad uigiliam actionesq; excitat atq; conducit. Contrà uero quando recedit, omnia coarctantur, quod naturali quodam ordine inuitat ad somnum, maxime post tertiam aut quartam noctis partem. Quisquis igitur manè quidem dormitat, quādo sol mundusq; excitat, ad multam uero noctem uigilat, quando natura dormire iam & à laboribus quiescere iubet, hic absq; dubio quum ordini uniuersi, tum sibi ipsi repugnat, dum contrarijs simul motibus perturbatur atq; distrahitur. Sanè dum ab uniuerso mouetur ad extrema, ipse sese mouet ad intima. Atq; contrà, dum ab uniuerso ad intima trahitur,

tur, ipse se interim retrahit ad externa. Ergo peruer-
 so ordine motibusq; contrarijs, tum corpus totū, tum
 spiritus ingeniumq; prorsus labefactatur. Quinto lo-
 co à natura stomachi in hūc modum argumentamur:
 Stomachus diuturna diurni aëris actione, apertis po-
 ris admodum dilatatur, euolantibusq; spiritibus tan-
 dem ualde debilitatur. Igitur subeunte nocte, nouam
 spirituum copiam exigit, qua foueatur. Quapropter
 quicumq; eo tempore contemplationes longas & diffi-
 ciles inchoat, ipsos ad caput spiritus retrahere nititur.
 Hi uero distracti neque stomacho satis, neq; capiti fa-
 ciunt. Maxime uero nocet, si post coenam lucubrātes,
 diu eiusmodi studijs attentius incumbamus. Pluribus
 enim tunc ad concoquendum cibum spiritibus, multoq;
 calore stomachus indiget. Hæc uero duo, lucubratione
 studioq; tali diuertuntur ad caput. Quo fit, ut neq; ce-
 rebro, neq; stomacho suppetant. Adde quod caput ob
 eiusmodi motū, crassioribus cibi repletur uaporibus,
 atq; cibus in stomacho à calore & spiritu destitutus,
 crudescit & putret, unde rursus caput opplet atq; læ-
 dit. Deniq; matutinis horis, quando surgendum est, ut
 excrementis omnibus somno retentis singula membra
 purgentur, tunc id quod pessimum est, qui nocte lucu-
 brando concoctionem penitus interruperat, idem dor-
 miendo manè, excrementorū expulsionem diutius im-
 pedire compellitur. Quod quidem tam ingenio quàm
 corpori, medici omnes obesse quamplurimū arbitran-
 tur.

tur. Merito ergo qui nocte contra naturam pro die,
atq; conuerso, die rursus pro nocte utuntur, tanquam
noctuae, ij etiam in hoc uel inuiti noctuas imitantur, ut
quemadmodum illis sub solis lumine caligant oculi, ita
e ijs mentis acies sub ueritatis splendore caliget. Se-
xto loco à spiritibus idem ita probatur. Spiritus fatiga-
tione diurna praesertim subtilissimi quique denique resolu-
untur: Nocte igitur pauci crassique supersunt, litera-
rum studijs ineptissimi, ut non aliter mancis horum fre-
tum alis ingenium uolare possit, quam uespertilioes
atq; bubones. Contra uero post somnum manè spiritibus
recreatis, membrisque adeo corroboratis, ut minima
spirituum amminiculo egeant, multi subtilesque spiri-
tus adsunt qui cerebro seruiant, atque expeditius ob-
sequi possunt, in membris fouendis regendisque parum
admodum occupati. Postremo septima ratio, sic à phan-
tasiae natura deducitur. Phantasia, siue imaginatio, siue
ue cogitatio, seu quouis alio nomine nuncupanda uide-
tur, multis, longis, contrarijs inuigilando imaginibus,
cogitationibus, curisque distrabatur atque turbatur. Quae
quidem distractio perturbatioque sequenti contempla-
tioni, tranquillam serenam que mentem penitus postula-
nti, nimium contraria est. Sola uero nocturna quie-
te, agitatio illa sedatur tandem atque pacatur. Igitur
accedente quidem nocte, semper turbata mente, reced-
ente uero, ut plurimum mente tranquilla ad studia nos
conferimus. Quicumque uero mente nimium agitata

res

SANITATE TVENDA LIB. I 19

res ipsas iudicare conantur, ij non aliter quàm illi qui uertiginem patiuntur, omnia uerti putant (ut Plato inquit) quum ipsi uertantur. Quamobrem scite Aristoteles in Oeconomicis iubet ante lucē surgere, asseritq; id & ad corporis sanitatem, & ad philosophiæ studia prodesse quamplurimum. Sed hoc ita accipiendum est, ut cita & modica cœna matutinam cruditatem diligentissime deuitemus. Deniq; sacer ille uates Dauid, omnipotentis tuba Dei, nunquam dicit uespere, sed mane semper atq; diluculo in deum suum canendum se ciathara psalmisq; surgere. Surgere quidem mente, ea hora omnino debemus, mox etiam corpore, si modo id commode fieri possit.

Quæ sit hora inchoandis studijs opportunior, quis uel continuandi modus.

Caput VIII

EX ijs quæ in superioribus disputata sunt, ferme iam satis constat, opportune nostra nos studia exordiri, uel statim oriente Sole, uel hora una saltem uel duabus ad summū ante solis exortū. Sed antequam è lecto surgas, perfrica parūper suauiterq; palmis corpus totum primo, deinde caput unguibus, sed id paulò leuius. Hac in re te Hippocrates admoneat. Nā frictio ne, inquit, si uehemens sit, durari corpus: si leuis, moliri: si multa, minui: si modica, impleri. Quū è lecto surrexeris, noli subitæ lectioni meditationiq; prorsus

Hippoc. in
eo lib. quæ
uæ πύβει
op inscri
sit.

incumbere, sed saltem horæ dimidium cuiuslibet expurgationi concedito, mox meditationi accingere diligenter, quam ad horam circiter unam pro uiribus prorogabis. Deinde remittes parumper mentis intentionem, atq; interim eburneo pectine diligenter & moderate pectes caput, à fronte cervicem uersus quadragies pectine ducto. Tum cervicem panno asperiori perfrica, demum reuersus ad meditandum, duas insuper horas, aut saltem horam unam studio dedicato. Produci uero nonnunquam studia possunt, sed aliquanta interdum intermissione facta, ad horam usq; meridianam. Quinetiam interdum quamuis raro, nisi cibum interim cogamur assumere, post meridiem circiter horas duas. Sol enim circa ortū potens est, potens & in medio cœlo. In plaga quoq; illa cœli, quæ medium proxime sequitur, quam nonam Astronomi uocant & sapientiæ domum, Sol maxime gaudet. Quoniā uero Poëtæ omnes Phœbum Musarum scientiarumq; ducem esse uolunt, meritò si quid altius excogitandum est, his horis potissimū cogitetur. Si Musæ quærendæ, horis iisdem Phœbo duce quærantur. Reliquæ enim horæ, ueteribus alienisq; legēdis potius quàm nouis proprijsq; excogitandis accommodatæ uidentur. Semper autem meminisse debemus, qualibet hora semel saltem paulisper remittendam esse mentis intentionem. Quum enim ob intentionem huiusmodi spiritus resoluantur, meritò si nunquam cesses tendere, lentus eris. Dum laboras animo,

mo, interim corpore conquiesce. Mala est defatigatio corporis, peior animi, utriusq; simul pessima, oppositis hominem motibus simul distrahens, uitamq; disperdens. Denique haud ulterius meditatio procedat quàm uoluptas, potius uero citrà.

Vitandæ pituitæ præcepta. Cap. IX

O Peræprecium fore uidetur, quæ noxia literatis esse diximus repetere breuiter, atque remedia singulis adhibere. Ergo ne pituita nimis augeatur, exercitatione quotidie stomacho fermè uacuo bis utendū, nunquam tamen laboriosa, ne acuti spiritus dissoluantur, excrementa diligentissime ab omnibus meatibus expurganda. Sordes à corporis totius cute, capitis præcipue, tum lotione, tum frictione penitus abstergendæ. Vitanda alimenta frigida nimium, atq; nisi obstiterit atra bilis, etiam humida, & omnino quæ pingua, uisculenta, uiscosa, uncta, glutinosaq; sint, uel quæ facile putrescere soleant. Si stomachus uel natura uel ætate sit frigidus, aut dimittendus omnino, aut certe minuendus aquæ potus. Moderatus cibus sit oportet, sed portio moderatior. Habitatio alta à graui nubiloq; aëre remotissima, tum ignis, tum calidi odoris usu, humiditas expellenda. Prohibendum frigus à capite, maxime uero ceruice atq; pedibus: multum enim obest ingenio. Prodest moderatus usus aromatum in frigidioribus epulis, nucis muscatæ præsertim, & cinnamomi, et croci,

zingiberis quoq; conditi manè stomacho uacuo, quod sensibus etiam & memoriæ maxime prodest.

Qua ratione uitanda sit atra bilis.

Caput X

Pessimam uero illam quam in superioribus detestabamur atrā bilem, hæc augment: Crassum turbidumq; uinum, præcipue nigrū, cibi duri, sicci, salsi, acres, acuti, ueteres, usti, assi, fricti, carnes bouis & leporis, caseus uetus, salsamēta, legumina, præcipue faba, lenticula, melongia, eruca, brassica, sinapis, radica, allium, cepa, porrum, mora, cariotæ, et quæcūque calefaciunt uel frigefaciunt simulatq; desiccant, & omnia nigra: Ira, timor, misericordia, dolor, ocium, solitudo, & quæcunque uisum & olfactum auditumq; offendunt, omnium uero maxime tenebræ. Præterea exiccatio corporis nimia, siue longis nata uigilijs, siue multa mentis agitatione uel cura, seu frequenti coitu, usuq; rerum calidarum multum, atq; siccarum, seu immoderata quadā deiectione atq; purgatione, uel exercitatione laboriosa, uel inedia, siti, calore, uel sicciore uento, uel frigore. Quum uero bilis atra semper siccissima sit, frigida quoq; licet non æque, huic certe resistendum est, rebus quidem modice calidis, humidis uero quammaxime, cibis elixis assidue, qui coquantur facile, & subtilem gignant sanguinem atq; clarissimū. Sed interim ut stomachi & pituitæ ratio habeatur, perinde atq; bilis atræ, epulæ cinnamomo, & croco, & sandalis

& sandalis condiantur. Conferunt semina peponis, atque
 cucumeris, & pinei nuclei abluti. Conueniunt lacticia omnia, lac, caseus recens, amygdalæ dulces. σπώβυλος
 Conueniunt carnes auium & pullorum gallinaceorū,
 quadrupedum uel lactentium, oua sorbilia maxime, &
 ex membris animalium, cerebellum, dulcia mæla, pyra-
 ra, persica, pepones, pruna damascena, atque similia:
 cucurbita rite cocta, herbæ humidæ, non uiscosæ: Ce-
 rasea uero, ficus, uuas, minime laudo. Nauseam uero
 & satietatem ualde detestor. Nihil aut aduersus hanc
 pestem ualentius est quàm uinum leue, clarum, suaue,
 odorum, ad spiritus præ cæteris perspicuos genera-
 dos aptissimum. Nam ut Platoni & Aristoteli placet,
 hic humor, hoc uino non aliter mollitur atq; dulcescit
 & claret, quàm uel lupini aqua perfunsi, uel ferrū flam-
 mis accensum. Verum quantum eius usus spiritibus &
 ingenio prodest, tantum nocet abusus. Præterea infun-
 dere aurum uel argentum maxime ignitum, eorumq;
 folia in poculis uel in ipso iure prodesse consentaneum
 est, atq; aureo uel argenteo uasculo bibere, cibosq; su-
 mere. Item perutile est, si sæpe stomacho uacuo liqui-
 ritia succus deglutiatur: succus quoq; punici pomi dul-
 cis, atq; dulcis arancei. Cōducunt nō mediocriter sua-
 ues odores, temperati maxime: at si regnat frigus, ad
 calidū declinātes: sin dominetur calor, uergentes ad fri-
 gidum. Temperādi sunt igitur ex rosis, uiolis, myrto,
 camphora, sandalis, aqua rosacea, quæ frigida sunt.

Rursus ex cinnamomo, citro, aranceo, gariophilis, mentha, melissa, croco, ligno aloë, ambra, musco, quæ calida. Verni flores prosunt in primis & folia citri siue arancei, odoraq; poma, sed maxime uinum. Odores eiusmodi prout cuique conuenit, & naribus hauriendi sunt, et pectori atq; stomacho ad mouendi. Odores uero calidos multū siccōsq; si soli fuerint & cōtinui, non probamus. Tenendus ore hyacinthus, qui animum uehementer exhilarat. Hierobotana quoq; id est sclarea syluestris, tum cibo tum odore confert. Buglossa rursus, borago, melissa, horumq; trium aqua. Rursus lactuca, endiuiā, uua passula, lac amygdalinum, mensæ familiarissima esse debent. Fugiendus aër aut feruens, aut glacialis nimium, aut nubilus, sed aër temperatus serenūq; liberrime admittendus. Mercurius, Pythagoras, Plato iubent dissonantem animum uel mœrentem cithara, cantuq; tam constanti quā concinno cōponere simulatque erigere. Dauid autem poëta sacer psalterio psalmisq; Saulem ab insania liberabat. Ego etiam (si modo infima licet cōponere summis) quantum aduersus atræ bilis amaritudinem dulcedo lyræ cantusq; ualeat, domi frequenter experior. Laudamus frequentem aspectū aquæ nitidæ, uiridis rubicundæ coloris, hortorum nemorumq; usum, deambulationem secus flumina, perq; amœna prata suauem, equitationem quoque, gestationem, nauigationemq; lenem ualde probamus, & uarietatem in primis, facilesq; occupationes, diuersa

SANITATE TVENDA LIB. I 25
diuersaq; negocia nō molesta, assiduam hominum gra-
tiosorum consuetudinem.

De curatione stomachi. Cap. XI

Sequitur ut curā stomachi quam diligenter habeas-
mus, ne nauseam cruditem'ue adducat unquam
satietas, caputq; offendat. Bis cibus quotidie sumendus
est, & modicus atque leuis, Cinnamomo, mace, nuce
muscata moderate cōditus. Semper tamen siccus cibus
pondere alimenta mollia potumq; exuperet, nisi forte
atræ bilis siccitatem admodum uereamur. Famem (si
commode fieri potest) cibus, sitim potus expectet. Audi-
tias utriusq;, supersit mensæ. Fastidium & saturitas
procul absint. Abstinendum ab ijs quæ ob nimiam hu-
miditatem uel uirulentam & unctam uiscosamq; ma-
teriam stomachum relaxando debilitant, uel etiam fri-
gida aut calidissima sunt, aut propter duriā ægre co-
quuntur. Et quæ talia sunt, ut diu post mensam palato
saporem reddant molestiorem, siue inslent, siue caput
multis uaporibus impleant: ab omnibus in primis quæ
facile uel extra aluum, uel in aluo putrescant. Dulces
sapores, aut acres si soli sint, nullo pacto probamus:
sed dulces acri quodā uel acuto uel sicco uolumus tem-
perari. Mastix et mētha sicca, salvia recens, uuæ pas-
sulæ, cydonia poma cocta, condita saccharo, cicorea,
rosa, corallus, lotus capparis et aceto conditus, stoma-
cho amicissima sunt. Māla præterea punica sapore

B 5

inter acidum dulcemq; medio, & omnino quæcunque moderate acida sunt & aliquantulum austera, quæ medici styptica uocant, siue quæ aliquantū acuta sunt uel salsa uel aromatica: Myrobalani autem omnia superant. Vinum quoq; rubeum potius quàm album, sapore quasi paululum subamaro, ac nisi caliditas uel destillatio aliter postulauerit, optimum crit merum bibitum paulatim. Omnino autem liquidiores epule prius sumendæ quàm duriores. Sumpto uero cibo conuenit, coriandrum, pomumq; cydonium cōditum saccharo, mālā punica, & pyra austera, messila quoq; & persica sicca, atq; similia. Mandere uero oportet antequam deglutiatur, singula exactissime. Fouendus stomachus si oportet extrinsecus, mastice, rosa, mentha, corallo. Cauendum ne post cibum, duabus aut tribus proximis horis uel cogitationi difficili, uel lectioni sedulò incumbamus. Necessariæ forsitan erunt horæ uacationis quatuor, si cibus potus ue uberior fuerit, aut cibus durior. Malum est cibo potuue uentrem extendere, pessimum stomacho sic extento, difficilia cogitare. Aut igitur nutrimentum sume leuissimum, aut sumpto, uaca donec quasi concoxeris. Neq; dormiendum post cibum meridie, nisi maxima cogat necessitas, atque id quidem non prius quàm horas duas uigilauerimus. Nocte tamen sumpta cœna, hora ut uidetur, una uigiliæ sat est. Coitus stomacho pestilens, præsertim si uel saturo statim, uel esuriente cōcumbas. Ocio mœret stomachus, exercitatione

citatione gaudet, nisi dum cibo sit plenus. Sumpto cibo statim modice deambulandum, mox uero sedendum.

De ijs quæ fouent membra præcipua &
uires spiritus. Cap. XII

SEed iam operæ precium facturus, ut nonnulla ex medicorum officina in medium producamus, quæ stomachi, cordis, cerebri, spirituum ingenij, uires uel seruent integras uel restituât, ac si uel pituita uel atra bilis excreseat, uel immineat nausea, longe propellât. Omnes sine controuersia medici consenserunt, nihil esse salutaris theriaca, fouendis confirmandisq; tum singulis membris & uiribus, tum spiritibus atque ingenio. Huius igitur in primis utemur drachma dimidia, aut saltem drachmæ tertia parte, bis qualibet hebdomada hyeme & autûno: Sed æstate atq; Vere semel, uel sola, uel si placet frigidis humidisq; temporibus cū pauculo mero claro, suauis: temporibus uero calidis siccisq; præsertim si natura uel ætas sit calidior, cum aquæ rosacæ duabus uncijs aut tribus, stomacho scilicet uacuo, sex aut septem horis ante cibum. Si theriaca desit, dabimus mithridatum. Sed ubi theriacam mithridatum ue sumimus, eo die ab omni re calida penitus abstinendū, & si æstas aut uer fuerit, frigidis est utendū. Secundo uero loco eadē in causa probatur ab omnibus aloë rite electa atq; lota. Sume myrobalanorū chebularū drachmas duas, rosarum purpurearū,

sandali rubei, emblicorum, cinnamomi, croci, corti-
cis pomi citri, beem, melissæ, id est citrariæ, singulo-
rum drachmam unam, aloës electæ riteq; ablutæ dra-
chmas duodecim. Ex ijs confice pilulas optimo mero,
quibus hebdomada qualibet semel utaris diluculo, eo
scilicet pondere, quod naturæ tuæ cōueniat: æstate qui-
dem cum aqua rosacea, aliàs uero cū uino. Quibus au-
tem diebus neq; theriacam, neq; pilulas assumes, utere
confectione eiusmodi manè atq; uespere duabus aut tri-
bus ante cibum horis. Sume cinnami electissimi dra-
chmas quatuor, chebularum myrobalanorum duas, et
totidem emblicarum, croci, rosarum drachmam dimi-
diam, sandalorum rubrorum drachmas duas, corallo-
rumq; similium drachmam unam, sacchari albißimi
quantum satis est. Funde saccharum aqua rosacea atq;
succo citri uel limonum, æqualibus uidelicet portioni-
bus, coquas suauiter. Deinde adde musci tertiam dra-
chmæ partem, atq; ambræ tantundem. Demum con-
fice bolos solidos quos morsulos uulgò nominant, au-
roq; inuolue. Tria hæc, ipsi eo usu quo præscripsimus,
experti sumus, Theriacā et aloën ita, ut diximus, tem-
peratam, confectionemq; illam singulis conferre mem-
bris, uiribus et spiritibus, acuerere sensus atq; ingenium,
memoriam confirmare. Pituitam quoq; & bilem, atq;
atram bilem illis pilulis facile uel educi uel emendari.
Præterea ætati cuilibet & naturæ, tria quæ diximus
familiarissima iudicantur.

Pharmaca

Pharmaca pituitæ repressiua atq; edu-
ctiua. Cap. XIII

SI aduersus exundantem pituitam acrius pugnandum fuerit, pilulas aurora ex Hierapicra Galeni, uel quas Mesues Elephanginas nominat, dabimus scilicet quot & quoties oportuerit, uel etiam in robustiore natura pilulas ex hiera atque trochiscis agarici pari portione compositas, semper uero cum melle rosaceo sacco liquido atq; oxymelle aquaq; maratri, id est feniculi. Qui certe syrupus in pituita digerenda etiam ante pilulas atq; post eas maxime prodest. Si uero cum pituita ceteri quoq; humores turbent, pilulis ex Reubarbaro Mesues, uel pilulis quæ Sine quibus, à posterioribus nuncupantur, opportune purgabimus. Omne uero uehementem repentinamq; deiectionem purgationemq; penitus detestamur. Nam stomachum corq; debilitat, spiritus multos exhaurit, confundit humores, spiritus fumis humorum fuscis obtenebrat.

Catarrhi & destillationis, communis studiosorum pestis remedia. Cap. XIII

Vbi caput propter pituitam destillationibus fluctuat, quandoq; hora somni aliquot ex pilulis quas modo descripsimus, dabimus. Iubebimus præterea ea hora & alijs thus sæpe mandere, nam mirifice destillationibus & sensibus omnibus memoriæq; succurrit. Rursus muscata nux & theriaca ore retenta,

30 DE STUDIO SVRVM

probatur. Maiorana quoq; quam amaracū nomināt,
uel eius aqua admota naribus uel infusa. Post cibū ue-
ro alimentorum fumos coriandro, cydoneisq; coërce-

De dolore capitis.

(bimus.

Cap. XV

SI caput saepe doleat humore grauatum frigido,
præter illa quæ narrauimus, confectionem illam
quam Diambra nominant, uel Diacori, uel Plirisar-
coticon tenere ore iubebimus. Quinetiam masticem
sæpe mandere. Præterea linire frontem, tempora, cer-
uicem, maioranæ, fœniculi, rutæ folijs unā cum oleo
rosaceo tunsis, similiter aloë, aceto, oleo, aquaq; ro-
saceis perfecte diluta.

Visus caligantis medelæ.

Caput XVI

VBi oculi caligant, neq; rubent tamē, neq; aliud
præbent ullum caloris indicium, tunc sanè col-
lyrium ex aqua fœniculi, maioranæ, chelidoniæ, rutæ
adhibito croco et antimonio, confert. Sed aqua eiusmo-
di prius densiori panno est exprimenda. Nihil tamen
admoueas oculis, nisi antea pilulis Lucis sæpe purga-
ueris. At si caligantes oculi rubcant, subito pilulis ex
fumo terræ compositis purga. Mox collyriū ex aqua
rosacea & saccharo prodest. Nonnunquā uero albu-
minc oui, tutia, lacte adiectis quamprimū opitulatur.
Omnino autē quotidianus usus marathri uisum seruat
& acuit. Semen quidē eius frequenter ore tenere oportet,

SANITATE TVENDA LIB. I 31

tet, folia uero comedere. Triphera minor à Mesue descripta, optima est. Optimum quotidie uacuo stomacho myrobalanum, chebulam conditam sumere, atque cum ea nō nihil panis ex saccharo, marathroq; in puluerem ducto compositi, quod insuper ingenio mirum in modū, ac producēdæ uitæ prodest. Eufrasie quin etiam usus, oculis est singulare præsidium. In omni uel dolore capitis, uel caligine oculorum, diuertendi sunt retrò uapores frictionibus cucurbitulisq;. Ac si calor in causa sit, sanguisq; abundet, hirudines ceruici & humeris adhibebimus.

De sensorio gustus instaurando.

Caput XVII

S Tomachus sæpe literarum studiosis gustum ferē omnē amittit: Si id pituitæ uitio incidit, quod acius oris sapor, uel saliuā multa & glutinosior indicat, postquam aluum subduxeris medicinis, quas suprā narrauimus, aromatico rosaceo utere, scilicet saccharo rosaceo mixto, melle quoque rosaceo cum cinnamo, solo etiam uel gingibere condito, uel menthæ syrupo: sed in primis theriaca. Sin autem bilis copia forte contingit, quod quidem os amarum ostendere solet, similiter post purgationem ex Aloë, sicut diximus, præparata, uel Reubarbaro adsume, uel Triasandalum, uel Oxyfaccharam, saccharo, aceto albo, & uino acrioris punici mālī, compositā: Vel persica, pyræue, siue condita siue syrupo confecta, sicut Mesues docet.

uel nostram eiusmodi cōfectionem gustui saluberrimā. Sume sacchari rosacei uncias quatuor, diamarenati uncias duas, diacytonites tantundem, scilicet uncias duas, myrobalanorum chebularum semūciam, emblicarum tantundem, sandali rubei, coralli rubri, utrorūq; æque drachmam dimidiam. Funde insuper Iuleb ex succo citri uel limonis uncias treis aut duas. Quod si stomachus debilis est & frigidus, adijce duas cinnami drachmas. His ante cibum duabus horis utendū. Nauseam semper ab utroq; natam humore tollit diacytonites, et usus capparis cū aceto. Item potus modicus ieiuno stomacho albi aceti rosacei, si duplo sacchari pondere miscetur. Rursus menthæ syrupus atq; absinthij. Item mentha uel aceto condita, uel acido mali punici succo diluta atque rigata.

Exquisitissima atræ bilis remedia. Cap. XVIII

VErum missa hæc tanquā leuiores iam faciamus, atq; ad id quod periculosissimum est, reuertamur, ad atram bilem scilicet, quæ quoties abundat & furit, quum corpus totum, tum uel maxime spiritum quasi quoddam instrumentum ingenij, ipsumq; ingenium & iudiciū labefactat. Primum in ea curanda præceptum sit, ut docuit Galenus, ne repente illam educere contendamus, ne forte eius parte liquidiore subtilioreq; subducta, residuū densius admodū, sicciusq; restet, sed paulatim molliatur digeraturq; pariter atq; educatur.

educatur. Secundum, ut interim tam cibus humidioribus, quàm lauacris dulcibus & modicis, unguentisq; similibus caput & corpus totum ad summum pro uiribus humectetur, ea tamen cautione, ne uel destillatio irritetur, uel destruatur stomachus aut iecur, uel meatus corporis obstruantur. Tertium uero, & id quidem maxime necessarium, ut continue cor foueatur, roboreturq; rebus congruis partim intus acceptis, partim extrà pectori naribus ue adhibitis. Aspiciantur quoq; & audiantur, odorentur, & cogitentur assidue quæ oblectent: Contraria uero longius arceantur.

Syrupi melancholicis maximo futuri com-
modo. Cap. XIX

Multa quidem à multis, aduersus hunc humorē rem composita sunt. Ego autem in præsentiā tria quædam remediorum genera è plurimis adferam electissima omnium atq; tutissima, accepta primum à priscis, deinde à recentioribus confirmata, interdum etiam à nobis ad usum nostrum accommodata. In primo est syrupi optimi cōpositio: In secundo pilulæ probatissima: In tertio electuaria saluberrima. His tribus opportune adhibitis, melancholicus humor mollitur & digeritur atque soluitur, spiritus acuantur & illustrantur, fouetur ingenium, memoria confirmatur. Syrupus est huiusmodi: Sume boraginis, buglossæ, flo-
rumq; utriusq; melissæ, capillorum Veneris, endiuie, *Borāh*
storbāh

C

*En botice**Storice*

violæ, cuscutæ, polipodij, senæ, epithymi, singu-
 lorum quantum manu capitur, pruna Damascena nu-
 mero uiginti, odora poma numero decem, passularum
 unciam unā, liquiritiæ unciam dimidiā, cinnami, sana-
dali rubri, corticum citri, singulorum drachmas tres,
 croci drachmam dimidiam. Coquantur in aqua omnia
 præter epithimum & aromata, donec pars tertia con-
 sumatur. Decoctio expressa post, cum saccharo ite-
 rum & epithymo moderate coquatur. Postremo in-
 fundantur aromata scilicet cinnamum atque crocus.
 Huius syrupi aurora calefacti uncia treis bibantur, si-
 mulq; uncia duæ aut treis aquæ buglossæ, atque unā
 cum ijs ex sequentibus pilulis accipi debent duæ sala-
 tem, aut plures, prout cuiq; conuenit, eo scilicet pacto,
 ut alius quotidie paulum moueatur.

Pilulæ ad humores uitiosos molliendos &
 expurgandos. Caput XX

Pilularum uero quātum ad propositum spectat,
 duo sunt genera: aliæ delicatis congruunt, ro-
 bustioribus aliæ. Primæ, aureæ siue magicæ nominari
 possunt, partim Magorum imitatione, partim nostra
 inuentione, sub ipso Iouis Veneri q; fluxu compositæ,
 quæ pituitam, bilem, atram bilem educunt absque mo-
 lestia, singula membra corroborant, spiritus acuiunt
 & illuminant: Ita eos dilatant, ne constricti mœsti-
 tiam pariant, sed dilatatione & lumine gaudeant: Ita
 rursus

SANITATE TVENDA LIB. I 33

rursus stabiliunt, ne extensione nimia euanescent. Sume igitur auri grana duodecim, maxime foliorum eius si pura sint, thuris, myrrhæ, croci, ligni aloës, cinna-
mi, corticis citri, melissæ, serici crudi coccinei, mēthæ,
been albi, been rubei, singulorū drachmam dimidiam,
rosarum purpurearum, sandali rubri, coralli rubri,
myrobalanorum trium, scilicet emblicarum, chebula-
rum, Indarum, singulorū drachmam unam, aloës rite
ablutæ tantundem quantum cunctorum pondus. Con-
fice pilulas mero quamelectissimo. Sequuntur pilulæ
ad soluendam melancholiam aliquanto ualidiores, ue-
runtamen minime uiolentæ. Sume pæoniæ, myrrhæ,
stichados Arabici, melissæ, thuris, croci, myrobalano-
rum trium, scilicet emblicarum, chebularū, Indarum,
rosarum, singulorum drachmam unam, trochiscorum
agarici, polipodij, epithymi, senæ, lapidis lazuli ri-
te loti & preparati, lapidis Armeni effecti similiter,
drachmas treis singulorum, aloës lotæ uncias duas, ui-
no perfecto pilulas confla. Si cum melancholia manife-
sta caliditas dominetur, quæ in hac compositione sunt
frigida, ad tertiam insuper ponderis sui partem augen-
da erunt. Has pilulas ut literarum studiosis conuenit,
Græcorum, Latinorum, Arabumq; imitatione compo-
sui: nolui uero fortiora miscere, quale ueratū, quo Car-
neades fanaticus utebatur. Viris enim literatis tantum
uel paulò firmioribus consulo, quibus nihil pestilentius
est quàm uiolentia; ideo prætermisi pilulas Indas, la-

pidisq; lazuli uel Armeni notas, & quam compositio-
nem Ieralogodion appellant. Si deniq; decet simplici-
orem cōpositionem inferere, qua ego familiarius utor:
Sume aloës lotæ unciam unam, myrobalanorum em-
blicarum atq; chebularum, utriusq; pariter drachmas
duas, masticis drachmas duas, duas quoq; rosarū præ-
sertim purpurearū, confice pilulas uino. Proinde pilu-
lis aut ijs, aut illis, ex ijs scilicet quas probauimus, ne-
mo unquam solis uti debet, ne forte nimium exiccetur:
quod quidem in melācholia pessimū est, imò uel unā cū
syrupo, quem secuti partim Mesuen, partim Gentilenz
Fulginatem, suprā descripsimus, uel cū uini odori le-
uisq; unc. una siue duabus siue tribus, ut cuiq; cōuenit:
Aut cum aqua mellis & passularū atq; liquiritiæ: Aut
sicubi caliditas dominatur, cum Iuleb uiolaceo aquaq;
uiolacea. Ommino autem consulo literatis, quicumq; ad
atram bilē sunt proniores, ut hac purgatione bis quo-
libet anno, Vere scilicet autūnoq; utātur, diebus quin-
decim continuis uel uiginti, pilulis scilicet cum syrupo
atq; similibus. Quicumq; uero paulò minus huic mor-
bo obnoxij sunt, sat habebūt, si pilulas primas aut ul-
timas toto anno sumant, semel hebdomada qualibet,
estate quidē cū Iuleb, ut diximus, aliās uero cum uino.

A liquidarum medicinarum usu me-
deæ. Cap. XXI

MEminisse uero oportet, ubi maximum in exic-
catione periculum imminet, purgare tamen
necessitas

necessitas cogit, operæ precium esse pilulas intermittere, atq; in ipso syrupo uel simili quadam decoctione, facta in aqua buglossæ, quando purgandū est, interdum infundere diasenæ, uel diacatholiconis, uel Tripheræ persicæ unciam unam, aut saltem dimidiam. Quod si uel corpus robustius sit, uel astrictior & durior alius, addere electuarij Hamech drachmam unam aut duas. Vtilis quoq; hic est cōfecta Casia, utilior Manna. Nec omni melancholiæ speciei conueniunt, sed illi maxime quæ adustione creatur. Sin autem melācholia naturalis sit, conueniunt quidem, uerū præcipue si in syrupo addatur polipodij portio dupla uel tripla, similiter liquoritiæ crociq; & passularum. Item medicinæ addantur mellis rosacci liquidi uncie duæ. Quoties uero syrus sumendus sit, in superioribus diximus. Sed medicina cum ipso ter uiginti diebus sumenda erit. Verū si melancholicus nullus humor appareat, tantum uero complexio melancholica, scilicet frigida membrorum qualitas atq; sicca, memento ducere aluum uel mittere sanguinem minime expedire, sed reliqua duntaxat facere, quæ uel diximus, uel dicemus: præsertim quæcūque ad corpus pertinent, mediocriter calefaciendum, atq; magnopere humectandum, spiritusq; quoad fieri potest illuminandos, fouendaq; membra. Vbi uero ipse atræ bilis humor exundat, non madesfacimus tantum corpus atque humorem, sed etiam soluimus aluum cautione qua diximus: Nunquam uero uehemēter. Si

quidem Plato in Timæo nos monet, diuturnum morbum, qualis est melancholicus, non esse nimis ualentibus medicamentis atq; molestis pharmacis irritandum.

Sanguinis mittendi Canones.

Caput X X I I

Copiosioris sanguinis nota.

SVnt nonnulli in sanguine mittendo audaciores, quos medici sapientes admodū delectantur. Nam sanguis est atræ bilis temperamentum, spiritus fomes, uitæ thesaurus. Solum uero ubi abundantiam sanguinis indicat uel profusior risus, audaciaq; et confidentia multa, uel color rubens, uenarumq; tumor, mittere sanguinē literatis quando res postulat, debemus ē uena lienis sinistri brachij, lata quidem incisione, quatuor uncias manē, uespere totidem. Deinde paucos post dies, saltem septem, ad summū quatuordecim, tum frictione quadam asperiore, tum admotis hirudinibus, quas Sanguisugas nominant, mariscas irritare, ut sanguinis unciae tres aut quatuor inde destillent. Hæc ambo robustioribus tantum facienda uidentur. Debilioribus uero, si neceßitas postulat, mariscas solum sicut docuimus, irritare. Sed neq; uentrem medicinis soluere, neque mittere sanguinem licet, nisi prius clysteribus pinguibus mollibusq; lenieris. Atque hoc sit in melancholica natura cōmune præceptum, dandam esse operam, ut si oportuerit, eiusmodi clysteribus frequentatis uenter inferior lubricus semper sit atq; purgatus.

De electuarijs

De Electuarijs & Confectis.

Caput XXIII

Sequuntur Electuaria, ex quibus laudo equidem quod Rasis, Exhilarās appellauit. Præterea quæ in libro De uiribus cordis Auicenna cōponit, sed multo magis quod Mesues ita conscribit: Sume crudum sericum colore coccineo nuper tinctum, pondere libram unam: id merge succo pomorum dulcium & suauiter redolentium, atq; succo buglossæ, aquaq; rosacea, singulorum libra una, post quatuor & uiginti horas, totum id coque suauiter, donec aqua rubeat. Deinde extrahe sericum, atq; insuper exprime diligenter. Infunde mox sacchari candidissimi centum et quinquaginta drachmas, coque rursus donec quasi mel spissetur: Amoue tunc ab igne, atq; infunde dum calet, ambra crude diligenter conscisse drachmas sex, & ut lique scat ambra permitte. Postremo adde his puluerem eiusmodi: Sume ligni aloës crudi, cinnami, utriusq; æque sex drachmas, lapidis lazuli rite abluti drachmas tredecim, unionum, id est albarum margaritarū drachmas duas, auri ueri drachmam unam, musci electi partem drachmæ dimidiam. Dantur ex eo cum uino drachmæ duæ uel una, manè ac uespere ante cibum tribus aut quatuor horis. Id mihi præ cæteris ualde placet. Veruntamen probo etiam diamuscum Mesues dulcem, compositionemq; gemmarum, modo cum aqua rosacea adsumatur. Laudarem quoq; mirifice quod est à Petro

Ebanensi philosopho summo, conflātū, nisi ipsemet ex
eius immodico usu dilatationem exhalationemq; spi-
rituum nimiam formidaret. Quamobrem duo quedam
insuper excogitavi tutissima, atque ob temperationem
suam cuilibet tempori, ætati, naturæ conuenientissima,
in quibus miscetur utile dulci: Quæ tantum nutriunt
quantum fouent & roborant: Præterea spiritui & in-
genio tantum stabiliendo, quantū acuendo & illustran-
do conueniunt. Sume sacchari rosacei uncias quatuor,
sacchari unā cū floribus buglossæ cōcocti uncias duas,
corticis pomi citri saccharo conditi unciam unā, che-
bulæ conditæ uncias duas, cinnami electi drachmam
unam, sandali, coralli scilicet utriusq; rubri, item serici
coccinei crudi & conscissi, croci, margaritarum, singu-
lorum drachmam dimidiam, auri, argenti, singulorum
tertiā drachmæ partem, ambre, musci, utriusq; grana
duo. Funde omnia simul succo citri uel limonis, saccha-
ro cocti. Sequitur confectio altera aliquāto salubrior,
certe multò suauior. Sume amygdalarum dulcium qua-
tuor uncias, nucleorum pineorū scilicet ablutorū diei
unius spacio, seminum cucumeris, utrorumq; pariter
uncias duas, sacchari duri quod Candum, id est candia-
dū uocant, quatuor uncias, sacchari alterius et albis-
si mi libram unam atq; dimidiā: Funde cuncta hæc aqua
rosacea, atq; limonis & citri, in qua extinctum fuerit
ignitum aurum & argentū, simul coque suauiter. De-
num adde cinnami, been rubri, sandali rubri, coralli
similis

similis, singulorū drachmam unam, margaritarū niti-
diſimarū, croci, ſerici crudi coccinei minutiſſime at-
triti, ſingulorum drachmam dimidiam, auri, argenti,
utriuſq; grana duodecim, hyacinthi, ſmaragdi, ſaphi-
ri, carbunculi, ſingulorū tertiam drachmæ partem. Si
cui uero deſunt aurum, argentū, ambra, muſcus, pre-
cioſi lapilli, confectiones illæ etiam prodeſſe multum
ſine hiſ poterunt. Quarum treis potiſſimū eligo, unam
ſcilicet Meſues, quam recensui, duas uero noſtras, quas
modo deſcripſimus. Quo uero pacto iſ utendum ſit,
ſuperius ſatis expoſuimus. Si quis autem ſimplicius ali-
quid appetat, omnibus tamen accommodatū, hic citri
pomum perfectē maturum, integrum perfectē cōtun-
dat, multoq; ſaccharo & multo roſarum ſucco adhibi-
to coquat: coctum uero modico cinnamo crocoq; con-
diat, aut aromatico roſaceo: utatur ſic temperato. Su-
me aromatici roſacci unciam unam, ſacchari roſacei,
ſacchari diabugloſſati, utriuſq; uncias duas, aut ſimili-
ter, miſceat Diamuſcum. Quanquā enim duo hæc non
ſint ſimplicia, tamē facile ſatis habentur. At ſi caliditas
timeatur, diaprunis et ſaccharū uiolaceū adiungātur.

Emaciantis uigiliæ remedia.

Cap. XXIIII

SAepe melancholicis, præſertim literatis accidere
ſolet, ut nimium exiccato cerebro, uigilijs longis ex-
tenuentur. Quoniam uero nihil atræ bilis mala magis
auget, quàm longa uigilia, tãto malo omni ſtudio ſuca-

C 5

currendum. Ideo lactucas post cibos alios edant unā cum pane modico, pauculo croco, uinumq; purum sorbeant post lactucam, neque ultra horam lucubrent: Quumq; se dormitum conferunt, confectionem eiusmodi sumant, In qua seminis papaueris albi unciae duae sint, seminis lactucae uncia una, amomi, croci scilicet utriusque pars drachmae dimidia, sacchari unciae sex: Dilue & coque omnia simul syrupo papaueris: Edant huius drachmas duas, simulq; nonnihil syrupi papaueris gustent aut uini. Illinias eis frontem tempora que oleo ex uiolis, & ex nenufare adiecta camphora. Item lacte oleoq; amygdalino atque uiolaceo. Odorem croci & camphorae, putaminumq; dulcis mali naribus ad mouebis: Aceti insuper modici, sed aquae rosaceae plurimae. Sternes quoque lectum plantarum folijs frigidarum. Aures suauibus cantibus sonisq; delinies. Humectabis saepe caput eiusmodi lauacris, scilicet aqua in qua cocta sint frusta papaueris, lactucae, portulacae, maluae, rosarum, uitis, salicis, arundinumq; folia, addita camomilla. Balneis quoque dulcibus ex rebus eiusmodi saepe tibiae brachiaq; saepe totum corpus est humectandum. Lac insuper bibere mixtum saccharo scilicet stomacho uacuo, si modo stomachus optime tolerauerit, maxime prodest. Humida haec melancholicis etiam si satis dormiant mirifice conferunt. Memento lac amygdalinum mense familiarissimum esse debere.

Memoria

Memoriæ hebetis atq; obliuionis remedia.

Caput XXV

Accidit uero nonnunquam ut studiosis, uel quia sedulo inclinato capite legant scribant ue, uel quia ocio nimio torpeant, pituita quædā uiscosior unā cum frigida nimis melancholia caput occupās grauet, atq; hebetes obliuiososq; efficiat. His ergo caput exonerandū est ijs remedijs, quæ aliās diximus pituitæ conuenire. Sin minus illa suffecerint, ad pilulas Indas & cocchias ieralogodionq; confugito. Præterea ad ieram diacoloquintidos uel Archigenis, uel Andromachi, uel Theodotionis, aut ad pilulas Iudæi, quas Mesues in capitulo De capitis dolore describit. Quod si natura ætas ue frigidior sit, nec æstas obstiterit, post purgationem utere confectioe illa anacardina, quam Mesues sapientum confectioem nominat in Antidotario. Rursus anacardina illa, quam in capitulo De obliuione exsentētia filij Zachariæ recenset. Da summo mane drachmam unā, sed qui eā sumit, ab ira, coitu, ebrietate, labore, rebusq; calidis eo die prorsus abstineat. Hæc quidem aduersus hebetudinē obliuionemq; ualētissima sunt. At uero si familiaria magis optes, da gingiber cōditum, sed modico thure mixtum, quod sensibus & memoriæ magnopere prodest, præsertim his adiectis, scilicet melle anacardi, melle chebularū, acoris, ciperis, ambra, musco. Prodest etiā diambra, pliris sarcoticō, et diacpri. Sed hæc ore diutius retinēda, naribus etiā cō

auribus infundenda. Odor quoq; thuris, amaraci, marathri, nucis muscatae, rutae, gariophilorum, prodest non mediocriter. Memento tamen theriacam in his atq; similibus, quemadmodum ab initio diximus, nulli unquam remedio postponendam. Praeterea hebetibus obliuiosisq; tempora & ceruicem unctione eiusmodi unge. Sume olei sambucini unciam unam, olei de been uncias duas, euphorbij unciam dimidiam, castorei quoq; tantundem, perfricabis brachia, crura, ceruicemq; uehementer. Ac si opus fuerit, ceruici cucurbitulas admoue bis. Verticem praeterea capitis amaraco, thure, nuce muscata tunsis operies atq; fouebis.

Spirituum custodiae nos esse intentos de-

bere. Caput XXVI

SI homines ueritatis cupidi, tanta medicorum diligentia corporeum spiritum curare debent, ne forte omnino neglectus, uel impedimento sit, uel inepte seruiat quærentibus ueritatem, multo proculdubio diligentius incorporeum spiritum, id est, intellectum ipsum disciplinae moralis institutis colere decet, quo solo ueritas ipsa quam sit incorporea, capitur. Neq; enim fas est solum animi seruum, id est corpus colere, animum uero corporis dominum regemq; negligere: praesertim quum Magorum Platonisq; sententia sit, corpus totum ab animo ita penderem, ut nisi animus bene ualuerit, corpus bene ualere non possit. Quapropter medicinae autor Apollo, non Hippocratem, quamuis ex sua stirpe genitum

tum, sed Socratem sapientissimum iudicauit. Quippe quum quantum Hippocrates corpori, tantum Socrates animo sanando studuerit: quanquam quod tentauerant illi, solus Christus effecit. Proinde mentē nostram optimis colere moribus à Socrate idcirco iubemur, ut lucem ueritatēq; à nobis naturæ instinctu quæsitam serena mente facilius assequamur: quanto magis ueritatem ipsam diuinam in primis religione sancta fas est uenerari? Ad quam quærendam capiendamq; non aliter creata mens est, quàm oculus ad lumen solis perspicendum. Atq; ut Plato noster inquit, quemadmodum uisus nihil usquam uisibile perspicit, nisi in ipso summi uisibilis, id est solis ipsius splendore, ita neq; intellectus humanus intelligibile quicquam apprehendit, nisi in ipso intelligibilis summi, hoc est dei lumine nobis semper & ubique præsentē. In lumine inquam, quod illuminat omnem hominem uenientem in hunc mundum. In lumine de quo canit David: In lumine tuo uidebimus lumen. Profectò quemadmodum purgatis oculis, in que lumen ipsum aspicientibus, subito splendor eius infunditur, coloribus figurisq; rerum abunde refulgens, ita quum primum ab omnibus corporis perturbationibus per moralem disciplinam purgata mens est, atque in diuinam ueritatem, id est, deum ipsum religioso quodam flagrantissimoq; amore directā, subito, ut diuinus inquit Plato, diuina menti ueritas influit, rationesq; ueras, quæ in ipsa continentur, quibus us

omnia constant, feliciter explicat : quantoq; mentem
circumfundit lumine, tanto simul & uoluntatem gau-
dio beate perfundit.

LIBRI PRIMI FINIS.

MARSILII FICINI FLOREN-
tini in librum secundum de Vita produ-
cenda, ad Philippum Valorem,
epistolare Proœmium.



Vanquam Plato noster Genio suo uiuit,
et uicturus est, ut arbitror, dum mundus
ipse uiuet : meus me tamen Genius huc
semper impellit, ut post diuinum cultum
ante omnia Platonis uitæ prospiciam. Ad hoc ipsum
iam diu nobis aspirat præ cæteris Medica domus. Ad
idem conspiras & tu mi Valor, medicum amicissimus,
& Platonice gloriæ atq; disciplinæ admodum studio-
sus. Quam ergo uitâ Platoni semper exopto, eandem
opto Medicibus, similemq; Valori. Quamobrem hor-
tor & obsecro te mi Valor, ut quanta semper opera
gloriæ Platonice faues, tanta aliquâdo diligentia præ-
cepta hæc nostra de uita producenda legas atq; serues:
quibus diu uiuens resurgenti nuper disciplinæ Plato-
nis diutius unâ cum magnanimo Laurentio Medice pa-
trocinari possis. Vale.

MARSILII FICINI

FLORENTINI MEDICI AT-

que Philosophi insignis, De uita pro-
ducenda, siue longa,

LIBER SECVNDVS.

AD PERFECTIONEM SCIEN-

tiæ, necessaria est uita longa, quam diligen-
tia præstat. Caput I

Id artem scientiamq; perfectam non tam uel docilitas ingenij, uel memoriæ firmitas, quam prudentis iudicij perspicacia nos perducit. Iudicium uero propter ambiguitatem ex coniecturarum diuersitate conceptam, adeò difficile est, ut experimento sit necessario confirmandum. Experimentũ quoq; fallax, tum propter iudicij ipsius difficultatem, tum propter fugacẽ opportuni in experimento captando temporis breuitatẽ. Quibus sanè de causis, artem esse longam unà cū Hippocrate recte concludimus, nec posse nos eam nisi uitæ longitudine cõsequi. Vitam uero longam non solũ ab initio semel fata promittũt, sed nostræ etiã diligentia præstat. Quod et Astrologi cõfitentur, ubi de Electionibus et imaginibus agũt: & medicorum

cura diligens, experientiaq; confirmat. Qua quidem
providentia non solum homines natura ualidi sepiſſi-
me, sed etiam ualetudinarij uitam longam aliquando
consequuntur, ut non mirum sit Herodicum quendam
literarum studiosum omnium sui temporis infirmiſſi-
mum, ut Plato & Aristoteles testantur, eiusmodi pro-
videntia annum ferè centesimū impleuisse. Plutarchus
præterea narrat multos corpore alioquin parum fir-
mo, uitam sola diligentia longam consequutos. Mitto
in præsentia, quot imbecillos ipse nouerim, prudentiæ
munere robustissimorū annos superauisse. Neq; igitur
inutile fuerit, neq; uanum, post librum De curanda ua-
letudine literatorum à nobis compositum, præcepta
quædam insuper ingenijs scientiæ cupidis ad uitā lon-
gam cōducentia, tradere. Instituta uero hæc nec inera-
tibus ignauisq; communicari uolumus. Quid enim cu-
piamus istos diu uiuere, qui nec uiuunt quidem, quasi
fucos nutriamus, non apes? Nec hominibus diuulga-
ri, perditæ uoluptatum libidine dissolutis, qui breuem
quotidie uoluptatem longæ uitæ, stulti præponunt.
Nec improbis iniquisq; patefieri, quorum uita mors
est bonorum. Sed uiris duntaxat prudentibus atq; tem-
peratis, solertis ingenij uiribus humano generi, uel
priuatim uel publice profuturis.

Vitaleni

Vitalem calorem nutriri humore, cuius vitra-
citraq; excessu fieri corruptionem disso-
lutionemq;. Caput II

Vita quidem tanquam lumen in naturali calore
consistit. Caloris uero pabulum est humor aë-
rius, atq; pinguis quasi oleum. Siue igitur humor eius-
modi forte deficiat, siue prorsus excedat, uel inquinea-
tur, calor naturalis statim debilitatur, & tandem de-
bilitatus extinguitur. Si humoris defectu calor debili-
tatur & perditur, mors resolutione cōtingit. Si potius
obruatur humoris excessu uel uitio, uita suffocatione *Ἀμετρία*
perit. Suffocatio uero humoris cuiuslibet exundantia *ὕδωρ πύ-*
uel putrefactione contingit, præsertim pituita uel ex- *κτλ.*
crescente uel quomodolibet putrefacta, ut non imme-
ritò pituita petens uitā fuerit nominata. Præcepta igitur
ad producendam uitam maxime necessaria: hinc
quidem resolutionem, inde uero suffocationem putre-
factionemq; æque deuitant: Aequè inquam, ratione cō-
muni. Nam si calidiorem sicciorem uel hominem fortè
curant, & cui meatus quidem aperti sunt, humores au-
tem spiritusq; subtiles resolutioni magis occurrunt. Sin-
autem contraria ratione corpus affectum tractant, po-
tius suffocationi subueniunt. Maxime uero in alteru-
tro student, si ad alterutrum locus tempus uel declinet.
At ubi ingeniosis studiosisq; consulitur, utrunq; præ-
ceptum fermè est pariter necessarium, in utroq; similis-
ter laboratur. His enim acutum quidem calidumq; in-

D

genium, & imaginationis motus assiduus, resolutionem: ocium uero corporis atq; cruditas, suffocationem minitari uidetur. Nusquam igitur medici uehementius quam in eiusmodi hominum curatione laborant. Et si tota libri superioris disputatio ad prorogandam uitam maxime confert, propriam tamen quandam res tanta curam, qualem deinceps quoad potero paucis comprehendam, postulare uidetur.

Quomodo sint temperandi calor & humor quorundam Minervæ consilio. Cap. III

CAeterum dum oleum istud pingue, igneo huic uigori nostro necessarium, pingui Minerva traflamus, Minerva interim oliuifera olei uitalis origo, almi uidelicet Iouis capite nata ridet, quod sui muneris quantitatem planè cernentes, interea nō satis uidimus qualitatem. Ridens ergo, uobis, inquit, oleum non modo quantum sat flammæ nutriendæ foret, abunde dedi, sed etiam sine amurca syncerum infudi lucernæ. Hæc illa. Nos autem inter loquendum errantes offendimus, quoniam lucerna pedibus nostris uerbum suum nondum nobis auditum. Ex hac ergo lucerna discamus, oleum iugiter flammæ subministrandum, ea scilicet diligentia, ut nec repentina quadam lumen obruamus illuione: nec rursus differamus sitibundo potum. Sed hæc quidem duo, satis in superioribus tractata putamus. Reliqua nobis duo sunt, quorum alterum leuiter tetigisse

tetigisse, alterum uix attigisse uidemur. Tangentes in-
terim ita Palladem, ut ridere nunquam solita, nos ri-
deret. Quid ergo? Primo quidem cōsiderabimus flam-
mam uel pauculam esse prorsus edacem, ideoq; lucerna-
nam illam lucere diutius in qua sic flammula est ad el-
lychnium, id est lucinium temperata, ut non ebibat o-
leum, sed pitisset. Itaque & nos in omni dieta cauebi-
mus, ne quando, præsertim in iuuentute, nimium in-
ualescat insitus ignis suapte natura uorax. Sat uero
fuerit tum humorem inundantem, tum penetrabile fri-
gus hinc arcere. Deinde lucernam cogitabimus fre-
quenter extinguui, quando non syncerum oleum instilla-
uerit, sed (ut ita dixerim) amurcosum. Vnde paulò post
concresecunt ex amurca fungi, lumenq; extinguunt.
Iam uero nos alium à Pallade suscepimus oleum sci-
licet aërium quamplurimum purumq; & natiuo quo-
dam lentore tenax atq; firmum. Quod ergo huic pau-
latim absumpto suggeritur, non solum huic æquale de-
bet esse, sed simile. Vt uero sit simile, non tantum aë-
rium esse debet & pingue, sed penitus ab amurca se-
cretum, id est à fæce quadam ex terra et aqua crassio-
re congesta. Hanc ergo congestionem fæcemq; uitatu-
ri, alimenta eiusmodi fugiamus, & ocium & crudita-
tem atq; sordes. Interea uero Mineruam ea modera-
tione colamus, ut caput quidem de quo nata est ipsa,
nobis augeat, neruos autem stomachumq; non minuat.

*Arescentis humidi naturalis & alieni exuberantis
causæ: Et quàm necessaria sit ad uitam per-
fecta digestio. Caput IIII*

Naturalem humorem uelociter hæc exiccant :
Sanguinis fluxus uberior: Violēta solutio uen-
tris: Diu lubricus aluus: Profusus sudor: Latius pate-
facti meatus: Coitus ad debilitatem factus: Sitis anhe-
la: Fames crucians: Vigilia longa: Vsus præcalida-
rum rerum simulatq; siccarum: Laboriosus animi cor-
porisq; motus: Anxietas: Ira: Dolor: Siccior simul-
atq; feruentior aër, præsertim igne calefcens: Ventus
aridior & uiolentus atq; diuturnus. Humorem supra
modum augent ijs cōtraria. Ebrietas frequens utrunq;
facit. Nimio enim tum calore siccatur, tum humore suffo-
cat ebriosum. Nihil autem magis quàm cruditas ad ut-
runq; nocet. Vbi enim non concoquitur alimentum,
hinc quidem deest quo naturalem irriget humorem:
inde uero putrefactum superest, quod exundans, caloz-
rem obruat naturalem. Quamobrem Auicenna cor-
rumpi sanguinem inquit, ubi digestio ipsa corrūpitur,
secutusq; Galenum appellat digestionem, uitæ radi-
cem. Optima igitur est & quasi unica hæc regula Ga-
leni, concoctionem cibi præ cæteris ubiq; curare. Nam
quod maximum uidetur esse præceptū, salubribus ui-
delicet uti, nihil proderit nisi coquas. Siquidem ex his
fermè sicut ex cōtrarijs noxius humor profluit, si crua-
da membris influxerint. Ex cibis autem etiam minus
arte

Coctionis
ad uitam
necessitas.

arte laudatis, sæpe minus malum accipitur nutrimentum, si uehementius concoquantur. Cruditatem igitur tanquam grauem resolutionis simul & suffocationis causam, diligentissime deuitemus, quantitate uidelicet cibi potusq; nobis accommodata: Qualitate, simplicitate, præparatione, contritione, ieiunio reuocante famem, ac si opus fuerit, stomachi etiam exteriori fomento, rebusq; quibusdã stypticis post epulas intus assumptis. Caueamusq; diligenter, ne cibũ potus exuperet: ne ue cibis sit liquidior, aut durior: aut hic uel ille ualde sit actu frigidus, aut alimenta sint longe diuersa. aut crudum addamus crudo. Hæc enim concoctionem magnopere prohibent. Caueamus insuper diligentissime, ne uel coitu statim post cibũ, uel somno meridiano sæpius nõ necessario, uel nocturna uigilia, uel labore animi ullo, siue corporis importuno, uel alio quopiam pacto digestionem impediamus. Digestionem dico equidem non primam tantum, quæ fit in stomacho: sed secundam etiã quæ fit in iocinore: Tertiam insuper quæ in uenis: Quartam denique quæ in membris efficitur: Quæ longo quodã indigent interuallo, & quauis impedita, pabulum nõ suppediatur humori. Proinde sicut digestionem, sic excrementorum purgationem adiuuare in primis necessariũ est ad uitam. Necessarium, sordes etiã à cute detergere. Necessarius est motus corporis tam continuus, tam temperatus, tã uariis, quàm celestiũ aërisq; motus & ignis & aquæ: seruata dum

Digestiões
quatuor.

taxat concoctionis & somni necessitate. Defatigatione uero & resolutione uitata. Præterea sub umbra situm cariemq; obducimus. Sub diuo, sub lumine uiuimus. Quod pater meus Ficinus insignis medicus, frequenter habebat in ore. Sed ad hæc feliciter peragenda operæ precium foret, non tam urbanis negocijs quàm rusticis quibusdā exercitationibus à tenera statim ætate corpus assuefecisse, & quodammodo similibus. Interdum etiam nutrimentis, & uitæ genus quodammodo uarium tenuisse. Quod me sæpius ille prudens monebat. Qui enim in omni ætate lautissima quadam curiositate uiuunt, sæpe minus tuti uiuunt. Qui uero adulescentes se minus assuefecerint, adulti saltem assuefaciāt, cautiore tamen gradibus & paulatim id tentantes.

Sanguis & humor accommodatus uitæ, aërius esse debet, qualitate temperatus, substantia mediocris atque tenax. Caput V

GRæci omnes inter præcepta ad diuturnam uitam maxime necessaria, mandant ut euchymis alamur. Euchyma uocamus alimenta salubria, quæ bonum afferunt nutrimentum, id est, sanguinem bonum. Bonum uero sanguinem appellamus, non frigidum, non siccum, non turbulentum, sed calidum & humidum atq; clarum. Calidum quidem calore nō acris: Humidum uero humore nō aqueo: Clarum quoq; nec tamen interea tenuissimū. Iam uero feruentior sanguis, naturalem

naturalem tum calorem exacuit, tū exiccat humorem,
 & quem ipse humorem infert uel calorem, resolubilem
 præstat atq; fugacem. Sanguis præterea humidior pro
 miorq; ad aquam, naturalem obtundit calorem, humo
 rem quoq; naturalem uel hebetat, uel impellit sub ca
 lore liquefcere, uel suffocat humiditate calorem. Et
 omnino, si qua portio naturalis humoris ex aquo san
 guine trahitur, tum putrescit facile, tum citò diffluit,
 atq; dissoluitur. Hinc efficitur, ut qui molliores fructus
 herbasq; comedunt, nisi raro forsā & pro medicina
 tunc uentrem leniente sumant, breui uenas succo crudo
 putrefactioniq; obnoxio penitus impleant. Ac ne id ac
 cidat, tutius pro alimento uel coquuntur, uel saltem
 cum pane miscentur. Sanguis ergo nec igneus esto, nec
 aqueus, sed aërius. Non aëri crassiori similis, ne pro
 cliuior sit ad aquam. Non aëri subtilissimo, ne facile
 incalescat in ignem: sed substantiā teneat mediocrem,
 in qua medius aër dominatum habeat plurimum. Cæ
 tera elementa insint, quatenus aëris accommodantur
 imperio. Non sit eius substantia subtilissima, ne humo
 rem instabilem generet, spiritumq; uolatilem & disso
 lutioni subiectum. Non sit crassissima, alioquin & in
 genio minime ministrabit, & uix in naturalem humo
 rem ac spiritum permutabitur, meatus obstruet, suffo
 cationi dabit occasionem. Et spiritus qui uix tandem
 crassus inde creatur, densitate sua & ipse parum idos
 neus est ad uitam, & calorem naturalem ita suffocat,

sicut fumus densior flammam comprimit protinus & extinguit. Mitto quod saltem adeo tenebrosus est, ut uitam efficiat molestam, morte deteriore. In primis autem, ut mihi uidetur, ad uitam expedit diuturnam, sanguinem unà cum substantia quidem aëria ualde, nec ad modum crassa, habere glutinosum aliquem in se humorem atq; tenacem, qualem fermè cum subtilitate habet oleum oliuarum, et humor anguillæ pinguis simul atq; tenuis, & oleum ex terebinthina quadam sublimatione tractum. Tu igitur alimenta, cæteraq; omnia quæ sanguinem pro uiribus, humoremq; talem efficiant, diligenter eligito. Sanguis enim humorq; talis sicut oleum flammæ, ita uitali calori pabulum est, & unà cū subtilitate habet etiam firmitatem. Præceptum enim Rasis est pro iuuentute seruanda, rebus uti sanguinem ad præcordia traducentibus ibiq; condensantibus, corq; fouentibus. Quod Auicenna probat, aquosum labileq; sanguinem præcipientes euitandum. Differens autem in hoc, pro differentia corporum, ratio est habenda. Nam ubi densius corpus est, ad subtilitatem sanguinis: ubi rarius, ad crassitudinem eiusdem, omnibus est remedijs declinandum. Vbi media corporis habitudo, uia similiter media tutius inus. Nunquam tamen naturalem corporis habitudinem extirpare conabimur, alioquin uitā ipsam extirparemus. Expedit insuper meminisse, ubi subtilitatem sanguinis ualde ueremur, & stomachus interea non sit admodum natura ualidus, minus

tioribus

Omne im-
moderatū
cōtrario ad
mediocrita-
tem refera-
tur.

tioribus ad crassitudinem gradibus accedendum esse, dum gracilem hominem crassioribus alimentis nutrire contendimus, & fouendum interim stomachū & producendum somnum. Exercitationem corporis pro uiribus augendam, animi minuendam, quæ plurimis sæpissime nocet. At si minus ferat alimenta uiscosa nimium duraq; uel admodum frigida, usu saltem corallorum, sandalorum, rosarum, coriandrorum, myrobalanorum, cydoniorum & diacydonion, sacchariq; rosacci, stypticarumq; rerum eam sanguinis humorisq; firmitatem deniq; consequemur, quam rebus nimium glutinosus hic tuto consequi non ualemus. Commodissime uero ex nucleis pincis pistaceisq; & glycyrrhizæ succo & amido additis amygdalis dulcibus, earumq; oleo et cydoniorum semine, atq; oleo sisamino unà cum saccharo candidissimo aquaq; rosacea nutriuntur, qui uiscosa grandiorum animalium membra concoquere nequeant. Cōcedemus his præterea extrema gallinarum uel hœdorum, & testudines & limaces atq; testiculos. Vina dabimus non alba, sed rubra stypticaq; & quodammodo subamara: aqua uinum ferrea uel masticea temperātes. Oleo quoq; masticeis cydoniorumq; cutem leuiter leniemus, & uitabimus interim quæ sanguinem subtilem faciunt uel feruentem, nisi forsā nōnihil croci uel cinnamomi tenacioribus epulis infundamus, ut & facilius concoquantur, & cocta per meatus angustos transferantur ad membra. Difficile nanque est uiscosa

*g. adra
g. dulcora*

uel alimenta paulò firmiora ex stomacho non admodum ualido usq; ad digestionem tertiā quartamq; perducere, nisi eiusmodi uehiculis perferantur, atq; insuper frictionibus lenibus prouocentur. Quas quidem quum facies, manibus eas mollioribus facito. Ac memento madefacere manus odorifero quodam uino, in quo camomillam myrtumq; coxeris atq; rosas.

De communi edendi bibendiq; regula, & qualitate epularum. Caput VI

SEd missa in præsentia faciamus obtusissima hominum corpora uel tenuissima: ad communem uiuendirationem perueniamus, communi mediæq; corporis habitudini prorsus accommodatam. Caue ne ulla ratione meatus corporis uel supra modum pateat, uel nimium obstruantur. Ibi enim in resolutione & iniuria extrinsecus inferenda discrimen: hic autem in putrefactione & suffocatione periculum: Etsi non arctissimo regulæ freno, quod Hippocrates damnat, te cohibeo, non tamen habenas tibi ad licentiam usq; relaxo. Herbas & fructus humidiores accipe parcè. Parcius lac & pisces, & utrunq; cum melle. Parciissime fungos, atq; cum aromaticis ac semine pyri. Similiter purum aquæ potum, atq; unà cum parcitate. Quæ humidiora sunt uel pinguiora, aromaticis acribusq; condito, alioquin & humorem alienum membris plurimum inferunt atq; putridum: & si quem necessariū naturæ humorem

humorem suggerunt, hunc præstant citæ admodum cor-
ruptioni subiectum: Quod non aliter quàm aquosum
uinum cõturbatur celeriter & corrumpitur. Hinc cita
canicies, & pallor rugositasq; senilis. Carnes quoq; se
quotidie comedantur, ac etiam si pondere pani propin
quent, citam putrefactionem inferunt. Vnde Porphy-
rius Pythagoreorũ antiquiorumq; autoritate fretus,
esum animalium detestatur. Nõne homines accepimus
ante diluuiũ longæuos, animalibus pepercisse? Quan-
quam medici non tam carniũ usum uctant quàm abu-
sum. Deniq; humida tanquam putrefactioni obnoxia
fuge, memoria tenens humidos et pingues senescere ci-
tius atq; mori. Quod & Hippocrates ait, & res ipsa
declarat. Siccissima rursum accipe moderate, uel sala-
tem liberiore tempera potu. Media tutus eligito. Ta-
met si Auicenna formã cibi paulò sicciorẽ molli præ-
ponit, ad caniciẽ euitandã. Ad frigida nimium aut cali-
da cautissimus esto. Calida simul et humida sequere. Si
feruet aër, epularũ humor calorem superet: si friget,
calor humorẽ. Vtrobique uero modicus sit excessus. V-
biq; calor & humor nonnihil glutinosum habeat atq;
stypticũ, ut illinc membris irrigatus humor inhaereat
firmius, ac diu sub calore perduret. Electum triticũ &
panis electus hoc in primis habet. Deinde rubrũ sty-
pticumq; uinũ parũq; dulce. Tertio pinci nuclei resq;
ijs temperie et lentore persimiles. Quarto carnes non
humidæ simulatq; laxæ, ut suillæ & agninæ lactentes.

Medici tamen ueteres, maxime Galenus, suis carnes et sanguinem, propter quandam cum corpore nostro similitudinem ualde commendant. Optimæ sunt igitur similibus corporibus, ut rusticis & robustis, corpusq; multum exercitantibus, præsertim si quatrimum garriophyllis, coriandris præparatis, sale conditæ seruentur. Et sanguis forsan utilis si cum saccharo coquatur, defecatusq; ad summū fuerit atq; liquens. Sed ut ad nunc merum reuertamur, non probantur carnes humidiores, quales diximus, non duræ simulatq; siccæ quales uetustioris leporis atque bouis, sed mediæ quædam, ut gallinaceorum, pullorum, caponum, pauonum, phasianarum, perdicum, fortè etiam pullorum columbinorum, præsertim domesticorum. Tales quoq; sunt capreoli uituliq; iuuenes et anniculi uerueces pariter atque apri. Hædos non sperno lactentes, caseumq; recentem. Auiculas equidem prætermisi. Frequens enim subtiliorum alimentorum usus, stomacho solum conuenit crassiora minime toleranti: Qui uero ualidior est, fugacem ex ijs fumum reportat uel humorem. Oua tamen gallinarum non prætermitto, si uitellus unū cum albo comedatur. Vitellus nanq; solus delicatiorum est nutrimentū: nam Auicenna probat nutrimentum nullum expedire magis in diminutione sanguinis & dissolutione spiritus cardiaci quàm uitellum oui gallinæ, uel perdicis, uel phasianæ. Neq; forte ab re fuerit asseres nutrire spelta aqua ue nitida, ac post necem carnes sale

nes sale & coriandris aceto præparatis, conditas, dies septem seruare prius quàm edas. Ceruumq; similiter, si stomachus fuerit ualidissimus. Probabile nanque est longæua quædam animalia ad uitam conferre longæuam, si tamen huiusmodi carnes iuuenes comedantur. Similiter aliæ carnes uicißim sunt tum assæ, tum elixæ. Cibus esto duplus ad potum. Panis duplus & sesquialter ad oua, triplus ad carnes, quadruplus ad pisces, herbas, fructus humidiores. Ne incipiat à potu mensa, neq; potus sit semel uberior. Semper stypticum aliquid absq; potu uel modico, sequatur mensam. Vbi complexio, ætas, locus, tempus, ad calidum siccum uelabitur, tu quoq; paulisper ad opposita declinato. Vbi ad frigidum aut humidum, similiter ad opposita uergito. Vbi temperies, seruato temperiem. Eatenus autem exercitationi quidem corporis est addendum, & animi detrahendum, quatenus epulis uescimur durioribus ad diuturnitatem uitæ aliquando forsitan necessarijs. Mensæ tibi sint in nouem diei horis duæ, & utrobique parcæ. Parcior uero cœna. Exercitationes corporis duæ fermè post digestionem primam ad sudorem quasi productæ. Somnus quidem nocturnus, quia semper est necessarius, semper bonus: diurnus autem nisi admodum necessarius, nunquam bonus.

Non esse utendum alimentis quæ citò putrescant:

Vinum et triticū præ cæteris eligenda, putrefactio

& resolutio fugienda. Cap. VII

A Nimalia uero quaecunq; in nostram custodiam ueniunt, mundis electisq; alimentis nutrienda sunt antequam uescamur. Atque hæc & alia omnia ex pascuis altioribus & odoriferis eligenda sunt. Inter hæc regulam ante omnes ab Arnoldo philosopho cōprobatam, memori semper mente teneto. Animantes, herbas, poma, fruges, uina ex altis odoriferisq; ut diximus, regionibus eligere oportere, quas uenti temperati serenant, suaues Solis radij fouent, ubi aquæ nullæ stagnant, culta sterquilinio non pinguescunt, sed humore natiuo, ubi etiam quaecunque nascuntur, diu permanent incorrupta. Hic duntaxat habitandum est, hic quoque nascentibus uescendum. Neq; confidendum est, ex alimentis quæ breui putrescunt, humorem nos comparaturos diuturnum, & à putrefactione remotum. Neque sperandum facile nos diu uicturos, ubi terræ fructus incorrupti diu non conseruantur: ubi raro admodum homines sunt longæui.

Alticis terræ facultas

Quantum uero sit in loco uictuq; discrimen, pomum declarat persicum: in Persia quidem uenenum, in Aegypto, cordis amicum. Et helleborus in Anticyra impune sumptus, alibi uero uenenum. Aristoteles habitationem eligit altam ad meridiem orientemq; spectantem, sub aëre subtili, nec humido, nec frigido. Et Plato longæuos in æditissimis atq; temperatis reperit regionibus. Deterrimū uero est stercorare agros, uel aquas stagnantes ex agris minime deriuare. Omnia enim illic
citæ

citæ corruptioni subiecta nascuntur. Quamobrem eos non uituperare non possum, qui sapientem Hesiodum idcirco uituperant, quod in re rustica sterquiliniū prætermiserit. Sed ille prudens salubritati potius quàm fertilitati consuluit. Satis autem ex lupinorum fabarumq; folijs tempestiue subuersis, agrum pinguescere posse putauit. At uero si regiones humidiores immundasq; colere, & alimenta minime duratura sumere compellamur, eum quasi seruemus uictum, quem sub aëre pestilenti medici mandauerunt. Qua de re in libro Contra pestilentiam satis egimus. Summatim uero suauibus et quodammodo calidis utemur odoribus. Aloë rite præparata sæpe, leuiterq; purgabimur. Rite uero præparatam dicimus, si lota fuerit aqua rosacea uel succo rosarum, aut si cū rosis recentibus contritisq; fuerit perfecte commixta. Deinde addatur ei myrobalanus atq; mastix, & fortè rosa. Medicina hæc extra controuersiam mirabilis est ad cōseruandam diu mentē sanam in corpore sano. Præterea corpus exercitabimus: opportuno utemur foco. Hoc puluere epulas condiemus: Myrobalanorū emblicarum sit pars uncie quarta, sandalorū uero dimidia, cinnamomi integra, octaua croci. Hoc itaq; puluere rebusq; simiul acribus imminentē ex putridis alimentis et locis corruptionē forsità inhibere poterimus. Meminerimus aut, ubi multo plures putrefactione suffocationeq; resolutione pereunt, ibi putrefactioni, et suffocationi maxime resistendū. Vbi uero

contrà, uicissim uti condimentis aromaticis, et quodam modo austeris, ut diximus, odoribusq; similibus quouis tempore putrefactionem prohibet: ungi oleo, frigoris iniuriam: uti lauacris ex aqua & oleo, resolutionem ex labore uel calidis temporibus imminuentem.

Similiter os aqua sepe colluere, succum glycyrrhizæ uel saccharum crystallinum ore tenere: Aqua rosacea multa, paucoq; aceto rosaceo manus faciemq; persuadere, similibusq; odoribus uti. Septima quaq; hora alimentis modicis recreari: corpore simul & animo conquiescere, calore uitato. Plurimum uero interest, quale sit uinum, & triticum, quibus assidue uescimur.

Hæc ergo sint talia, ut ultra annū & potius ad triennium integra perscuerent, si modo incorruptibilem ex ijs alimoniam sperare debemus. Vinum, siue album siue rubrum sit, esto clarum, suaue, stypticum, odoriferum, & quod indigeat aqua. Nisi forte uinum repereris, leue simul atq; durabile, quod rarissimum esse solet. Quod uero ualidius est, philosophus Isaach uinum dicit esse uinosum coctū sole, uentisq; purgatum: quod aqua fontis puri temperari iubet, aliquandiu antea q̄ bibamus, ut perfectius misceatur. Aquosum uero uinum atq; debile uel acerbum, fugiendum monet, utpote quod intra uenas & membra acidum citò fiat, aut aliter putrefiat. Vinum quidem aquosum putrefactioni subiectum, si conseruata eius substantia coctum fuerit, hoc saltem erit utile, alioquin non laudatum, quod humorem

Vini senum
qualitas &
substantia.

humorem corruptibilem non creabit: sed acumen eius aqua electa temperandum erit. Vinum uero quale probauimus, Isaach ex antiquorū sententia theriacis magnis inquit esse persimile. Quod, ut diximus, temperatum, habitudinem corporis frigidam calefacit, refrigerat calefactam, humefacit siccam, humidiores uero desiccant, atque (ut Galenus ait) naturalem humorem recreat, calorem fouet, utrumque contemperat. Miscere uero uinum eiusmodi magis necessariū est iuuenibus, minus senibus, frigidis uero senibus minime. Frigida namq; duraq; senectus (ut inquit Plato) ita mero feruet atque mollitur, sicut uel igne ferrum, uel aqua lupini. Quod diximus per uinum opposita fieri, atq; dissidentia temperari, scito etiam per glycyrrhizā fieri, sed debilius: Fieri etiam per oleum rosaceum, sed extrinsecus. Hæc ergo tibi familiaria sunt. Neque diffidas quicquid & qualitate temperatum est, & uirtute potens, posse reliqua temperare, sicut frigus alia frigescere, id in primis habere temperamēto Iouis, quo etiā saluberrima sunt. Sed de his alibi disputandum.

Dieta, uictus & medicina senum.

Caput VIII

Qui septimum iam septenarium impleuerunt, quinquagesimum attingentes annum, cogitent Venerem quidem significare iuuenes, Saturnum uero senes: atq; has apud Astronomos stellas inter se maxime omnium inimicas existere. Rem ergo ueneream Sæ

E

dy R
Lech

turnij fugiant, quæ iuuenibus etiam uitæ plurimum detrahit. Non enim natis consulit, sed nascituris, ipsasq; etiam herbas statim producto semine siccatur. Præterea frigus aëremq; nocturnum lethiferum sibi putent, atq; cum omnino uictum seruent, ex quo sanguinem plurimum sperent, spiritumq; quamplurimum, ex uitellis uidelicet ouorum recentibus, uino aliquantum quidem dulci, odorifero uero quamplurimum. Nam hic uitellus proprie cordis sanguinem, uinum præcipue spiritum recreat. Carnibus electissimis coctumq; facilis omnium summam utantur diæta, calidum pariter & humidum augente. Spiritum odoribus præsertim uini assidue recreent. Vigiliam & inedia sitimq; deuotent: laborem rursus corporis atq; animi, & solitudinem & mœrorem. Musicam repetant si forte intermiserint, nunquam intermittendam. Ludos quosdam & mores quoad decet olim antea actæ pueritiæ reuocent. Difficilimum namque est (ut ita dixerim) reuiuescere corpore, nisi ingenio prius repuerascat. Itaq; in omni etiam ætate magno opere conducit ad uitam nonnihil pueritiæ retinere, & oblectamenta uaria semper aucupari. Longum uero profusumq; risum minime: spiritum namq; nimis ad exteriora dilatat. Sed redeamus ad senes. Hi præterea si frigeant, fomenta petant aromatica & calida, simulatq; humida. Meminerint puerile non esse, puerile illud Auicennæ fomentum, factum quidem à Davide, sed tardius forte factum. Fomentum seni mirificum:

Medulla

Medulla recentis adhuc calentis panis infuso maluatiz-
co uino cū puluere menthæ, apposita stomacho et sepe
ad olfactum adhibita. Nam & medulla eiusmodi etiam
 sola Democrito iamiam expiraturo retinuit spiritum
 quoad placuit fugitiuū. Præterea frictionibus utantur
 leuibus, seu quandoq; lauacris nutrimentū prouocanti
 bus ad extrema. Nucleos ante omnia pincos uidelicet
 ablutos, familiares habeant. Hoc enim nutrimentū me-
 dici ueteres senibus aptissimū probauerunt. Calidum
 enim & humidū est & pingue, & omnem lenit aspe-
 ritatem, atq; simul, quod mirū est, dum naturalem hu-
 morem auget, interea superfluum desiccāt, putridumq;
 expurgat humorem. Sunt qui nucleorum eiusmodi dra-
 chmā unā quotidie post cibos exhibent senibus come-
 dendam. Ego drachmam quoq; alteram ieiuno stoma-
 cho senibus exhiberem, uel recens, calens, auratū, pia-
 nucleatū. Componerem quoq; electuarium hoc pacto:
 Sume amygdalarum dulcium mundarum uncias qua-
 tuor, tantundem eiusmodi nucleorū, pistaciorum duas,
 unam seminum cucumeris, unam nucum auellandarum
 mundarū, contunde, coque unā cum candidissimo sac-
 charo, cui tamen addideris unam zinziberis recentis
 conditi drachmam, croci dimidiam, musci tertiam, am-
 bre tantundem, saccharū, aqua melissæ, id est citrariæ
 rosariūq; fundito, multa auri folia his adhibeto. Huius
 enim usu quotidiano, uitam senes ualidiorē longio-
 remq; cōsequentur. Possunt & in mensa hoc accipere,

Diog. Laer-
tio autore.

Boronio
jostra

mande
worssky R
liß. crech
zazwor
safran

Et pluribus horis ante mensam. Vtilius autem tunc erit, si quid albi odoriq; uini unà cum confectiōe eius modi biberint. Temporibus uero calidioribus saccharum rosaceum unà cum auri folijs, et conditæ myrobalani uitam senibus prorogabunt. Theriacam nemo dubitat ad idem humidis conuenire personis atq; temporibus. De cuius usu satis in libro superiore dictum. Nemo etiam negabit his prodesse admodum radices enulæ, beeniasq; radices, albas similiter atq; rubeas, maxime uero recentes: illam quidem pro nutrimento, has etiam pro aromate: et omnia simpliciter calida, humidaq; et aromatica simul et styptica, simulq; pingua. Certum est senes electo glycyrrhizæ succo familiariter uti debere. Tradūt enim glycyrrhizam esse humani corporis calori pariter et humori persimilem: præterea uarijs senum morbis opitulari. Lac quoque amygdalinum, et amidus cibus familiaris esto, et saccharum atq; passulæ. Rasis tripheram ex myrobalanis Indis, emblicis belliricis confectam. Item myrobalanos Indas conditas saccharo, non solum ad retinendam, sed etiam ad retardandam senectutem ualde probat. Auicenna laudat tripheram myrobalanorū maiorem atq; minorem. Rursus Confectionem de squama ferri, maxime uero auri. Iubet quotidie mandere myrobalanos præcipue chebulas rite conditas, ad differenda senectutis incommoda.

De naturis

De naturis aromatum & Cordialium necessarijs:

Et rursum qualis senam uictus. Cap. IX

SCito myrobalanis uarias inesse uirtutes. Vnam quæ mirabiliter superfluū exiccat humorem, unde caniciem prohibet. Secundam quæ humorem colligit naturalem, & à corruptione simul & inflammatione tuetur, unde uitam producit in lōgum. Tertiam quæ styptica aromaticaq; potentia, uirtutem & spiritum naturalem & animalem congregat & fouet, & roborat. Hinc aliquis uitæ lignum in paradiso myrobalanum forte fuisse putabit. Simile quiddam fermè faciunt aurum & argentū, corallus, spodiumq; & preciosi lapilli, quamuis pro aromatica uirtute facultatem afferant illustrandi. Tu uero memento aromatica tunc maxime prodesse nobis ad uitam (ut suprā significauimus) quando cum uigore quodam aromatico humida sunt pariter atq; calida, lentoremq; pinguem habent, commodum augmento: quales sunt in primis radices beeniæ albæ, similiter atq; rubentes, præsertim recentes. Aut saltem quando cum uirtute quadam subtili, odorifera & acuta, substantiam densam habeāt, & stypticam ualde proprietatem, qualis utique compositio inter cordialia frigida primum myrobalanis inesse uidetur & succino. Deinde rosis & succo, & semini citri. Tertio sandalis et coriandris, atq; myrto, ceterisq; similibus. Inter calida uero cordialia zedoariæ, ligno aloës, citri cortici, & chariophylis, nuci muscatæ,

maci, olibano, mastici atq; doronico : qualem etiā sal-
 uia experimur inesse. Tradunt ambram & muscum
 stypticam habere uirtutem. Zinziber autem ob quan-
 dam eius humiditatem, præsertim recens & conditū,
 senibus sape prodest. Sed hoc & chariophylus pro-
 pter caloris uehementiam, caute uidetur accipiendū.
 Zedoaria quoq; caute, tametsi theriacæ similis iudica-
 tur, & stypticam simulatq; pinguem naturam habet,
 senibus cōmodissimam. Ambra propter calorem quasi
 temperatum tuto fermè sumitur, ac propter lentorem
 cum styptica subtilitate mixtum, prærogatiuam habet
 ad uitam in membris & spiritibus confirmandā: tum
 uero si ex ea fiat aqua, cutisq; lauetur, digestionē quar-
 tam restituit, ac morbos eius defectu contingentes ex-
 pellit. Aromatica uero quæ subtilem admodū substan-
 tiam habent, qualem cinnamomū atq; crocus, cordia-
 libus frigidis et durioribus sunt miscenda: Nā aromati-
 ca si tantū calida subtiliaq; sint & sola sumantur, natu-
 ralem calorem nimis excitant, humoremq; dissoluunt.
 Necessaria tamen sunt, tum frigidioribus et humidiori-
 bus epulis concoquendis, tū cordialibus duris ad præ-
 cordia transferendis. Tenāq; latere nō debet, humorē
 ipsum uitæ necessarium primas in corde sedes habere,
 et arterijs uenisq; eiusdem : quod Isaach perspicue do-
 cet: atq; ut Auicenna probat, hic humor naturali cæ-
 terorum membrorū humore frequenter irrigatur atq;
 fouetur. Quapropter cauendum est, ne membri ullius
 humor

humor casu quopiam arefiat: multoq; magis, ne præcordiorum humor comminuatur. Atq; ut nutrimenta, uel fomenta, & cordialia omnia per angustos meatus ad præcordia latissime perferantur, his inferre crocū. Vt uero sistantur ibi, myrobalanos adhibe. Vt autem consequaris utrunq;, accipe inter calida muscum atq; ambram: inter frigida rosas atq; myrtum. Memento dulce marathrum senibus profuturum: Nam & nutrimentum per membra diffundit, & qua facultate lac, eadem humorem auget naturalem. Vnde Dioscorides marathro serpentes ait annuam exuere senectutem. Probamus et saluiam. Hæc enim naturæ uirtutem temperate calefacit & firmat, paralysim propulsat. Probamus & moderatū conditi zingiberis usum: habet enim cum calore pinguedinem.

De auro, & aureis alimentis, & refocillatione senum. Cap. X

Aurum omnes ante omnia probant, tanquam omnium rerum temperatissimum, & à corruptione tutissimum: Soli quidem propter splendorem, Ioui autem propter temperaturam consecratū: ideoq; posse calorem naturalem cum humore mirifice temperare, humores à corruptione seruare, Solarem & Iouialem spiritibus et membris inferre uirtutem. Verum tamen oportet durissimam auri substantiam, subtiliorem facere, penetratūq; facilimā. Nouerunt enim cordialia tunc maxime latentem cordis recreare uirtutē,

quando in eis attrahendis minime natura laborat. Vt autem minime fatigetur, uel subtilissima iam effecta, uel cum subtilissimis sunt exhibenda. Optimum fore putant, si absq; aliena permixtione aurū potabile fiat: Sin minus possit, contusum, & in folia redactum accipi uolunt. Aurum fermè potabile habebis (ut dicam) Collige flores boraginis, buglossæ, melissæ, quam citrariam nominamus: & quādo luna Leonem subit uel Arietem, uel Sagittarium, aspicitq; Solem, aut Iouem, coque cum candido saccharo, aqua rosacea liquefacto, & pro qualibet uncia infere diligenter auri folia tria. Ieiunus cum uino quodam aureo sume. Item aquam ex capone destillantem foco uel aliter cōsumpto unā cum Iuleb sume rosaceo, in quo auri folia quædam antè contuderis. Præterea in nitidissimā fontis aquam aurū extinguens ignitum, cum eadem auri cōtundito folia. Eadem uinum aureum temperato, & unā cum eiusmodi potu comedito recentem oui uitellū. Facile uero in tota corporis arbore seruabis humorem, si in radicibus cōseruaueris. Accipe igitur gallinarum et pullorum eiusmodi atq; caponum cor, iecur, stomachum, testiculos, atq; cerebellum, coque aqua modica, minimo sale: Cocta contunde ex tota carne & toto iure & saccharo, addito recentis oui uitello, fac placentam modico cinamomo crocoq; conditam & auratam. Hac uescere esuriens semel, saltem quarto quoque die, et tunc quidē sola, claro tamen ad potum addito uino.

De usu

De usu lactis sanguinisq; humani pro uita
senum. Caput XI

SAepe post decimum statim & nonnunquam post
nonum septenariū arbor humana arefacto pau-
latim humore tabescit. Tunc primum humano iuuenia-
liq; liquore irriganda est hæc arbor humana, quò re-
uirescat. Eliges ergo puellam sanam, formosam, hila-
rem, temperatam, & famelicus lac eius sugito crescen-
te luna, statimq; comedito marathri dulcis modicum
puluerem saccharo rite confectum. Saccharū quidem
lac in uentre cogi uel putrefieri non permittet, mara-
thrum uero quum & subtile sit & lactis amicum, dila-
tabit ad membra. Quos Hætica senilis exedit, medici
diligentes liquore humani sanguinis, qui arte sublimi
destillauit ad ignem, reficere moliuntur. Quid ergo
prohibet, quo minus senio iam quasi confectos interdū
hoc etiam potu reficiamus? Communis quædam est &
uctus opinio, aniculas quasdam sagas (quæ & striges
uulgari nomine nuncupantur) infantium sugere sangui-
nem, quo pro uiribus iuuenescant. Cur non & nostri
senes omni uidelicet auxilio destituti, sanguinem adoa-
lescentis sugant? uolentis inquam adolescentis, sani,
leti, temperati, cui sanguis quidem sit optimus, sed for-
tè nimius. Sugant igitur more hirudinum ex brachijs
sinistri uena uix aperta, unciam unam aut duas. Mox
uero sacchari uiniq; tantundem sument, idq; esurientes
et sitibundi facient crescente luna. Si crudus ægre con-

E 5

coquitur, coquatur prius unà cum saccharo, uel ad aquam calidā moderate destillet saccharo mixtus, deinde bibatur. Fouere quoq; stomachū tunc sanguine suillo præsens auxilium est: quem utiq; sanguinem è uena suilla fluentem spongia calente uino madefacta combibat, & stomacho statim calens admoueatur. Galenus atq; Serapio morsum rabidi canis sanguinis canini postu curari dicunt. Rationem uero illis assignare nō placuit. Ego igitur biduum cam quæritans, opinor deniq; saliuā canis rabidi uenenosam impressam hominis pedis leso, per uenas paulatim ad cor ascendere, more ueneni, nisi quid interea distrahat. Si igitur interim canis alterius sanguinem ille biberit, sanguis ille crudus ad multas horas natat in stomacho, eum deniq; uelut peregrinum deiekturo per aluum. Interea caninus sanguis iste saliuam caninam superiora membra prensantem prius q̄ ad præcordia ueniat, deriuat ad stomachum: Nam & in canino sanguine uirtus est ad saliuam canis attrahendā, et in saliuā uicissim uirtus ad similem sanguinem prosequendum. Venenum igitur à corde semotum, sanguiniq; imbibitum in aluo natanti, unà cum sanguine per inferiora deducitur, hominemq; ita relinquit incolumem. Quorsum hæc? Primo quidem ut rei tam occultæ, succurrentem inter differendum causam aperuerim: Deinde ut moncam, sanguinē potari posse, & quidem salubriter: atq; in sanguine humano uirtutem esse, qua humanum sanguinem attrahat, & mutuo

tuo prosequatur: Ne fortè diffidas iuuenilem sanguinẽ
à sene bibitum trahi ad uenas membra que possc, ibiq;
prodesse quamplurimum.

De dieta, habitatione, & consuetu-
dine senum. Cap. XII

M Eminisse decrepitos expedit, naturã debilem
non esse nutrimentorum pōdere fatigandam,
uel etiam epularum diuersitate nimia distrahendam:
Nam & iuuenilis ætas hoc uitio fit citò senilis. Diui-
dant ergo mensas, nec tam multa naturam alimonia
quàm frequenti reficiant, interuallo tamen interim ad
digestionem dato. Nam sæpe etiam postquam stoma-
chus ipse concoxerit, nisi & iecur quasi digesserit, su-
mere nutrimentum, naturam distrahit atq; fatigat: qua-
quidem lassitudine sæpius frequentata, aduolat intem-
pestiua senectus. Senes hyeme uelut oues aprica pe-
tant, æstate uelut aues amœna riuosq; reuisant. Fre-
quenter inter uirentes uersentur plātas, & suauiter re-
dolentes: hæ nanq; uiuentes, spirantesq; conspirant ad
spiritum hominis augendũ. Ad loca uero communiter
apibus amica confugiāt, mellaq; hyeme degustent. Mel
enim cibus est senibus in primis amicus, nisi ubi bilis ti-
metur incendiũ. Amicus cæscus recentissimus, amici da-
ctyli, ficus, passulæ, cappares, dulcia punica, zizipha
hyssopus, scabiosa, betonica, sed pistacia multo magis.
Pinei uero nuclei maxie omniũ, sicut diximus. Ex qui-
bus plurimũ refereēt adiumentũ, si eos horas duodecim

Et senũ uĩ-
ctũ in mulo-
tas partiri
oblationes
Galen. suae
det.

in aqua paulum calida teneant prius quàm edant: Sic enim stomacho non nocbunt. Ac præterea, si dum his utuntur, etiam inter pineta & oliueta uitesq; uersentur, aut saltem pini uaporem accipiant & odorem. Item gummi lachrymaq; pini cū oleo uel uino corpus saepe deliniant. Probabile enim est arbores longa naturaliter uita dotatas, præsertim si etiam hyeme uirescant, ad longam tibi uitam umbra, uapore, nouo fructu, ligno & tempestiuo quolibet usu prodesse. De animalibus autem longæuis suprà diximus. Iam uero ad idem tibi fortè conducet, si uiuas plurimū penes eos qui sani, tibi sano natura sint similes & amici, ac magis forsā si paulò iuniores. Vtrū uero & quomodo frequens adolescentum consuetudo parumper senium retardare ualeat, pudicus Socrates consulendus.

Quæ adminicula senes à Planetis accipiant ad omnia membra fouenda. Cap. XIII

Verum cōsulite potius solliciti senes Apollinem, qui Socratem Græcorum sapientissimum iudicauit. Consulite Iouem insuper atq; Venerem. Phœbus ipse artis medicinæ repertor, nucem muscatam uobis fouendo stomacho dabit: Iupiter cum Phœbo mastichen atq; mentham: Venus uero corallum. Fouendo rursum capiti, Phœbus pæoniam, thus, amaracum, et cum Saturno myrrham: Spicam nardi macemq; Iupiter: Venus deniq; dulce marathrum atq; myrtum. Ad
cor

cor uero fouendum accipietis à Phœbo quidem citra-
riam, crocum, lignum aloës, thus, ambram, muscum,
doronicum, modicum chariophylorū, citri corticem,
cinnamomum: Ab Ioue lilium, buglossam, oximum et
mentham, beeniasq; radices, et candidas pariter et rui-
bentes. A Venere sola quidem myrtum et sandalum
atq; rosam: unā cum Saturno coriandrū. Hæc uos con-
tundite diligenter: Et quæ stomachi sunt, cydoniorum
oleo in formā ceroti conficite: Quæ uero capitis, oleo
spicæ persundite ac illinite ceruicem, tempora, frontē.
Quæ deniq; cordis, aureo uino spargite aquaq; rosa-
tea, eaq; foris præcordijs admouete. At iecur in pria-
mis creando sanguini necessariū, nescio quomodo præ-
termisimus. Huic ergo semper Eupatorio et opobala-
samo Phœbus opitulabitur: Pistaceis Iupiter atq; pas-
sulis: Venus autem hepatica, endiuiā, spodio, cicorea.
Lieni tandem fouendo Saturnus ille uester unā cū Io-
ue capparim dabit uobis, scolopendriam, tamariscū.
Sicut uesicam Iupiter cum Venere, pina, glycyrriza,
amido, cucumeris seminibus, malua, althæa, manna,
cassia, curat. Saturnum uero uerendum pluribus, ne
adeo uos fugite senes. Hic enim quā peregrinus est
iuuenibus, tam uobis domesticus erit. Vt igitur totum
ipse quoq; uobis corpus uegetet pro uiribus, atq; con-
firmet, accipietis nonnunquā ab eo regnante pariterq;
à Phœbo mumiam simul, et anseris assi pulpam: hæc
anseris adipe modico delinite, contundite diligenter.

Myrobalanorum chebularū atq; Indarum melle concoquite, ambra, musco, croco cōdite, credentes medicinaliū ad uitam conferentiū uitam esse fidem: Qua speretis & deū supplicatibus uobis adspiraturū, et res ab eo creatas, præsertim cœlestes mirificam proculdubio ad augendā uel conseruādā uitam habere potentiā.

De confabulatione senū sub Venere per uerentia prata. Cap. XIII

Sed à grauioribus his numinibus ad Venerem parumper uos per hortos & prata senes uirētia reuoco. Ad aliam Venerem uos omnes aduoco, non ludentem quidem uobiscum, sed iocantem. Hæc & uobis inquam & mihi iam seni, primo quidem iocosum hoc fundit oraculum. Ego filij (si nescitis) uoluptate motūq; uobis uitam dedi. Ego igitur uoluptate quadā motūq; & si non simili, uobis seruabo uitā. Eandem quoq; seruabit libertate Liber uitis sator, propagator uitæ. Liber ipse semper odit seruos, & quam uino promittit uitam, solis liberis implet longam. Meæ quidem uitæ simulatq; menti quondā profuit regnante Saturno diminuta mentha, placetq; quotidie. Vobis autem maior mentha mente uitæq; prodest, diminuta nocet. Risum ex meis hortis legite, negligite ficum. Has uero uiolas quando carpitis, carpere uos existimate lilia, prehendes liliū, comprehendere crocū. Crocum à Phœbo Iupiter ipse nactus propagauit in liliū. Liliū ego à Ioue

à Ioue suscipiens, in has quas hic uidetis, uiolas transfor-
maui. Deniq; rosa quidē uobis esto Lucifer, Hesperus
uero myrtus. Post oraculum nobis cogitandum, man-
dat rerum uiridium naturam quatenus uirent, non so-
lam esse uiuam, sed etiam iuuenilem, humoreq; prorsus
salubri, & uiuido quodam spiritu redundantem:
Quapropter odore, uisu, usu, habitatione frequēti iu-
uenilem inde spiritum nobis influere. Inter uirentia ue-
ro deambulantibus interim causam perquiremus, ob quā
color uiridis uisum præ cæteris foueat salubriterq; de-
lectet. Inueniemus tandem naturam uisus esse lucidam
ac lucis amicam, uolatilem tamen ac facile dissipabi-
lem. Idcirco dum per lucem se dilatat uelut amicam, in-
terdum nimio lucis excessu rapi prorsus, et uehementi
dilatatione dissolui: tenebras autem naturaliter uelut
inimicas fugere, ideoq; radios in angustum inde retra-
here. Optat uero uisus ita perfrui lumine, ut per amicū
hoc suum amplificetur quidē, nec tamen interim dissi-
petur. Iam uero in quocunq; colore plus admodum te-
nebrarum siue nigredinis est quā lucis, nō dilatatur,
nec ideo delectatur radius uisus ad uotū. Vbi uicissim
plus admodū splendidi coloris est quā nigri, spargi-
tur latius, noxia quadam uoluptate distractus. Quam-
obrem color uiridis, maxime omniū, nigrum cū can-
dido temperans præstat utrūq; delectans pariter atq;
conseruās, & molli insuper et adhuc tenera qualitate,
sicut & aqua radijs oculorū absq; offensione resistit.

Cur uiridis
color præ-
ter cæteros
uisum affi-
ciat uolup-
tate.

ne abeūtes longius disperdantur. Quæ enim dura sunt simul & aspera, frangunt quodammodo radios. Quæ uero rarissima sunt, dissolutioni aditum patefaciūt. Sed quæ soliditatem aliquam habent, lenemq; simul æqualitatem, sicut specularia corpora, nec ipsa quidē frangunt, neq; longius disperdi permittunt. Quæ denique præter hæc beneficia, tenera quoq; sunt et mollia, sicut aqua res que uirides, liquidis oculorum radijs mollitia blandiūtur. Deniq; uisus radius quidam est in quadam oculorum aqua naturaliter nobis accensus: ac temperatum lumen in aqua quodammodo resistente requirit. Itaq; gaudet aqua, delectatur speculis similibus, uiridibus oblectatur. In quibus sanè uiridibus solis lumen insitum adhuc uernum secū habet humorem, aquamq; subtilem occulto quodam lumine plenam. Ex quo fit etiam, ut color uiridis quum tenuatur, in croceum resoluatur. Quorsum hæc? Vt intelligamus frequentem uiridium usum, siquidem uisus spiritum recreat, qui in animali spiritu quodāmodo præcipuus est, animale quoq; reficere. Atq; etiam meminerimus, si color uiridis, quia inter colorum gradus medius atq; temperatissimus est, tantum animali spiritui prodest, multo magis quæ per qualitates temperatissima sunt, naturalem & uitalem spiritum iuuatura, atq; admodum profutura nobis ad uitam. Nihil in mundo temperatius est q̃ cœlum, nihil sub cœlo fermè temperatius est quàm corpus humanum, nihil in hoc corpore temperatius est quàm

quàm spiritus. Per res igitur temperatas uita permanens in spiritu recreatur. Spiritus per temperata cœlestibus conformatur. Deniq; discamus ex temperie uiridis, quæ illuminando æque congregat animalem spiritum atq; dilatat, ideoq; maxime iuuat, nos quoq; in cordialibus eligendis, componendis, utendis, aromaticis, subtilia & acuta, quæ spiritum extendere uel etiam illuminare solent, quod facit crocus atq; cinnamomū, cum aromaticis semper stypticis cōgregantibusq; ceu myrobalanis & similibus commiscere, atque uicissim. Neq; prætermittere quæ absq; acumine etiam aromatico simul utrunq; conficiunt, aliquantum uidelicet dilatant, atq; admodum congregant, multumq; illuminant, quæ & aliàs narrauimus: quod efficit aurum, argentum, spodium, corallus, electrum, sericum, preciosi lapilli, inter quos hyacinthus uel ore detentus ob ioauialem temperiem plurimum comprobatur. Quum enim sub terra nequeant speciosissima & quasi cœlestia procreari absque summo quodam beneficio cœli, probabile est rebus eiusmodi mirificas cœlitus inesse uirtutes. Compositio uero eiusmodi, quæ dilatando & illuminando spiritum æque cōgregat, ita delectat cum intrinsecus atq; recreat, sicut foris uiriditas oculos, atque ipsum etiam apud senes in naturali quadam uiriditate diutissime seruat, quasi laurum, oliuam, pinum, etiam hyeme uirentem. Tantoq; magis id efficit, quod efficit et interius, atq; maxime si compositio talis aro

matico flagret odore, alliciatq; sapore. Profectò sicut corpus ex crassioribus humorum partibus cõpositum in quintam redigitur formam, ita spiritus ex subtilissimis eorundem portionibus constitutus formam habet quintam naturaliter temperatissimam atque lucidam, ideoq; cœlestem. Atq; in hac ipsa forma conseruandus est, ut subtilis quidem sit, & interea firmus sicut diximus. Sit omnino lucidus, sed etiam quodammodo solidus. Ac præterea rebus odoriferis, firmis, lucidis, assidue foueatur, si uitam cupimus conseruare quæ uiget in spiritu, & uendicare nobis cœlestia dona. Hæc hæc tenus iussu Veneris contemplati, Venerem ipsam audiuisse putemus.

Prosopopœia Mercurij, senibus consulentis circa uoluptatem, odores, cantus, & medicinas. Cap. XV

INterea dum inter senes ipsa quasi Venus confabularetur, forte quidem hætenus satis belle, deinceps uero prolixius forsân fabulatura foret. Sermonem hûc his Mercurius uocibus, sermonum autor interpellat. Quidnam uobis est cum Venere istac semper puella senes? Quid rursus Veneri cum sermonibus? Nõne mei simulatq; uestri sunt sermones? Mea ratio pariter atq; uestra? Audite me igitur eadem nunc attentione, qua illam, & multo maiore insuper attentione q̃ Venerem. Quinq; scitis esse sensus, uisum, auditum, olfactum, gustum, tactum. Esse rursus quinq; (ut ita dixerim)

vim) discite rationes. Dum enim per quinque sensus quotidie imbuatur uobis animus, rationesque inde rerum ipse concipit, interea notiones habitusque ad res iudicandas quinque, tanquam rationes quinque, resultant. Præterea sicut quinque hinc quidem sunt sensus, inde uero quodammodo rationes, ita uitæ tenor quinque gradibus circa sensum rationemque disponitur. Unde quinque numerantur ætates. Prima quidem sensu tantum trahitur. Secunda, sensu magis admodum allicitur quam ratione ducatur. Tertia post hæc alternis pariter rationis et sensus persuasionibus agitur. Quarta, ratione potius quam sensu ducitur. Quinta tandem ratione tantum regi debet. Prima igitur ætas atque secunda tanquam subiecta Veneri, Venerem si placeat loquentem audiat, reliquæ uero Mercurium. Ego igitur reliquos uos omnes alloquor, non pro me quidem tantum, sed pro Diana etiam hac, quam ad sinistram meam cernitis: nempe quum hæc elinguis sit, ego uero bilinguis, iure pro hac ipsa, cuius ego linguam habeo, loquor. Vnam profecto noxiamque Venus uobis indidit uoluptatem, qua noceret quidem uobis, prodesset uero futuris, exhaustiens paulatim uos per latentem quandam quasi fistulam, aliudque uestris liquoribus implens atque procreans: uos tandem quasi uetustum quoddam spoliū cicadarum iam exhaustum humi relinquens, cicadæ interim teneriori prospiciens. Nonne uidetis quod Venus de materia uestra generat esse recēs quiddam et uiuum, sensuque præditum? Surripit ergo

Vitæ quinque
que gradus

uobis iuuentutē & uitam atq; sensum, ex toto inquam corpore per totius uoluptatem, ut efficiat inde totum. Ego interim materiæ illius quæ quartæ digestionis superest qualitate monitus, uos cōmoneo, alimenta similiter quarta digestionis cocta plurimū uitæ uestræ succurrere, Ouum recens uidelicet integrum & sorbibile unā cum saccharo exiguoq; croco: Lac humanum, uel suillum, uel caprinum cum pauculo melle sumptum. Atq; hæc duo tunc salubriora sunt, quando natiuo adhuc calore flagrant: Etsi ouum aliam mox cocturam desiderare uidetur, præsertim in stomacho minus ualido, sed leuiter est coquendum. Verū ut parumper ad Venerem redeamus: Siquando uidistis Venerem, iuuenilem admodum uidistis, & quasi meretricijs fucis & ornatibus expolitam. Hæc ergo quæ noua semper est, noua semper affectat, odit uetera, facta destruit, unde construat facienda. Hæc rursus (si dictu fas est) quasi meretrix non uno quouis est contenta uiro: uulgus amat, et ut dialectice loquar, speciei passim potius q̄ in diuiduo suffragatur. Iam uero neq; tactu tantum uos præcipitat, sed etiam gustu fallit quotidie perditq; deceptos. Quos enim uos in rebus sapores percipitis mediocri quadā temperie gratos, hos Diana hæc Apollinis Iouisq; munere tradidit. Illecebras uero saporum miras, quibus quotidie uelut hamo capti clām miseram uitam perditis, Venus insidiosa fabricat. Quid igitur Martem incusatis? Quid Saturnum? Mars quidem
raro

raro admodum uobis palamq; nocet. Saturnus quoque
 sepius uultu se profitetur hostem, nocet tardius, tem-
 pusq; remedijs nulli negat. Sola Venus palam ut ami-
 ca uenit, clam inimica uenit. Hanc igitur incusate po-
 tius, si quem inter superos incusare licet. Ad multipli-
 ces huius insidias, tum oculis Argi uos ipsos instruite,
 tum Palladis clypeo uos munite. Aures autem ad blan-
 das pollicitationes eius tanquam ad lethales Syrenum
 cantus obstruite. Huc deniq; prouidentiae florem à me
 accipite, quo Circes huius ueneficia deuitetis. Hæc uo-
 bis duas uix tandem et has quidem lethiferas pollicetur
 uoluptates potius quam largitur: ego uero beneficio
 patris atq; fratris quinque promitto uobis, quinque præ-
 sto, puras, perpetuas, salutes, quarum infima est in
 olfactu, superior in auditu, sublimior in aspectu, emi-
 nentior in imaginatione, in ratione excelsior atq; di-
 uinior. Quo maior delectatio in tangendo percipitur
 atq; gustando, eo uitæ grauius frequenter accidit detri-
 mentum: Contrà uero quanto maiorem in olfactu uo-
 luptatē & auditu atq; uisu, item imaginatione et sepe
 ratione quotidie reportatis, tanto filia uitæ longiora pro-
 ducitis. Verum sicut in blandimentis tangendi atq; gu-
 standi cauendam uobis subdolam admonui Venerem,
 sic in ipsa secretiore nimisq; assidua cōtemplatiuæ men-
 tis delectatione caute Saturnum: Illic enim frequenter
 filios ipse suos deuorat. Nam quos sublimiorum con-
 templationum suarum rapit illecebris, & illic agnoscit

Dux citæ
 mortis an-
 sa.

at suos, hos interim (si modò diutius gradū ibi sistant)
falce quadam è terris amputat, terrenam que incautis
uitam sæpe surripit. Hoc saltem Venere interim in-
dulgentior, quod Venus quidem uitam quam tibi de-
trahit, donat alteri, nihil tibi pro detrimento restitu-
ens. Saturnus autem pro uita terrena, à qua separatus
ipse, te deniq; separat, cœlestem uitam reddit atq; sem-
piternam. Hoc ipso similes esse uidentur inter se Ve-
nus atque Saturnus, qui sanè quàm Aquario gaudet,
tam regnat in Libra, quod homines & hic & illa ge-
nerandi libidine uexat nocetq; uexatis, ut inde poster-
itati prosit. Sed hæc quidem fœcundat corpus, stimu-
latq; fœcundum. Ille mentem suo semine grauidam ur-
get ad partum. Vos igitur prouerbij memores, Ne
quid nimis, assiduis prudentiæ frenis parturiētis utriusq;
que libidinem cohibete. Tametsi multo citius grauius,
que ille lædit, quos tædio, torpore, mœrore, curis, su-
perstitione premit, quàm quos supra uires corporis
moresq; mortalium eleuat ad excelsa. Omnino uero
seruate moneo quod æquus Iupiter Pythagoram do-
cuit & Platonem, humanam uitam in quadam æquali
animæ ipsius cum corpore proportionē seruari, utrūq;
que suis quibusdam alimentis & exercitationibus ali-
ac similiter augeri. Si quis alterutrum educatione præ-
cipue sua multo robustius altero tandem efficit, non
mediocrem facit uitæ iacturam. Propterea quicumque
inter res medicorum arte laudatas potissimum eas eli-
git,

git, quæ corpori simul & ingenio profunt, maximum uitæ sibi uendicat adiuumentum. In earum uero numero uinum, mentam, myrobalanum, muscum, ambram, zinziber recens, thus, aloë, hyacinthum, similesq; lapillos, herbas uel consimiles esse putate, & quæ ad utriusq; utilitatem à medicis pariter componuntur. Sed longioribus his quandoq; interceptis ambagibus, ego quoq; medicus huc accessi. Si sapores ex rebus accepti non ultra uiuentibus, item odores ex aromatibus iam siccis uitæq; uacuis, multum ad uitam conferre censentur, quidnam dubitatis odores ex plantis, radicibus ad huc suis hærentibus uiuentibusq; mirum in modum uitæ uires accumulatuos? Denique si uapores exhalantes ex uita duntaxat uegetali magnopere uitæ uestre profunt, quantum profuturos existimatis cantus, aërios quidem spiritui prorsus aërio, harmonicos harmonico, calētes adhuc uiuosq; uiuo, sensu præditos sensuali, ratione conceptos rationali? Hanc ergo uobis à me fabricatam trado lyram, cantumq; cum ipsa Phœbeum, solamen laborum, diuturnæ uitæ pignus. Sicut enim res qualitate temperatissimæ simulq; aromaticæ, tum humores inter se, tum spiritum naturalem se cum ipso contemperant: sic odores eiusmodi uitalem spiritum, sic rursum similes quoq; concentus spiritum animale. Dum igitur fides in lyra sonosq; dum tonos temperatis in uoce, similiter spiritum uestrum intus contemperari putate. Ac ne ipse Venere sum auarior, quæ sine Baccho friget,

ab hoc ipso Libero patre per me nectar hoc accipite. Qui precipue inter uos frigent, temporibus similibus bis septimo quoque die uncias uernacei, uel maluatice dulcis meri duas sumant cum una panis uncia, tribus ante mensam horis. Semel autem drachmam unā sublimis aquæ destillantis ex uino cum Iuleb rosacei semuncia. Quo quidem liquore illinire etiam cutem, et ad olfactum uti commodissime possunt. Atque ut post eiusmodi nectar Ambrosiam quoque uobis afferam, hanc in super acceptam ab Ioue largior medicinam; Quatuor myrobalanorum uncias accipite chebularum, tres rosacei sacchari, conditi zinziberis hyeme quidem unciam, æstate uero semunciam. Tria hæc cum emblicarum melle concoquite suauiter, septemque auri folijs exornate. Ieiuni bolum ante prandium quatuor horis accipite. Anno saltem integro quotidie id assumite, ut inde uelut Aquilæ renouetur uestra iuuentus. Hactenus quasi Mercurium locutum existimemus.

Confirmatio superiorum: Et uitandi coitus assiduæque cogitationis præcepta.. Cap. XVI

Astrologi Venerem et Saturnum inimicos inuicem esse ferunt. Quum uero in cælo ubi omnia amore mouentur, ubi defectus est nullus, odium esse nequeat, inimicos, id est effectum diuersos interpretamur. Mittamus in præsentia reliqua. Ecce nunc Saturnus quidem nobis in centro, Venus autem in circumferentia

rentia posuit uoluptatem. Voluptas uero spirituum esca
quædam est. Igitur ex opposito Venus atq; Saturnus
spiritus nostri uolatum aucupantur. Illa per uolupta-
tem suam allicit ad externa, hic interim per suam ad
intima reuocat. Distrahunt itaq; spiritum, si fermè eo
dem tempore moueāt atq; dissipant. Quamobrem ni-
hil contemplatori uel curioso pestilentius, quàm uene-
reus actus, nihil uicissim hunc sectanti alienius quàm
cura & contemplatio esse potest. Contemplatorē uero
physicum, religiosumq; eodem in gradu connumera-
mus: Et gradu simili quemlibet in negocijs suis ualde
cogitabundum grauibusq; curis obnoxium. Hinc rur-
sus efficitur, ut si quem Saturnia uel cōtemplatione ni-
mium occupatum uel cura pressum, leuare interim &
aliter consolari uelimus, per uenereos actus, ludos, ioc-
cos, id tentantes tanquam per remedia longe distantia,
frustra atq; etiam cum iactura conemur. Atq; uicissim
si quem uenereo uel opere perditum, uel ludo iocoq; so-
lutum moderari uelimus, per Saturniam seueritatem
emendare non facile ualeamus. Optima uero disciplina
est, per quædam Phœbi Iouisq;, qui inter Saturnum
Veneremq; sunt medij, studia similiaq; remedia homi-
nes ad alterutrum declinantes, ad medium reuocare.
Sed ut tandem simus medici. Sicut flamma duobus con-
muniter modis uiolentis extinguitor, aut uelut diffolata
uentis, aut contrā quasi compressa cineribus: sic spiri-
tum uel celeriter effectu uenereo dissipamus, uel sensim

Saturnio suffocamus, ac sæpe exprimimus cōprimendo, pariterq; resolvimus. Spiritus utiq; frequenter ad extrema uolans, intima reddit uel uacua uel aliena uitæ. Sed ad intima sæpe coactus, cætera circum membra præstat uitæ minus idonea. Citam igitur senectutem, tum Venus interioribus nostris, tum Saturnus exterioribus infert. Venus quidē præcipue, ubi ex quouis eius motu facile corpus debilitatur atq; labascit. Saturnus quoq; potissimum, quando ex quocunq; contemplationis officio uel cura, labore, ingenij corporisq; uires labefactantur: etsi uel qui ad contemplationem, uel qui ad libidinem natus est, plerunq; ad suum uterq; officium est natura fortissimus. Natura enim sæpe coniungit cum uoluptate simul et facilitate potentiam. Vnusquisq; igitur se cognoscat, sui que ipsius moderator ac medicus esto. Coitum quidem frequentaturi cæteros consulant. Ego uero exercitaturis ingenium libro etiam superiore consului: deniq; omni diæta omnibus remedijs uti debent, quibus membra, spiritus, sensus, ingenium, memoria confirmantur: cogitationes per intervalla repetere, nec expectare uel minimum ex cogitatione laborem: maxime uero quum primū canescunt, quamuis nonnulli sint qui non tam debilitate naturæ, uidelicet adhuc iuuenes canos emittunt, quā uel ægritudine, uel ægrotatione aliqua præcedente, aut etiam parentum similitudine, à quibus scilicet iam canescensibus fuerint generati.

Medicina

Medicine senum, & de habitatione iterum
atq; diæta. Cap. XVII

C Haldæorum regula est forte probanda ad iu-
uentutem recuperandam, peregrinos humores
imbibitos corpori expurgare gradatim, tum interio-
res competentibus medicinis, tum exteriores frictioni-
bus & lauacris prouocationibusq; sudoris, intereaq;
salubribus duraturisq; alimentis paulatim corpus im-
plere. Sunt autem qui trochiscis quibusdam ex uiperæ
factis, uel helleboro præparato, promittunt humores
omnes ueteres putridosq; prorsus educere. Quibus ex-
purgatis, & humore rursus saluberrimo alimentis
salutaribus recreato, restituere iuuentutem. Et qui cau-
tiores sunt, helleboro gallinas pascunt, hominem uero
gallinis. Eiusmodi uero curationem tanquam pericu-
losam in iuuentute arbitror potius quàm in senectute
tentandam, ne forte iuuentutem illam à Medea Pelie
seni promissam experiamur. Nam & iuuenes medica-
nis exquisitè purgantibus citò senescere Hippocrates
asserit. Sed ubi diæta non sufficit, clystere uel manna,
uel aloë præsertim lota securus utêris. Si tibi sit aluus
astrictior, manna cum iure caponis myrobalaniq; uir-
tute: Sin minus, hac te iuuenem etiam in senectute pur-
gatione seruabis: Sume unciam lotæ aloës unā, myro-
balanorum emblicarum drachmas duas, chebularum
quoq; tantundē, duas item rosarū purpurearum, ma-
sticis quoq; tantūdem, maluatico uino confice pilulas.

quando Luna feliciter collocata, propitio fruitur Iouis
 aspectu, praesertim si domicilia fixa possederit uel ip-
 sa, uel Iupiter. Haec enim ad diuturnitatē uitae magno-
 pere conferunt. Potes etiam utiliter Reubarbarum hic
 cum aloë componere, scilicet dimidiam aloës partem,
 dimidiam reubarbari, & quoties opus fuerit, unam
 manē sumere pilulam ad tres usq; uel quinq; modicūq;
 insuper uinum bibere. Vbi uero pituitam magis times,
 potes cōmode in his pilulis trochiscorum agarici ter-
 tiam partem accipere unā cum tertijs aloës duabus,
 omisso reubarbaro. Sed primam illam ego iam multis
 annis pilularum compositionem omni aetati experior
 esse tutissimam. Eadem hora cōfectionem eiusmodi fa-
 cito: Sume myrobalanorum emblicarum, belliricarū,
 Indarum, chebularum, unciam uniuscuiusq; unam, cin-
 namomi uero duas, unam quoq; daronici, rosarum pur-
 purearum unam, sandalorum rubcorum duas, unam
 croci drachmam, tertiā drachmæ partem musci, am-
 bræ tantūdem: candidum post hæc cum aqua rosacea
 succoq; citri fundito saccharum: coque, fac bolos, au-
 roq; inuolue. Hoc ante prandium quatuor horis sumen-
 tes atq; dantes, utiliter experti sumus ad uirtutem cor-
 roborandam, ad illustrandum spiritum atque firman-
 dum. Maxime uero proderit si paulum quid insuper
 uini aurei biberis. Proderit et sæpe calefactum panem
 aureo mero & rosacea aqua persundere, & modico
 insuper cinnamomo saccharoq; uberiore condire. Fre-
 quenter

quenter etiam duo hæc cum lacte amygdalino & modico pane miscere: nam eiusmodi mixtiones naturam referunt Iouialem. Præter omnia quæ in superioribus explicauimus, uel saltem significauimus, ab ijs omnes urbani diligenter cauere debent, æstu, gelu, quolibet uel post calorem frigore uel nocturno, nebulis, uentis uel ex palude flâtibus, uel irrumpentibus ex angusto: locis item ubi aër uel mouetur uiolentius, uel nullo modo mouetur: Habitatione quauis humidior, fœtore, mœrore, torpore. Diligentius autem Mercurij sectatores, diligentissime senes. Qui præterea postquam manè corpus totum leuiter perfricuerint, delinient ipsum aduersum aëris et laboris incommoda calente oleo uel uino quopiã subamaro, cui prius infuderint myrrham & rosam atq; myrtum. Saluiam frequenter ore ferât, neruis ac dentibus amicitissimam. Et quando dentium uitio liquida, uelut infantes, alimenta repetere cogantur, mollißima caueant. Lac quidem uino referant moderato. Utantur igne duntaxat ut medicina, quantum uidelicet expellendi frigoris & suscitandi caloris innati neceßitas postulat, alioquin tanquam edace humorem naturalem exiccature. Solem uero quoad delectat sequantur ut alimentum, destillatione uitata, & æstu similiter declinato. Faciles quidem motus diligant, excitando calori admodum neceßarios. Labores autem corporis oderint, & multo magis animi: nec minus longam sitim, & incediam atq; uigiliam.

De nutrimento spiritus, & conseruatione
uite per odores. Cap. XVIII

LEgimus in calidis quibusdam regionibus, ac plu-
rimo passim odore fragrantibus, multos gracili
corpore & imbecillo stomacho, quasi solis odoribus
ali. Fortè quoniam ipsa natura loci, tum herbarum &
frugum atq; pomorum succos fermè totos redigit in o-
dores, tum corporum humanorum humores illic resol-
uit in spiritum. Quum igitur uterq;, uidelicet odor &
spiritus sit uapor quidam, et simile simili nutriatur, ni-
mirum & spiritus & spiritalis homo, plurimum ab
odoribus accipit alimentum. Nutrimentum uero qua-
tecunq; id sit, per odores siue fomentum, apprime senia-
bus & gracilibus necessarium est, quo defectum ali-
menti solidioris atq; uerioris utcunq; compensare possi-
mus. Ambigere tamen nonnulli solent, utrum spiritus
odoribus nutriatur. Ego autem opinor solis forsitan ita
nutriri, ut nisi alimenta quæ crassa sunt, digestionem tan-
dem in uapores extenuentur, spiritus ipse, quem dixi-
mus uaporem esse, nullum illinc suscipiat nutrimentū.
Itaq; uinum odore plenum, spiritum subito recreat,
quem cætera uix tandem reficere possunt. Vaporem
uero illum in quem cibi cocti deniq; transferuntur, ideo
appellamus odorem, quoniam & odor ubique uapor
quidam est: & hic tractus intus ex alimentis uapor,
nisi spiritui quodam odore placeat, uix ullum spiritui
exhibet alimentū. Quamobrem Auicennam nostrum
ualde

valde probamus dicentem, corpus quidem dulcedine,
spiritum uero quadam (ut eius uerbis utar) aromatici-
tate nutriri: Quoniā crassitudo corporis non nisi cras-
sa natura, qualis est in dulcedine, coalescere ualeat: Te-
nuitas uero spiritus non alio quā fumo quodam atq;
uapore, in quo aromaticitas ipsa uiget, refici possit.
Aromaticā uero qualitatem dicimus odoram, & acua-
tam, & quodammodo stypticam. Proinde quoniā iecur
quidem corpori per sanguinem alimentū praeſtat,
dulcedine plurimum augetur. Cor autem quia et creat
spiritum & spiritui procreat alimentum, meritò desia-
derat aromatica. Expedit tamē & aromatica pro cor-
de condiri dulcedine, & dulcia pro iecore aromaticis
commisceri, dulcedinem que interea nimiam euitare.
Quid plura? Galenus ipse secutus Hippocratem, spi-
ritum nō solum odore putat nutriri, sed aëre. Aëre in-
quam non simplici, sed potius opportune permixto.
Quibus quidem si fidem habebimus, nec alimentorū,
nec rei ullius delectum magis ad uitam necessarium, q̄
aëris nobis accommodati, esse censebimus. Aër enim et
inferiorum & coelestium qualitibus facillime semperq;
affectus, & immensa (ut ita dixerim) amplitudine cir-
cumfusus, perpetuoq; motu nos undique penetrans, ad
suā nos mirabiliter redigit qualitatem: praesertim spi-
ritum, praecipue uitalem in corde uigentem, in cuius
penetralia, tum assidue influit, tū repente: sic protinus
afficiens spiritum ut est affectus: perq; spiritū uitalem,

qui & materia & origo est spiritus animalis, pariter
 afficiens animalem. Cuius quidē qualitas maximi mo-
 menti est ingeniosis eiusmodi spiritu plurimum labo-
 rātibus. Itaq; ad nullos potius quā ad eos attinet pu-
 ri luminosiq; aëris odorumq; delectus, atque Musicae.
 Hæc enim tria spiritus animalis fomenta præcipua iu-
 dicantur. Potissimus uero ad uitā est aër electus. Nam
 octauo mense nati in Aegypto plurimi uiuūt: & non-
 nulli in plagis Græciæ temperatis saluberrimi, aëris
 beneficio quod Aristoteles narrat, & Auicenna confir-
 mat. Sed profecto sicut corpus ex uarijs compositum,
 uarijs (quamuis non eadem mensa) nutriendum est ali-
 mentis: ita spiritus similiter compositus uarietate qua-
 dam aëris semper electi oblectandus est atq; fouendus.
 Simili quoq; electorum odorum uarietate quotidie re-
 creandus. Nam aër & odor quasi spiritus quidam esse
 uidentur. Iam uero Alexander & Nicolaus Peripate-
 tici unā cum Galeno concludunt spiritum uitalem &
 animalem ideo nutriri tum odore, tum aëre, quoniam
 uterq; mixtus est atq; conformis, & utrunq; haustum
 in præcordia penetrare, ibi coqui temperariq; ad ui-
 tam, perq; arterias diffundi. Vbi uterq; coctus iterum,
 nutrit spiritum (ut aiunt) utrūq;, præcipue animalem.
 Aiunt etiam spiratum aërem non solum refrigerando
 calori prodesse, sed etiam nutriendo. Nam & anima-
 lia etiam ualde frigida spirant. Addunt aërem crassio-
 rem spiritui naturali tanquam magis corporco conue-
 nire,

nire, subtilem uero, purum, lucidum, spiritui potius uitali, potissimum animali. Neq; mirum uideri debet spiritum adeò tenuem rebus quoq; tenuibus ali. Siquidem & pisciculi multi aqua nitidissima nutriuntur, & ozimum in aqua simili uiuit, crescit, floret, redolet. Mitto quibus elementis chamæcontem & salamandrā nutrirī nōnulli ferant. Redeamus ad nostra. Interest certe quamplurimum qualem spiremus aërem, quales hauriamus odores. Talis enim & spiritus in nobis euadit. Eatenus uero nos anima per uitam uegetat, quatenus spiritus harmoniam seruat cum anima concinentem. Spiritus quidem in nobis primus uiuit & maxime, & quasi uiuit solus. Nōne repentino quodam sæpe casu, uel affectu, uita, sensus, motus, subito membra deserūt, regresso uidelicet ad cordis penetralia spiritu? & sæpe statim reuertuntur ad membra, per frictiones & odores illuc spiritu redeunte, quasi uita in ipso spiritu uidelicet re uolatili potius insit q̃ humoribus aut membris. Alioquin propter horū crassam tenacitatem tardius admodum accederet uita membris atq; recederet. Quicunq; igitur uitam in corpore producere cupitis, spiritum in primis excolite, hunc augete nutrimentis sanguinem augmentibus, temperatum uidelicet atq; clarum, hunc aëre semper electo fouete, hunc quotidie suauibus odoribus alite, hunc sonis & cantibus oblectate: sed interea odores cauate calidiores, frigidiores fugite, capeßite temperatos, frigidos calidis, siccis

humidis temperate. Odorem uero omnem, quia pars corporis subtilissima est, scitote nonnihil habere caloris, atq; ex rebus quæ ipsæ nutriūt, odores sperate potius nutrituros, ut ex aromatico pyro pomoq; persico, similiq; pomo: magis autem recente pane, calente, maxime carnibus assis, quammaxime uino: atq; sicut sapor qui mirifice placet, plurimi uelocisq; nutrimenti causa est uel occasio corpori, sic odorem ad spiritum se habere putate. Commemorare uobis iterū placet, Democritum iamiam expiraturum, ut obsequeretur amicis, spiritum ad quatrimum usq; olfactu calentium panum retinuisse, ulterius etiam, si modo placuisset, spiritum seruaturum. Sunt & qui dicunt id mellis odore fecisse. Ego, si modo usus est melle, existimo illum mel uino liquefactum albo, calentibus panibus infudisse. Neq; enim spernendus est mellis odor. Flos namq; florum mel existit, nec parum nutrit ipsa dulcedine, ac diu qualitate sua res integras à putrefactione tuctur. Itaq; si quis nouerit hoc etiam ad cibum ita uesci, ut nec dulcedine nimia meatus oppleat, nec tali quodā calore bilem exaugeat, certum habebit longioris uitæ subsidiū. Saltem igitur condimentū hoc frigidis & humidis adhibete. Verum ut uos reuocem ad odores: Vbicunque suffocationem, compressionemq; spiritū nimiam extimescitis, quod mæror frequens torporq; portendit, odores circumfusus amate. Vbi uero fugā exhalantium spiritū expauescitis, odores potius infusos nutritis

tis accipite. Et si quid odorum præterea foris sumitis, uelut clypeū costis duntaxat admouete sinistris. Nónne uidetis quàm repente sursum uel deorsum ad odores se matrix ipsa præcipitet? quàm uelociter ad os, ad nares spiritus aduolet, suauis odoris esca plectus? Vbi igitur spiritus uel exiguus uel fugacissimus esse deprehēditur, quod pusillanimitas sæpe declarat corporisq; debilitas, uel parua de causa multa contingens, odoribus non tam extrinsecus obiectis, q̃ intrinsecus iniectis allicite, imò potius pascite, retinete. Odorem uero uini ante omnes eligite. Multum nanq; nutrit spiritū odor exhalans ex natura, tum plurimū et uelociter nutritiua te corpus, tum uoluptate sensum afficiente. Tale uero uinum est præ cæteris calidū, humidum, et odorū atq; clarū. Tale etiam saccharū esse dicerem, si sumat odorem. Cinnamomū quoq; simile et doronicum, anisumq; & dulce marathrū, si acumini suo ad exiguam dulcedinem adderent ampliores. Sed quā temperiem natura nō fecit, uobis ipsi cōficite. Et quoties distractionem spiritūū formidatis, calidioribus acutioribusq; et subtilissimis adhibete, quæ cohibere parumper uolatū spiritus ac sistere ualeāt, ceu croco, chariophylis, cinnamomo, adustū panem, rosaceā aquam, acetumq; rosaceū, rosam, myrtū, uiolam, sandalū, coriandrū, cydonium pomū atq; citrum. Horreo uero camphoram ubi contra caniciem est agendū. Recentem uero semper menthā diligo, menti etiam salutarem spirituiq; tutissimā.

Deniq; mementote res omnes ueneno contrarias, esse
uite admodum salutare, non gustu tantum, sed etiam
odoratu, maxime theriacam. Has uero in libro contra
pestilentiam enarrauimus, narrabimus & in libro se-
quenti. Inter eas autem, ne quid uos lateat, numeramus
et uinum. Nam sicut homini uenenum est cicuta, ita ci-
cutæ uinum, non simul quidem, sed paulò post ebibitū.
Ac ne solis uos odoribus hic alliciam, componendum
uobis mando electuarium quotidie manè gustandum,
olfactu gustuq; suaue, & uite admodum salutare. Acci-
pите tres chebularum uncias, unam emblicarum, &
Indarum unam, unamq; belliricarum, semiūciam ue-
ro doronici, cinnamomi uncias duas, croci drachmam
unam, ambre partem drachmæ tertiam, musci quoq;
tantundem. Contundite diligenter. Tantū rosacei sac-
chari adhibete, quantum gustui satisfacit: Sandalorum
rubentium quantum sat est colori: mellis item emblica-
rum uel chebularum quantum molli expedit electuarij
formæ, auri folia totidem quot prædictæ sunt uncia.
Vbi uero difficilior est compositio multiplex, experti
sumus simplicem hanc optimam esse, scilicet ex chebu-
lis, marathro dulci, saccharo aqua rosacea liquefacto:
sumptam uero tum ieiuno stomacho, tum post coenam.
Memineritis aut myrobalanos conditas meliores esse,
siccas uero saltem diem integrum oleo amygdalarum
dulcium uel butyro uaccino prius infundite quàm con-
suletis. Probat & Auicenna uobis confectionem ex em-
blicis

blicis atq; Indis cum melle anacardorum coctoq; butyro. Item chebularum cum zinzibere & squama ferri, & potius auri. Probat item Petrus Aponensis compositionem ex croco, mace, castoreo, per partes acceptis atq; contusis & uino commixtis. Vnde affirmat uitam etiam propemodum moribundis produci consueuisse. Deniq; Haly astrologus medicusq; excellens, asserit usu tripherae similiumq; rerum uitam effici longiorem. In omni uero triphera myrobalanus fundamentum est, sed hanc temperant subtilibus quibusdam atq; mollibus, praesertim ubi siccior est myrobalanus, ut et penetret, nec meatus obstruat, nec aluum exiccet nimium uel adstringat. Cum uino praeterea commodissime utimur, sed modico, ne forte diluat. Compositionem uero Petri quam modo narrabam, si modo utilis est, arbitror olfactu potius quam potu utilem fore.

Magorum medicina pro senibus.

Caput XIX

Magi stellarum obseruatores, ad Christum uitae ducem stella duce uenerunt, preciosum uitae thesaurum offerentes, Aurum, thus & myrrham, tria dona pro tribus Planetarum dominis stellarum domino dedicantes. Aurum quidem pro temperamento Iouis, maxime omnium temperatum. Thus autem pro Sole praecipue Phoebus calore simul odoreq; flagrans. Myrrham deniq; firmam corpus atq; conseruantem pro Saturno omnium firmissimo Planetarum. Huc igitur

omnes ad sapientes Magos uenite senes, munera uobis quoq; uitam productura ferentes, quibus autorem uitæ quondam uenerati traduntur. Venite senes, inquam, senectutem grauitèr tolerantes. Venite & uos præterea, quoscunq; senectutis propemodū aduentantis formido sollicitat. Accipite precor alacres uitalia dona. Sumite uncias quidem thuris duas, unam uero myrrhæ, auri rursum in folia ducti dimidiam drachmæ partem, contundite tria simul, conflante, confundite in pilulas, aureo quodam mero: idq; tunc opportune conficite, quando Diana propitio Phœbi uel Iouis gaudet aspectu. Sumite posthac thesauri tãti, aurora qualibet portuinculam, ac exiguo perfundite meri potu, nisi forsitan incaluerit æstas, tunc enim aquam rosaceam bibere præstat. Si quis autem inter uos calorem quouis tempore magis metuat, is myrobalanū chebulam aut emblicā æqualem ad thuris myrrhæq; & auri simul pondus adijciat. Hoc humorem proculdubio naturalem à putrefactione tuebitur. Hoc humoris resolutionem longius propulsabit. Hoc tres in uobis spiritus, naturalē, uitalem, animale m fouebit, confirmabit, corroborabit. Hoc rursum uegetabit sensum, acuet ingenium, memoriam conseruabit.

De periculis uitandis ex quolibet uitæ septenario imminentibus. Cap. XX

Quam astronomi singulas deinceps dici horas Planetis ordine singulis distribuerint, similiterq;

terq; septē hebdomadæ dies, atq; in ipso foetu per menses digesserint officia Planetarum, cur non etiam per annos eadem disponamus? ut quemadmodū infantem in aluo latentem rexit primo mense Saturnus, ultimo Luna, sic statim natum ordine iam conuerso, primo ipse annus ducat Luna, secundo (si uis) Mercurius, tertio Venus, quarto Sol, quinto Mars, sexto Iupiter, septimo uero Saturnus: atq; deinceps ordo per uitam similis repetatur. Itaq; in septimo quolibet uitæ anno, fit in corpore mutatio maxima, ideoq; periculosissima, quandoquidem & Saturnus nobis communiter est peregrinus: & ab eo tunc Planetarū summo, ad Lunam cuestigio Planetarū infimā gubernatio redit. Hos annos astronomi græci Climactericos nominant, nos scalares, uel gradarios, uel decretorios appellamus. Fortē uero in morbis ipsum humoris uel naturæ motum Planetes per dies eodem ordine regunt: unde & septimus quisq; eadem ratione Iudiciarius appellatur. Quartus quoq; quoniam medium in septenario tenet. Tu igitur si uitā producere cupis ad senectutem, nullis eiusmodi gradibus interruptā, quoties septimo cuilibet propinquas anno, consule diligenter astrologū: Vnde immineat tibi discrimen ediscito: Deinde uel adito medicum, uel prudentiam & temperantiā accersito. His nanq; remedijs prohiberi minas astrorum Ptolemæus etiam confitetur. Addit quinetiam astrorum promissa sic augeri posse, ut agrorū cultor auget terræ uirtutē.

MARS. FIC. DE VITA

Probat Petrus Aponensis argumentationibus multis
 & testimonio Aristotelis, Galeni, Haly, naturalē uitæ
 finem non esse ab initio ad unguem determinatum, sed
 ultra citraq; moueri posse. Idq; asserit tū ex astris, tum
 etiam ex materia. Cōcludit his autoribus rationibusq;
 obitum etiam naturalem differri posse, cū astrologiæ
 machinis tum præsidij medicorum. Igitur neq; nos te-
 mere in his præceptis elaboramus. Neq; te pigeat per-
 quirere à medicis quæ naturaliter tua sit diæta, & ab
 astrologis, quæ stella uitæ faucat, & quādo hæc bene
 se habet, & ad eam Luna, compone quæ prodesse di-
 diceris. Neq; pudeat sæpe illos auscultare, qui non tam
 fortuna quàm uirtute senectutem prosperam consecuti
 uidentur. Præterea Ptolemæus & cæteri professores
 Astronomiæ, imaginibus quibusdā ex certis lapidibus
 & metallis sub certo sydere fabricatis, uitā prosperam
 pollicentur atq; longæuā. Verum de imaginibus qui-
 dem ex parte, ac plurimum de reliquo fauore cœlesti
 commentariū componimus in Plotinum, quem librum
 huic operi deinceps subiiciendū existimamus, quem
 admodū hoc post librū scribi uolumus quem De curan-
 da literatorū ualetudine composuimus. Fauorem uero
 cœlestem quem modo dicebam, pro iuuentute longa,
 nunc quantū quasi Poëtæ cuidā licet loqui, quantū rur-
 sus medico licet facere, à Phœbo Bacchoq; pctemus.

Solis æterna est Phœbo Bacchoq; iuuentus,
 Nam decet intonsus crinis utrunq; deum.

Phœbus


PRODVENDA LIB. I

Phœbus et Bacchus semper indiuidui fratres sunt: ambo ferè sunt idem. Phœbus quidē est ipsa sphaera illius anima, sphaera uero Bacchus, imò & Phœbus est totus ipse sphaerae circus. Bacchus autem est flāmeus ille in hoc circo circulus, imò uero Phœbus est alium in hoc flammeo globo lumen. Bacchus autem existit ibidem salutaris ex lumine calor. Semper ergo fratres comitesq; sunt, ferè semper alter & idem. Quid uero? si Sol in Vere quidem Phœbus est, cantu suo tunc auium cantus excitans, cithara rursum tempora temperās: in autumno uero Sol idem autor uini Bacchus existit. Tria nobis ad seruandam iuuentutem pater ille Liber, qui amat colles, Bacchus affert, hos quidem apricos primum colles, in his autem collibus suauissimum præcipue uinū, perpetuā in uino securitatem. Tria quoq; Phœbus Bacchi frater pari benignitate largitur, diurnum primo lumen, sub fomento luminis herbas suauiter redolentes: ad luminis huius umbram, citharam cantumq; perennem. His ergo pensis potissimū, his staminibus Clotho nobis iam non Parca longa uitæ fila producet. Treis Parcas ferè omēs Poëtæ canūt. Treis quoq; nos nō poëtæ canimus. Prudens quidem in omni uictu parcitas uitam nobis longam inchoat: constans quoq; in curis subeundis parcitas producit uitam: parcitas uero in cælo fruendo negligens uitam occat. Tres Pythagoras temperantias ante omnia celebrat: tres etiam nos in præsentia celebramus. Temperantiam in

affectibus conseruato: temperantiam in omni uictu seruato. Temperiem aëris obseruato. Hac enim providentia humorum intemperiem, quæ citæ senectutis & in tempestiuæ mortis causa est, aspirante Deo, procul admodum propulsabis. Aspirabit autem autor ille uitæ, si ea tantum conditione uitam optaueris diuturnam, ut diutius cum genere humano uiuas, tum maxime uiuas illi, quo mundus totus inspirante uiuit.

DE VITA PRODVCENDA
LIBRI FINIS.

MARSILII FICINI FLORENTINI
in librum tertium De uita cœlitus comparanda,
ad serenissimum Pannoniæ regem
epistolare proœmium.



Hilosophi ueteres, rex omnium felicissime, cœlestium uires inferiorumq; naturas diligentissime perscrutati, quū existimarent hominem frustra sapere, qui non sibi sapit, totam meritò perscrutationem suam in primis ad uitam sibi cœlitus comparandam retulisse uidentur. iudicantes (ut arbitror) tum elementa et quæ ex his componuntur frustra sibi cognita fore, tum motus cœlestium & influxus temere nimium obseruatos, nisi hæc unà cum illis cognita simulatque coniuncta, aliquando sibi ad uitam felicitatem quæ conducerent.

Profuit

Profuit autē illis, ut uidetur, eiusmodi contemplatio ad uitam primo præsentem. Nam Pythagoras & Democritus Apolloniusq; Theanæus, & quicunq; ad id potissimum studuerunt, rerum sibi cognitarum usu prosperam ualeitudinem consecuti sunt uitamq; longeuā. Contulit insuper ad futuram uitam, tum per gloriam apud posteros propagandam, tum apud Deum in æternitate fruendam. Siquidem ex mirabili mundi totius ordine, eius tandem cognouere rectorem, & ante omnia cognitum amauerūt. Tibi uero gloriam per secula cuncta futuram, magnanimitas, magnificentia, uictoria perpetua pollicentur. Vitam quoq; apud Deum in æuo beatam diuina clementia, insigni pietati tuæ iustitiæq; promittit. Vitam deniq; prosperam inter mortales satisq; longam (quantū ex indicijs quibusdam mihi licuit coniectare) felicia tibi sydera decreuerunt. Vt autem quod pollicentur id & præstent firmissima fide, & cumulo insuper prorogent pleniore, diligentia tua & medicorum astrologorumq; cura efficere proculdubio potest. Iam uero id posse scientia et prudentia fieri, doctissimi quiq; astrologi ac medici consitentur. Quū igitur inter Plotini libros magno Laurētio Medici destinatos, in librum Plotini de fauore cœlitus hauriendo tractantem, nuper commentarium composuissem, inter cætera in cum nostra cōmentaria numeratum, id quidem seligere nunc, Laurentio quidē ipso probante, atq; maiestati tuæ potissimum dedicare decreui. Spero

equidem dum uitæ tuæ prosperitatiq; consulam, uitæ
interim, & splendori seculi nostri & humani generis
consulturum. Atq; ut ualeitudini prosperitatiq; regiæ
ualidius hæc nostra prodesse, per Valorem ipsum
mittenda putavi. Hunc tu igitur Valorem nostram cle-
mentissime Rex complectere precor. Tantum enim na-
tura, uirtus, autoritas tua ualet, ut absq; te nequeat uel
Valor ipse ualere. X. Iulij. M. CCCC. LXXXIX.
Florentiæ.

MARSILII FICINI AD LECTO-
rem sequentis libri exhortatio.

Salue hospes ingeniose. Salue iterum quisquis es
salutis audus, qui nostra ad limina tendis. Vide
precor hospes cupide primum, quàm hospitalis sim. In-
trantis erat certe, salutem statim hospitio dicere: Ego
uero salute præueniens, mox prospectū saluere te iussi:
Intrantem & adhuc ignotum perlibenter excepi: Tra-
hentē apud me moras, promissa (si Deus aspirauerit)
salute donabo. Hospitium ergo nactus es amicum qui-
dem omnibus, & amoris nunc erga te plenum. Si quid
fortè fers tecum amoris contrarium, si quid habes odij,
prius ponito precor, quàm medicinas hic uitales attin-
gas. Vitam enim tibi dedit amor, uoluptasq; parentū:
Vitam uicissim demit odium, atq; dolor. Quem igitur
odiosus uexat dolor, huic nullus usquam medicinæ ui-
tali relictus est locus. Quamobrem deinceps te non ut
hospitem

hospitem tantum iam alloquor, sed amicum. Officina Marsilij tui aliquanto est amplior, quàm his cancellis duntaxat quos hic uides, coërceatur. Nō enim solo hoc libro sequente, sed duobus etiam præcedentibus circūscribitur. Tota uero summatim medicina quædam est, pro uiribus opitulatura uitæ, ut ualida tibi uita sit, ut longa. Idq; ubiq; medicorum ope cœlitus adiuta molitur. Varia sanè pro diuersis hominum ingenijs atq; naturis nostra hæc officina, antidota, pharmaca, fomenta, unguenta, remedia profert. Si qua tibi fortasse minus placeant, mittito quidem ista, cætera propterea ne respuito. Denique si non probas imagines astronomicas, alioquin pro ualetudine mortaliū adinuentas, quas & ego non tam probo quàm narro: has utiq; me concedente, ac etiam si uis consulente, dimittito. Medicinas saltem cœlesti quodam adminiculo confirmatas, nisi fortè uitam neglexeris, haud negligito. Ego enim frequenti iamdiu experientia compertum habeo, tantū interesse inter medicinas huiusmodi, atq; alias absq; delectu astrologico factas, quantum inter merum & aquam: ut etiam infans octauo à conceptione mense natus Florentiæ mense Martio, nocte ascendente, Saturno retrogrado semiuiuus, eiusmodi diligentia uideatur à nobis, imò à Deo quasi uitæ redditus potius quàm seruatus, trienniumq; ualidus fermè iam impleuerit. Iam uero si præter ea generis eiusdem plura narrauero, uera loquar. Nec gloriabundus (quod est à philosopho

110 DE VITA COELITVS

penitus alienum) sed exhortabundus potius afferam.
Verum satis iam partim quidem conciliantes, partim
etiam exhortantes alloquuti te sumus. Deinceps igitur
cum Plotino loquamur, ita demum tibi diligentius
consulturi.

MARSILII FICINI

FLORENTINI LIBER DE VI-

ta coelitus comparanda, compositus

ab eodem inter Commentaria

eiusdem in Plotinum.

In quo consistat secundum Plotinum uirtus fauorem
coelitus attrahens, scilicet in eo quod anima
mundi & stellarum dæmonumq; ani-
mæ facile alliciuntur corpo-
rum formis accom-
modatis.

CAPVT PRIMVM.



I tantum hæc duo sint in mundo,
hinc quidem intellectus, inde ue-
ro corpus, sed absit anima, tunc
neq; intellectus trahetur ad cor-
pus (immobilis enim est omnino
caretq; affectu motionis princi-
pio, tanquam à corpore longissime distans) neq; corpus
trahetur ad intellectum, uelut ad motum per se ineffi-
cax &

tax & ineptum, longeque ab intellectu remotum. Verum si interponatur anima utrique conformis, facile utrinque & ad utraque fiet attractus. Primo quidem ipsa omnium facillime ducitur, quoniam primum mobile est, & ex se & sponte mobile. Præterea quum sit (ut dixi) media rerum, omnia suo in se modo continet, & utrinque ratione propinqua. Ideoque conciliatur & omnibus, etiam æqualiter illis quæ inter se distant, ab ea uidelicet non distantibus. Præter enim id quod hinc quidem conformis est diuinis, inde uero caducis, & ad utraque uergit affectu, tota interim est simul ubique. Accedit ad hæc quod anima mundi totidem saltem rationes rerum seminales diuinitus habet, quot idæe sunt in mente diuina, quibus ipsa rationibus totidem fabricat species in materia. Vnde unaquæque species per propriam rationem seminalem propriæ respondet idæe, facileque potest per hanc sæpe aliquid illinc accipere, quandoquidem per hanc illinc est effecta. Ideoque si quando à propria forma degeneret, potest hoc medio sibi proximo formari rursus, perque id medium inde facile reformari, ac si certe cuidam rerum speciei uel individuo eius rite adhibeas multa, quæ sparsa sunt, sed eidem idæe conformia. Mox in materiam hæc ita opportune paratâ, singulare munus ab idea trahes per rationem uidelicet animæ seminalem. Non enim intellectus ipse propriæ, sed anima ducitur. Nemo itaque putet certis mundi materijs trahi numina quædam à materijs penitus

segregata, sed demones potius animatiq; mundi mune
ra stellarumq; uiuentium. Nemo rursus miretur per
materiales formas animam quasi allici posse. Siquidem
escas eiusmodi sibi cōgruas ipsamet quibus alliceretur,
effecit, & semper libenterq; habitat in eisdem. Neque
in mundo uiuente toto quicquam reperitur tam deforme,
cui nō adsit anima, cui non insit & animæ munus.
Congruitates igitur eiusmodi formarum, ad rationes
animæ mūdi, Zoroaster diuinas illices appellauit, quas
& Synesius magicas esse illecebras confirmauit. Ne
mo deniq; credat ad propriam quandam materiæ spe
ciem & tempore certo hauriri omnia prorsus ex ani
ma dona, sed pro opportunitate dona duntaxat semi
nis, quo talis species pullulauit, seminumq; conformiū.
Itaq; hic homo humanis tantū adhibitis, non proprias
piscium uel auium dotes, inde sibi uendicat, sed huma
nas atq; consimiles. Adhibitis autem quæ ad stellam ta
lem pertinent atq; demonem, stellæ demonisq; huius
propriū subit influxum, uelut lignum per sulphur
paratum ad flammam ubiq; præsentem. Atq; hūc non
modo per ipsos stellæ demonisq; radios, sed etiam per
ipsam mundi animā ubiq; præsentem, in qua et cuius
libet stellæ demonisq; ratio uiget: partim quidem se
minalis ad generandum, partim etiam exemplaris ad
cognoscendum. Hæc enim secundum platonicos anti
quiores, rationibus suis ædificauit ultra stellas in cœlo
figuras, partesq; ipsarum tales, ut ipsæ quoque figuræ
quædam

quædam sint, impressitq; his omnibus proprietates. In stellis autem, figuris, partibus, proprietatibus, omnes rerum inferiorum species continentur & proprietates earum. Vniuersales uero figuras octo posuit atq; quadraginta, scilicet in zodiaco duodecim, extrâ uero sex atq; triginta. Item in zodiaco triginta sex ad numerum facierum. Rursus ibidem ter centum atq; sexaginta ad numerum graduum. In quouis enim gradu sunt stellæ plures, ex quibus ibi conficiuntur imagines. Similiter imagines extra zodiacum in plures diuisit figuras, pro facierum ibidem graduumq; suorum numero. Constituit deniq; ab imaginibus his uniuersalibus ad uniuersales imagines habitudines & proportiones quasdam, quæ ipse quoq; imagines illic existunt. Eiusmodi uero figuræ cōtinitatem quæq; suam habent ex radijs stellarum suarum in se inuicem, peculiari quadam proprietate coniectis. A quibus formis ordinatissimis dependēt inferiorum formæ, illinc uidelicet ordinatæ. Sed & cœlestes illæ tanquam & inter se disiunctæ, procedunt à rationibus animæ cōiunctis inuicem, & quodammodo mutabiles à stabilibus. Sed hæ quatenus seipsas non cōprehendunt, referuntur ad formas in mente uel animali uel eminentiore sese comprehendentes, quæ tanquam multiplices ad simplicissimum rediguntur unum atq; bonum, sicut figuræ cœlestes ad polum. Sed redeamus ad animam. Quando igitur anima gignit speciales inferiorum formas uiresq;, eas per rationes efficit pro-

H

prias, sub stellarum formarumq; cœlestium adminiculo. Singulares uero indiuiduorū dotes, quæ sæpe nonnullis insunt tam mirabiles quàm in speciebus esse solent, exhibet per seminales similiter rationes, non tam sub adminiculo formarū figurarumq; cœlestiū, quàm situ stellarum & habitu motionum, aspectuumq; Planetarum, tum inter se, tum ad stellas Planetis sublimiores. Anima quidem nostra ultra uires membrorū proprias, cōmunem ubiq; promit in nobis uitæ uirtutem, maxime uero per cor, tanquam ignis animæ proximi fontem. Similiter anima mundi ubiq; uigens per Solem præcipue suam passim explicat cōmunis uitæ uirtutem. Vnde quidam animam & in nobis & in mundo, in quolibet membro totam, potissimū in corde, collocant atque Sole. Semper uero memento, sicut animæ nostræ uirtus per spiritum adhibetur membris, sic uirtutem animæ mundi per quintam essentiam, quæ ubiq; uiget tanquam spiritus intra corpus mundanū, sub anima mundi dilatari per omnia, maxime uero illis uirtutem hanc infundi, quæ cuiusmodi spiritus plurimum hauerunt. Potest autem quinta hæc essentia à nobis intus magis magisque assumi, si quis sciuerit eam alijs elementis immixtam plurimum segregare, uel saltem his rebus frequenter uti, quæ hac abundant, puriore præsertim, ceu electum uinum & saccharum, & balsamum atque aurum, preciosiq; lapilli, myrobalanīq; & quæ suauissime redolent, & quæ lucent, maxime uero quæ in subtili

in subtili substantia qualitatem habent calidam, humidamq; et claram: quale, præter uinū, est albiſſimū saccharum, præſertim ſi huic adhibueris aurū, odoremq; cinnami atq; roſarum. Præterea ſicut alimenta rite in nobis aſſumpta, per ſe non uiua, rediguntur per ſpiritum noſtrū ad uitæ noſtræ formam, ſic & corpora noſtra rite accōmodata corpori ſpirituiq; mundano, uidelicet per res mundanas, & per noſtrum ſpiritū, hauriunt ex uita mundana quamplurimum. Si uolueris ut alimentum rapiat præ cæteris formam cerebri tui uel iecoris atq; ſtomachi, ſimile quantum potes accipe alimentum, id eſt cerebrum, & iecur, & ſtomachum, animalū ab humana natura non longe diſtantiū. Si optas corpus tuum atq; ſpiritum ex aliquo mundi membro, uidelicet ex Sole, uirtutē accipere, quære quæ ante alia ſunt Solaria inter metalla lapilloſq; magis autem inter plātas, ſed inter animalia magis, maxime inter homines, Similiora enim tibi magis proculdubio conſeſcunt: Hæc & extra ſunt adhibenda, & intus pro uiribus aſſumenda, præſertim in die et hora Solis, et Sole in figura cœli regnante. Solaria uero ſunt omnia ex lapillis & floribus quæ heliotropia nominantur, quia uertuntur ad Solem. Item aurū & auripigmentū, aureiq; colores, chryſolithus, carbūculus, myrrha, thus, muſcus, ambra, baſamū, mel flauū, calamus aromaticus, crocus, ſpica nardi, cinnamomū, lignū aloës, cæteraq; aromata. Arics, aſtur, gallus, olor, leo, cātharis,

crocodilus, homines flauī, crispī, sēpe calui, magnanimi, superiora partim cibarijs, partim unguentis suffumigationibusq; partim usui accommodari possunt. Hæc sentienda, & cogitanda frequenter, & in primis amanda. Et luminis plurimum est quærendum. Si dubites uentrem ab iecoris fomento destitui, trahe ad uentrem iecoris facultatem, tum frictionibus, tū fomentis, per ea quæ iecori congruūt, per cicoream, endiuīam, spodium, & eupatorium, & hepaticam, atq; hepata. Similiter ne destituatur tuū corpus ab Ioue, moue corpus in die, horaq; & regno Iouis, et utere interim Iouialibus: Argento, hyacintho, topatio, corallo, crystallo, berillo, spodio, saphyro, uiridibus aërijsq; coloribus: Vino, saccharo albo, melle, & cogitationibus affectionibusq; plurimum Iouialibus, id est constantibus, æquis, religiosis atque legiferis. Et inter homines eiusmodi, sanguineosq; & pulchros, uenerabilesq; uersantor. Sed memento primis illis rebus frigidis inferendum esse aurum & uinum, menthamq; & crocum, & cinnamomum atq; doronicum. Animalia uero Iouialia esse agnum pauonemq; & aquilam & iuuencum. Quomodo uero uirtus Veneris attrahatur turturibus, columbis & motacillis, & reliquis, non permittit pudor ostendere.

De concordia mundi, & de natura hominis secundum stellas. Quomodo fiat attractus ab unaquaq; stella. Cap. II

Ncq;

NEque uero diffidere debet quisquam, nos atq;
omnia quæ circa nos sunt, præparamentis qui-
busdam posse sibi uendicare cœlestia. Nā cœlitus hæc
facta sunt assidueq; reguntur, & illinc in primis præ-
parata sunt ad illa: Et quod maximum est, mundus ani-
mal in se magis unum est, quàm quoduis aliud animal,
si modo est animal perfectissimum. Ergo sicut in nobis
membri cuiuslibet præsertim principalis qualitas mo-
tusq; ad alia pertinet, ita membrorum principalium
actus in mundo commouent omnia, & membra infe-
riora facile capiunt à supremis ultro dare paratis.
Quo enim potentior causa est, eo promptior est ad as-
gendum, eo igitur propensior est ad dandum. Exigua
igitur præparatio nobis insuper adhibita sufficit cœ-
lestium muneribus capiendis, si modo quisq; ad id præ-
cipue se accōmodet, cui est præcipue subditus. Sed ante
uniuscuiusque nostrū proprietatem, humanæ speciei
proprietatem considerare debemus. Hanc igitur esse
solarem astrologi Arabes consenserunt. Quod ego è
statura hominis erecta pulchraq; humoribusq; subtia-
libus & spiritus claritate, imaginationisq; perspicui-
tate, studioq; ueritatis & gloriæ, uerum esse coniecto.
Addo quinetiam proprietatem huic Mercurialem, ob
strenuum uersatilis ingenij motum: Et quoniam huma-
num genus natum nudum, inerme, omnium egenum,
hæc omnia propria industria sibi comparat, quod est
Mercurij propriū. Addo etiam Iouialem, ob comple-

Species hu
manæ Pla
netis subie
ctæ.

tionem corporis temperatam atq; leges: Et quoniam
secundo mense, quo Iupiter dominatur, uitam accipia
mus, atq; nascimur nono, quo iterum recipit domina
tum. Itaq; humana species ab his tribus potissimum do
tes insuper ampliores ita demum sibi poterit uendica
re, si per Solaria Mercurialiaq; & Iouia, seipsam eis
magis indies atq; magis accommodabit. De reliquis au
tem quid? Saturnus non facile cōmunem significat hu
mani generis qualitatem atq; sortem, sed hominem ab
alijs segregatum, diuinum aut brutum, beatum aut ex
trema miseria pressum: Mars, Luna, Venus, affectus et
actus homini cum cæteris animantibus æque commu
nes. Ad Solem igitur & Iouem atq; Mercurium reuer
tamur. Solaria quidem nonnulla & Iouia diximus,
Mercurialia uero nescio quomodo prætermisimus, sūt
aut eiusmodi: Stannum, argentum, præsertim uiuum,
marcaßita argentea, lapis Achates, uitrum Porphy
riticum, & quæ croceum cum uiridi misceant, smarag
dum atq; lacca: Animalia sagacia & ingeniosa simul
& strenua, simiæ, canes: Homines eloquentes, acuti,
uersatiles, oblonga facie, manibusq; non pingues. Sunt
autem quærenda & exercenda quæ ad aliquem Plane
tam attinent, eo uidelicet dominante (ut diximus) in die
& hora eius si fieri potest, etiam quando ipse sit in do
micilio, uel exaltatione, uel saltem triplicitate sua &
termino et angulo cœli, extra combustionem directus,
ac sæpius orientalis, si Sole sit superior, item in Auge
&

& aspiciatur à Luna. Si quis autem ab ipsa Luna be-
 neficium & à Venere poscat, tempora similia obser-
 uare debet. A Venere quidem per animalia sua quæ
 diximus, & per Corneolam & Saphyrum lapidemq;
 Lazuli, æs croceum atq; rubcū & Corallum, omnesq;
 pulchros uariosq; uel uirides colores et flores, atq; con-
 centus suauesq; odores atq; sapores. A Luna per alba
 & humida & uiridia, per argentum atq; Crystallum
 & uniones, & argenteā Marcaßitam. Quoniam ue-
 ro Saturnus quidem statui & perseuerantiæ domina-
 tur, Mars autem efficaciæ motus, cogimur nonnunquā
 horum quoq; gratia ab eis patrociniā postulare, tem-
 poribus uidelicet similiter obseruatis. Ab illo quidem,
 per materias quasdam quodammodo terreas & fuscas
 atq; plumbeas, & fuscā Iaspidem, & Magnetem, &
 Camoinum atq; Chalcidonium, & ex parte quadam
 per aurū & auream Marcaßitam. A Marte uero per
 ignea, rubea, æs rubeum, sulphurea omnia, ferrum la-
 pidemq; sanguineum. Neque diffidas Saturnum habere
 re nonnihil in auro: Nam propter pondus id putatur
 habere. Quinetiam Soli aurum simile, sic omnibus
 metallis inest sicut Sol in Planetis omnibus atque stela-
 lis. Iam uero si quis conuicerit Saturnum & Martem
 natura noxios esse, quod equidem nunquam credide-
 rim, tamen his quoq; utendum, quemadmodum uene-
 nis nonnunquam utuntur & medici, quod Ptolemæ-
 us in Centiloquio probat. Proderit ergo quandoque

uis Saturni caute sumpta, sicut apud medicos quæ adstringunt atq; continent, imò et quæ stupefaciunt, sicut opium & mandragora : Martis quoq; sicut euphorbium & helleborus. Cautissimi uero hac in re fuisse uidentur Magi Brachmanes Pythagorici, qui quum obsedulum philosophandi studiũ Saturni tyrannidem formidarent, uestibus albis amiciebãtur, Iouialibusq; siue phœbeis, quotidie sonis & cantibus utebantur, plurimumq; sub diuo uiuebãt. Vbiq; uero memento per affectum studiumq; animi, & per ipsam spiritus qualitatem, nos facillime subitoq; exponi Planetis, eundem affectum ac eiusmodi studium & qualitatem significantibus. Per sepe rationem igitur à rebus humanis, per ocium, solitudinem, firmitatem, per Theologiam, secretioremq; philosophiam, superstitionem, Magiam, agriculturam, per mœrorem Saturno subiicimur. Per ciuilia & ambitiosa negocia, per philosophiam naturalem cõmunemq;, per religionem ciuilem, perq; leges Ioui, Marti per iram atq; certamina, Soli Mercurioq; per studium eloquentiæ, cantusq; & ueritatis & gloriæ atq; solertiam, Veneri per lætitiã & Musicam et festiua, Lunæ per uictum plantis similem. Sed hanc inter hos differentiam mente teneto, exercitationem ingenij magis publicam atque amplam ad Solem spectare: priuatam uero & artificio mancipatam, potius ad Mercurium. Tum uero Musicam grauem quidam Iouis Solisq; esse, leuẽ Veneris, mediam uero Mercurij

Mercurij. Similis quoque de stellis fixis ratio est. Hæc quidem communis humanæ speciei regula. Propria uero unicuique regula fuerit explorare quæ stella, quid boni cuique in genitura promiserit, atque ab ea potius quam ab alia reposcere gratiam. Et ab unaquaque non quodlibet donum, & quod aliarum est, sed eius proprium expectare, nisi fortè tum à Sole communia multa re-
 portes, tanquam communi quodam duce cœlestium, & ab Ioue fermè similiter, tum mundana pariter omnia ab anima spiritusque mundi. Quem sicut & quoduis animal multoque efficacius animatum esse, non solùm Platonice rationes, sed etiam astrologorum Arabum testimonio comprobant. Vbi etiam probant ex applicatione quadam spiritus nostri ad spiritum mundi per artem physicam affectumque facta, traieci ad animam corpusque nostrum bona cœlestia: Hinc quidem per spiritum nostrum in nobis medium, & tunc à mundi spiritu roboratum: inde uero per radios stellarum feliciter agentes in spiritum nostrum, & radijs natura similem, & tunc seipsum cœlestibus coaptantem.

Quod inter animam mundi & corpus eius manifestum, sit spiritus eius, in cuius uirtute sunt quatuor elementa: Et quod nos per spiritum nostrum hunc possumus haurire.

Cap. III

Profecto mundanum corpus quantum ex motu generationeque apparet, est ubique uiuum, quod In-

H 5

dorum philosophi probant ex eo, quod passim ex se uiuentia generet. Ergo per animam uiuit ubique sibi praesentem, ac prorsus accommodatam. Igitur inter mundi corpus tractabile, & ex parte caducum, atque ipsam eius animam, cuius natura nimium ab eiusmodi corpore distat, inest ubiq; spiritus, sicut inter animam & corpus in nobis: si modo ubiq; uita est communicata semper ab anima corpori crassiori. Talis nanque spiritus necessariò requiritur tanquam medium, quo anima diuina & adsit corpori crassiori, & uitam eidem penitus largiatur. Corpus autem omne facile tibi sensibile, tanquam sensibus tuis accommodatum, crassius est, & ab anima diuinissima longe degenerans. Opus est igitur excellentioris corporis adminiculo quasi non corporis. Proinde scimus uiuentia omnia tam plantas quam animalia, per quendam spiritum huic similem uiuere atq; generare: Atq; inter elementa, quod

Problema. maxime spiritale est, uelocissime generare, perpetuòque moueri quasi uiuens. Sed quæres interea, si elementa atq; animantes generant aliquid sibi simile suo quodam spiritu, cur lapides & metalla non generant, quæ inter elementa & animantes media sunt? Quia uidelicet spiritus in eis crassiori materia cohibetur. Qui si quando rite secernatur, secretusq; conseruetur, tanquam seminaria uirtus poterit sibi simile generare: si modo materiae cuidam adhibeatur generis eiusdem, qualem spiritum physici diligentes sublimatione quadam ad ignem

ignem ex auro secernentes, cuius metallorum adhibebunt, aurumq; efficient. Talem utiq; spiritum ex auro uel ex alio rite tractum atq; seruatum Elixer Arabes astrologi nominant. Sed ad mundi spiritum redeamus, per quem mundus generat omnia, quandoquidem & per spiritum proprium omnia generant, quem tum cœlum, tum quintam essentiam possumus appellare. Quitalis fermè est in corpore mûdi, qualis in nostro noster. Hoc in primis excepto, quod anima mundi hunc nō trahit ex quatuor elementis tanquā humoribus suis, sicut ex nostris nostra, imò hunc proxime (ut Platonice siue Plotinice loquar) ex uirtute sua procreat genitali quasi tumens, & simul cum eo stellas, statimq; per eum parit quatuor elemēta, quasi in illius spiritus uirtute sint omnia. Ipse uero est corpus tenuissimū, quasi non corpus, et quasi iam anima: Item quasi nō anima, et quasi iam corpus. In eius uirtute minimum est naturæ terrenæ, plus autē aqueæ, plus item aëriæ, rursus igneæ stellarisq; quamplurimum. Ad horum graduum mensuras, ipsæ quantitates stellarum elementorumq; prodierunt. Ipse uero ubiq; uiget, in omnibus generationis omnis proximus autor atq; motus, de quo ille:

Spiritus intus alit.

Totus est suapte natura lucidus calidusq; & humidus atque uiuificus, ex dotibus animæ superioribus dotes eiusmodi nactus. Quem plurimum hausisse Appollonium Theanæum, testificatus est Indus Hiarchas di-

dicens: Mirari nemo debet ô Apolloni te diuinâdi scienciam consecutû, quum tantû ætheris in anima geras.

Quod spiritus noster hauriat mundi spiritum per radios Solis & Iouis, & quatenus ipse fiat solaris & Iouialis. Cap. IIII

HVnc tu igitur studebis tibi in primis insinuare. Hoc enim medio naturalia quædam beneficia reportabis, tum corporis mundani, tum animæ, tum etiam stellarum atq; dæmonû. Nam ipse inter crassum mundi corpus & animam medius est, & in ipso stellæ sunt & dæmones, atq; per ipsum. Siue enim mundi corpus atq; mundana sint ab anima mundi proxime (sicut Plotino placet atq; Porphyrio) siue mundanum corpus sicut & anima proxime sit à deo, ut nostris placeat, & fortè Timæo Pythagorico, omnino uiuit mundus atq; spirat, spiritûq; eius nobis haurire licet. Hauritur autem proprie ab homine per suum spiritum, illi suapte natura conformem, maxime si reddatur etiam arte cognatior, id est si maxime cœlestis euadat. Euadit uero cœlestis, si expurgetur à sordibus, & omnino ab eis quæ inhaerent sibi dissimilia cœlo. Quæ quidem sordes non solum intra uiscera si fuerint, uerumetiam si in animo, si in cute, si in uestibus, si in habitatione et aëre, spiritum frequenter inficiunt. Efficietur tandem cœlestis, si ad orbicularem animi corporisq; motum, ipse quoq; orbes efficiat: Si ad aspectû cogitationemq; lucis

lucis frequentiore etiam ipse subrutilet: Si adhibean-
 tur ei similia cœlo, ea communiter diligentia qua Aui-
 cenna in libro De uiribus cordis spiritum curat, & nos
 in libro De curanda literatorū uoletudine curare con-
 tendimus: ubi primum segregantur ab eo uapores ob-
 nubilantes, medicinis ita purgantibus. Secundo, rebus
 lucentibus illustratur. Tertio ita colitur, ut & tenuer-
 tur simul et confirmetur. Fiet deniq; cœlestis maxime,
 quantum dicat ratio præsens, si applicentur ei potissi-
 mum radij influxusq; Solis inter cœlestia dominantis.
 Atq; ita ex hoc spiritu tanquam in nobis medio cœle-
 stia bona in primis insita sibi in nostrum tum corpus,
 tum animum exundabunt: Bona inquam cœlestia can-
 eta. In sole enim omnia cōtinentur. Conferet autem sol
 ad spiritum solarem efficiendum proprie, quando sub
 Ariete fuerit uel Leone, ipsum aspiciente Luna, maxi-
 me in Leone, ubi adeo spiritum nostrū uegetat, ut ip-
 sum muniat contra uenenum Epidemiæ repellendum:
 quod perspicue apparet in Babylonia & Aegypto, et
 regionibus spectantibus ad Leonem, ubi Sol Leonem
 intrans, epidemiam sedat ea duntaxat ratione, qua di-
 ximus. Tunc ergo & tu Solaria passim exquisita com-
 pone. Tūc incipe solaribus uti, ea tamen cautione, qua
 sub æstu exiccationem diligenter euites. Non poterit
 autem facile spiritus solaris euadere, nisi sit quamplu-
 rimus. Ad Solem enim maxime pertinet amplitudo.
 Quamplurimum uero faciet tum diligentia, cor rebus

cordialibus intus & extra fouens, tum etiam uictus ex
alimentis quidem subtilibus, multum tamē & facile &
salubriter nutrientibus. Motus quoq; frequens atq; le-
nis, & opportuna quies, aērq; tenuis atq; serenus, &
ab aestu geluq; remotus, praecipue laetus animus. Rur-
sum nec Solaris erit, nisi calidus fuerit & subtilis, &
clarus. Subtilem clarumq; facies, si tristia & crassa de-
uitabis & fusca: Utēris lucidis latisq; intus & extra:
Luminis multū die nocteq; excipies: Sordes expelles,
& ocium & torporem: In primis tenebras deuuitabis.
Perducturus autem spiritum ad calorem Soli natura-
lem, caue ne ad tertium caloris gradū siccitatemq; de-
ducas. Calor enim ipse Solis naturaliter non exiccat:
Alioquin non esset Sol uitae generationisq; dominus, et
autor augmenti: Siccare uero contingit radijs eius in
concauis materiae siccae conclusis. Humorem itaq; ca-
lori subtilem, qualis est Solaris, et maxime Iouiū, ad-
hibebis & conseruabis in spiritu, rerum eiusmodi usu,
si solarem sis effecturus, ne alioquin ad Martium po-
tius quā ad Solarem forte deducas. Martem quidem
Soli esse similem in paucis & his quidem manifestis,
nec admodū excellentibus, et interim inimicum esse fe-
runt. Iouem uero Soli similem in plurimis excellen-
tibusq; muneribus quamuis occultioribus, & amiciissi-
mum esse scimus. Vnde & Ptolemæus ubi de cōsonan-
tia disputat, Iouem ait cum Sole praeter ceteris perfectissi-
me cōsonare, Veneremq; cū Luna. Omnesq; astrologi
uniuersalem

uniuersalem beneficentiã Soli tribuunt similiter atq;
Ioui. Quamuis Sol eadem efficacius agat, & Iupiter
sub uirtute Solis efficiat. In utroque calor uiget, supe-
ratq; humorẽ. Sed in Ioue superat modice, in Sole su-
perat excellenter: Vtrobq; benefice. Quũ igitur adeo
consonent, facile poteris spiritum Solarem efficere pa-
riter atq; Iouiũ, ac res Solares & Iouiales rite poteris
inuicem commiscere, præsertim si & has inuicem con-
ponas, et spiritui adhibeas, quãdo Iupiter Solem trino
aspicit uel sextili, uel saltem quando Luna ab aspectu
alterius ad alterum procedit aspiciendum: Maxime
quando ab aspectu Solis ad coitum cũ Ioue progredi-
tur. Seorsum uero Solarem proprie facies uel Iouialẽ,
quando aspectum Lunæ ad Solem obseruaueris uel ad
Iouem. Tametsi consecutus naturã huius, naturã mox
illius facile consequeris. Sextilem uero aspectum intelli-
ge, quando Planetæ duo inter se signorũ duorũ spacio Planetarũ
aspectus.
distant. Trinũ aut, quando quatuor signorũ discrepāt
interuallo. Coniunctionem uero uel aspectũ Lunæ ad
alios, duodecĩ gradibus citrà, totidẽq; ultrà metimur.

Quod tres Gratia sint Iupiter & Sol & Venus, &
quod Iupiter sit Gratia geminarum media, &
maxime nobis accommodata. Cap. V

Compositiones quidem, & curationes Iouias, si-
mulatque Solares inuenies in libro nostro de
Vita longa, & in libro De literatorũ cura. Vbi etiam

miscuimus pleraq; Venerea. Nam & nos in studiosis
timemus exiccationem, cui resistit Venus. Et hæc ipsa
Venus est amicissima Ioui, sicut & Soli Iupiter, qua-
si Gratia tres inter se cōcordes, atq; coniunctæ. Ab his
quidem tribus cœli Gratijs, & à stellis eiusdem gene-
ris Astrologi gratias & sperant & diligenter exqui-
runt, casq; per Mercurium atq; Lunam, quasi nuncios
transmitti putant atq; curant: facile uero cōmuniterq;
per Lunam, Lunam quidem cum Ioue coniunctam, aut
Venere feliciorē esse putant, quā si per sextilem
aspexerit, aut trinum. Veruntamen si per trinum aspi-
ciens etiā suscipiatur ab illis, quasi existimant esse con-
iunctam. Similiter si à Sole perspecta fuerit simulq; re-
cepta. Nos autem si horū trium, stellarumq; similium
uires effectusq; omnes percurrere singulatim uelimus,
longum opus aggredieremur, exquisitu difficile, diffi-
cilimum obseruatu. Si ad Venerem nos proprie confe-
ramus, non facile Solem habemus: Si ad Solem pro-
prie, non facile Venerem. Vt igitur tres simul in uno
gratias complectamur, ad Iouem tandem cōfugiemus,
inter Solcm Veneremq; natura effectūq; medium, qua-
litate admodum temperatum, & quaecunq; sperantur
à Venere uel à Sole, suo quodam pacto tradentem, ma-
gnificentius quidem honestiusq; quā Venus: tempe-
ratiū quoq; quā Sol, & in omnibus cū humana na-
tura maxime congruentem. Vtemur itaq; Iouijs, quan-
do & ipse & Luna dignitatem tum naturalem, tum
accidentalem

accidentalem habuerint, sintq; simul, uel feliciter se aspiciant. Si quando id fieri omnino non possit, misce Solaria in unum simulatq; Venerca, faciesq; sic Iouiale ex utrisq; compositum, quādo uidelicet Luna à coitu Veneris eat ad Sextilem Solis aspectum, uel è conuerso. Memento uero in rebus componendis quæ cor spiritumq; foueant & corroborent, Lunā conferre potissimum, si unā cum his muneribus hoc etiam habuerit, ut per aëria signa discurrat, maxime per Aquarium, quod esse maxime putatur aërium: Vel si in suo domicilio sit, aut exaltatione sua, uel domo Iouis aut Solis: Et ubicunq; sit, si mansionem ex uiginti illis & octo teneat, tum sibi, tum etiam operi competentem.

De uirtutibus naturalibus, uitalibus & animalibus, & qui Planetarum singulis aut commodent incommodent ue, idq; maxime per aspectus. Caput VI

PRæcipua uero disciplina est, recte tenere quem spiritum, quam uim, quam rem potissimum hi Planetæ significant. Luna ergo Venusq; uim & spiritum naturalem, atq; genitalem, & quæ hūc augent: Iupiter eadem, sed efficacius, heparq; & stomachum, habetq; non mediocrem partem in corde & spiritu, uirtuteq; uitali, quatenus suapte natura cum Sole consentit, imò & per se ipsum: Alioquin cor uitalem spiritum non proprie in mense Iouis acciperet. Vnde Iouē

Græci appellant uitā, & per quem uita. Habere quoque in animali spiritu potestatem testantur Astrologi, dicentes Iouem ad philosophiam et ueritatem inueniendam, religionemq; conferre. Et Plato, ubi ait, ab Ioue philosophos proficisci. Quod etiam significauit Homerus antiquorum opinione dicens: Talis est mens hominibus, qualem indies adducit pater hominum atque deorum. Nusquam uero numen aliquod ita cognominat præter Iouem. Sol spiritū uitalem præcipue, corq; significat, & habet nonnihil, imò nō parum in capite, propter sensum atq; motū, cuius est ipse dominus, neq; uim deserit naturalem. Mercurius cerebrum & instrumenta sensuum, ideoq; spiritum animale. Proinde tutissima uia erit, nihil sine Lunæ beneficio facere: Quandoquidem cœlestia communiter & frequenter atq; facile ad inferiora demittit, quam alterum Solem nominant, quolibet mense quatuor anni tempora facientem. In prima enim sui quarta Peripatetici putant esse calidam atq; humidam: In secunda calidam & siccam: In tertia frigidam atq; siccam: In quarta frigidam atq; humidā: Lumenq; eius proculdubio Solis esse lumen: Humores generationēq; regere, omnesq; mutationes fœtus ipsius in aluo, cōuersionibus suis metiri, & quoties Soli iungitur, uiuificam ab eo uirtutem recipere, quā infundat humori, atq; ibidem à Mercurio uim humores commiscentem. Quam uim Mercurius & transformatione in omnes sua & gyris multiplicibus affert.

Ibidem

COMPARANDA LIB. III

Ibidem mox à Venere uim, quæ cōducatur ad formas geniturae conuenientes. Operæ precium uero fuerit meminisse, diurnum Lunæ cursum in quatuor distribui quartas: In prima quidem ab Oriente ad medium ascendit cœlum, atq; interim humorem & spiritum auget naturalem. In secunda à cœli medio petit occasum, efficitq; in nobis oppositū. Tertia ab occasu cœlum subter medium adit, iterumq; spiritū illum auget & humorem. Quarta cadit inde uersus ortū, minuitq; uicissim, quod maxime in oceani ripis apparet, ubi ad hunc cursum mare manifestius accedit atq; recedit: eodemq; ordine uigor in ægrotantibus. Probabile etiam est, Solem per easdem sui quartas ad calorem naturalem & spiritum uitalem augere, uel diminuerē: Animalem quoq; quatenus Mercurium habet comitem. His cognitis poterit medicus pro humore & calore naturali, & quolibet spiritu recreando, tempora opportuniora seruare. Sed nunc de Luna satis. Neq; dimittere decet Iouē, in cuius mense altero quidem uitam accepimus, altero autē communiter & felicius nati sumus. Et qui inter Solem atq; Venerem, item inter Solem atq; Lunam est qualitate effectūq; medius, ideoq; cōplectitur omnia. Solem uero ipsum prætermittere cœli dominū, nefas atq; periculosum existimamus: nisi forte quis dixerit, eū qui Iouem habet, in Ioue Solem iam habere, illic potissimū ad homines temperatum. In Sole certe omnes cœlestium esse uirtutes, non solum Iamblichus Iulianusq; sed omnes

Opportunitas temporis obseruanda medicis.

affirmant. Et Proclus ait, ad Solis aspectum omnes omnium coelestium uirtutes congregari in unum atque colligi. Iouem uero esse Solem quendam ad nos temperatum, nemo negabit. Lunam quoque temperatam ad Venerem haud neglexeris: Multum enim ad ualidam prosperamque uitam adiuuat. Siquidem Venus foecundat hominem, facitque letum: Hanc igitur obseruabis. Quamquam si Lunam Veneri similem, humore prorsus aequalem, et uix minus calidam, cum Ioue rite misceas aut Sole, pro pmodum iam Venerem habes. Quid ergo? Ut tutissima omnium et commodissima simul incedas uia, Lunam obserua, quando Solem aspicit, coitque cum Ioue, uel saltem Iouem simul aspicit atque Solem, aut certe quando post aspectum Solis mox ad Iouis coitum progreditur uel aspectum. Atque eo ipso tempore compone inuicem, uel adhibe tibi Solaria Iouiaque simulatque Veneria. Quod si te ad unum ex magnis confugere necessitas urgeat uel negotium, ad Iouem ipsum uel potius ad Lunam simul Iouemque confugito. Nulla enim stella naturales in nobis uires, imò et omnes magis quam Iupiter fouet atque corroborat: Nulla rursum pollicetur prosperiora simulatque plura: Et ubique hunc accipere faustum est, Solem uero accipere, forsitan non ubique tutum: Semper enim ille iuuat, hic saepe nocere uidetur. Venus autem quasi debilis. Ideò solus ille iuuans pater est appellatus. Id autem comprobatur Ptolemæus ubi ait: Pharmacum uix quicquam mouere naturam, duntaxat

duntaxat quando Luna cum Ioue congregitur. Vsq̃
adeò illinc proprie totam putat uniuersi corporis cor
roborari naturam. Expertus sum quinetiā, Luna con
iuncta cū Venere, medicinam uix mouere. Quamuis
autem ubi pituitam ualde timemus, Lunam præcipue
obseruamus ad Solem: Vbi uero bilem exiccationemq̃
cuiusmodi, ad Venerem, tamē directio Lunæ ad Iouem,
& ad hæc omnia quodammodo confert, & præcipue
ad atram bilem expellendam, necnon ad communem
hominum complexionem instaurandam atq; firman
dam. Sicut enim glycyrrhiza & oleum rosaceum fri
gidiora calefacit, calidiora refrigerat, uinumq; simi
liter, quod insuper humectat sicca, humidiora siccāt:
ita Iupiter humano congruus calori, ut uinum, oleum
rosaceum, camomilla, glycyrrhiza. Vbi igitur audis
Albumasar dicentem: Non est uita uiuentibus, præter
deum, nisi per Solem & Lunam: Id intellige, quantum
ad communem omnibus spectat influxū. Proprius au
tem homini accōmodatissimusq; influxus est ab Ioue.
Sunt autem in natura corporis uires attrahendi, retia
nendi, coquendi, expellendi: Has igitur omnes Iupiter
ipse iuuat: potissimum uero coquendi, siue digerendi
uirtutem, atq; generandi & nutriendi simul et augen
di, propter humorem eius aërium atq; multum, & ca
lorem eiusdem amplum, humori mediocriter dominan
tem. Profectò per radios Iouis semper usquequaq; dif
fusus, lumen Solis propriū ad salutem hominum mas

xime temperatur: radijs interim Veneris ad idem assidue conferentibus, atque similiter transferente Luna. Radij quidem Veneris atq; Lunæ tanquam humidiores quodam indigent temperante, sicut & Solis radij tanquam calidiores, humidioris cuiusdam temperiem exigunt. Radij autem Iouis temperamentum nullū desiderant. Quid enim aliud Iupiter est nisi Sol quidam ad salutem rerum præcipue humanarum ab initio temperatus? Quid rursus aliud, nisi Luna Venusq; facta tamen calidior atq; potentior? Ideo astrologi ab Ioue auspiciantur annum fertilem, ferreum, salubrem, & ab eo imminentium morborum remedia sperant. Atque Empedocles ubi propria unicuiq; Planetarum munera tribuit, Iouem solum generationis principem nominat, Orpheū imitatus. Præter Iouem præcipiunt Lunam diligenter in omnibus operibus observandā, tanquam medium inter cœlestia competens, atq; terrena. Sit ergo Luna in gradu, situq;, & aspectu ad opus operatum, cōueniente. Non sit in ecliptica, nec sub radijs Solis per gradus duodecim ultra citraq;, nisi forte sit in eodem minuto cū Sole. Pleriq; uero uolunt omnes Planetas fore fortes quādo in unitate Solis extiterint. Unitatem uero metiuntur minutis duobus atque triginta, ut xvi. quidem citra, xvi. uero ultra connumerentur. Non impediatur à Saturno uel Marte, nō descendat in latitudine meridionali, quādo duodecim dictos gradus egreditur. Nō sit opposita Soli, nec lumine minuatur,
nec

nec tarda cursu, quando scilicet die uno, duodecim non peragit gradus. Non sit in uia combusta à gradu Libræ uigesimooctauo ad tertiū Scorpionis, nec in octaua, nec in Ascendente, nec in finibus Martis, uel Saturni. Quidam uero nec in sexta, duodecima, nona, quarta Lunam uolunt. In cæteris uero cœli plagis approbant. Vbi hæc omnia complecti non potes, Iouem saltem expecta, uel Venerem in Ascendente, uel decima: sic enim subueniunt detrimentis Lunæ. Nec ab re fuerit recordari quatenus Luna lumine augetur, eatenus & nobis non solum humorem, sed spiritum etiam uirtutemq; augeri, atq; hæc ad circumferentiam dilatari: Maxime in secunda eius quarta. Quando uero minuitur, contrā contingere, præsertim in ultima quarta. Primum eius ad Solem trinum præesse secundo. Hunc sextili primo. Hunc sextili secundo. Lunā quatenus lumine, eatenus repleti calore. Videntur ergo quidā non tam obseruare quomodo aspiciat Luna Solem (semper enim aspicit) quā ut plurimum lumen habeat, præsertim dum augetur. Aspiciat uero interim trino uel sextili Iouem aut Venerem. Proinde uirtutem attractiuā ignea iuuant: Retentiuam terrea: Digestiuam æria: Expulsiuam peraquea. Si tu has omnes in te adiuuare uolueris, attractiuā quidem per ignea maxime roborabis, quādo Luna in signis uel stationibus igneis cōstituta Iouem aspicit, scilicet Ariete, Leone, Sagittario. Retentiuā per terrea, potissimū quando intuetur eundem

in signis uel stationibus terreis collocata: Tauro, Virgine, Capricorno. Digestiuam generatiuamq; per aëria, scilicet Geminos, Libram, Aquarium, quoties sub aëreis Iouem suspicit, aut subit. Expulsiuam per aqueam, Cancrum, Pisces, Scorpionem. Quando sub aqueis ipsa posita, Iouis radijs illustratur. Maxime uero in his omnibus consequeris optata, si Iupiter eadem uel similia, uel saltem non dissimilima signa mansiones uel possederit. Citaturus alium solidis medicinis, accipe Pisces: Liquidis, Scorpionem: Medijs uero, Cancrum. Per inferiora purgaturus, Pisces & Scorpionem: Per superiora, Cancrum. Malum Saturni uel Martis ad Lunam deuitabis aspectum: Ille enim uexat stomachū, hic intestina dissoluit. Capricornum euitabis & Taurum, nauseam enim afferunt. Scis membrum irritandum non esse, quando Luna signum occupat membro præfectum (humores nanq; mouet) sed potius esse fouendum. Hæc uero de uirtute & spiritu naturali in iecore præcipue dominantibus, quæ in quatuor officia quæ narrauimus, diuiduntur, dicta sufficiant. De uirtute uero spirituq; uitali in corde uigente quidnam monemus? Satis id ferme significatum est: Nam per res in primis igneas & quodammodo simul aërias hæc adiuuantur, quando Luna in domicilijs mansionibus uel consimilibus suspicit Iouem, præcipue si Iouem complectatur & Solem. Virtutem quoq; animalem per sensum & motum in capite dominantem confirmare potes per aëria

aëria in primis, subiunctis igneis, quando Luna in do-
 micilijs uel sedibus consimilibus Iouem suspicit: præ-
 sertim si Iouem propemodum Mercuriumq; comple-
 ctitur. Hic uero te moneo, ne Mercuriū putes aqueum
 esse uel terreū (quod & ego aliquando suspicatus sum:
 alioquin motibus celeritatiq; ingenij non conferret).
 sed quodammodo aërium esse scias: Nam & ob ean-
 dem causam tam mobilis est, tam facile conuertibilis,
 tantum ingenio confert, præsertim in Aquario pluri-
 mum aërio constitutus. Humor quidem in eo tempera-
 tus est, calor exiguus. Sub Sole positus dicitur exicca-
 re: Longior autem à Sole factus, humectare putatur:
 Ibi quidem calefacere multum ex natura Solis, hic ue-
 ro calefacere parum admodum, & humefacere magis
 suapte natura. Calore forsan nō cedit Veneri, Lunam
 superat, humore uero cedit utrisq;. Haly probat Mer-
 curium qualitates cœlestium commiscere: quoniam fa-
 cilime permutetur, tum in qualitatem termini quem su-
 bit, tum in naturam stellæ quā aspicit. Ego igitur hūc
 tam facile permutari puto, quia nec excellentem pote-
 statem, quam Iupiter habet, nec excedentem qualita-
 tem, quam pleraq; cœlestia, per quam alterationi re-
 sistat. Deniq; probabile est Mercurium assiduum So-
 lis Achatem, multas illius uires habere, ideoq; spera-
 ri Solaria quædam à Mercurio posse. Aliquando uero
 & Martem tradunt, Solem in quibusdam muneribus
 imitari, ac Venerem quæ ad Lunā pertinent, elargiri.

Hæc igitur in agendo memineris. Neq; negligas unquam terminos. Aiunt enim Planetas in diuersis terminis ceu lucidis atq; tenebrosis opposita facere. Deniq; ubi Martem times, oppone Venerem: Vbi Saturnum, adhibe Iouem. Ac da operam ut in perpetuo quodam pro uiribus motu uerseris, tantum defatigatione uitata, ut & proprium motum externis motibus clàm nocituris opponas, et coelestem actum pro uiribus imiteris. Quod si poteris spacia motibus ampliora peragere, sic & coelum potius imitaberis, & plures coelestium uires passim diffusas attinges.

Quomodo membra foueantur in nobis per cõparationẽ Lunæ ad signa & ad stellas fixas. Ca. VII

Totum quemadmodũ diximus corpus fouere poteris, caput uere potissimum si Planetas obseraueris in Ariete, uel in suo quenque domicilio primo. Præcordia si in Leone. Stomachum iecurq; si in Cancro atq; Sagittario, aut saltem in Virgine. Et acciperis ea quæ proprie membrum petunt. Expedit quoque nosse, quæ quisq; Planeta mēbra in signo quolibet habeat. Potes etiam proprie pro ætatis discrimine consilium unicuiq; per quatuor ætates Lunæ. Hæc enim à nouilunio usq; ad quadraturam primam iuuenis est. Deinde ad plenilunium est iuuenis atq; uirilis. Hinc ad quadraturam alteram, uirilis simul atq; senilis. Inde usq; ad coniunctionem est senilis. Aetatem itaq; Lunæ feliciter ætati curandi corporis adhibebis, si tunc aspectum

Num cuius ad aliquam trium Gratiarū acceperis. Qui sanè aspectus Lunæ semper & citò gratiosa largitur. Neq; tamen facile admodū diuturna uel maxima, nisi præter intuitum Lunæ, etiā ipsæ Gratiæ mutuò se conspiciant iam, uel propemodū conspecturæ sint, aut tres ipsæ, aut duæ. In primis uero diuturna præbent signa fixa: Leo scilicet, Aquarius, Taurus, Scorpius. Si fortè non possis in præsentia Lunam ad Planetas gratiosos opportune dirigere, stellas elige fixas gratiarū naturam, id est Iouis aut Veneris aut Solis, habentes, et ad eas directā Lunam elige. Tutius tamen est, Lunam interea Iouem propemodum adire uel venerem. Stellæ nanq; fixæ si solæ spectent, proportionem humanam, id est unius hominis, nimis exuperant. Proportionem uero cum ciuitatibus moderatiorem habent.

De uirtutibus & usu stellarum fixarum.

Caput VIII

TRadunt astrologi maiores quasdā stellas à Mercurio compertas, auctoritatem habere quamplurimā. Qualis est in Arietis gradu xxij. umbilicus Andromedæ, Mercurialis atque Veneris. Item in Tauri xvij. caput Algol, naturam Saturni possidens, atque Iouis. Cui subesse uolunt Adamantem & artemisiam, & audaciam uictoriāq; præstare. In eiusdem gradu xxij. Pleiades, lunare sidus & Martium: Cui subijciunt crystallū, herbam diacedon, semen fœniculi. Conferre putant ad acuendum uisum. Quod autem non

nulli dicunt conducere ad dæmonas conuocandos, si-
 gmentū esse iudico. Aldeboran primo uel tertio Gemi-
 norum gradu Martium atq; Venereum. Hircus gra-
 du eorundem xiiij. Iouius atq; Saturnius. Huic subij-
 ciunt saphyrum, prassium, menthā, artemisiam, man-
 dragoram. Ad dignitatem & principū gratiam adiu-
 uare confidunt, nisi fortè eos opinio fallat. Illi subesse
 uolunt rubinum, titimallum, matrisyluam. Diuitias &
 gloriā augere. In Cancris sexto uel septimo Canis ma-
 ior Venereus, præst berillo, sauinae, artemisiae, dra-
 conteae. Præstat gratiam: item in xvij. eiusdem canis
 minor Mercurialis & Martius. Cui subesse uolunt la-
 pidem Achatem, herbam Solsequium, & Pulegium:
 Atq; gratiā elargiri. In Leonis xxi. Cor Leonis, stel-
 la regia Iouialis & Martia. Huic subijci putant lapi-
 dem Granatū, chelidoniam, masticen, Melancholiam
 reprimere, temperatum gratiosumq; efficere. In Vir-
 ginis xix. Cauda Vrsæ maioris Venerea & Lunaris.
 Lapidem eius Magnetem putant, herbam cicoream et
 artemisiam, à raptoribus ueneficijsq; tueri. In Libræ,
 yij. Ala Corui dextra. Item in eiusdē xij. & fortè xiiij.
 Ala sinistra, Saturnia simul & Martia. Eius herbam
 lapathium & hyoscyamū esse, aiunt cum lingua ranæ
 audaciam augere: Fore noxiam, in eiusdem quindecim-
 o uel sedecimo, spica Venerea Mercurialisq;. Quā
 sequatur Smaragdus, saluia, trifolium, promarulla,
 artemisia, mandragora. Diuitias augeat & uictoriā,
 & ab

Et ab angustia uindictet. Deniq; in eiusdem xvij. uel
 xvij. Alchameth. Huic subdunt Iaspidem & planta-
 ginem. Firmare sanguinem sperant, febres omnes ex-
 pellere. In Scorpionis quarto, Elpheia Venerea Mara-
 tiaq;. Secundum uero computationem aliam in gradu
 eiusdem quinto est cornea, forsan eadem præsiciens to-
 pazio, rorimarino, trifolio, hederæ, augere gratiam,
 castitatem, gloriam putant. In Sagittarij tertio, Cor-
 Scorpionis Martium atq; Iouiū, præsiciens sardonio,
 amethysto, aristolochiæ longæ, croco. Opinantur co-
 lorem bonum efficere, animū letum, sapientemq; red-
 dere, dæmonia propulsare. In Capricorni gradu septi-
 mo Vultur cadens, hanc sequitur Chrysolithus, Satu-
 reia, Fumus terræ. Stella est Mercurialis atque Vene-
 rea, temperata. In ascendente medioq; cœlo prodest.
 Quod autem excantandi auctoritatem asserre dicant,
 nihilipendo. In Aquarij xvi. cauda Capricorni Satur-
 nia, Mercurialisq;. Quam sequitur Calcidonius, maio-
 rana, nepita, artemisia, mandragora. Præstare in cau-
 sis gratiam opinantur, diuitias augere, hominem ac-
 domum incolumem reddere. In Piscium tertio hume-
 rus equi Iouialis & Martius. Thebit philosophus do-
 cet ad captandā alicuius stellæ modo dictæ uirtutem,
 lapidem eius accipere, herbamq; eiusdem, annulumq;
 aureum facere uel argenteum, in quo lapillum inferas
 herba subiecta, gerasq; tangentem. Id autem efficias
 quādo Luna subit stellam, aut aspicit aspectu trino uel

sextili: Et stella in medio percurrit cœlo uel ascendente. Ego uero quæ ad eiusmodi stellas attinent, in formã potius medicinæ quàm anuli componerem, intrinsicus uel extrinsecus adhibendæ, opportunitate uidelicet prædicti temporis obseruata. Tametsi prisci anulos magnificerint. Nam Damis & Philostratus narrant, Hiarcham sapientum Indorum principem simili quãdam ratione septem anulos confecisse, stellarũ septem nominibus appellatos, eosq; Apollonio Theanæo de disse. Qui deinde singulos diebus singulis gestauerit, iuxta dierum nomina hos distinguens: Dixisse uero Hiarcham Apollonio, auum suum philosophum annos centum atq; triginta uixisse, eiusmodi forsã cœlesti munere fretum: Quo & Apollonius deinde usus, centesimo etiam anno, ut aiunt, iuuenem præferebat. Deniq; si quid eiusmodi anuli uirtutis habent ex alto, id quidem non tam ad animam uel ad crassum corpus pertinere arbitror quàm ad spiritum, calefacto paulatim anulo, sic inde uel sic affectũ, ut firmior efficiatur, aut clarior, uehementior aut mitior, scuerior aut lætior. Quæ quidem affectiones in corpus quidem omnino, & in animam sensualem quodammodo, plerunque indulgentem corpori transcunt. Quod autem aduersum dæmonas aut hostes, aut ad principum gratiam profuturos anulos pollicentur, uel fictum est, uel inde deductum, quod spiritum interritum, firmumq; efficiant, uel etiam mansuetum, obsequioq; amabilem, atq; gratiosum

gratiosum. Iam uero, si quid coelestia præter corporalem ualitudinem, conferre ad ingenium, artem, fortiam dicere, ab Aquinate Thoma nostro non dissiderem, qui in libro cōtra Gentiles tertio probat à corporibus coelestibus imprimi nonnihil in corpore nostro, cuius munere disponamur ad eligendū sæpe quod melius est, etiā si rationem finemq; nesciamus. Quam quidem in re bene fortunatos appellat, atq; (consentiente Aristotele) bene natos. Addit etiā uirtute coelesti fieri nonnullos in quibusdam artium effectibus efficaces (ut eius uerbis utar) sicut miles in uincendo, agricola in plantando, medicus in sanando, felices. At enim sicut herbarum lapidesq; mirabiles quasdam ultra naturam elementarem uires coelitus habent, sic homines quoq; in artibus nonnullos habere. Mihi uero satis fuerit factū, si coelestia quomodocūq; quasi per medicinas, siue interiores, siue exteriores ad prosperā conferant ualitudinē, dummodo interea salutem corporis perquirentes, iacturā nullā salutis animæ faciamus. Nihil omnino tentemus à sancta religione prohibitū. Præterea in opere quouis conficiendo, fructū operis ab eo speremus atq; petamus in primis, qui & coelestia, et quæ cōtinentur cœlo fecit, & uirtute donauit, mouetq; semp atq; cōseruat.

De dignitatibus Planetarū in signis ad usum medicinarum obseruandis. Cap. IX

Saturni domus Aquarius et Capricornus: Exaltatio Libra. Iouis domus Sagittarius atq; Pisces.

Exaltatio siue regnum, Cancer. Martis domicilium,
 Scorpium & Aries: Exaltatio Capricornus. Solis se-
 des quidem est Leo: Regnum Aries. Veneris habita-
 culum Taurus atq; Libra: Exaltatio Pisces. Mercurij
 ædes Virgo atq; Gemini: Regnum Virgo. Lunæ do-
 mus Cancer: Exaltatio Taurus. Saturnus & Iupiter
 triplicitatem habent in igneis aërijsq; signis. Sol in ig-
 neis tantum. Mercurius in aërijs solum. Mars, Venus,
 Luna, in aqueis atque terreis. Planetæ quilibet præter
 Solem ac Lunam, in quolibet signo fines quosdam suos
 possident, quos & terminos appellamus. Igitur in A-
 riete Iupiter sex ibi primos terminos obtinet, Venus
 sex inde sequentes, Mercurius posteriores octo, Mars
 quinque deinceps, postremos quinque Saturnus. In Tauro
 ordine deinceps simili Venus fines habet octo, Mercu-
 rius sex, Iupiter octo, Saturnus quinque, Mars denique
 tres. In Geminis Mercurius sex, Iupiter sex, Venus
 quinque, Mars septem, Saturnus sex. In Cancro Mars
 septem, Venus sex, Mercurius totidem, Iupiter septem,
 Saturnus quatuor. In Leone Iupiter sex, Venus quina-
 que, Saturnus septem, Mercurius sex, Mars totidem.
 In Virgine Mercurius septem, Venus decem, Iupiter
 quatuor, Mars septem, Saturnus duos. In Libra Sa-
 turnus sex, Mercurius octo, Iupiter septem, Venus to-
 tidem, Mars duos. In Scorpione Mars septem, Venus
 quatuor, Mercurius octo, Iupiter quinque, Saturnus
 sex. In Sagittario Iupiter duodecim, Venus quinque,
 curius

Mercurius quatuor, Saturnus quinque, Mars quatuor. In Capricorno Mercurius septem, Iupiter septem, Venus octo, Saturnus quatuor, Mars totidem. In Aquario Mercurius septem, Venus sex, Iupiter septem, Mars quinque, Saturnus totidem. In Piscibus Venus duodecim, Iupiter quatuor, Mercurius tres, Mars nouem. Saturnus denique duos. Sol autem et Luna alia ratione fines suos habent: Nam Sol quidem signa sex pro finibus habet, Leonem, Virginem, Libram, Scorpium, Sagittarium, Capricornum. Luna uero reliquos, Aquarium, Pisces, Arietem, Taurum, Geminos, Cancrum. Solem igitur atque Lunam in his signis eum principatum effectumque, quem reliqui Planetæ in suis finibus habere putant. Præter fines habent in signis suas Planetæ facies, quas Græci Decanos nominant, decem occupantes signi gradus. In Ariete facies prima Martis: Secunda Solis, qui Martem in cælo sequitur, ordine Chaldeorum: Tertia Veneris, quæ Soli succedit in cælo. In Tauro prima facies Mercurij, sequentis Venerem: Secunda Lunæ, quæ Mercurio succedit: Tertia Saturni: Ad hunc enim redeundum est, impleto iam numero Planetarum. In Geminis prima Iouis, sequentis uidelicet Saturnum, Secunda Martis, Tertia Solis eodem ordine, similiterque deinceps.

Quomodo Planetis uti debeamus in me-

dicinis. Caput X

Commemorauimus autem quas in signis Planetæ

K

te dignitates habent, ut quoties facturi composituriq;
sumus quæ ad Planetã aliquem attinent, sciamus eum
in suis dignitatibus collocare, præsertim quando ha-
buerit in nostra reuolutione & genesi principatum,
ut etiam Saturnus atque Mars, alioquin deprimendi,
nobis tamen sint erigendi si genituræ nostræ signifi-
catores extiterint. Maxime uero operæ precium ex
hac commemoratione fecerimus, si quando usuri in me-
dicinis conficiendis beneficio Lunæ & Veneris atque
Iouis, cauebimus ne in finibus Saturni uel Martis exi-
stant: nisi fortè ubi cogimur, uel per Saturnum cohi-
bere dissolutionem æstumq; reprimere, uel per Mar-
tem frigidissima calefacere, torpentia suscitare, alio-
quin fines Iouis & Veneris eligemus. Accipimus quo-
que Mercurij fines, Mercurialibus in primis homini-
bus profuturi. Neque latere nos debet, homines ualde
Mercuriales, quales sunt qui ingenio, artificio, elo-
quio pollent, non mediocriter esse Solares: Mercurius
enim semper est Apolline plenus. Vt autem quiuis in-
telligat quomodo figuras in cælo describamus in oras,
signum quod ab oriente surgit, primam appellamus
uitæq; domum: Quod succedit in ortum, secundam;
tertiamq; deinceps, aliasq; similiter: ita ut septima do-
mus sit signum, quod in occidente iam descendens op-
ponitur ascendenti. Huic octaua succedit. Nona uero
è medio cadit cælo, quod decimam domũ efficit. Huic
succedit undecima. Sed duodecima cadit ab ascenden-
te. Vt

te. Vt igitur Planetæ sint potentes, habendi sunt in angulis uel orientis, uel occidentis, uel medij utrinque cœli: Maxime uero in angulo ascendentis, aut decimæ medium supra caput obtinentis cœlum, aut saltem in plagis quæ angulis mox succedunt. Tametsi Solem quidem in nona, quæ à medio cadit cœlo, Lunam uero in tertia etiam cadente gaudere putant. Duas inter hæc regulas mente teneri astrologi uolunt: Vnam quidem ægrotantis ratione, alteram uero medici. Nempe ubi ægrotantis septima domus per Saturnum uel Martem infortunata est, uel dominus eius infelix, separa medicum ab ægroto, si Ptolemæo credis. Præterea medicum electurus, Saturnium Martialemq; declinare iubent, eumq; perquirere, in cuius genitura domus sexta per aspectum Solis, uel per Venerem aut Iouem, quomodocunq; fuerit fortunata. Infortunatū uero dicimus signum uel Planetam per Saturnum, aut Martem, nisi propria domicilia sint uel regna, quando uidelicet uel ibi sunt, uel illuc aspiciunt opposito uel quadrato. Oppositum uero aspectū dicimus inter illa quæ interuallo discrepant quamlongissimo: Quadratū uero, ubi hoc ab illo quarta parte cœli, id est signorum trium spacio distant. Minus tamen per coniunctionem oppositum quadratum Saturnus & Mars Planetis alijs nocent, quando tanquam hospites eos domicilio uel regno suo termino ue suscipiunt. Quemadmodum Planetæ felices magis prosunt, quando præter sextilem trinum ue

aspectum atq; coniunctionem etiam, ut diximus, sic excipiunt. Solis tamen cōiunctionem Planetæ uerentur, aspectu gaudent, trino uidelicet uel sextili. Proinde necessariū est meminisse, Arietem præesse capiti atq; faciei, Taurum collo, Geminos brachijs atque humeris, Cancrū pectori, pulmonibus, stomacho, lacertis: Leonem cordi & stomacho, atq; iecori, & dorso, & costis posterioribus: Virginem intestinis & fundo stomachi: Libram renibus & fœmori atq; natibus: Scorpionem genitalibus, uulvæ, matrici: Sagittarium fœmori atq; subinguinibus: Capricornum genibus: Aquarium crucibus tibijsq; Pisces pedibus. Huius enim ordinis memor cauebis membrum tangere ferro, uel igne, uel cucurbitulis, quando Luna sub eius signo discurrit. Tūc enim auget Luna humores in membro, quorū affluentia, & consolidationem prohibet, & grauat membri uirtutem. Obseruabis autem, tunc membrum remedijs quibusdam amicis, uel extra uel intus adhibitis, opportune feliciterq; fouere. Expedit uero nosse quod signū ascenderit tibi nascenti. Nam præter Arietem hoc etiā tibi caput significat, atq; in hoc Luna tibi caput aspiciat. Præterea quando Luna Arietem subit, opportune balnea tentas & lauacra. Quando Cancrum, feliciter minue sanguinem, medicinam accipe, præsertim eleætuarij formam. Quando est in Leone, ne prouoca uomitum. Quum in Libra, clysteribus apta est. In Scorpione balnea nec tentes. Sunt qui medicinā soluturam dare

dare nec prohibent, neq; iubent. In Capricorno medicina sumere nocet. Similiter in Aquario. In Piscibus uero prodest. Quæ uero membra in quouis signo unus quisq; habeat Planetarum, etsi scitu necessarium, est tamen narratu prolixū. Neq; uero in purgatione alui latere nos debet Ptolemæi præceptum: Medicinam accipere purgatoriam, quando Luna est in Cancro, Piscibus, Scorpione, probamus: præsertim si dominus signi tunc ascendentis applicet se Planetæ sub terra currenti. Sin autem ascendentis dominus coniungatur interea supra caput cum Planeta medium tenente cœlū, nausea statim & uomitus incitabitur. Deniq; concludamus cum Galeno, Astrologiam esse medico necessariam, qui de criticis diebus disputans ait, certam esse Aegyptiorū sententiam, id est Lunam significare affectionem indies, ægrotantis atq; sani, adeò ut si misceantur cum Luna radij Iouis & Veneris, bene afficiatur uterq;: Sin autem Saturni uel Martis, contraria ratione se habeat. Sed latius iam peruagati, ad spiritum tandem & uitam atq; Gratias reuertamur.

Quibus modis spiritus noster haurire plurimum possit de spiritu uitæq; mundi: Et qui Planetæ spiritum procreent atque recreent: Et qualia ad unumquemq; Planetam pertineant. Caput XI

HVc uero tendunt hæc omnia, ut spiritus noster rite per naturalia preparatus atque purgatus

accipiat ab ipso uitæ mundanæ spiritu plurimum per radios stellarū opportune susceptos. Vita quidē mundi omnibus insita, propagatur euidenter in herbas & arbores, quasi pilos sui corporis atq; capillos. Tumet insuper in lapides & metalla, uelut dentes et ossa: Pullulat quoq; in uiuentes conchas, terræ et lapidibus adherentes. Hæc enim non tam propria q̃ ipsa cōmuni totius uitæ uiuunt. Quæ sanè cōmunis uitæ, multo etiam magis super terram in corporibus uiget subtilioribus tanquam propinquioribus animæ. Per cuius uigorem intimum, aqua, aër, ignis uiuentia sua possident, atque mouentur. Vita hæc aërem ignemq; etiā magis quā terram & aquam fouet agitātq; perpetuo motu. Et deniq; cœlestia corpora, quasi mundi caput uel cor uel oculos, quāmaxime uegetat. Vnde per stellās uelut oculos, radios non uisibiles solum, sed etiam uisuales usque quaq; diffundit. Quibus more Struthij, ut diximus a libi, inferiora conspicit, fouetq; uidendo, imò etiam ita tangendo generat & format omnifariam atq; mouet. Igitur ad motum nitentis aquæ, sereni quoq; aëris, ignisq; moderate distantis, atq; cœli, motū mundanæ uitæ suscipies, si ipse quoq; leniter & sermè similiter mouearis, quosdam pro uiribus gyros agens, uertigine deuotata, cœlestia lustrans oculis, mente uersans. Item frequenti quodam usu plantarum, similiterq; uiuentiū potes ē mundi spiritu plurimū haurire: Præsertim si adhuc uiuentibus recentibusq; et matri terræ quasi adhuc hærentibus

herentibus nutriaris, atq; fouearis. Inter plantas sua-
uiter redolentes, uel saltem non male olentes uerseris
quam frequentissime. Omnes enim herbæ, flores, arbo-
res, poma redolent, quamuis sepe minus animadu-
ertas: Quo quidem odore quasi flatu spirituq; uitæ mun-
danæ te undiq; recreant atq; uegetant. Spiritū inquam
tuum odoribus eiusmodi natura similimum, perq; spi-
ritum medium inter corpus & animam, facile corpus
quoq; reficiunt, & animæ mirifice prosunt. Inter hæc
diutissime diurno tempore sub diuo uersaberis, quate-
nus tutò uel commode fieri potest, in regionibus altis
& serenis atq; temperatis. Sic enim Solis stellarumq;
radij expeditius puriusq; undiq; te contingunt, spiri-
tumq; tuum complent mūdi spiritu per radios uberius
emicante. Præterea naturalis ipse motus aëris, qui per-
petuus est in orbem, quamuis ob lenitatem suam, cons-
uetudinemq; diurnā uix percipiatur ab ullo, te die
sub diuo deambulanti, habitantiq; in patentibus
editisq; locis libere lambit, penetratq; pure, ac motum
uigoremq; spiritui tuo mundanum mirifice præstat.
Dixi equidem die, compertum enim habemus noctur-
num aërem esse spiritibus inimicū. Conferet aut diurni
usus, præsertim si plurimū in aperto deambulans, des-
uites primo quidem nimiam aëris intemperiem: deinde
frequentius mouearis in eo, quando præter temperiem
& serenitatem eius, stellarū positio magis est homini-
bus salutaris. Item si loca eligas præ cæteris odorifera,

per quæ situm quotidie mutes, & ipse quasi continue,
& leniter mouearis. Mutare locum quamuis semper
cum delectu præcepi, quoniam bona cœlestium & uni
uersæ naturæ apud nos sunt rebus locisq; alijs passim
atq; alijs distributa, quibus deniq; omnibus est fruenda
dum. Mitto quod uarietas tædium prohibet, spiritibus
inimicum, propriumque Saturno: Voluptatem uero
affert, per quam (ut ita dixerim) Venus ipsa uolupta
tis amica uenit in spiritum, atq; quod eius officium est,
hūc statim ingressa propagat. Summatim uero si quis
consideret paradisum, & Pomi uitæ usum apud Moy
sen: Item similem uictum à Platone positum in Phæ
done: & quæ Plinius de populis ait odore uiuentibus,
intelliget esse uera quæ dicimus. Sed ad naturam spiri
tus descendamus. Spiritus quidem qualitas est procul
dubio Iouia, cuius tempore nobis infunditur. Est & So
laris: Iupiter enim hunc infundit, quatenus ingentem
Solis in se temperat potestatem. Item alia quoq; ratio
ne Iouia est, quoniam calida est & humida, & calore
abundat potius quàm humore, nasciturq; sanguine, &
uapor quidam sanguineus appellatur. Rursus quoniā
feruet, & subtilis est admodum atq; lucens, oriturq; à
corde, Solaris proculdubio iudicatur. Habet & quo
dammodo Veneream in se uirtutem: Nam motu Vene
reo prorsus exundat, profluit, transfertur, prolemq;
propagat, ad uoluptatem cuiuslibet sensus se dilatat,
refugitq; dolorem. Summatim uero, spiritus quatenus
corpori

corpori ad uitam & motum propagationemq; condu-
cit, Iouius, Venereus, Solaris existimatur: Quatenus
animo ad sensum imaginationemq; ministrat, Solaris
Mercurialisq; censetur, & ubiq; Mercurialis existit,
quandoquidem adeò mobilis est & tam facile conuer-
tibilis, atque formabilis. Saturni, Martis, Lunæ, sanus
communiter spiritus non multum habet: Alioquin ex
illo sæpe stupidus, ex hoc furiosus, ex hac obtusus quo-
dam modo foret. Quamobrem Lunaria quidem uelut
crassiora simulq; humidiora à subtili & uolatili natu-
ra spiritus sunt admodum aliena. Quæ uero Saturna-
lia multum, atq; nimium Martialia sunt, quasi uenena
sunt, spiritui naturaliter inimica. Illa quidem ob extre-
mam frigiditatem atq; siccitatem: hæc autem ob siccita-
tem, caloremq; edacem. Iouia igitur et Solaris in pri-
mis, deinde Mercurialis & quodammodo Venerea, spi-
ritus natura censetur. Distinctione uero præcipua, spi-
ritus quidem naturalis Ioui proprie dedicatur, uitalis
autem Soli, animalis uero Mercurio. Quando igitur
res postulat aliquem è tribus spiritum adiuuare, pa-
trono tunc suo infornato, uel debili, non facile clien-
tulo succurrere poteris: Difficilime uero spiritui ani-
mali, dum Mercurius infeliciter est affectus, qui tan-
tam in animali spiritu auctoritatem habet, ut caduceo
quodam suo animos tum consopire, tum suscitare dica-
tur, id est suo quodam aspectu sic aut aliter se habente
obtundere ingenium, uel acuere, debilitare, siue corro-

borare, uexare uel sedare mirifice possit. Tu igitur quoties spiritum aliquem studes excolere, non modo patrum suum obseruabis fortunatum atque potentem, sed etiam Lunam eliges ad hunc opportune directam. Non creatur autem neque recreatur aliquando proprie per influxum Saturni solum substantia spiritus, sed semper ab externis ad intima, et sepe ab imis reuocatur ad summa: Vnde ad secretiora et altiora contemplanda conducit. Potest tamen, etsi raro, uis Martis atque Saturni, spiritui tanquam medicina prodesse, uel calefaciendo quum opus fuerit, et excitando atque dilatando, uel uicissim nimis uolatilem coercendo. Per ea uero potissimum quae quatuor illis Planetis consentanea sunt, creatur natura spiritus atque recreatur. Verum si ad Solaria quaelibet ualde et absque delectu declines, exascues illum, et exiccabis tandem atque dissolues: Si similiter ad Venerea, liquefacies paulatim, uel obtundes. Si confidas tantum Mercurialibus, parum admodum inde proficies. Erit igitur operae precium Iouialibus uti quamplurimum, eisque reliqua mediocriter admiscere, ac frequentius uti rebus, quae uel his omnibus aequae sint communes, uel propriae Ioui. Nam haec quoque omnibus quodammodo sunt communes. Communiter autem ad hos omnes attinent, quae substantiam habent nec igneam nimis, nec prorsus terream, nec simpliciter aqueam, nec acutissimam, nec obtusissimam qualitatem, sed mediocrem et tactu lenem, et quodammodo mollem, uel
saltem

saltem non duram, siue asperam, item gustu quodammodo dulcem, olfactu suauem, uisu gratā, auditu blandam atq; iucundam, cogitatu letam. Dulcedo igitur quædam saporis, et gratia his omnibus est communis. Si dulcedo quasi aquea est, & simul pinguis, ad Venerem magis attinet: Si quasi insipida, uel aliquantū austera, potius ad Mercurium: atq; hæc spiritui nō multum profunt, necessaria tamen sunt interdum, ad hebetandum nimium eius acumen. Si dulcedo manifesta sit atq; subtilis, et paulum habeat styptici acutiq; saporis, Iouialis proprie iudicatur. Cui congruit substantia dulcis amygdalæ, pinei nuclei, auellanae, pistacij, amidi, glycyrrhizæ, passularum, uitelli oui, carniū gallinacei pulli, fasianarum, pauonum, perdicum, similia umq; item radicū been, atq; enulæ: Rursum uini odoriferi, clari, aliquantū dulcis, et styptici, sacchari candidissimi, tritici albißimi. Ad Iouem pertinet etiā manna, si modo myrobalani infusa uirtute firmetur, alioquin non minus ad Venerem attinet quàm ad Iouem. Hæc est utiq; substantia dulcedoq; Iouis propria, quæ sanè spiritui creando & recreando ante omnia confert. Iouia uero plurimū sunt omnia, quæ in libro De longa uita diximus & seruare iuuentutem, & senibus salubria fore. Sin aut̃ dulcedo admodū pauca sit, multumq; acuti stypticiq; habeat, uel etiam nonnihil amari, Solaris esse censetur. Similis quædam ratio est & distinctio de odoribus: Hi enim saporū germani sunt.

Similis etiam de coloribus. Colores sanè aquei, albi,
 uirides, aliquantum crocei, similes uiolarum, rosarū,
 liliorum coloribus, necnon odores eiusmodi Venerem
 referunt, & Lunam atq; Mercurium. Colores uero sa
 phyrij, qui etiam dicuntur aërei, item purpurei plenio
 res, aureiq; argento mixti, & perpetuò uirides, Iouē.
 Ardentes autem crocei, aurei, puri, purpurei clario
 res, Solem. Quilibet uero colores si uiui sint uel saltem
 sericij, magis stellares existunt. In metallis quoq; et la
 pidibus atq; uitris propter cœlestem similitudinē sunt
 potentes. Sed ut redeamus ad Iouem, sapor & odor
 eius quasi est, qualis in aureo pomo persico, similiq;
 pyro, uel aranceo, & uino maluatico leuiore, leuiq;
 uernaceo, qualis in uiridi zinzibere, uel cinnamo
 mo, uel dulci marathro, uel doronico, si hæc plurimo
 saccharo condita gustentur: Nam quatuor hæc, et nux
 muscata recens, sola si sunt, potius Solaria sunt, Sola
 ris & chariophylus & muscus, sed odoratu nō gustu,
 non aspectu. Ambra Solaris plurimum atq; Iouia. Cro
 cus in omnibus est Solaris, tametsi color eius & odor
 apud astrologos omnibus gratijs dedicatur: Sapor au
 tem ad Solem proprie pertinet. Deniq; omnia odori
 fera & aromatica, quatenus odorem gratū ferunt, ita
 ad Iouem Veneremq; & Mercurium pertinent ut ad
 Solem: quamuis inter hæc, acutiora magis ad Solem,
 obtusiora ad Venerem Mercuriumq; potius, ad Iouem
 proprie temperata, olfactu, gustu, auditu, uisu, ta
 ctu. Soni

Et. Soni quinetiam cantusq; grati, blandiq; ad gratias omnes spectant atque Mercurium: Minaces autem admodum atq; flebiles Martem præferunt & Saturnum. Neq; uero mireris nos multum coloribus, odoribus, uocibus attribuere. Nam sapores quidem ad spiritum præcipue pertinent naturalem: odores autem potius ad uitalem animalemq;: colores, figuræ, uoces, ad animalem. Motus quoq; animi uel lætus, uel mœstus, uel constans, spiritum ad similitudinem suam agit uehementer: Animalem primo, per hūc uitalem, per hūc insuper naturalem. Spiritus tandem omnis quia, ob naturam quodammodo igneam, aëriamq; omnino & lucidam atq; mobilem, similis est luminibus, ideoq; coloribus & uocibus aërijs, & odoribus motibusq; animi, ideo per hæc subito in utranq; partē mouetur atq; formatur. Et qualis euadit ipse talem uicissim efficit quodammodo affectum animi & omnino corporis qualitatem. Deniq; cum primum per illa quæ gratiarum propria sunt, opportune gratijs est expositus, utpote qui & naturaliter illis consentaneus erat, statim per illarum radios tum ubique uigentes, tum ipsi germanos, mirifica reportat munera gratiarum.

Quod res naturales atq; etiam artificiosæ habent uirtutes à stellis occultas, per quas spiritum nostrū stellis eisdem exponunt. Cap. XII

QUum uero dicimus spiritū exponi gratijs per illa quæ sunt gratiarum, non solum per quali-

tates quæ uidentur, audiuntur, odorantur, gustantur, sed etiam per illas quæ tanguntur accommodari putamus. Memento igitur calidum in primo gradu Iouis esse: In secundo Solis cum Ioue: In tertio Martis cum Sole: In quarto Martis. Frigidum in primo Veneris: In secundo Lunæ: In tertio Lunæ cū Saturno: In quarto Saturni. Humidum in primo Mercurij cum Ioue: In secundo Veneris cum Luna: In tertio Lunæ cum Veneri: In quarto Lunæ, quando Veneri Mercurioq; cōiungitur. Siccum in primo Iouis: In secundo Mercurij cū Sole: In tertio Solis cum Marte: In quarto Martis cum Saturno. Summatim ex qualitatibus Planetarū, quas Ptolemæus describit in Quadripartito, colligimus harmoniā ex cunctis conflatā ad calorem humoremq; declinare: Calor enim Martis ingens atq; Solis, et temperatus Iouis, ingentem superat Saturni frigiditatem, & Veneris Lunæq; exiguam, ita ut calor ibi frigus excedat. Item humiditas Lunæ Venerisq; plurima et propinqua nobis atq; temperata, Iouis siccitatem Saturni Martisq; multam superat, et temperatam Solis. Calor igitur humorq; frigori siccoq; dominatur, atq; similiter calor humori: Quemadmodū in sani corporis homine ad cœlestem consonantiā temperato ex calore & siccitate cordis, item calore et humore iecoris, rursum frigore et humore cerebri, coalescit cōplexio quædam ad calorem humoremq; uergens, mediocriter calore regnante. Calor enim cordis & iecoris, frigus cerebri superat.

superat. Item humor iecoris atq; cerebri siccitatem cordis excedit. Neq; uero prætermissum à nobis uelim, talem existere ex stellis fixis harmoniã cunctis communem, qualem diximus ex Planetis: hos enim illis similes astrologi putât. Quorsum hæc? Vt memineris spiritum corpusq; nostrũ per temperiem quandam ad calorem humoremq; uergentem, uel natura constantem, uel arte quæsitã, accommodari posse cœlestibus, sibiq; cœlestia uendicare. Neq; tamen dicimus spiritũ nostrũ cœlestibus duntaxat, per qualitates rerum notas sensibus præparari, sed etiam multoq; magis per proprietates quasdam rebus cœlitus insitas, & sensibus nostris occultas, rationi uix deniq; notas. Nam quũ proprietates eiusmodi, earũq; effectus elementari uirtute constare non possint, consequens est à uita spiritũq; mũdi per ipsos stellarũ radios singulariter proficisci, ideoq; per eas spiritum affici quamplurimum atq; quamprimũ, cœlestibusq; influxibus uehementer exponi. Hac utiq; ratione smaragdus, hyacinthus, saphyrus, topazius, rubinus, unicorni cornu, præcipue uero lapis bezaar apud Arabes appellatus, occultis gratiarũ proprietatibus prædita sunt: Et idcirco non solũ intus assumpta, sed etiam si carnem tangant, ibiq; calefacta uirtutem suam promant, uim inde cœlestem spiritibus inserunt, qua se cõtra pestẽ tuentur atq; uenena. Quod aut hæc similiaq; tale aliquid agãt uirtute cœlesti, id argumentato est, quia etiam exiguo pondere sumpta nõ exiguum

habent in agendo momentum. Quod elementari qualitati uix unquā est concessum, igni uidelicet ualde celesti. Materialis enim uirtus ut agat multū, materiam desiderat multam. Formalis autem, etiam quum minima materia ualet plurimum. Simili uirtute in primis phœbea Pæonia carnem tangens, contra caducū morbum spiritus armat uapore ad eos intus infuso. Simili corallus & chalcidonium aduersum atræ bilis illusiones, Iouis præcipue Venerisq; uirtute: cæteraq; similiter. Eiusmodi quadam proprietate myrobalani iuuentutem seruāt, acuiuntq; sensus, & ingenio profunt atq; memoriæ, propter Iouem in primis Saturni temperatorem, atq; Mercurium sensus amicum. Quam quidem arborem forte aliquis in paradiso ad uitam prorogandam extitisse putabit. Mercurio lapidem achatem cōsecrant: Vnde Physici conueniūt, ad facundiā uisumq; & contra uenena ualere. Serapio scribit eum qui hircynthum uel ex eo sigillum gestat, esse à fulgure tutū, atq; hanc uirtutem eius esse latissime diuulgatā: quam si habet, ab Ioue putamus habere. Lapis ætites uel aquilinus habet à Lucina, id est Venere atq; Luna, ut admotus uulue, partum mox & facillime citet. Quod Rasis confirmante Serapione frequenter se dicit expertum. Forsan & à Phœbo qui transfixit Pythonem, Cretæa Dictamus habet, ut & uenenosis obsistat, & ferrum è uulnere trahat. Solis uirtute zinziber infusum epulis arcet syncopim. Sentiana canis rabiem sedat,

dat, fugatq; serpentes. Verbena uaticinium præstare fertur lætitiãq; & expiationes, & uisum. Ruta & zedoaria contra uenena Theriacam agunt. Thus uis talem & animale[m] spiritum aduersus hebetudinem, obliuionem, timorem, fulcit. Salvia uero menthaq; uirtute Iouis, illa quidẽ paralysim fugat, hæc uero odore roborat animum. Eadem uirtute Pentaphyllon resistit uenenis, cuiusq; folium bis quotidie unum uino bibitum curat Ephimeram: tria, tertianam: quatuor uero quartanam. Hac herba sacerdotes antiqui propter puritatem suam in purificationibus utebantur. Agnus castus potestate Saturni Venereum sistit motum: Iaspis uero sanguinem. Mirabiles autem prouenire solent effectus, ubi occultæ proprietati proprietas seruit elementaris, uelut in myrobalano ad spiritum corpusq; firmandũ, non solum uirtus illa cœlestis agit, sed etiam styptica multum, nec parũ aromatica uirtus, quæ putrefactionem dissolutionemq; mirifice prohibet, spiritumq; corroborat. Iam uero ut crocus petat cor, spiritũ dilatet, prouocet risum, non solum occulta Solis uirtus mirabiliter efficit, sed ad idem quoq; conducit ipsa natura croci subtilis, amplificabilis, aromatica, lucida. Quod autem de simplicibus dico, de compositis similiter dictum intelligi uolo. Dic age theriaca quomodo contra uenenum nobis opituletur? Non educit illa uenenum, astringit enim aluum, non mutat omnino tam subito ueneni naturam, non enim hæc adeò debilis est atque

mutabilis, sed spiritum uitalem potius ualde tenuem et mutabilem, subito conformi quadam ad ipsum proportionem corroborat usque adeo, ut ipse iam ualidus tanquam agens, unum cum theriaca uelut instrumēto partim superet uenenum, partim mutet, partim à præcordijs arceat. Sed quam proportionem siue uirtute id efficit theriaca? Iouiali simulatque Phœbea: quam ex commixtione multarum rerum secundum certam proportionem inuicem confusarum sibi uendicasse uidetur. Est autem in ea uirtus triplex: Hæc ipsa inquam cœlestis, quam modo dicebam: Item cœlestis alia prius in herbis aromaticisq; proprietas, quibus electis ipsa rite componitur, quæ uirtuti prius dictæ subministrat ad idem. Est insuper alia uirtus in plerisq; partibus eius, elementaris potius quam cœlestis, ueruntamen talis, ut spiritui muniendo conducatur, stypticam dico et aromaticam qualitatem: Illa quidem spiritum firmat, ista fouet. Mirabilem ergo theriaca uim nacta est contra properantem senectutem atq; uenenum, tribus uidelicet in ea uirtutibus ad idem pariter conspirantibus, quarum una quidem est cœlestis, per artificiosam acquisita commixtionem: alia cœlestis iterum, sed partibus eius naturaliter insita: alia prorsus elementaris. Sed illa quam prius dixi, cœlitus acquisita, multo etiam foret admirabilior, si non solum proportionem Iouia Solarisq;, et ex rebus eiusmodi conflaretur, sed etiam opportunum ad hoc, obseruatione cœlestium, tempus eligeretur. Nam quemadmodum

admodum corpus se habet ad locū atq; tempus, ita motus et actio se habet ad tempus. Sicut ergo certa passim corpora eorumq; formæ certis & locis & temporibus coalescunt atq; seruantur, sic & propriæ quædā actiones ex proprijs quibusdā temporibus efficiā nasciscuntur. Idq; in Alcibiade significat Socrates, & Proclus explicat. Quod sanè Pythagoras animaduertens, ipsum bonum perfectionemq; rerum, opportunitatem cognominauit. Primum nanq; principium sic apud Pythagoram & Platonem omnium est mensura, ut alijs corporibus actionibusq; alia loca distribuerit atq; tempora. Vnde sicut res quedam non alibi quàm hic, nec aliàs quàm tunc proprie nascuntur feliciter & coalescunt, atque seruantur: sic & materialis actio, motus, euentus talis, aut talis, non aliàs efficiā sortitur, effectumq; perfectū, q̄ quando cœlestiū harmonia ad idem undiq; consonat, quæ sanè harmonia tantā habere potestatem existimatur, ut non solum agricolarum laboribus atq; medicorum artificijs per herbas aromataq; conflatis, sed etiam imaginibus, quæ apud astrologos ex metallis lapidibusq; fiunt, uirtutem sæpe mirificam largiatur. Sed imagines caput iam proprium exigūt. Quantum uero ad horas pro actionibus & operibus eligendas pertinet, plurimū confirmatur à Ptolemæo ubi ait in Cētiloquio: Qui eligit quod melius est, nihilo differre uidetur ab eo qui habet hoc ex natura. Quibus in uerbis tum cœlestiū, tum arbitrij electionisq; nostræ

Tempus
opportuni
tas ue quid
possit.

potestatem confirmare uidetur. Albertus quoq; Magnus inquit in Speculo: Non enim libertas arbitrij ex electione horæ laudabilis coërcetur: sed potius in magnarum rerū inceptionibus electionem horæ contemnere, est arbitrij præcipitatio, non libertas.

De uirtute imaginum secundum antiquos, atq; medicinarum cœlitus acquisita. Cap. XIII

Ptolemæus ait in Centiloquio, rerum inferiorū effigies uultibus cœlestibus esse subiectas, antiquosq; sapientes solitos certas tūc imagines fabricare, quando Planetæ similes in cœlo facies, quasi exemplaria inferiorum ingrediebantur. Quod quidem Haly comprobat ibi dicens: Vtilem serpentis imaginē effici posse, quando Luna serpentem cœlestem subit, aut feliciter aspicit. Similiter Scorpionis effigiem efficacem, quando Scorpij signum Luna ingreditur, ac signum hoc tenet angulum ex quatuor unum. Quod in Aegypto suis temporibus factum ait, seq; interfuisse, ubi ex sigillo Scorpionis in lapide Bezabar, ita facto, imprimebatur thuri figura, dabatur que in potum ei, quem Scorpius ipse pupugerat, ac subito curabatur. Quod quidem utiliter effici Habamed physicus affirmat, confirmante Serapione. Præterea narrat Haly, notū illic sibi uirum sapientem industria simili fecisse imagines quæ mouerentur: qualem effectū, nescio quomodo, legimus ab Archita. Quales et Trismegistus ait, Aegyptios

ptios ex certis mundi materijs facere consueuisse, & in
cas opportune animas dæmonum inferere solitos, atq;
animam aui sui Mercurij : Item Phœbi cuiusdam, &
Isidis Osyridisq; sic in statuas descendisse, profuturas
hominibus, uel etiam nocituras. Huic illud simile: Pro
metheum figmento quodam luteo uitam rapuisse, lu
cemq; cœlestem. Magi quinctiâ Zoroastri sectatores,
ad euocandum ab Hecate spiritum, utebantur aurea
quadam pila characteribus insignita cœlestium : Cui
& saphyrus erat insertus, & scutica quadā facta tau
ri corio uertebatur, atq; interim excantabant. Sed can
tiones equidem libenter obmitto: Nam & Psellus Pla
tonicus eas improbat atque deridet. Hebræi quoque in
Aegypto nutriti, struere uitulum aureum didicerunt,
ut eorundem astrologi putāt, ad aucupandum vene
ris Lunæq; fauorem, contra Scorpionis atq; Martis in
fluxum Iudæis infestum. Porphyrius quoq; in epistola
ad Anebonem, imagines efficaces esse testatur, additq;
certis quibusdam uaporibus qui à proprijs suffumiga
tionibus exhalabant aërios dæmonas insinuari statim
consueuisse. Iamblichus in materijs quæ naturaliter su
peris consentaneæ sint, & opportune riteq; collectæ
undiq; conflataq; fuerint, uires effectusq; non solū cœ
lestes, sed etiā dæmonicos & diuinos suscipi posse con
firmat. Idem omnino Proclus atque Synesius. Opera
quidem ad salutem mira, quæ à medicis in astrologia
peritis, per res ex multis compositas, id est pulueres,

liquores, unguenta, electuaria fieri possunt, probabiliorem in se rationem & notio rem quàm imagines habere videntur: Tum quia pulueres, liquores, unguenta, electuaria opportune confecta cœlestes influxus facilius citiusq; suscipiunt quàm materiæ duriores, ex quibus imagines fieri consueuerūt: tum quia uel assumuntur intus affecta iam cœlitus, & in nos conuertuntur, uel saltem admota foris inhaerent magis, & deniq; penetrant: tum etiam quoniam ex uno quodam duntaxat, aut per paucis imagines construuntur: illa uero ex quā plurimis conflari pro arbitrio possunt: Vt si centum Solis Iouis'ue dotes per centum plantas et animalia similiaq; sparsæ fuerint, componere simul hæc centum tibi comperta possis, & in unam conficere formam, in qua Solem fermè Iouemq; totum iam uidearis habere. Scis profectò naturam inferiorem non posse uno quodam capere cūctas superioris naturæ uires, ideoq; illas per plures apud nos naturas esse dispersas, cōmodiusq; per opera medicorum atq; similia, quàm per imagines colligi posse. Proinde imagines ex ligno confectæ uim forte paruam habent, nam lignum et forsā durius est ad cœlestem influxum facile capiendum, & minus tenax si acceperit, retinendam, & omnino postquam ex matris terræ uisceribus est euulsum, paulò post fermè totum amittit mundanæ uitæ uigorem, & facile in qualitatem aliam transmutatur. Lapilli uero atq; metalla, & si ad accipiendum cœleste munus duriora uidentur, diutius

diutius tamē retinent: quod cōfirmat Iamblichus, si acceperint: Sua nempe duritia, uestigia quoq; donaq; uitae mundanae post euulsionem diutissime cōtinent, quae quondā haerentia terrae possederant. Quamobrem ob hoc saltem aptae materiae ad capienda tenendaq; coelestia iudicantur. Est et probabile quod libro superiore dixi, res adeo speciosas nō posse sub terra conflare, nisi maximo quodā conatu coeli, atq; durare in eis impressam semel ex conatu uirtutem: Nam in his coquendis cogendisq; diutissime coelum elaborauit. Verum quum nequeas facile eiusmodi plura componere, cogaris diligenter exquirere, quod metallum inter cetera in ordine sit alicuius stellae potissimum, quū lapis in ordine summus, ut saltem in uno quodam totius generis ordinisq; supremo, reliqua pro uiribus cōprehendas, atq; eiusmodi susceptaculo coelestia huic consentanea mutueris: ceu si, exempli causa, in ordine Solari, sub homine Phoebeo, summū inter animalia teneat Astur aut gallus, inter plantas balsamū aut laurus, inter metalla aurū, inter lapides carbūculus uel pantaurea, inter elementa feruidus aër: nā ignis ipse Martius esse censetur. Quod aut diximus influxū Solis uel Iouis aut Veneris augendum, intelligimus ratione cōmuni, nō tamen illi cuius generis aliquis horum interfectior appareat.

De ordinibus rerum à stellis pendentium, ut

Solarium atq; similitum: Et quomodo spi

ritus fiat Solaris. Ca. XIII

L 4

Dixi equidem alibi, de super ab unaquaq; stella
 (ut Platonice loquar) seriem rerum illi pro-
 priam usq; ad extrema pendere. Sub ipso Scorpionis
 corde post eiusmodi daemones atq; homines, scorpiūq;
 animal, collocare possumus etiam herbam Asterion,
 id est stellarem, figura stellæ similem, nocte fulgentem,
 quam medici tradunt qualitatem habere rosæ, uimq;
 contra morbos genitaliū mirabilem possidere. Sub ser-
 pente uel serpentario cœlesti Saturnū penunt, & quo-
 dammodo Iouem. Postea daemones, qui sæpe serpentū
 formas induunt. Similes insuper homines, serpentes
 animantes, serpentariam herbam, lapidem Draconia-
 tem capite draconis natum: Item cōmuni nomine Ser-
 pentinū. Et præterea quæ in sequentibus afferam. Sub
 stella Solari, id est Syrio, Solem primo, deinde dæmo-
 nas quoq; Phœbeos, quos aliquando sub leonū uel gal-
 lorum forma hominibus occurrisse, testis est Proclus.
 Homines subinde persimiles bestiasq; Solares. Phœ-
 beas inde plantas, metalla similiter & lapillos, & ua-
 pore aëremq; feruentē. Simili ratione à qualibet fir-
 mamenti stella per aliquem Planetam existimant con-
 textum rerum gradatim sub illius proprietate descen-
 dere. Si igitur (ut dicebam) Solaria omnia per gradum
 eius ordinis quemlibet opportune comprehenderis, ho-
 mines uidelicet tales, uel talis hominis aliquid, item bru-
 ta, plantas, metalla, lapillos, & quæ ad hæc attinent,
 uirtutem Solis usquequaq; combibes, & quodammodo
 naturalem

naturalem Solarium dæmonū facultatem. Similiterq;
 de alijs dictum puta. Solares quidem homines sunt qua
 les antea dixi, & qui ascendente Leone, Soleq; hunc Homīnes
 uel tenente uel aspiciente nascuntur, & qui sub Ariete qui Solares
 similiter. Solaris est & sanguis è sinistro eorum bene
 ualentū brachio missus. Phœbeus, crocodilus, astur,
 leo, gallus, & cygnus, & coruus. Nec alia ratione leo
 ueretur gallum, nisi quoniam in ordine phœbeo gallus
 est leone superior. Eadē ratione inquit Proclus, Apola
 lineum dæmonem, qui nonnunquam apparuit sub fi
 gura leonis, statim obiecto gallo disparuisse. Maxime
 uero in his animalibus cor est Solare. Arbitror etiam
 marinum uitulum cœlestis Leonis cordi subesse, & hac
 ipsa ratione corium eius quem cingit nudū fibula eius
 dem osse confecta, à renum dolore redimere. Nam con
 tra dolorem eiusmodi solent astrologi sideris illius in
 fluxibus uti. Eadem forte ratione fertur hæc pellis à
 fulgure nos tueri. Inter plantas palma phœbea est, &
 in primis laurus, qua uirtute uenenosa repellit & ful
 gur: Fraxinus quoq; simili facultate uenenosa longius
 arcet. Loton esse phœbeam, rotunda tum folia tū po
 ma testantur, & explicatio foliorum eius die, replica
 tio uero nocte. Pæoniam phœbeam esse, non solum uir
 tus indicat, sed & nomen. Ad idem attinent flores &
 herbæ quæ restringuntur abeunte Sole, redeunte pro
 tinus explicantur, & ad Solem cōtinue uergunt. Au
 ram præterea & lapis Elitis radijs aureis Solem imia

tans. Lapis item qui Solis oculus appellatur, figuram habens pupillæ, ex qua lumē emicat. Rursum carbonculus nocte rutilans, uel Pantaura omnes in se lapidū vires continens, ut aurum metallorum, & Sol stellarū. Multa deniq; in superioribus nobis significata, unde si modò liceat, sub imperio Solis ex illo sanguine, & animalium illorū cordibus, & folijs fructibusq; arborum prædictarum, item floribus atq; herbis & auri folijs, necnon pulueribus lapillorum, electuarium uel unguentum conficere poteris, addito croco, balsamo, calamo aromatico, thure, musco, ambra, ligno aloës, zinzibere, mastice, spica nardi, cinnamomo, doronicco, citri cortice, zedoaria, nuce muscata. mace, chariophyllis cum melle flauo uel oleo balsamino, masticeo, laurino, nardino, ad cor & stomachum et caput intus aut extra fouendū, ut spiritus inde Solaris euadat. Ex his omnibus, inquam, aut saltem ex pluribus cōponendum dominante Sole aliquid. Quo etiam sub eiusdem dominatu incipias uti, dūmodo & Solaria induas, habites, cōspicias, audias, olfacias, imagineris, cogites, cupias. Item imiteris & uita dignitatem et munera Solis. Inter Solares homines plantasq; uerferis, laurūq; assidue tangas. Tutius aut ad ualitudinem fuerit, Solaribus admiscere Iouialia simulatq; Venerea: Venerream maxime humiditatem Solaris caloris moderatricem, qualis est aqua succusq; rosarum atq; uiolarū. Sed medicinas eiusmodi in libro De curandis literatis primū, deinde

deinde in libro De uita longa, partim equidem cōposui, partim ab alijs compositas enarraui, partim etiam temperaui. Item quales herbæ à Sole Ioueq; miras contra epidemiam & uenenum uires habeant, diximus in libro Cōtra pestem, inter quas Perforata, fugadæmon appellata est: Nec alia facultate q̃ cœlestium gratiarū noxios malorū dæmonum uapores à nobis arcere putatur. Et si qua inter herbas alia uel lapillus ut coralus, idem uideatur efficere. Herba profectò Lunaris à Mercurio tradita folijs cæruleis atq; rotūdis, crescente Luna unum quotidie produciens folium, decresciente deponēs, annos utenti promittit Lunares. Sed iam ad imagines altero quodam exordio redeamus.

De uirtute imaginum secundum antiquos atq; medicinarū: Et quomodo medicinæ sint longe ualidiores q̃ imagines. Cap. XV

SI lapillos quos paulò ante Phœbeos narrauimus naectus fueris, nihil opus erit imagines eis imprimere. Suspendes itaq; collo comprehensos auro, crocei serici filis, quādo Sol sub Ariete uel Leone percurrit, ascenditq; uel medium tenet cœlum, aspicitq; Lunam. Multo uero potentiores in serie Lunæ lapillos narrat Proclus. Primum quidem Selinitim, qui non modo figura Lunā imitetur, sed & motu, circumeatq; cū Luna. Hunc si fortè repereris, & argento circumdatū argenteo filo collo suspenderis, Luna Cancrū uel Taurū subeunte, angulosq; tenente sibi cōuenientes, spiritum

inde tuum reddet, postremo Lunarem. Dum uidelicet calefactus abs te lapillus ipse Lunaris uirtutem suam tuis assidue spiritibus inserit. Alterum uero recenset lapillum, Helioselinon cognomento, qui Solis Lunæq; coniunctæ Soli, naturaliter habet imaginem. Hunc ergo quisquis argēto inclusum deaurato similibus collo filis admouerit, quando Luna in domicilio suo uel Solis in eodem minuto cum Sole congregitur, suosq; teneat angulos, Solarem simulatq; Lunarem spiritū reportabit, aut saltem talem qualis euadit Luna per centrum copulata Soli. Hic uero tu uides dispersas Phœbides, uelut Osyridis membra, sororem eius Phœbem uelut Isidem congregare. Sed utinam Solarem alicubi lapidem facile reperiremus uel Lunarem, adeò in eorum ordine præpotentem, quemadmodum sub serie Septentrionalis poli Magnetem habemus & ferrum. Solarem profecto ferunt inuenisse apud Indos Apollonium Theanæum, lapidem scilicet nomine Pantauram, ignis instar micantem, sub terra passus quatuor nascentem, cui tantum spiritus insit ut tumeat, & plerunq; scindatur terra, ubi eiusmodi lapis concipitur: ita cæteros ad se lapillos trahens, sicut Magnes ferrū. Sed lapis hic Hercules ad se contemplandū uehementius adhuc nos in præsentia rapit. Videmus in speculanautarum indice poli libratum acum affectum in extremitate Magnete moueri ad Vrsam, illuc uidelicet trahente Magnete: quoniam & in lapide hoc præualet uirtus

let uirtus Vrsæ, & hinc transfertur in ferrum, & ad
 Vrsam trahit utrunq;. Virtus autem eiusmodi tum ab
 initio infusa est, tum continue Vrsæ radijs uegetatur.
 Forsitan ita se habet Succinum ad polum alterum &
 ad paleas. Sed dic interea, Cur Magnes trahit ubiq;
 ferrum? non quia simile, alioquin & Magnetem Ma-
 gnes traheret multo magis, ferrumq; ferrū: non quia
 superior in ordine corporum, imò superius est lapillo
 metallum. Quid ergo? Ambo quidem ordine Vrsam
 sequente clauduntur, sed superiorem in ipsa Vrsæ pro-
 prietate gradum tenet Magnes, inferiorem uero ferrū:
 Superius autem in eodem rerum contextu trahit qui-
 dem quod est inferius, & ad se conuertit, uel aliter quo-
 modolibet agitatur, aut afficit uirtute prius infusa. Infe-
 rius uicissim eadem ad superius infusione conuertitur,
 uel aliter agitatur, uel prorsus afficitur. Sic in serie So-
 lis inferior homo admiratur superiorem: In ordine Ioa-
 uio ueneratur: In Martio timet: In Venereo inferior
 ad superiorem rapitur amoris ardore, deseritq; seip-
 sum: In Mercuriali semper hic discit, uel persuadetur
 ab illo: In Lunari motum hic ab illo sæpius exorditur:
 In Saturnali quietem. Ego autem quum hæc explo-
 rata hætenus habuissem admodum gratulabar, cogi-
 tabamq; iuuenis adhuc Magneti pro uiribus insculpe-
 re cœlestis Vrsæ figuram, quando Luna melius illuc
 aspiciat, & ferreo tūc filo collo suspendere. Sperabam
 equidem ita demum uirtutis me sideris illius compotem

fore. Sed quum diutius explorassem, inueni tandem sideris illius influxus Saturnales esse plurimū atq; Martiales. Accepi à Platoniciis malos dæmonas plurimum Septentrionales existere, quod etiam Hebræorū astro-
nomi confitentur, noxios Martiosq; dæmonas in Septentrione ponentes: Propitios autem et Iouios, in meridie. Didici à Theologis, & à Iamblichō, imaginum fictores à dæmonibus malis occupari sæpius atq; falli. Vidi equidem lapillum Florentiam aduectū ex India, ibi è capite draconis erutum, rotundum ad nummi figuram punctis ordine quamplurimis quasi stellis naturaliter insignitum, qui aceto persusus mouebatur parumper in rectum, imò obliquum, mox ferebatur in gyrum, donec exhalaret uapor aceti. Existimaui equidem lapillum eiusmodi cœlestis draconis habere naturam, atq; quasi figuram, motum quoq; illius accipere, quatenus per aceti seu uini ualentioris spiritū, draconi illi siue firmamento familiarior redderetur. Hunc igitur qui gestaret, & aceto sæpe persunderet, uini aliquā forte draconis illius acciperet, qui geminis anfractibus hinc quidem Vrsam maiorem implicat, inde minorē. Extat & prope Scorpionem serpentarius quasi homo serpente cinctus, manu dextra caput serpentis tenens, sinistra caudam, genibus quasi flexis, capite paulū resupino. Legi equidem magos Persarū regi consuluisse, ut imaginem hanc lapidi imprimeret Hematiti, quem aureo clauderet anulo, ita tamen ut inter lapillum atq;

aurum

aurum serpētarie radicem insereret. Hoc enim anulo gestantem contra uenenū morbosq; uenenosos tutū fore, uidelicet si Luna serpentariū aspiciente feceris. Hāc imaginem Petrus Aponensis confirmauit. Ego uero, si hanc anulus ille uim habet, arbitror non tam per figuram quā per materias eiusmodi, & hoc pacto temporeq; compositas sibi cœlitus uendicare. Memēto lapillos nascentes in animalibus nec inde languētibus, ut in dracone, gallo, hirundine, cæterisq; efficaces existere fermē, ut lapilli in terra nascentes, atq; ad easdē referri stellas, ad quas hęc animalia pertinent. Hinc Alektorius ex uentriculo galli ueteris tractus pollet potestate Solari, per quem Dioscorides ait sæpe compertū esse, eum pugnare inuictū, qui lapillum hunc ore gestaret. Idem ait, Chelidonium erutū ex hirundine rufum, curare melancholicū, & amabilem idoneumq; reddere. Quod quidē habet ex Ioue, per ea quæ diximus, scilicet res ubiq; infra Lunam stellares existere. Confirmatur dictū illud ualde Platonicū, hanc mundi machinā ita secum esse connexā, ut & in terris cœlestia sint conditione terrena, et in cœlo uicissim terrestria dignitate cœlesti, & in occulta mundi uita menteq; regina mundi, cœlestia insint, uitali tamē intellectuāliq; proprietate simul et excellentia. Per hęc insuper confirmāt nōnulli etiā illud magicū, per inferiora uidelicet superioribus cōsentanea posse ad homines tēporibus opportunis cœlestia quodammodo trahi, atq; etiā per cœlestia

Supercoelestia nobis conciliari, uel forsan prorsus insinuari: sed postremum hoc illi uiderint. Verū illud arte quadam rite et opportune in unum plurima colligēte, fieri posse probabile satis (ut diximus) esse uidetur, tū rationibus quas in superioribus assignauimus, tū quia eiusmodi multa quando apud medicum & astrologū colliguntur, contunduntur, commiscentur, concoquuntur sub sidere certo, dum ipsa per se ratione concoctionis atq; fermenti, nouam paulatim formam subeunt, hanc ipsam acquirunt certo quodam fomento coelesti, radijs tunc intus agentibus, ideoq; coelestem. Metallū uero uel lapillus quando momento sculpitur, non uidetur nouam accipere qualitatem, sed figurā. Neq; motio illa per debitos digestionis gradus, quos alteratio naturalis atq; generatio solet obseruare, progreditur. Quum uero natura coelestis, tanquam inferioris naturæ regula, soleat tenore quodā progredi naturali, & ita progredientibus aspirare, meritō diffidunt pleriq; imagines eiusmodi coelestem aliquā uirtutem habere. Ego quoq; ambigo sæpius, ac nisi & omnis antiquitas & omnes astrologi uim mirabilem habere putarent, habere negarem: Negarem equidem non omnino, opinor enim (nisi quis aliter persuaferit) ad prosperam ualetudinem saltem aliquam habere uirtutem, electæ præsertim ratione materiæ: tametsi multo maiorem inesse pharmacis arbitror, et unguentis sidereo favore conflatis. Quid uero uoluerim ubi modo dicebam,

bam, electæ ratione materiæ, in sequentibus declarabo. Quæ uero ex Magorum uel astrologorum opinione ad Plotinum interpretandum pro imaginibus allegari possunt, deinceps breuiter asseram, si te prius hic admonuero, ne putes probare me usum imaginum, sed narrare: Ego enim medicinis ad cœlū temperatis, non imaginibus utor, atq; ita cæteris quotidie consulo. Tu uero si concedis deum rebus infra Lunam mirabiles inseruisse uirtutes, mirabiliores concede cœlestibus. Præterea si licere iudicis homini ad prosperam ualeitudinem inferioribus uti, iudica superioribus quoq; licere, atq; inferiora ad superiorum normam, sic medicorum artificio temperare, sicut etiam à deo sunt ab initio temperata.

De potestate cœli: De uiribus radiorum unde uini
sortiri putentur imagines. Cap. XVI

Immensa fermè cœlestium magnitudo, uirtus, motio facit, ut omnes omnium siderum radij terræ motem quæ quasi punctum est ad cœlum, momento facili-
meq; usq; ad centrū recti penetrent, quod omnes Astro-
nomi consentientur: Ibiq; ut placet Pythagoreis atq; Pla-
tonicis fortissimi sint: tum quia recti undiq; centrū tan-
gunt, tum quia in angustum collecti sunt cuncti. Quo-
rum uehementia, materia ibi terræ sicca procul ab hu-
more remota prorsus accenditur, accensaq; extenua-
tur, atq; dispergitur per meatus undiq; Efflat incen-

M

dia pariter atq; sulphur. Sed ignem hunc putant ualde caliginosum esse, & quasi incendium quoddam luminis expers, sicut in cœlo extat expers incendij lumē: ignis autem inter cœlestem atq; infernum, lumen cum feruore coniungit. Putant autem ignem è centro flantem ignem esse Vestalem: siquidem Vestam esse terræ uitam numenq; putabant. Ideoq; Vestæ templum ueteres in medijs urbibus construebant, ignemq; in medio perpetuum collocabant. Sed ne ulterius peruagemur concludamus iam, si stellarum radij totam mox terram penetrant, negari non facile posse metallum atque lapillum, quando cœlantur imaginibus subito penetrare, eisq; miras uel saltem qualescunq; imprimere dotes: Quandoquidem & in aluis terræ preciosissima generant. Sed quis neget per hæc radios penetrare? Siquidem aër & qualitas eius, & sonus minus efficax solida transit subito, & sua quadam afficit qualitate. Iam uero si duritia radijs obsisteret penetratibus, lumen multo citius aërem q̃ aquam pertransiret, & hanc ocyus multo quàm uitrum, et uitrum similiter quàm crystallum: At quū eodem momento solida, quo liquida, cuncta transuerberet, perspicue constat duritiā radijs nullo modo resistere. Atq; idcirco dicent nō esse negandū, metalla cœlestiū radios influxusq; suscipere, atq; etiā conseruare ad tempus tunc sibi cœlitus destinatū. Conseruare, inquam, uirtutem quandā ex radiorū concurrentium

rentium contactu creatam. Quid uero, si materia durior hoc ipso quod uidetur obsistere causæ præpotenti magis ictibus se exponit? Sic ensis lignū sub lana incidit, nō incisa lana: Sic radius ille fulmineus corio quandoq; non læso dissoluit in eo metallū. Quū uero natura cœlestis nostro hoc igne incōparabiliter sit præstantior, non est putandū radij cœlestis officiū esse duntaxat, quale opus ignei radij manifeste uidemus, scilicet illuminare, calefacere, exiccare, penetrare, extenuare, dissoluere, quæ nostris sensibus notissima sunt, sed multo plures mirabilioresq; uires & effectus habere: alioquin & materia inferior, & caducus sensus cū diuinitate cœli penitus æquaretur. Sed quis nesciat uirtutes rerū occultas, quæ speciales à medicis nominantur, nō ab elemētari natura fieri, sed cœlesti? Possunt itaq; (ut aiunt) radij occultas & mirabiles ultra notas imaginibus imprimere uires, sicut & cæteris inserunt: Non enim inanimati sunt, sicut lucernæ radij, sed uiui, sensualesq; tanquā per oculos uiuentium corporū emicantes, dotesq; mirificas secum ferunt ab imaginationibus mentibusq; cœlestium: uim quoq; uehementissimā ex affectu illorum ualido, motuq; corporū rapidissimo, ac proprie maximeq; in spiritū agūt cœlestibus radijs similitum. Agunt insuper in corpora uel durissima, omnia enim hæc ad cœlū infirmissima sunt. Sunt autē in uarijs stellis uariæ quoq; uires, & idcirco in radijs

earum inter se uariæ. Præterea in radiorū iſtibus aliter atq; aliter incidentibus uirtutes diuerſæ naſcuntur. Deniq; in cōcurſibus radiorū mutuis aliter atq; aliter, & hic aut ibi, & tunc aut aliàs eſſectis diuerſæ ſubitò uires ſuboriuntur, multo magis atq; citius quàm in alijs atque alijs elementorum qualitatūq; elementalium mixtionibus: multo etiam citius quàm in tonis & numeris apud Muſicum aliter & aliter concinentibus. Si hæc diligenter conſideraueris, forſitan non diffides, dicent, ſubitò quodam radiorum iactu uires imaginibus imprimi, atq; ex diuerſo iactu diuerſas. Nunquid ergo tam citò? Mitto faſcinationes repentino quodam intuitu factas: Et amores acerrimos ſtatim accenſos radijs oculorum, qui et ipſi ſunt faſcinamenta quædam, quod in libro De amore probamus: Mitto quàm citò rubens oculus inſiciat intuentem: & ſpeculum intuens ſœmina menſtruoſa. Nōne & familiæ quædam apud Illyricos & Triballos iratæ, intuitu homines interemiſſe feruntur? Et ſœminæ quædam in Scythia idem facere conſueiſſe? Et Catoblepæ reguliq; ſerpentes radiorū ex oculis iactu homines perimunt. Torpedo quoq; marina tactu etiam procul per uirgam manum ſubitò ſtupefacit. Echinus præterea piſciculus grandem ſolo tactu nauem ſiſtere fertur. Phalangia quinetiam in Apulia ictu quopiam uel occulto, ſpiritū animumq; repentino ſtupore permutant. Quid rabioſus canis facit, uel
non

non apparente morsu? Quid scopa, deinde quid arbutus? Nónne leuissimo tactu uenenum concitant atq; rabiem? An ergo negabis cœlestia oculorum suorum radijs, quibus nostra contuentur simulatque contingunt statim miranda perficere? Iam uero grauida mulier tactu statim signat membrum hominis nascituri, rei desideratæ nota. An uero dubitabis radios aliter aliter uetangentes diuersa conficere? Quum ~~et~~ tu helleborum herbam colligens, siue folium deorsum trahas, siue sursum, hoc subito tactu, causa sis helleboro, ut deorsum educat humores, aut sursum? Nónne ab initio rei cuiusque generandæ cœlestes influxus concoctione materiæ, digestioneq; perfecta nō tam tempore quàm momento dotes mirificas largiuntur? Nónne suffragante cœli uultu innumerabiles sæpe ranæ, similesq; animantes ex arenis momento profiliunt? Tanta est in materijs preparatis potentia cœli, tanta celeritas. Denique si ignis hoc habet, ut tempore quam breuissimo faciat, quæ cætera longo, ob id præcipue quod est cœlo similimus. Quis nam dubitet, cœlū magna quasi momento perficere, etiam in materia minus parata, sicut flamma solet ingentior? Quid ergo dubitas, inquirunt, in imagine construenda ferme similiter agere cœlum? Dices opinor, sicut ~~et~~ ego dicebam, naturales hic alterationis gradus abesse: Qui sanè defectus minuit quidem cœleste donum, nec tamen penitus auferre uide-

tur. Nolunt enim Physici ex quolibet metallo uel lapide imaginem fabricari, sed certo: In quo quidem natura coelestis, uirtutem olim ad hoc ipsum quod optatur naturaliter inchoauit, et quasi iamiam perfecit, ut in sulphure flammam: Quam sanè uirtutem tunc demum perficiat, quando materia hæc per artem sub simili quodam influxu coelesti uehementer agitur, et agitata calefit. Itaq; ars suscitatur inchoatam ibi uirtutem, ac dū ad figuram redigit, similem suæ cuidam coelesti figuræ, tunc suæ illic idæ prorsus exponit, quam sic expositam, cælum ea perficit uirtute qua coeperat, exhibens quasi sulphuri flammā: Sic potētia quædam ad rapiendas paleas coelitus data succino, quodammodo debilis, sæpe per frictionē calefactionemq; facta ualidior, subito rapit. Similem uirtutem Serapio scribit datam lapidi Albugedi quasi hyacintho simili: Sed nō prius trahere paleas, quàm capilli hoc lapide perfricentur. Sic item lapis ille Iouiūs Bezaar, id est à morte liberans, quem descripsimus in libro Contra pestem, uim ab initio contra uenenum accepit ab Ioue, sed non usque adeò ualidam, ut eandem tradere possit materijs alijs exercendam. At uero quum primum sub Scorpionis coelestis influxu figuram superni illius acceperit, perfectā contra Scorpiones subito uim reportare putatur, quam Mastici cōmunicare ualeat aut thuri. Eadem quoque de hyacintho, topazio, smaragdo, ceterisq;

risq; ratio est habenda. Vt fabrica figurarum nō alibi
 efficaciam habeat, quā ubi materia cum stella cona-
 gruit & effectū, à qua hunc faber exoptat accipere:
 Ac præterea ubi hæc ipsa materia quasi iam talis est
 ab initio, qualem affectas reddere per figuram. Nullis
 ergo materijs ad imagines uti consulunt, nisi his ipsis
 quæ tibi notæ sunt, hanc ipsam fermè iam uim habere
 quam cupis. Lapillorum itaq; uires atq; metallorū dili-
 gentissime perscrutari iubent, intereaq; meminisse, in-
 ter lapillos quidem Carbunculū in tenebris coruscan-
 tem, atq; Pantauram præcipue Soli subesse, Saphyrū
 Ioui, Smaragdum Veneri, Mercurio, Lunæ. Præterea
 metalla præter aurum & argentum uix ullam ad hæc
 habere uirtutem: Tutioresq; in his rationem fore, si
 aurum quidem purū ad Solem referas atq; Iouem, ad
 illum quidem propter colorem, ad hunc aut propter
 temperatam cōmixtionem, nihil enim Ioue & auro
 temperatius: Purū uero argentum ad Lunā: sed ad Io-
 uem simulatq; Venerem aurum argento permixtum.
 Præterea imaginem efficaciorē fore, si uirtus in ma-
 teria eius elementaris conueniat cum speciali eiusdem
 uirtute naturaliter insita, atq; hæc insuper cum uirtute
 altera speciali per figurā cœlitus capiēda. Deniq; fi-
 guras inferiores & formas cœlestibus cōformari, inde
 perdisces, ut aiunt, quod Perseus truncato Medusæ ca-
 pite, figurā nonnullis obtruncationem portendere con-

suevit, multaq; similiter, & Lunā aliosq; Planetas sub certis signis certa in nobis mēbra mouere nō dubitant.

Quam uim habeant figuræ in cœlo atque
sub cœlo. Caput XVII

Sed ne figuris nimium fortè diffidas, meminisse iubebunt, in regione hac sub Luna elementari, elementarem quoq; qualitatem posse quamplurimum, in transmutatione uidelicet ad aliquid elementare tendente, calorem scilicet & frigus, & humorem atq; siccitatem. Qualitates autem quæ minus elementares materiales uel sunt, scilicet lumina, id est colores, numeros quoq;, similiter et figuras ad talia forsità minus posse, sed ad cœlestia munera, ut putant, ualere permultum. Nam & in cœlo lumina, & numeri, & figuræ, sunt fermè omnium potentissimæ: præsertim si nulla sit ibi materia, quod Peripatetici pleriq; putant. Sic enim figuræ, numeri, radij, quum non alia substineantur ibi materia, quali substantiales esse uidentur. Atq; quū in ordine rerum mathematicæ formæ physicas antecedant, tanquam simplices quidem magis, & minus egenæ, meritò in antecedentibus mūdi gradibus, id est cœlestibus, auctoritatem sibi maximam uendicant, ut non minus inde fiat numero, figura, luce, quàm elementari quadam proprietate. Huius quidem auctoritatis habetur etiam sub Luna signū. Qualitates enim ualde materiales plurimis rerum speciebus sunt cōmunes, eisq;

quodammodo

quodammodo permutatis, non usquequaq; species commutantur. Figuræ aut numeri; partium naturalium, proprietatem cum specie inseparabilem peculiarem; possident, utpote quæ cœlitus unâ cum speciebus destinata fuerunt. Imò & cum ideis maximam habent in mente mundi regina connexionem. Atq; quū ipsæ numeri; species quædam sint, ideis ibi proprijs designate, nimirū vires inde proprias sortiuntur: Ideoq; tum species naturalium certis figuris, tum motus, & generationes, & mutationes certis numeris astringuntur. De lumine uero quid dicam? Est enim actus intelligentiæ uel imago. Colores autem sunt lumina quædam: Quamobrem ubi lumina, id est colores, figuræq; & numeros astrologi dicunt in materijs nostris ad cœlestia præparandis posse quamplurimum, nō temere, ut aiunt, debes ista negare. Non ignoras concentus per numeros proportionēs; suas, uim habere mirabilem ad spiritum & animum & corpus sistendum, mouendum, afficiendum. Proportiones autem ex numeris constitutæ, quasi figuræ quædam sunt, uel ut ex punctis lineisq; factæ, sed in motu. Similiter motu suo se habent ad agendū figuræ cœlestes: Hæ nanq; harmonicis tum radijs tum motibus suis omnia penetrantibus spiritum indies ita clīm afficiunt, ut Musica præpotens palam afficere consuevit. Nosti præterea quàm facile multis misericordiam moueat figura lugentis: Et quantū ocula

los imaginationemque, & spiritum & humores afficiat statim atque moueat amabilis personæ figura: Nec minus uiua est & efficax figura cœlestis. Nonne principis in urbe uultus quidem clemens & hilaris exhilarat omnes? Ferox uero uel tristis repente perterret? Quid ergo cœlestium uultus, dominos omnium terrenorum, aduersus hæc efficere posse putas? Quippe quum etiam cœuantes ad prolem plerumque uultus, non solū quales ipsi tunc agunt, sed etiam quales imaginantur, soleant filijs diu postea nascituris imprimere. Vultus eadem ratione cœlestes materias confestim suis notis inficiunt, in quibus si quando diu latitare uidentur, temporibus deinde suis emergunt. Vultus autem cœli sunt figuræ cœlestes: Potes uero facies illic appellare figuras cæteris ibi stabiliores: Vultus autem, figuras quæ magis ibi mutantur: Aspectus quoque inter se stellarum motu quotidiano confectos, uultus appellare potes, similiter & figuras: Nam hexagoni, pentagoni, tetragoni nominantur. Esto, dicet quispiam, sint ut placet potentissimæ ad efficiendum figuræ cœlestes, uerum quid hoc ad figuras imaginum artificio factas? Respondebunt, non id potissimum contendere, ut potentissimæ per se ad agendum sint nostræ figuræ, sed ut paratissimæ ad actiones & uires figurarum cœlestium capiendas, quatenus opportune fiunt dominantibus illis, atque ex amussim ad illas configurantur. Exigit enim

git enim figura illa figuram. Nónne sonante cithara quadam, altera reboat? Ob id tantum, si & ipsa similem figuram habeat, atq; è conspectu sit posita, & fides in ea positæ & intentæ similiter. Quidnam hic efficit, ut cithara subito patiatur à cithara, nisi situs aliquis & quadam figura conformis? Figura speculi lenis, concaua, nitens cœlo congrua, ob hoc ipsum propriè munus tantum cœlitus accipit, ut radios Phœbi in se cumulatiſſime complectatur, & solidiſſimum quodq; ad centrum suum è conspectu locatum, repente comburat. Ergo ne dubites dicent, quin materia quædam imaginis faciendæ, alioquin ualde congrua cœlo, per figuram cœlo similem arte datam, cœleſte munus, tum in se ipsa concipiat, tum reddat in proximum aliquem uel gestantem. Non solum uero figura, sed etiam dispositio peruia, quam Diaphanam uocant, inefficax quiddam est, & passiui suapte natura. Veruntamen quoniam peruia dispositio est in cœlo proprium luminis susceptaculum, ideo ubicunq; sub cœlo hæc uel est naturalis, uel modo aliquo comparatur, subito præsens cœleſte lumen acquiritur atq; etiam conseruatur, ubi unà cum hac uel calor est igneus, ut in flamma, uel est aliquid aërium, aqueum uel simul & glutinosum, ut in noctilucis, & nocticernis, & carbunculis, atq; forsitan quodammodo in Camphora. Quid inde sequatur pro imaginibus, ipse reputa.

Quales coelestium figuras antiqui imaginibus im-
primebant: Ac de usu imaginum. Ca. XVIII

Aliquis autem quæret, quas potissimum coeli fi-
guras imaginibus imprimere soleat. Sunt enim
ibi formæ oculis ualde conspicuæ, & à multis, quales
sunt, quasi depictæ, ut Aries, Taurus, similesq; figuræ
zodiaci, & quæ sunt extra zodiacum manifestæ. Sunt
ibi præterea formæ quamplurimæ, non tam uisibiles
quàm imaginabiles per signorum facies ab Indis &
Aegyptijs Chaldaeisq; perspectæ, uel saltem excogi-
tatae: Velut in prima facie Virginis uirgo pulchra se-
dens, geminas manu spicas habens, puerūq; nutriens:
Et reliquæ, quales describit Albumasar, cæteriꝫ non-
nulli. Sunt deniq; caractères quidam signorū & Pla-
netarum ab Aegyptijs designati. Volunt igitur imagi-
nibus omnia hæc insculpi. Vt si quis expectet propriū
à Mercurio beneficium, collocare eum in Virgine de-
beat, uel saltem ibi Lunam cum aspectu Mercurij: &
imaginem tūc ex stanno conficere, uel argento, in qua
totum sit Virginis signum & character eius chara-
cterq; Mercurij: Ac si prima Virginis facie sis usus, ad-
das etiam figuram, quam in prima facie diximus ob-
seruatam. Similiterq; de cæteris. Postremi quidem ima-
ginum autores, uniuersam earum formam ad coeli si-
militudinem acceperunt rotundam. Antiquiores autem,
quemadmodum in quodam Arabum collegio legimus,
figurant

figurā crucis cunctis anteponebant: quia corpora per uirtutem agunt ad superficiem iam diffusam. Prima uero superficies cruce describitur, Sic enim in primis habet longitudinem atq; latitudinem: Primaq; hæc figura est, & omnium recta quammaxime, & quatuor rectos angulos continet. Effectus uero cœlestium maxime per rectitudinem radiorum angulorumq; resultant: Tunc enim stellæ magnopere sunt potentes, quando quatuor cœli tenent angulos imò cardines, orientis uidelicet occidentisq; & medij utrinque cœli: Sic uero dispositæ, radios ita cōiungunt in se inuicem, ut crucem inde constituent. Crucem ergo ueteres figuram esse dicebant, tum stellarū fortitudine factam, tum earundem fortitudinis susceptaculum, ideoq; habere summam in imaginibus potestatem, ac uires & spiritus suscipere Planetarum. Hæc autem opinio ab Aegyptijs uel inducta est, uel maxime confirmata: Inter quorum caractères crux unus erat insignis, uitam eorum more futuram significans, eamq; figuram pectori Serapidis insculpebant. Ego uero quod de crucis excellentia fuit apud Aegyptios ante Christū, non tam muneris stellarum testimonium fuisse arbitror quàm uirtutis præsagium, quam à Christo fuerat acceptura, Astrologos autem qui statim post Christū fuerunt, uidentes à Christianis miranda per crucem fieri, nescientes autem uel nolentes in Iesum tanta referre, in cœlestia retulisse:

quanquam considerare debebant per crucem ipsam,
absq; nomine Iesu miracula minime perpetrari. Conue-
nire quidem imaginibus eam, quia referat fortitudinem
Planetarum omniumq; stellarum, forsitan est proba-
bile: non tamen ob hoc duntaxat ingentem habere po-
tentiam: posse uero nonnihil unà cum cæteris, quæ ne-
cessaria sunt, coniunctam, ad prosperam forsan corpo-
ris ualitudinem. Sed ad narrandas aliorum opiniones,
ut coepimus, reuertamur. Saturni ueteres imaginem ad
uitæ longitudinem faciebant in lapide de Feyrizsch,
id est Sapphiro, hora Saturni, ipso ascendente atq; fe-
liciter constituto: Forma erat, Homo senex in altiore
cathedra sedens uel draconem, caput tectus panno quo-
dam lineo fusco, manus supra caput erigēs, falcem ma-
nu tenens aut pisces, fusca indutus ueste. Ad longam ui-
tam atq; felicem Iouis imaginem in lapide claro uel ala-
bo: Erat homo sedens super aquilam uel draconem co-
ronatus, hora Iouis, ipso in exaltatione sua feliciter a-
scendente, croceam induto uestem. Contra timiditatem
hora Martis imagines fabricabant prima Scorpionis
facie oriente, Martem armatum & coronatū. Ad mor-
bos curandos fingeant Solis imaginem in auro, hora
Solis, prima facie Leonis ascendente cum Sole, Regem
in throno, crocea ueste, & coruum Solisq; formam.
Ad lætitiā roburq; corporis, Veneris imaginem pu-
ellarem, poma floresq; manu tenentem, croceis et albis
indutam.

indutam, hora Veneris, prima facie Libræ, uel Piscii, uel Tauri ascendente cum Venere. Imaginem Mercurij ad ingenium & memoriam, prima facie Geminorum. Item contra febres sculpebatur Mercurius, homo tela manu tenens, hora Mercurij, surgente Mercurio: sculpebāt hanc in marmore: subinde materiæ cuiuspiam imprimebant languentibus assumenda: Hinc omne genus febriū curari dicebant. Imaginem Lunæ ascendente prima facie Cancri ad augmentū. Forma Mercurij, Homo sedens in throno galeratus cristatusq; pedibus aquilinis, sinistra gallum tenens aut ignem, alatus, aliquid quando super pauonem, dextra tenens calamus, ueste uaria. Luna, puella pulchra cornuto capite super draconem uel taurū, serpentes supra caput & sub pedibus habens. Ad curandū calculum, genitaliūq; dolores, & ad sanguinem astringendū, imaginem hora Saturni, surgēte tertia facie Aquarij cū Saturno. Item Leonem auro imprimebant, lapidem in formā Solis pedibus reuoluentē, hora Solis, primo gradu faciei secundæ Leonis oriente: Hæc expellendis morbis profuturā existimabāt. Ad renū morbos similem faciebant, quando Sol in corde Leonis cælum mediū obtineret, à Petro Apennensi cōprobatam & experientia confirmatā, sed hac conditione, ut Iupiter aut Venus mediū aspiciat cælū, Planetae uero noxij cadant, infortunatiq; sint. Accepi à Mengo physico præclaro eiusmodi imaginem factam

Ioue ibidem coniuncto cum Sole, liberauisse Ioannem Marlianum, Mathematicū nostro seculo singularem, à pauore quo sub tonitru affici consueuerat. Præterea ad firmandam sanitatem & ueneficia deuitanda, imaginem ex argento fingeant hora Veneris, Luna angulos obtinente, ac Venerem feliciter intuente, dummodo dominus sextæ domus Venerem aspiciat, aut Iouem trino quodam intuitu, uel opposito. Mercurius autem non sit infelix. Agebant hæc hora diei Solis ultima, ita ut dominus horæ decimam teneret cœli plagā. Petrus Aponensis inquit, medicū per imaginem infirmum curare posse; Modò in ea fabricanda obseruet, ut anguli ascendētis mediꝝ cœli occidentis sint fortunati, & ascendētis dominus, et eadem ratione secunda, sed sexta & dominus eius sit infelix. Ait etiam sanitatem fore firmiorem uitamq; longiorem, quàm ab initio fuerit instituta, si natiuitate perspecta fiat imago, in qua hæc fortunata ponatur, scilicet illius significator uitæ: Item uitæ datores, tum signa, tum domini, præsertim ascendens eiusq; dominus. Item celi medium, locus Solis, pars fortunæ, dominus coniunctionis uel præuentionis ante natiuitatem factæ Mali quinetiam infortunati cadant. Concludit astrologorum nullum dubitare, quin ad producendam uitam talia conferant. Prolixum foret dictu quas per quælibet signa facies antiqui, et quas Lunæ stationes tanquam necessarias in exprimendis

primendis imaginibus obseruabant. Nam in statione
 Lunæ à gradu Virginis decimoseptimo ad finem eius
 faciebant imagines contra morbos & odia, & ad iter
 felix In statione à principio Capricorni ad gradum
 duodecimū, contra morbos & discordias atq; captiui-
 tatem. In statione à gradu duodecimo Capricorni ad
 gradum uigesimumquintum, aduersus languorem &
 carcerem. In statione à gradu quarto Piscium ad gra-
 dum eiusdem decimumseptimū, ad curandos morbos,
 ad lucrum, societatem, ad augendas messes. Et in alijs
 similiter alias, uana sæpius curiositate machinabātur.
 Solas uero recensui quæ nō tam Magum quàm Medi-
 cum redolerent Nam & medicinam eiusmodi uanam
 plurimū fore suspicor. Pro alijs autem magis legitimis
 medicinarū confectionibus eiusmodi mansiones Lunæ
 arbitror eligendas. Atq; etiā in Ariete gradum sextū,
 rursus decimumnonū, minuta xxvi. Item in Geminis
 gradum decimum, minuta 51. In Cancro gradum deci-
 mumnonū, minuta xxvi. In Libra gradum sextum, mi-
 nuta xxxiiij. In Capricorno gradum decimumnonū,
 minuta xxvi. In Aquario gradū secundū, minuta xvij.
 In eodem gradu decimumquintū, minuta octo. Præter
 ea sententiā Haly mente tenendam: Quodlibet signū
 quandiu Sol est in eo, uiuū fieri, cæteris dominari, esse
 etum eius præ cæteris euenire, ut illuc Lunam dirigas
 ad donum inde propriū pro medicinis suscipiendum.
 Illuc inquam, id est, ad signum & faciem, & maxime

Quodlibet
 signū à so-
 lis cō nūi
 one reddi
 ualidius.

N

gradum : ut si bona Iouis affectas, ad hæc directã Lunam erigas uel unitam, quandiu locum eiusmodi Sol illustrat, ubi proprietas Iouia uiget. Similiterq; de cæteris. Curiosum uero narratu foret & foriè noxium, quas imagines, & quemadmodũ associandos uel dissociandos inter se animos fabricabãt, ad afferendam felicitatem, uel inferendam calamitatem, uel uni cuidam, uel domui uel ciuitati. Ego quidem fieri posse talia non affirmo. Astrologi autẽ fieri posse putant, & quomodo, docent, qualia ego narrare nõ audeo. Porphyrius ubi uitã Plotini magistri sui describit, talia fieri posse confirmat: atque Olympium Magum & astrologum Aegyptiũ narrat contra Plotinum Romæ talia tentauisse, dum conaretur per imagines uel res eiusmodi siderare Plotinũ: sed conatus in autorẽ suũ ob excelsam Plotini animã fuisse retortos. Albertus quoq; Magnus Astrologiæ pariter atque Theologiæ professor ait in Speculo, ubi à licitis discernere se inquit illicita, imagines rite ab Astrologis constitutas, uirtutem effectumq; acquirere à figura cœlesti. Atq; subinde narrat mirabiles earum effectus, quales Thebuh, Benihorad, & Ptolemæus, cæteri q; Astrologi pollicentur. Describitq; imagines ad calamitatem alicui, prosperitatemq; afferendam, quas consilio prætermitto. Et interea confirmat effectũ eas habere posse: quanquã & ut uir bonus artis damnat abusum, & ut legitimus Theologus orationes suffumigationesq; detestatur, quas impij quidã ad demones

ad demones imaginibus fabricandis adhibuerūt. Neq;
tamen reprobat figuras & literas dictionesq; imagini
bus impressas ad hoc ipsum duntaxat, ut donū aliquod
accipiant à figura cœlesti. Quod quidē posse per ima-
gines comparari, Petrus Aponensis confirmavit. Imò
& affirmavit regionē nescio quam fuisse destructā per
imaginē illam, quā Thebith narrat à Phedice Astrolo-
go fabricatā. Thomas autē Aquinas dux in Theologia
noster magis ista formidat, & minus tribuit imagini-
bus. Tantū nanq; uirtutis duntaxat per figuras cœlitus
putat acquirere, quantum conducat ad illos effectus,
quos solet cōmuniter cœlum per herbas resq; alias na-
turales efficere: Non tam quia figura talis sit in ea ma-
teria, quā quoniā compositū tale iam positum est in
certa quadam artificij specie, qualis cum cœlo consen-
tiat. Hæc ait in libro contra Gentiles tertio, ubi cha-
ractères & literas figuris additas ridet: Figuras uero
nō adco, nisi pro signis quibusdam ad demones adiun-
gantur. In libro etiā de Fato ait, constellationes dare
ordinē essendi atq; perdurandi, nō solum rebus natu-
ralibus, sed etiam artificiosis, ideo imagines sub certis
constellationibus fabricari. At si quid mirabile per eas
ultra consuetos naturalium effectus nobis eueniat, in dæ-
monas reijcit hominū seductores, quod in libro contra
Gentiles perspicue patet, maxime uero in libello De oc-
cultis naturæ operibus, ubi uidetur ipsas etiā imagines
paruipendere, quomocunq; factas: quas & ego qua-

tenuis ipse iusserit, nihilipendam. Referre autem mirabiles quosdam effectus imaginū in demonū falsitatem, nec est à Platoniciis alienum. Nam & Iamblichus ait eos qui religione summa sanctimoniaq; posthabita, imaginibus duntaxat confisi, ab eis diuina sperāt munera, hac in re à malis demonibus sepiissime falli, sub prae-textu bonorū numinum occurrentibus. Contingere tamen ex imaginibus legitima Astrologiae ratione constructis naturalia quaedam bona, non negat. Denique tutius fore arbitror medicinis quàm imaginibus se committere, rationes quae à nobis de potestate coelesti, pro imaginibus assignatas, in medicinis potius quàm in figuris efficaciam habere posse. Probabile enim est si quāuim imagines habent, hanc non tam per figurā nuper acquirere, quàm per materiā possidere naturaliter sic affectam. Ac si quid denuò acquiritur dum insculpitur, non tam per figuram comparari quàm per calefactionem contusione quadam prouenientem. Quae quidem contusio calefactioq; facta sub harmonia, coelesti similī harmoniae, quae quondam materiae uirtutē infuderat, excitat uirtutē ipsam atq; corroborat sicut flatus flammam: & manifestā efficit ante latentē, sicut calor ignis in aspectum producit literas scriptas succo cepae prius delitescentes. Atq; literae hirci adipe inscriptae lapidi prorsus occultae, si lapis submergatur aceto, prodeunt, & quasi sculptae eminentes extant. Imò uero sicut tactus scopae uel arbuti suscitatur rabie consopitā, sic fortē cōtusio

sio quædã & calefactio sola latentẽ in materia uirtutẽ prodit, facta uidelicet opportune. Qua quidem cœlesti opportunitate expedit in medicinis cõficiẽdis uti. Aut si quis fortẽ tractare metalla lapidesq; uoluerit, præstat percutere solũ atq; calefacere, quàm figurare. Præter enim id quod inanes esse figuras suspicor, haud temere uel umbram idololatriæ debemus admittere. Item nec temere uti stellis uel salutaribus, ad morbos his similis mos expellendos: Hos enim sæpe augent: sicut noxiæ stellæ dissimiles sibi morbos aliquando minuunt: quod sanè Ptolemæus & Haly perspicue docent.

De fabricanda Vniuersi figura. Cap. XIX

Sed cur nam uniuersalem ipsam, id est, uniuersi ipsius imaginem prætermittimus? Ex qua tamen beneficium ab uniuerso sperare uidentur. Sculpet ergo sectator illorũ fortẽ qui poterit formã quandam mundi totius archetypam si placebit in ære: Quã deinde opportune in argenti lamina imprimat aurata. Sed quando potissimũ imprimet? Quando Sol minutum primũ Arietis attigerit. Hinc enim Astrologi tanquam ex sui natalis reuolutione, fortunã mundi eo saltem anno imminẽtẽ auspicantur. Ille igitur in hoc ipso mundi natali totius imprimet mundi figuram. At uides ne quàm belle inter differendum mundi aliquãdo nati nobis succurrerit argumentũ? siquidẽ quolibet anno renascitur. Nõne in ipsa hominis genesi metiũtur Astrologi, primum in quo signo, quo gradu, quo minuto Sol extitea

Astrologi
à primo so
lis in Ariea
tem ingres
su, anni qua
litate præ
sagiuat.

Mundi tres
colores.

rit? Ibiq; totius figuræ iaciunt fundamentū. Et quolibet deinceps anno, quū primum Sol minutum subierit idem, quasi renatum hominem arbitrantur, atq; inde præfagiunt anni fortunā. Sicut igitur id in homine facere non ualerent, nisi quasi renasceretur: atq; hic non posset quasi renasci, nisi fuisset aliquando natus: sic et mundum conijcere licet aliquādo genitū, Sole uidelicet sub minuto Arietis primo tunc posito, quandoquidem per eundem quolibet anno situm, sors quædā quasi renascentis mundi reuoluitur. Tunc igitur ille fabricabit mundi figuram. Cauebit autem ne sabbato Saturni die figurā sculpat aut exprimat. Hoc enim die Deus mundi faber ab opere traditur quieuisse, quod ab ideali die Solis inceperat. Quāntū enim Sol generationi accommodatus est, tantū Saturnus ineptus. Perfecerat autem opus in Venere, pulchritudinē operis absolutā significante. Sed de mundanæ fabricæ rationibus nihil ultra. Ioannes enim Picus noster Mirandula diuina de Genesi mundi mysteria Moscos diuinitus his diebus expressit. Quamobrem ut redeamus ad institutum, et ille mundum suum primū die uel hora Saturni non sculpet, sed die potius uel hora Solis. Imprimet autē in anni natali, præsertim si tunc felices accedant Iupiter atq; Diana. Optimum uero fore putabunt præter liniamenta opificio colores inserere. Sunt uero tres uniuersales simul et singulares mundi colores: uiridis, aureus, sapphirinus, tribus cœli gratijs dedicati: Viridis quidē Veneri simulatque

simulatque Lunæ: humidus uidelicet humidis atq; nascentiū proprius, accommodatus & matribus. Aureum Solis esse colorē nemo dubitat, & ab Ioue insuper atq; Venere non alienum. Sapphirinū deniq; Ioui maxime dedicamus, cui & Sapphirus ipse dicitur consecratus. Vnde & lapis lazulus hoc colore dotatus ob uirtutem Iouiam contra bilem atram à Saturno profectā, apud Medicos prærogatiuā habet, nasciturq; cum auro, aureis distinctus notis, ita comes auri sicut Solis est Iupiter. Similemq; uim habet lapis Armenus, colorem similem cum uiridi quodāmodo possidens. Expedire igitur iudicabunt ad gratiarū cœlestium munera capeffenda, treis potissimum hos colores frequentissime contueri, atque in formula mundi quam fabricas, sapphirinum colorem mundi sphaeris inferere. Operæ precium fore putabunt aurea sphaeris ad ipsam cœli similitudinem addere sidera, atque ipsam Vestam, siue Cererem, id est terram, uiridem induere uestem. Eiusmodi formulam sectator illorum uel ipse gestabit, uel oppositam intuebitur. Vtile uero fore spectare sphaeram motibus suis præditam, qualem Archimedes quondam, & nuper Florentinus quidam noster, Laurentius nomine, fabricauit. Neque spectare solum, sed etiam animo reputare. Proinde in ipsis suæ domus penetralibus cubiculum construet in fornicem actum, figuris eiusmodi & coloribus insignitum, ubi plurimum uigilet atque dormiat. Et egressus domo non tanta attentione singularū

Cælum or
mnis excel
sus qualita
tū expers.

rerum spectacula, quanta uniuersi figuram coloresq;
perspiciet. Sed hæc imaginum fictores illi uiderint. Tu
uero præstantiorem in te finges imaginem: nempe quā
noueris nec quicquā ordinatius esse quā cælum, neq;
temperatius aliquid cogitari quā Iupiter, sperabis
ita demum beneficia cæli Iouisq; consequi, si cogitatio
nibus, affectibus, actionibus, uictu teipsum ordinatissi
mum temperatissimumq; præstiteris. At postquā in
mentionē temperaturæ cælestis incidimus, opportunū
fortē fuerit recordari, nullum inesse cælo elementaris
qualitatis excessum, ut Peripatetice loquar: alioquin
siue ita compositum sit, iam esset tot seculis dissolutū:
siue etiā simplex, tanta saltem magnitudine, potentia,
motione cætera perdidisset. Sed profectō tanquam mo
deratissimū omnia moderatur, ac diuersa cōmiscet in
unum. Præterea tum hac ipsa temperantia sua, tum
excellētia formæ diuinitus uitam meruit. Nam & res
compositas tunc demū uitam adipisci uidemus, quādo
qualitatum perfectā cōmixtio priorem iam contrarie
tatem fregisse uidetur, ut in plantis. Perfectiorē dein
ceps in animalibus uitā, quatenus inest eis cōplexio à
contrarietate remotior quā in plantis. In hominibus
rursum eadem ratione perfectiorem, & quodammodo
iam cælestem. Siquidem humana complexio ad cæle
stem temperantiam iam accessit, præsertim in spiritu,
qui ultra substantiæ suæ subtilitatem qualitatumq; tem
perantiā, quibus cum cælo consentit, cælestem quoq;
lucem

lucem est adeptus. Hic insuper ubi maxime talis est,
 potissimū est cœlestis, uitamq; cœlestem diuinius præ
 cæteris est adeptus. Et quatenus se talem in omni uictu
 legeq; uitæ efficit atq; seruat, eatenus singularia cœle-
 stium dona reportat. Quando uero dicimus nō esse in
 cœlo ullum elementaris qualitatis excessum, intelligi-
 mus uel nullam esse ibi eiusmodi qualitatem, sed uirtutes
 potius effectrices qualitatum temperatas: uel si quæ sunt
 illic quodammodo similes qualitates, quasi aëriam ha-
 bere temperiem. Atq; ubi quædam illic frigida siccaq;
 nominamus, Platonica hæc accipimus ratione, id est,
 ut frigidum appelletur quod minimi caloris est causa.
 Siccum uero quod humorem nobis exhibet minimum.
 Sic astrologus Abraham, Saturnum inquit corpus no-
 strum quodammodo relinquere frigidum atq; siccum,
 quia calorem & humorē affert nostro minorem. Ea-
 dem ratione carnes bouis & leporis in se quidem cali-
 dæ atq; humidæ, nobis frigidæ sunt & siccæ. Ex hac
 autem inductione duo hæc accipe corollaria: Primum
 quidem, si corpora magis deinceps temperata, magis
 uiuant, cœlum maxime temperatū quam maxime ui-
 uere. Imò uero uicissim, ex eo quod cœlū exactissime
 temperatum absolutissimā in se uitam possidet, conie-
 ctari, ut quatenus reliqua ad temperiem uitamq; illius
 accedunt, eatenus uitam sortiri præstantiorem. Alterū
 uero, uitam esse formā in se perfectam, perficientemq;
 corpus, motionisq; principium exhibentem. Principium

inquam intinū, motionis quoq; tum intrinsecus acta, tum per omnē partem extrinsecus expedita. Si igitur idipsum uita est, mente captū existimato qui eiusmodi formam nō cognouerit inesse cœlo, corpore præstantissimo, circumeunte semper motione perfecta, cuncta uiuificante, magisq; illa gradatim, quæ uel ad ipsius similitudinem naturaliter propinquius accesserunt, uel quotidie huius influxibus aptius se exponunt.

Quantā imagines uim habere putentur in spiritū, & spiritus in eas. Et de affectu utentis & operantis. Cap. XX

Compertū habemus, si quis rite utatur helleboro, feratq; potenter, mutare quodammodo exquisita purgatione & occulta eius proprietate qualitatem spiritus corporisq; naturam, & ex parte motus animi, et quasi reiuuescere, ut fermè uideatur esse renatus. Vnde Medeam Magosq; tradūt herbis quibusdam reddere iuuentutē consueuisse, quam non tam reddunt myrobalani quā conseruāt. Similem Astrologi potestatem propitias habere imagines arbitrantur, per quam gestantis naturam & mores quodammodo mutant, in meliusq; restituant, ut quasi iam alter euaserit, aut saltem prosperam ualeitudinem diutissime seruent. Imagines uero noxias aduersus gestantem habere uim hellebore præter artem potentiamq; assumpti, uenensam uidelicet atq; pestiferā. Aduersus autem aliū quendam, ad cuius calamitatē fabricatæ intentæq; fuerint, uim

vim ænei speculi concauiq; sic prorsus obiecti, ut col-
 lectis repercußisq; in oppositum radijs, cominus qui-
 dem comburat, eminus autem caligare compellat.
 Hinc orta est historia uel opinio, putans Astrologorū
 machinis magorumq; ueneficijs, homines, bruta, plan-
 tas, siderari atq; tabescere posse. Ego autem imagines
 in rem distantem, vim habere ullam nō satis intelligo.
 Habere uero in gestantem nonnullam suspicor, non ta-
 men talem opinor qualem pleriq; fingunt, & hanc ra-
 tione materiae potius quā figuræ: atque, ut dixi, lon-
 go interuallo medicinas imaginibus antepono. Quan-
 quam Arabes & Aegyptij tantū statuis imaginibusq;
 attribuunt arte astronomica & magica fabricatis, ut
 spiritus stellarum in eis includi putent. Spiritus autem
 stellarū intelligunt alij quidem mirabiles cœlestium
 uires, alij uero dæmonas etiā stellæ huius illius uē pe-
 dissequos. Spiritus igitur stellarū qualescunq; sint, in-
 seri statuis & imaginibus arbitrantur, non aliter ac
 dæmones soleant humana nonnunquam corpora occu-
 pare, perq; illa loqui, moueri, mouere, mirabilia pera-
 petrare. Similia quædam per imagines facere stellarū
 spiritus arbitrantur. Putant dæmonas mundani ignis
 habitatores per igneos humores uel ignitos, similiterq;
 per ignitos spiritus et affectus cuiusmodi nostris insinua-
 ri corporibus. Similiter stellarum spiritus per radios
 opportune susceptos, suffumigationesq; & lumina,
 tonosq; uehementes competentibus imaginū materijs

inferi, mirabiliaq; in gestantem uel propinquantē effi-
cere posse. Quæ quidem nos per dæmonas fieri posse
putamus, non tam materia certa cohibitos, quàm cultu
gaudentes. Sed hæc alibi diligentius. Tradunt Arabes
spiritum nostrum quando rite fabricamus imagines, si
per imaginationem & affectum ad opus attentissimus
fuerit, & ad stellas coniungi cum ipso mundi spiritu,
atq; cum stellarū radijs, per quos mundi spiritus agit,
atq; ita coniunctum esse ipsum quoq; in causa, ut à spi-
ritu mundi per radios quidam stellæ alicuius spiritus,
id est uiuida quædā uirtus infundatur imagini, potissi-
mum hominis tunc operātis spiritui consentanea. Ad
iuuari quoq; suffumigationibus ad stellas accōmodatis
opus eiusmodi, quatenus suffumigationes tales aërem,
radios, spiritum fabri, imaginis materiam sic prorsus
afficiunt. Ego uero odores quidem tanquam spiritui
aëriq; natura persimiles, & quum accensi sunt, stella-
rum quoq; radijs consentaneos arbitror: si Solares uel
Iouij sunt, afficere aërem ac spiritū uehemēter ad do-
tes Solis aut Iouis tunc dominātis opportune sub radijs
capiendas, atq; spiritū sic affectum, ita donatū, posse
uehementiore quodam affectu, non solum in propriū
corpus agere, sed propinquum præsertim natura con-
forme quidem, sed debilius, & consimili quadam affi-
cere qualitate. Materiam uero imaginis duriores ab
odoribus & operātis imaginatione, uix minimū quida-
dam suscipere posse puto: spiritū tamen ipsum ab odo-
re sic

re sic affici, ut ex ambobus unum conficiatur. Quod quidem ex eo patet, quod odor non agit ulterius in olfactum, postquam satis egit. Olfactus enim & quoduis aliud à seipso uel similimo quopiam nihil patitur. Sed de his alibi. Proinde imaginationis intentionem, non tam in fabricandis imaginibus uel medicinis uim habere, quàm in applicandis & assumendis existimo: ut si quis imaginem (ut aiunt) gestans rite factam, uel certe medicina similiter utens, opem ab ea uehementer affectet, & proculdubio credat, speretq; firmissime, hinc certe quamplurimus sit adiuueto cumulus accessurus. Nam ubi uel uirtus imaginis siqua est, tangentis carnē penetrat calefacta, saltem uirtus in electa eius materia naturalis, uel certe medicinae uigor intus assumptæ uenis ac medullis illabitur, Iouiam secum ferens proprietatem, spiritus hominis in spiritū eiusmodi Iouium affectu, id est amore transfertur. Vis enim amoris est transferre. Fides autem spesq; non dubia, spiritum hominis iam ita percitū sistit in spiritu Iouio penitus atq; firmat. Quod si, quemadmodum Hippocrates & Galenus docent, ægrotantis amor fidesq; erga Medicum inferiorem exterioremq; ad sanitatem plurimum conferunt (imò uero fiduciam hanc Auicenna plus inquit 2. Canone. efficere quàm medicinam) quantū ad cœlestem opem conducere putandum est, affectum fidemq; nobis erga cœlestem influxum iam nobis insitum, agentem intus, uiscera penetrantem? Iam uero amor ipse fidesq; erga

cœleste donum, sæpe cœlestis adminiculi causa est, atq;
uicissim amor et fides hinc aliquādo forsā proficiscitur,
quod ad hoc ipsum iam nobis faucat clementia cœli.

De uirtute uerborū atq; cantus ad beneficiū cœlea-
ste captandū: Ac de septem gradibus perdu-
centibus ad cœlestia. Cap. XXI

Verba præterea quædam acriore quodam affe-
ctu pronunciata, uim circa imagines magnam
habere censent ad effectū earum illuc proprie dirigen-
dum, quorsum affectus intenduntur & uerba. Itaq; ad
duos ardentissimo quodam amore conciliandos, imagi-
nem sub Luna coëunte cū Venere in Piscibus uel Tau-
ro fabricabant, multis interim circa stellas uerbaq; cu-
riosius obseruatis, quæ referre non est consilium. Non
enim philtia docemus, sed medicinas. Probabilius autē
est effectus cuiusmodi uel per Venereos dæmonas confi-
ci, his operibus uerbisq; gaudentes, uel per dæmonas
simpliciter seductores. Nam & Apolloniū Theanē
sæpe Lamiis deprehendisse & prodidisse ferunt, dæmo-
nas scilicet quosdam salaces Venereosq;, qui formosas
puellas simulent, pelliciantq; formosos, quos ut serpens
elephantem ore, sic illi illos ore uulua pariter exugāt,
ac prorsus exhauriant. Sed hæc Apollonius ipse uide-
rit. In uerbis autem certis uim esse certam atq; magnā
Origenes asserit contra Celsū, & Synesius atq; Al-
chindus de Magia disputantes. Item Zoroaster uetans
barbare

Verbis atq;
cantibus ui-
res inesse.

barbara uerba mutari, Iamblichus quoq; similiter. Itē Pythagorici uerbis & cantibus atque sonis mirabilia quædam Phœbi & Orphei more facere cōsueti. Quod Hebræorū antiqui doctores præ cæteris obseruarunt, omnesq; Poëtæ mirāda canūt carminibus effici. Et grauiſſimus ille Cato in Re rustica in curandis bestiarum morbis aliquādo barbaris cantioibus utitur. Sed præstat dimittere cantiones. Concentū uero illū, quo adoleſcens David Saulem ab insania redimebat, nisi myste- rium iusserit ad diuinitatē referri, referet fortē aliquis ad naturā. Quū uero pro septem Planetarū numero, septem quoq; sint gradus, per quos à superioribus ad inferiora fit attractus, uoces mediū gradum obtinent, & Apollini dedicantur. Infimum quidem tenent gra- dum materiæ duriores, lapides atq; metalla, ac Lunam referre uidentur. Secundum in ascensu locum habent, quæ ex herbis, arborum fructibus, gummis, membris animalium componuntur, respondentq; Mercurio, si ordinem in cœlo sequimur Chaldaeorū. Tertium pul- ueres subtilissimi, eorumq; uapores ex prædictis electi, odoresq; simpliciter herbarū & florum & unguento- rum ad Venerem pertinentes. Quartum uerba, can- tus, soni, quæ omnia rite dedicantur Apollini, Musica præ cæteris auctori. Quintum uehementes imagina- tionis cōceptus, formæ, motus, affectus, uim Martiam referentes. Sextum rationis humanæ discursiones de- liberationesq; consultæ pertinētes ad Iouem. Septimū

secretiores simplicioresq; intelligētiae quasi iam à motu
seuunctae, coniunctae diuinis, destinatae Saturno. Quem
merito Sabbath Hebræi nomine quietis appellāt. Quorū
sum hæc? Vt intelligas, quemadmodum ex certa her-
barum uaporūq; compositione confecta per artem
tum medicam, tum astronomicam, resultat communis
quædam forma uelut harmonia quædam siderum do-
tata numeribus: Sic ex tonis primo quidem ad stellarū
normā electis, deinde ad earundem congruitatem inter
se compositis, cōmunem quasi formam fieri, atq; in ea
coelestem aliquam suboriri uirtutem. Difficilimū qui-
dem est iudicatu, quales potissimum toni, qualibus con-
ueniant stellis, quales item tonorū compositiones, qua-
libus præcipue sideribus aspectibusq; consensiant. Sed
partim diligentia nostra, partim diuina quadam sorte
non aliter id assequi possumus, quàm Andromachus in
theriaca componenda diutissime fatigatus, ac tandem
post diligentiam, diuina sorte consequutus theriacæ
uirtutem. Quod quidem contigisse diuinitus Galenus
& Auicenna confirmant. Imò uero totam medicinam
exordiū à uaticinijs habuisse, testis est Iamblichus atq;
Apollonius Theaneus. Ideoq; Phœbum uatem medi-
cinæ præponunt. Tres uero potissimū regulas ad hoc
afferemus, si prius admonuerimus, ne putes nos in præ-
sentia de stellis adorandis loqui, sed potius imitandis,
& imitatione captandis. Neq; rursum de donis agere
credas, quæ stellæ sint electione daturæ, sed influxu po-
tius naturali.

tius naturali. Ad quem profectò multiplicem & occultum, ita nos exquisitis studemus modis accommodare, sicut quotidie ad manifestū Solis lumen caloremq; salubriter excipiendū nos ipsos accommodamus. Aptare uero se ipsum ad occultas dotes eius atq; mirificas, solius sapientis est officiū. Sed iam ad regulas tantū sideribus accommodaturas perueniamus. Prima est, exquirere quas in se uires quos uel ex se effectus stella quælibet & sidus & aspectus habeāt, quæ auferāt, quæ ferant: Atq; uerborū nostrorū significationibus hæc inferere: detestari quæ auferunt, probare quæ ferunt. Secunda, cōsiderare quæ stella cui loco maxime uel homini dominetur. Deinde obseruare qualibus cōmuniter hæc regiones & personæ tonis utantur & cantibus, ut ipse similes quosdam unā cū significationibus modo dictis adhibeas uerbis, quæ sideribus eisdē studeas exponere. Tertia, situs aspectusq; stellarū quotidianos animaduertere, atq; sub his explorare, ad quales potissimū sermones, cantus, motus, saltus, mores, actus incitari homines pleriq; soleāt, ut talia quædā tu pro uiribus imiteris in cantibus, cœlo cuidam simili placituris, similemq; suscepturis influxum. Memento uero cantū esse imitatorē omnium potentissimū. Hic enim intentiones affectionesq; animi imitatur & uerba, refert quoq; gestus motusq; corporis & actus hominum atq; mores: tamq; uehemēter omnia imitatur & agit, ut ad eadem imitanda uel agenda, tum cantantem, tum audientes



DE VITA COELITVS

subito prouocet. Eadem quoq; uirtute quando coelestia
 imitatur, hinc quidem spiritum nostrum ad coelestem
 influxum, inde uero influxum ad spiritum mirifice pro-
 uocat. Iam uero materia ipsa concentus purior est ad-
 modum, coeloq; similior, quam materia medicinae. Est
 enim aer etiam hic quidem calens siue tepens, spirans
 adhuc, & quodammodo uiuens, suis quibusdam articu-
 lis artubusq; compositus, sicut animal: nec solum motum
 ferens, affectumq; praefrens, uerumetiam significatum
 afferens quasi mentem, ut animal quoddam aerium &
 rationale quodammodo dici possit. Concentus igitur
 spiritu sensuq; plenus, si forte tum secundum eius signifi-
 cata, tum secundum eius articulos atq; formam ex arti-
 culis resultantem, tum etiam secundum imaginationis
 affectum huic sideri respondeat, aut illi, non minorent
 inde uirtutem quam quaelibet alia compositio traiecit in
 cantantem, atq; ex hoc in proximum auditorem, quousq;
 cantus uigore seruat spiritumq; canentis, praesertim si
 cantor ipse sit natura phoebeus, uehementemq; habeat
 uitalem cordis spiritum atq; insuper animalem. Sicut
 enim uirtus ac spiritus naturalis ubi potentissimus est,
 mollit statim, liquefacitq; alimenta durissima, atq; ex
 austeris mox dulcia reddit, generat quoq; extra se semi-
 nalis spiritus productione propaginem: sic uitalis ani-
 malisq; uirtus ubi efficacissima fuerit, ibi intensissima
 quadam sui spiritus per cantum, tum conceptione agi-
 tationeq; in corpus proprium potenter agit, tum effu-
 sione

COMPARANDA LIB. III

sione mouet subinde propinquum, afficitq; cum suum
tum alienum siderea quadam proprietate, quam tum
ex ipsa sui forma, tum ex electa temporis opportuni-
tate concepit. Hac utique ratione orientales meridio-
nalesq; multi, præcipue Indi, admirandam feruntur
in uerbis habere potentiã, utpote qui magna ex parte
Solares sunt. Vimq; non naturalem dico, sed uitalem
& animalem habent fermè omnium potentissimã, &
quicumque in regionibus alijs maxime sunt phœbei.
Cantus autem hac uirtute, opportunitate, intentione
conceptus, fermè nihil aliud est quàm spiritus alter nu-
per penes spiritum tuum in te conceptus, factusq; So-
laris, & agens tum in te, tum in proximum potestate
Solari. Si enim uapor & spiritus quidam aliquando
per radios oculorũ, uel aliter foras emissus fascinare,
inspicere, aliterq; afficere proximũ potest, multo ma-
gis id ualet spiritus ab imaginatione cordeq; simul u-
berior profluens & feruentior, motuq; ualentior, ut
non omnino mirum sit, morbos quosdam animi atque
corporis sic auferri posse aliquando, uel inferri, præ-
sertim quoniam spiritus eiusmodi Musicus proprie tan-
git, agitq; in spiritũ inter corpus animamq; medium,
& utrunque affectione sua prorsus afficientem. Mira-
bilem uero in concitato canenteq; spiritu uim esse con-
cedes, si Pythagoricis Platoniciq; concesseris, cœlum
esse spiritum, motibus tonisq; suis omnia disponentem.
Memento uero totã procedere Musicam ab Apolline.

Atque eatenus Iouem esse musicum, quatenus est cum Apolline concors. Venerem insuper & Mercuriū Musicam uicinitate Apollinis reportare. Item ad hos quatuor duntaxat attinere concentus: tres uero reliquos uoces quidem habere, non cantus. Iam uero uoces taradas, graues, raucas, querulas, Saturno tribuimus. Marti uero contrarias, ueloces, acutasq; & asperas, & minaces. Medias uero Lunæ. Concentus autē Ioui quidem graues & intentos, dulcesq; & cum constantia lætos. Contrà Veneri cū lasciuiā & molliē uoluptuosos cantus adscribimus. Inter hos uero medios Soli tribuimus & Mercurio. Si unā cum gratia suauitateq; sunt uenerabiles & simplices & intenti, Apollinei iudicantur. Si unā cum iucunditate remissiores quodammodo sunt, strenui tamen atq; multiplices, Mercuriales existunt. Tu igitur horum quatuor unumquenque cantibus tibi suis conciliabis, præsertim si competentes cantibus sonos adhibeas, adeò ut quū eorum more opportune canendo & sonando clamaueris, responsuri protinus uideantur, uel instar Echo, uel sicut chorda quædam in cithara tremens, quoties uibratur altera, temperata similiter. Atq; ut uult Plotinus & Iamblichus, ita naturaliter id tibi continget è cælo, quemadmodū uel ex cithara reboatus siue tremor, uel ex opposito pariete fit Echo. Profectò quoties ex frequenti quodam usu, harmoniæ Iouiæ, uel Mercuriales, uel Veneræ, factæ uidelicet his regnantibus, spiritus tuus ad hoc ipsum attentissime

attentissime canens, harmoniæq; cōformatus euadit Ioui-
uius, uel Mercurialis, uel Venerius. Interea phœbeus
euadit, siquidem Phœbi ipsius Musicæ ducis uirtus in
omni consonantia uiget. Atq; uicissim ex cantu sonoq;
phœbeo ipse phœbeus euadens, uirtutem Iouis interim
tibi uendicas & Veneris atque Mercurij. Rursusq; ex
spiritu sic intus affecto, similiter afficis animā atq; cor-
pus. Memento uero orationē apte & opportune com-
positam, & affectu sensuq; plenam atq; uehementem,
similem cantibus uim habere. Quantam in orando po-
tentiā Damis & Philostratus habere sacerdotes quos-
dam Indos narrent, referre nō expedit: nec etiam qui-
bus uerbis Apolloniū euocasse manes Achillis affirmēt.
Non enim loquimur nunc de numinibus adorandis, sed
de naturali quadam potestate sermonis & cantus atq;
uerborū. Esse uero phœbeā medicamq; in sono, & eo
quidem certo potentiam, ex eo patet, quod qui in Apu-
lia tacti Phalangio sunt, stupent omnes semianimesq;
iacent, donec certū quisq; suumq; sonum audiat. Tunc
enim saltat ad sonum apte, sudat inde atq; conualescit.
Ac si post annos decem similem audiuerit sonū, subito
concitatur ad saltum. Sonum uero illum ex indicatijs esse
phœbeū Iouialemq; conijcio.

Quomodo septem modis nos cœlestibus accōmo-
dare possimus. Et quibus Saturnus sit maleficus, qui-
bus propitius. Quos Iupiter à Saturno defendat. Quo-
modo cœlum agat in spiritum & corpus & animam.

QVoniam uero cœlū est harmonica ratione compositū, moueturq; harmonice, & harmonicis motibus atque sonis efficit omnia, meritò per harmoniam solam non solū homines, sed inferiora hæc omnia pro uiribus ad capienda cœlestia præparantur. Harmoniam uero capacem superiorum per septem rerum gradus in superioribus distribuimus: Per imagines uidelicet (ut putant) harmonice constitutas: Per medicinas sua quadam consonantia temperatas: Per uapores odoresq; simili concinnitate confectos: Per cantus musicos atq; sonos. Ad quorum ordinem uimq; referri gestus corporis saltusq; & tripudia uolumus: per imaginationis conceptus, motusque concinnos: per congruas rationis discursiones: per tranquillæ mentis contemplationes. Sicut enim corpus per harmoniā quotidiæ suam, id est, per situm & habitum & figuram opportune lumini caloriq; Solis exponimus: sic & spiritum occultis stellarum uiribus comparandis, per suam quandam similem harmoniam, imaginibus ut opinatur, & certe medicinis, odoribus harmonice compositis comparatam, & deniq; per spiritum superis ita paratum (ut sæpe iam diximus) animam eisdem exponimus atque corpus. Animam inquam, quatenus affectu ad spiritum inclinatur & corpus. In anima uero nunc imaginationē, rationem, mentem ponimus. Potest utique imaginatio nostra uel propter qualitatem motumq;

spiritus

spiritus, uel per electionem nostram, uel etiam utrinque ita disponi, componi, conformari Marti Soliue, ut sit euestigio proprium influxus Phœbei uel Martij susceptaculum. Similiter ratio, uel per imaginationem spiritumque simul, uel per deliberationem, uel utrinque, sic ad Iouem imitatione quadam comparare se potest, uo multo magis ob dignitatem propinquitatemque suam ipsa Iouem capiat et munera Iouis, quam imaginatio siue spiritus: quemadmodum imaginatio spiritusque eadem ratione multo magis cœlestia capiunt, quam res et materie quæuis inferiores. Mens denique contemplatrix, quatenus seipsam non solum ab his quæ sentimus, uerumetiam ab eis quæ imaginamur cōmuniter moribusque argumētamur humanis, seuocat, et affectu, intentione, uita, ad separata se reuocat, Saturno quodammodo se exponit. Huic soli propitius est Saturnus. Sicut enim Sol animalibus quidē nocturnis inimicus est, diurnis autem est amicus: ita Saturnus hominibus uel uulgarem palam uitam agētibz, uel fugientibus quidem uulgi consuetudinē. Vulgares tamen affectus non dimittentibus est aduersus. Vitam namque cōmunem concessit Ioui, separatam uero sibi uendicauit atque diuinā. Mentibus autem hominū re uera hinc pro uiribus segregatis tanquam sibi cognatis quodammodo est amicus. Nam et spiritibus sublimem habitantibus aërem ipse Saturnus (ut Platonice loquar) est pro Ioue, sicut Iupiter hominibus cōmunem agentibus uitā est iuuans

Saturnus
quibus
amicus.

pater. Nullis uero Saturnus est infensor, quàm hominibus contemplatiuā uitam simulantibus quidem, nec agētibus. Hos enim nec Saturnus agnoscit ut suos, nec Iupiter ipse Saturni temperies, adiuuat eos, qui cōmunes hominū leges moresq; & cōmercia fugiunt. Hæc enim sibi Iupiter usurpauit (ut aiunt) ligato Saturno, segregata Saturnus. Quāobrem Lunares illi populi, quos Socrates in Phædone describit, eminentissimam terræ superficiem, & altiore nubibus habitantes, uiuentes sobrij admodum frugibusq; contenti, & secretioris sapientiæ studio religioniq; dediti, Saturni felicitatem gustant, uitamq; agunt ita prosperam, tam longæuam, ut non tam mortales homines, quàm immortales demones habeantur: quos heroas multi nominant, aureumq; genus Saturnio quodam seculo regnoq; gaudens. Quod forsā astrologos Arabes uoluisse puto, ubi aiunt ultra lineam æquinoctialē ad meridiem esse subtilissimos habitatores quosdā demonas, qui nec ori ri uideantur neq; mori, ibiq; potestatem habere Saturnum, caudamq; Draconis. Quod sanè cōfirmare uideatur Albumasar in libro Sadar, dicens quasdam Indiæ regiones Saturno subiectas esse, ibiq; homines esse ualde longæuos, ac senio plurimū extremo decedere. Rationemq; assignat, quoniam Saturnus non lædat domesticos, sed externos. Tu uero potestati Saturni ne negligas. Hunc enim ferunt Arabes omnium potentissimum. Planetas sanè uires eorum subire ad quos accedunt:

Indiæ habi-
ratores lon-
gæuos esse.

dunt : omnes uero ad eum accedere potius quàm uicissim, Planetasq; coniunctos illi, natura illius agere. Est enim ipse inter Planetas orbis amplissimi caput. Quilibet sanè Planeta sui orbis caput est & cor & oculus. Saturnus item stellis proximus est innumeris, primoq; mobili quamsimilimus, longum agit circuitum. Est altissimus Planetarū : unde felicem eum uocant, cui ille feliciter aspirauerit. Et quamuis eum tanquam à comuni uita hominū alienum plerunq; maxime uercantur, placari tamen etiam cōmuni uitæ putant, si quando plurimā in ascendente potestatem dignitatemq; habuerit, aut Iupiter eum suus feliciter aspexerit, uel in suis finibus excellenter acceperit, alioquin influxus illius importune susceptus, in materia præsertim crassa fit quasi uenenū, sicut & ouum putrefactione uel adustione fit uenenosum, unde nascuntur uel euadunt immundi quidam, ignaui, tristes, inuidi, dæmonibus immundis expositi, quorū commercium procul effugito. Nam Saturni uenenum alibi quidem sopitum latet, ceu sulphur à flamma remotum. In uiuentibus uero corporibus sæpe flagrat, atq; ut sulphur accensum non comburit solum, sed uapore etiam noxio omnia circum implet, atq; inficit propinquantes. Contra influxum eius hominibus cōmuniter peregrinum & quodammodo dissonū nos armat Iupiter, tum naturali qualitate sua, tum alimentis medicinisq; certe suis, atque (ut putant) etiam imaginibus, tum etiā moribus negocijsq; & stu-

Saturnus
ouo simili-
lis.

Moses die
Saturni ne-
gocium in-
terdixit.

dijs atque rebus ad ipsum proprie pertinentibus. No-
xium uero influxum Saturni effugiunt, subeuntq; pro-
pitium, non solum qui ad Iouem confugiunt, sed etiam
qui ad diuinam contemplationem ab ipso Saturno si-
gnificatam tota mente se conferunt. Hoc enim pacto
malignitatem fati deuitari posse Chaldaei & Aegyptij
atque Platonici putant. Quū enim coelestia nolint esse
corpora uana, sed diuinitus animata, atq; insuper men-
tibus recta diuinis, nimirum illinc ad homines non so-
lum quamplurima ad corpus & spiritum pertinentia,
sed multa etiam bona quodammodo in animam redun-
dantia proficisci uolunt, non à corporibus in animam,
sed ab animis: Magis autem hæc plurāque eiusmodi à
mentibus superioribus cælo profluere. Inter hæc si ra-
tiones omnes assignare uolueris, quibus adductus Mo-
ses ocium sabbati mandauit Hebræis, forsan ultra sub-
limiorem secretioremq; allegoriam inuenies Saturni
diem. actionibus ciuilibus bellicisq; ineptum, contem-
plationibus aptum, eoq; die diuinum contra discrimi-
na patrociniū obsecrandum. Quod quidem impetrari
posse aduersum Martis & Saturni minas Habraham
& Samuel, & plures Hebræorum astrologi, eleua-
tione mentis in deum uotisq; & sacrificijs consitentur,
præceptum illud Chaldaicum confirmantes scilicet, Si
mentem ad pietatis opus ardentem crexeris, corpus
quoque caducum seruabis. Consideratu dignum est il-
lud Iamblichi, coelestia mundanaq; numina uires quas-
dam in

dam in se superiores, nonnullas inferiores habere. Per has quidem effectibus nos fatalibus deuincire, per illas autem uicissim soluere nos à fato: quasi clauēs, ut inquit Orpheus, ad apericendum habeant & claudendum. Multo igitur magis diuinitas mundo superior à fatali necessitate nos redimit. Exploratu quoque dignissimū est Hebraicum illud, in mactandis animalibus rebusq; nostris sacrificio dissipandis mala coelitus imminētia, à nobis ad nostra deflecti. Sed hæc Pico nostro exploranda relinquimus. Denique ubicunque dicimus coelestium ad nos dona descendere, intellige tum corporum coelestium dotes in corpora nostra uenire per spiritum nostrum rite paratum, tum eadem prius etiam per radios suos influere in spiritū naturaliter, uel quomodo cunque illis expositum: Tum etiam animarum coelestium bona, partim in eundem spiritū per radios profluere, atque hinc in nostros animos redundare, partim ab animis eorum uel ab angelis in animos hominū illis expositos, peruenire. Expositos inquam non tam naturali quodam pacto, quàm electione arbitrij liberi uel affectu. Summatim uero quicunque uoto, studio, uita, moribus, beneficentiam, actionem, ordinem coelestium imitantur, cos existimato tanquam supernis similiōres, ampliores illinc dotes accipere: Homines autem artificiose coelestium dispositioni dissimiles atq; discordes, & clām esse miseros, & denique palām infelices euadere.

Vt prospere uiuas agasq; in primis cognosce ingenium, sidus, Genium tuum, & locum eisdem conuenientem: hic habita, professionem sequere naturalem.

Caput XXIII

Quicumq; sanæ mentis suiq; compos nascitur, est à cœlo ad honestum aliquod opus & uitæ genus naturaliter institutus. Quisquis igitur cœlū optat habere propitium, hoc opus, hoc genus in primis aggreddatur, hoc sedulò prosequatur. Cœlum enim suis fauet inceptis. Ad hoc ipsum uero præ cæteris es natura factus, quod primum à teneris annis agis, loqueris, fingis, optas, somnias, imitaris, quod tentas frequentius quod facilius peragis, quo summopere proficis, quo præ cæteris delectaris, quod relinquis inuitus: Hoc est sanè ad quod te cœlum rectorq; cœli genuit. Eatenus igitur tuis fauebit inceptis, & aspirabit uitæ, quatenus genitoris ipsius auspicia prosequeris, præsertim si uerum sit Platonium illud (in quo tota consentit antiquitas) unicuiq; nascenti esse dæmonem quendam uitæ custodem, ipso suo fidere destinatum: Qui & ad hoc ipsum officium adiunct, cui nascentem cœlestia deputarunt. Quicumq; igitur per argumenta, quæ modo diximus suum ingenium perscrutatus, ita naturale suum opus inueniet, inuenerit simul suum sidus et dæmonē: quorum exordia sequens aget prospere, uiuetq; feliciter: alioquin & fortunā experietur aduersam, & cœlum sentiet inimicum. Duo igitur sunt præ cæteris hominū infortunas

**Platonis
sententia.**

infortunatorū genera: Alterum eorum qui nihil pro-
fessi nihil agunt: Alterum eorum qui professionem in-
genio alienam subeunt, Genioq; contrariā. Illi quidem
ignauia torpēt, interim ad actiones incitante cœlo sem-
per agente. Hi dum aliena à patronis cœlestibus agūt,
frustra laborant supernis destituti patronis. Primum
quidem antiquo prouerbio confirmatur, Dei adiuuāt
facientes, ignauis autem infensi sunt. Secundum prouer-
bio simili, Nihil agas inuita Minerva. Ob hanc arbi-
tror rationē Iouem in Pythagoricis carminibus obse-
crari, ut uel ipse tot malis leuet genus humanū, uel sal-
tem quo duce dæmone utamur, ostendat. Proinde ope-
re precium fuerit indagare, ad quam potissimū regio-
nem habitandā & excolendam te tuū sidus dæmonq;
tuus ab initio designauerit: ibi enim magis aspirant.
Ea uero est in quam primū profectus spiritus tuus quo-
dammodo recreatur, ubi sensus uegetior permanet, ubi
corporis habitudo ualidior, ubi magis pleriq; fauent,
ubi uota succedunt. Hæc igitur experire: hanc regio-
nem elige: hanc cole feliciter. Hinc uidelicet discessu-
rus infelix, nisi & rediturus & ad similia pergas. Sed
interea frequētibus in hac regione motibus te exerce,
gyrosq; quosdam cœlestiū instar agito. Motu enim cir-
cuituq; eiusmodi genitus similibus cōseruabere. Quan-
tum præterea ad habitationem pertinet utiliter recor-
dabere. Sicut alimēta uitæ necessaria rus quidem urbi
suppeditat, urbs uero consumit: sic & ipsam uitam ru-

Id est, refra-
gante inge-
nio, repu-
gnante na-
tura, cœlo
non propi-
tio. Hinc
Seneca di-
xit, male
respondes
re coacta
ingenia.

Duo homi-
num demo-
nes.

sticatione frequenti, ubi tædium te minime coeperit plu-
rimum augeri, sed urbano cum ocio tum negotio con-
teri. Quantū uero ad habitationem simul & professio-
nem spectat, illud orientaliū astrologorū minime con-
temnendum, uidelicet mutatione nominis, professionis,
habitus, uictus, loci, cœlestem influxū nobis tum in me-
lius, tum in deterius permutari. Dæmones quoque uel
cōmutari, uel ad eosdem aliter hic & alibi nos habere
Platonici iudicabunt. Dæmonem uero uniuscuiusq; cu-
stodem Astrologi cum Platonici geminum esse posse
consentiunt: alterum quidem genituræ propriū, alte-
rum uero professionis. Et quoties professio cum natura
consentit, eundem utriusq; dæmonem, uel certe simili-
um nobis adesse, uitamq; inde nostram magis secum
fore concordem atq; tranquillam. Sin autem professio
dissidet ab ingenio, dæmonem acquisitū arte, esse à ge-
nio naturali discordem, uitamq; laboriosam atq; solici-
tam. Qualis autē unicuiq; dæmon ab ipsa generatione
præsit cupientibus inuenire, Porphyrius regulam in-
uestigat ex Planeta domino genituræ. Iulius Firmicus
Planetam genituræ dominum esse inquit, uel eum qui
plures illic habeat dignitates, uel ex firmiori sententia
potius eum cuius domiciliū mox petitura sit Luna post
signū, quod homine nascente iam tenet. Sed dæmonem
nō eadem regula putat inuestigandū, uerum ex Chala-
dæorum opinione à Sole potius aut Luna: A Sole qui-
dem ad Lunam in natiuitate diurna, à Luna uicissim ad
Solem

Solem in natiuitate nocturna : ut computato inter hæc interuallo, æquale spaciū peragas ab ascendente gradu descendens, & in quem terminū desinis animaduertas. Cuius enim stellæ est ille terminus, eiusdem esse dæmonem arbitrantur. Summatim uero à domino genitura simul atq; dæmone, tenorē uitæ fortunamq; perpendere solent. Fortunā adiunxi, quoniā nonnulli partem fortunæ, eadem fermè cōputant ratione. Optabant ueteres suum ad se dæmonem ab aliquo cœli cardine descendisse, ab oriente uidelicet uel occidente uel medio utrinque cœlo, aut saltem ab undecima uel quinta plaga. Undecima quidem medio supra caput nostrum cœlo succedit, ac bonus dæmon cognominatur, & ascendentem ab oriente gradū aspicit ex sextili. Quinta uero cœlo antipodum medio succedit, appellaturq; bona fortuna, & ascendentem gradum contuetur ex trino. Optabant tertio loco dæmonem, si modo à cadenti plaga uenerit saltem, uel à nona uenisse, uel à tertia. Nona enim appellatur Deus, tertia uero dea. Et illa ascendentem gradum ex trino, hæc aspicit ex sextili. Cadentes uero duodecimam atque sextam exhorrebant: illam sanè malum dæmonem, hanc malam fortunam cognominantes. Nos autem optare præterita superuacuum arbitrati, monemus easdem plagas quas illi pro dæmonibus fortunisque optabant, obseruari pro Planetis & stellis ad opus efficiendum accommodandis, ut uel sint in angulis, aut in duabus quas diximus succedentibus.

Fortunata
horoscopi
domus.

bus, aut saltem in duabus duntaxat cadentibus, quas antea nominauimus. Neq; enim ab re Solem nona gaudere dicūt. Lunam tertia, Iouem undecima, Venerem uero quinta. Hæ nanq; gradū conspiciunt ascendente. Sed redeamus ad institutū. Siue igitur ab illa, quam in superioribus narrabam, experientia diligentiaq; siue ab hac arte quā modo recensui, primū inuestigemus naturæ dæmonisq; instinctum, infortunatū esse censebimus, qui officium nullum profitetur honestū. Nam & ducem professionis reuera non habet, qui opus honestum non aggreditur, & ducem naturalē uix ullum habet: Quoniam stellarū dæmonumq; siue angelorū ducum diuinitus ad custodiam dispositorū officium est agere semper, & excellenter & latissime. Infortunatū insuper eum, ut suprà diximus, qui professione naturæ contraria, diuersum à Genio subit dæmonem. Memento uero pro dignitate professionū digniores gradatim accipi dæmones, seu mauis angelos, atq; in gubernatione publica etiam digniores. Posse uero artem uitæq; tenorem accipi Genio & ingenio non contrariū, neq; longe diuersum, etiam si ad excellentiora processeris. Memento rursus familiaritatē eorū inire, quibus Gratiæ cœlestes afflant. Quod ex bonis animi, corporis, fortunæ perpendes. Sicut enim odor ex musco, sic ex bono boni nonnihil exhalat in proximū, ac sæpe persecuerat infusum. Mirificus autem foret coetus trium felicitium uel duorum inter se mirabiliter redundantium.

Memento

Memento denique effrenatos & impudentes & malignos ac infelices procul fugere. Hi namq; malorū plenī dæmonū uel radiorū, malefici sunt, & tanquā leprosi pestilentesq; nō solum tactu nocent sed propinquitatē etiā & aspectu. Sanē propinquitās ipsa corporū animarū putatur esse contactus, propter efficacem uaporū exhalationē foras à calore, spiritu, affectu manantem. Maxime uero pestilens erit flagitiosorum familiaritas atq; crudelium, si uerum fuerit, post uegetalem uitam mense Iouis, id est secūdo nobis infusam, deinceps mense Martis, id est tertio sensualem animā infundi perturbationibus mancipatā. Sic enim qui perurbatione feruntur, Martis plenī Martiali cōtagione propinquos inficiunt. Contraria uero ratione consuetudo frequens contiguumq; cōmercium cum felicibus excellentibusq; ut diximus, prodesse mirifice consueuit. Apolloniū Theanæum ferunt Ephesi deprehēdisse senem, sub cuius figura lateret dæmon, qui sola præsētia totam ciuitatē peste cōtaminabat. Quantū uero Socrates multis præsētia sola profuerit, Xenophon & Plato testantur.

Cōtagiosa
infelicitum
propinquitās
est.

Qua ratione literati cognoscant ingenium suum.
sequanturq; uictum spiritui consentaneum.

Caput XXIII

Quoniam uero literarū studiosis loquor, recordari unumquenq; uolo literarū amore captum in primis se esse Mercurialem, præterea Solarem quā

P

tenuis ipse Mercurius est Solaris. Atq; hæc cōmunis his omnibus est conditio. Proprie uero præter naturam Mercurialem quisquis eloquij gratia, lepore, dignitate, uenustate pollet, Apollinē in se agnoscat & Venerem. Qui ad leges uel naturalem cōmunemq; philosophiam est propensior, nō ignoret Iouem se habere patronū. Sed qui ad secretissima quæq; curiosius perscrutanda penitus instigatur, sciat se non Mercurialem solum esse, sed Saturniū. Sub cuius etiā principatu sunt omnes in quouis studio usq; ad finem seduli, præsertim in rebus alijs negligentes. Denique si uerum est quod nōnulli tam Phisici quàm Astronomi tradunt, animā intellectu præditam in conceptum humanū mense Solis, id est quarto descendere, qui plurimum intellectu uiuunt, & ab initio sunt præcipue & quotidie Solares euadunt. Horum itaque Planetarū fauor his hominibus auspiciandus erit. Sub eorum spiraculo medicinæ conflandæ. In eorum regionibus habitandum. Verum ad Apollinem Musarum ducem in primis uos ô literati Musarū cultores aduoco. Quicumq; igitur inter uos dilectissimi in Musarum amore fratres, ingenio multo magis longiusq; quàm corpore ualent, ij profecto sciāt in genitura quondam sua Phœbem quidem materiā suppeditasse perpauca, phœbeum uero spiritū infundisse quamplurimū, imò & quotidie humores alimentaq; in corpore in spiritum maxima quadam ex parte resolucere. Vnusquisq; igitur uestrū totus est ferme spiritus.

ritus. Spiritalis inquā homo quidam, terreno hoc corpusculo personatus, spiritū ante alios perpetuo quodā labore fatigans, ut ipsi præ cæteris sit assidue spiritus recreandus, et in senectute præterea in qua cōmuniter euadit crassior, ad subtilitatem propriā reuocandus. Scitis profectò crassum corpus crassis elemētis quatuor ali. Scitote igitur spiritale corpus suis quibusdā tenuibus elementis quatuor enutrirī. Huic enim uinū est pro terra: odor ipse uini uicem gerit aquæ: cantus rursus & sonus agit aërem: lumen autem præfert igneū elementum. His ergo quatuor præcipue spiritus alitur, uino inquam eiusq; odore & cantu, similiter atq; lumine. Sed nescio quomodo ab Apolline primū exorsi incidimus mox in Bacchum. Et meritò quidem à lumine peruenimus in calorem, ab ambrosia in nectar, à ueritatis intuitu in ardentē ueritatis amorē. Fratres certe sunt indiuiduiq; comites Phœbus atq; Bacchus. Ille quidem duo potissimum uobis affert, lumen uidelicet atq; lyram. Hic item præcipue duo, uinū, odoremq; uini ad spiritū recreandū, quorū usu quotidiano spiritus ipse tandem phœbeus euadit et liber. Quamobrem ita uos ad excipiendum Solis lumen quotidie comparate, ut quatenus deuitata destillatione quadam & exiccatione fieri potest, frequētissime sub luce uiuatis, saltem in conspectu lucis, tum eminus, tum cominus, tum tecti tum aperti, ad usum ubiq; uestrū uitalem Solis potentiam temperantes, atq; igne referentes in nocte Solem,

Spiritus
alimenta.

citharæ cantusq; interim non obliti. Spirare uero semper & uigilantes & dormientes aërem uiuum, aërem luce uiuentem. Similiter habere uos oportet ad merum Bacchi donum, Apollinis beneficio procreatū. Eadem igitur proportionē qua lumen, accipite uinū: Abunde quidem quatenus nec destillatio nec exiccatio, qualem dixi, ebrietas ue contingat. Atq; præter substantiā uini quotidie bis acceptā, odorem eius frequentius haurite, partim quidē os ubi spiritus fuerit recreandus, colluentes mero, partim lauantes eodem manus, partim naribus & temporibus admouentes. Satis iam fratres colloquuti sumus, satisq; combibimus. Ergo ualete.

De Astronomica diligentia in liberis procreandis, in præparandis epulis, in ædificijs & habitatione atq; uestibus, & quantū curare talia liceat. Cap. XXV
Sed iuuat etiam parumper alloqui scuerū religionis antistitem. Dic age quidnam in astrorum usu damnas antistes? Quicquid, inquires, arbitrio nostro detrahit, quicquid unius dici cultui derogat. Eadem ego tecum nō damno solum sed etiam ualde detestor. Execraris quinetiam scio, atq; ego insuper perhorresco nō nullos, qui quum Deum exoratum uolunt, ad Iouem in medio cœlo uastum illud draconis caput subeuntē, tam miseri quā stulti confugiunt, ab ipso uidelicet draconē, qui quondam è cœlo corruit, tertiā stellarū partem secum trahens denique deuorandi. Verum concedes nec cōtractibus, matrimonijs, colloquijs, itineribus, similibusq;

libusq; operibus peragēdis horas opportunas eligere. Non facile te his assensurum uideo, nescio quid arbitrio metuentem. Ego igitur, & si theologus ille Magnus Albertus ista dabit, & ratio quædam forte dictabit, per electionem ipsam ad arbitrium pertinentem, cœlestia ita prudentiæ nostræ usui subijci, quemadmodum herbæ medico ministrāt, tibi tamen potius in præsentia credam: Et quā tu difficile nunc ea permittis, tam facile ipse dimittā. Obscruationes uero Lunæ ideoq; aliarum stellarum ad morbos curandos, & idcirco ad remedia præparanda iandiu (ut arbitror) permisisti. Concessum quoq; abs te, & insuper approbatum, crescente Luna, eademq; aucta lumine, nec aliunde infortunata seminibus agros spargere, uites oleasq; serere. Cur nō igitur ad plantandum (ut cynice loquar) hominem, utamur beneficio Lunæ Iouisq; & Phœbi? Nam Veneris quidem ad hæc officio semper utimur: Sed rectius modo dixissem, semper utuntur. Nam ipsa mihi Venus est Diana. Quid item de uictu dicemus? Nōne licebit & proderit sub felici sidere, tum autumnu uinum, tum indies panem epulasq; conficere? Ac si nequeamus in his præparandis aspectus siderum expectare, expediet saltem ascendentes accipere, uel aliter angulares, Solem, Iouem, Venerem, atq; Lunam. Sic enim omnia quibus utimur feliciter affecta cœlitus, feliciter nos afficient. Hactenus te uideo absq; controuersia concessurū, nisi fortē dicas, ita uitam nostram nihil

fore aliud quàm perpetuā seruitutē. Ad hæc ego subiiciam, frustra mortales cumulandis pecunijs & honoribus seruituros, quibus sunt perpetuò mancipati, nisi interim diligētia physica dies uitæ sibi plures accumulēt. Aut igitur soli Deo seruiant, quod quidem est potissimū: aut si cui præterea seruituri sunt, uitæ tum ualidæ tum lōgæ potius, quàm pecunijs honoribusq; uanis indulgeāt. Concordes ergo sumus. Sed nunquid uel domos fundabunt temere, uel infaustas habitabunt? Vbi contagiosa quædam calamitas ædificij fermè sic inficit habitantem, ut uenenosus pestilentie uapor etiam ad biennium in pariete seruatus. Qualis etiā ex epidemia latens in ueste, diu postea utentem inficit incautū atq; perdit. At postquam hic in uestium incidimus mentionem, prohibebis ne, pie pater, in ueste conficienda, uel primū induenda spiraculum Veneris diligenter aucupari, quo quasi Venerea facta uestis, similiter prospera quadam corpus & spiritum afficiat qualitate? Nōne Medici uetant uulpium pelles, agninas probant? Non aliter fortè sidus indies quasi nascentes uestes afficit, quàm semel ab initio natas. Vestes quidē & cætera artis opera certam à sidere qualitatem accipere, Thomas Aquinas in libro de Fato cōfirmat. Tu igitur affirmabis. Infectas uero uestes utentem inficere, etiā testis est scabies atque lepra. Deniq; si populi uitæ consulis (ut opinor) ista permittes. Atq; ego permissione tua consulam obseruanda. Sin autē eiusmodi moribundæ uitæ

curam

curam nō improbas quidem, sed negligendam mones, ego quidem negligo, melioris uitæ fiducia fretus, cæterisq; similiter consulo faciendum. Vale.

Quomodo per inferiora superioribus exposita deducantur superiora: Et per mundanas materias mundana potissimum dona. Cap. XXVI

Sed ne longius digrediamur ab eo, quod interpretantes Plotinum instituimus ab initio, breuiter ita collige. Mundus ab ipso bono (ut Plato unā cū Timæo Pythagorico docet) quā optimus effici poterat, est effectus. Est igitur non solū corporeus, sed uitæ insuper et intelligētiæ particeps. Quā obrem præter corpus hoc mundi sensibus familiariter manifestum, latet in eo spiritus corpus quoddam, excedens caduci sensus capacitatē. In spiritu uiget anima, in anima fulget intelligentia. Atque sicut sub Luna nec miscetur aër cum terra, nisi per aquam: nec ignis cum aqua, nisi per aërem, sic in uniuerso esca quædam, siue fomes ad animam corpori copulandam est ille ipse quem spiritum appellamus.

Anima quoq; fomes quidā est in spiritu corporeq; mundi, ad intelligentiam diuinitus consequendam: quem admodū summa quædam in ligno siccitas ad penetraturum oleum est parata. Oleum huic imbibitum pabulum est ad ignem, ad calorē dico proxime. Calor ipse luminis est uehiculum, ac si lignum hoc eiusmodi sit, ut igne præsentē fulgeat, non uratur, qualia quandoq; uidimus. Iam hoc exemplo uidebimus, utrum uel homo,

Anima spiritus fomes

uel aliud quiddam sub Luna certis quibusdam præparamentis, partim quidē naturalibus, partim arte quaesitis, uitalia, atq; etiam fortē intellectualia quaedam bona opportune quodammodo desuper accipere possit. Verum quod hic ad religionē spectat discutiemus alibi, ubi Plotinus in mediū hæc adducet. Quod uero ad naturales spectat influxus, qualescunq; sint desuper uenientes, scito eos in nobis materijsq; nostris ita demum per artem comparari posse, quando fomenta nobis nostrisq; ad illos natura suggesserit, cœlumq; ad eosdem opportunius conspirauerit. Nōne in ipso foetu natura foetus ipsius artifex, quū certo quodam pacto corpusculū affecerit figuraueritq; hoc ipso statim præparamento, uelut esca quadam spiritum ab uniuerso deducit? Perq; hunc uelut fomitem, uitam haurit atq; animam? Ac deniq; per certam animæ speciem dispositionemq; corpus ita uiuens dignū est præsentia mentis tandem donatæ diuinitus. Ubique igitur natura maga est, ut inquit Plotinus atq; Synesius, uidelicet certa quædā pabulis ubique certis inescans, non aliter quàm centro terræ grauiam trahens, Lunæ concauo leuia, calore folia, humore radices, cæteraq; similiter. Quo quidem attractu se cum ipso deuinciri mundum testātur sapientes Indi, dicentes mundum esse animal passim masculinum simulatq; foeminam, mutuoq; membrorū suorum amore ubique coire secum, atq; ita constare: uinculum uero membrorum inesse per insitam sibi mentem, quæ
totam

totam infusa per artus agit molem, & magno se corpore miscet. Hinc Orpheus naturam ipsam mundi Iouemq; mundanū marem appellat & foeminam. Vsq; adeo mutui partium suarum coniugij ubiq; mundus est auidus. Esse uero masculinum sexum foeminino ubiq; cōmixtum, declarat illinc quidem ordo signorum, ubi præcedens perpetuo deinceps ordine masculinum est, subsequens foemininū: hinc uero arbores atq; herbæ, quæ etiā sicut animalia utrunq; sexum habent. Mitto quod ignis ad aërem, aqua ad terrā masculi uicem tenet ad foeminā, ut non mirum sit membra inter se mundana & omnes eius articulos mutuum coniugium concupiscere. Quod & Planetæ conciliant, partim quidem mares, partim uero foeminæ, præcipue uero Mercurius masculus atq; foemina, Hermaphroditi pater. Quod sanè animaduertens agricultura, præparat agrum seminaq; ad cœlestia dona, & insitionibus quibusdam uitam plantæ propagat, & ad speciem alterā melioremq; perducit. Similia quædam efficit & medicus, phisicus, & chirurgicus in corpore nostro, tum ad nostram fouendam, tum ad uniuersi naturā uberius comparandam. Idem quoq; Philosophus naturalium rerum astrorumq; peritus, quem proprie Magum appellare solemus, certis quibusdam illecebris cœlestia terrenis opportune quidem, nec aliter inferens quàm insitionis studiosus agricola ueteri recentem stipiti surculum. Quod & Ptolemæus ualde probat, affirmans

eiusmodi sapientem sic astrorū opus adiungere posse,
 quemadmodum agricola terræ uirtutem. Subiicit Ma-
 gus terrena cœlestibus, imò inferiora passim superio-
 ribus, ut proprias ubiq; foeminas suis maribus foecun-
 dandas, ut ferrū Magneti trahendum, ut camphoram
 aëri feruenti sugendam, ut crystallum Soli illuminan-
 dum, ut sulphur & sublimem liquorem accendendum
 flammæ, ut oui testam uacuam & impletā rore Soli ele-
 uandam, imò ut ouū ipsum gallinæ fouendū. Præterea
 sicut nōnulli fouentes oua, etiam sine animalibus uitant
 illis ex uniuerso conciliāt, & sæpe materias quasdā op-
 portune parantes absq; ouis manifestisq; seminibus ani-
 malia procreāt, ut ex ocymo scorpionē, apes ex boue,
 ex saluia auem merulæ similem, uitā uidelicet à mundo
 materijs certis opportunisq; temporibus adhibentes:
 Sic & ille sapiēs ubi cognouit quæ materiae, siue quales
 partim inchoatæ natura, partim arte perfectæ, & si
 sparsæ fuerint cōgregatæ, qualem cœlitus influxū susci-
 pere possint, has eo regnante potissimū colligit, præpa-
 rat, adhibet, sibiq; per eas cœlestia uendicat. Vbicunq;
 enim materia quædā sic superis exposita est, sicut spe-
 culare uitrū uultui tuo, pariesq; oppositus uoci, subito
 superne patitur ab agente uidelicet potentissimo, à po-
 testate uitaq; mirabili ubiq; præsentē, uirtutemq; passi-
 one reportat, non aliter quàm & speculū imaginē re-
 præsentat ex uultu, & ex uoce paries echo. His fermè
 exemplis ipse Plotinus utitur, ubi Mercuriū imitatus,
 ait

ait ueteres sacerdotes siue Magos in statuis sacrificijsq; sensibilibus diuinū aliquid & mirandū suscipere solitos. Vult autē unā cū Trismegisto per materialia hæc non proprie suscipi numina penitus à materia segregata, sed mundana tantū, ut ab initio dixi, & Synesius approbat. Mundana inquā, id est uitā quandam, uel uitale aliquid ex anima mundi & sphaerarū animis atq; stellarū, uel etiā motū quendā et uitalē quasi præsentiā ex dæmonibus, imò interdum ipsos dæmonas eiusmodi adesse materijs. Mercurius ipse, quē Plotinus sequitur, inquit, dæmonas aërios non cœlestes, nedum sublimiores: statuasq; Mercurius ipse cōponit ex herbis, arboribus, lapidibus, aromatis, naturalem uim diuinitatis (ut ipse ait) in se habētibus: Adiungit cantus cœlestibus similes, quibus ait eos delectari, statuisq; sic adesse diutius, & prodesse hominibus uel obesse. Addit sapiētes quondā Aegyptios, qui & sacerdotes erant, quū non possent rationibus persuadere populo esse deos, id est spiritus aliquos super homines, excogitasse magicum hoc illiciū, quo dæmonas allicientes in statuas esse numina declararēt. Sed Iamblichus damnat Aegyptios, quod dæmonas nō solū ut gradus quosdā ad superiores deos inuestigādos acceperint, sed plurimū adorauerint. Chaldaeos uero dæmonibus non occupatos Aegyptijs antepōnit. Chaldaeos inquā religionis antistites: nam Astrologos tā Chaldaeorū q̄ Aegyptiorū quodāmodo tentauisse dæmonas per harmoniā cœlestem in statuas fictiles trahere suspicamur. Quod significare uidetur

Astrologus Samuel Hebraeus, autoritate Dauidis Bil
astrologi fretus, antiquos uidelicet fictores imaginū fe
cisse statuas futura pronunciantes. Harmoniā uero coe
lestium his accōmodatā esse tradit. Metallum fundere
ad hominis pulchri formam, die Mercurij hora tertia
scilicet Saturni, quando Mercurius Saturnū in Aqua
rio subit, in nona cœli plaga uaticiniū designāte, ascen
ditq; Geminorū sidus significans prophetas, ut aiunt,
Mars à Sole comburitur, nec Mercuriū intuetur, Sol
tamen aspicit coniunctionis illius locū, Venus interea
aliquem obtinet angulum, occidentalis est & potens,
Luna ex trigono gradum aspicit ascendentem, simili
terq; Saturnus. Hæc ille. Ego autem primo quidem ex
beati Thomæ sententia puto, si modò statuas loquētes
effecerint, non simplicem ipsum stellarū influxum ibi
formauisse uerba, sed dæmonas. Deinde si fortè contige
rit eos in eiusmodi statuas ingredi, non arbitror hos ibi
per cœlestem influxum fuisse deuinctos, sed sponte po
tius suis cultoribus obsequutos deniq; decepturos. Nam
& natura superior ab inferiore cōciliatur quidem ali
quando, sed cohiberi nequit. Et dispositio illa siderum
paulò ante descripta, cōcurrere fortè nō potest. Quā
uis autem dæmones astronomica ratione statuis nō in
cludantur, tamen ubi per cultum eis exhibitū præsen
tes extiterint, Porphyrius ait eos regulis astronomicis
oracula reddidisse, atque ideo frequenter ambigua, &
meritò, quoniam Iamblichus probat prop̄hetiam ue
ram atq; certam, nec malis dæmonibus conuenire, nec

humanis artibus uel natura, sed spiratione diuina purgatis mentibus prouenire. Sed ad Mercurium, imò ad Plotinũ iam reuertamur. Mercurius sacerdotes ait accepisse uirtutem à mundi natura conuenientem, eamq; miscuisse. Sequutus hunc Plotinus, putat totum id anima mundi conciliante facile confici posse, quatenus illa naturalium rerum formas per seminales quasdam rationes sibi diuinitus insitas generat atq; mouet. Quas quidem rationes appellat etiam Deos, quoniã ab idcis Supremæ mentis nunquam destituuntur. Itaque per rationes eiusmodi animam mundi facile se applicare materijs, quas formauit ab initio per easdem, quando magus uel sacerdos opportunis tēporibus adhibuerit formas rerum rite collectas, quæ rationem hanc aut illam proprie spectant, sicut Magnes ferrum, Reubarbariũ choleram, Crocus cor, Eupatoriũ Spodiumq; iecur, Spica Muscusq; cerebrum. Fieri uero posse quandoq; ut rationibus ad formas sic adhibitis, sublimiora quoque dona descendant, quatenus rationes in anima mundi coniunctæ sunt intellectualibus eiusdem animæ formis, atq; per illas diuinæ mentis idcis. Quod et Iamblichus approbat, ubi de sacrificijs agit. Qua de re alibi nos opportunius disputabimus. Vbi etiã apparebit, quàm impura superstitio populi gentilis extiterit, contrà uero quàm pura pietas euangelica fuerit, quod magna ex parte in libro de religione Christiana iam fecimus.

FINIS.



MARSILIVS FICINUS Florentinus, dilectissimis suis in ueritatis studio fratribus, tribus Petris, Nero, Guiciardino, Soderino, ter quaterq; salutem. Rectius modo Tripetro quàm tribus Petris fortasse dixissem. Sicut enim ubi palma est una, nō faciunt plures in ea digiti manus ibi plures: sic uestra amici corpora tria nihil prohibere uidentur, quo minus unū efficiat Petrū una uoluntas. Faber ille cœlestis patriæ Christus tam ingentē procreauit petram, ut immenso huic ædificio ecclesiæ suæ una hæc petra fundando sufficeret. Ego quoq; tam grandes nactus sum diuina quadā sorte petras, ut tres nūc meo uel arduo satis ædificio faciant. Nunc uobis amici nunc, si nescitis arx illa Palladis necessaria fore uidetur, qua procul à nobis sæuū impiorū gigantū impetum arceamus. Quāobrem uestra primū arce tribus cōstructa petris, trium librorū meorū uitā, uitæ publice succurrentiū munire decreui. Scitis (ut arbitror) me de Vita librū composuisse, in libellos treis diuisum: Quorū primus de Vita sana, Secundus de Vita longa, Tertius de Vita cœlitus inscri-

betur. Igitur esca tituli tam suavis quā plurimos alliciet ad gustandū. Sed in numero tanto ignorantes pleriq; futuri sunt (ut arbitror) maligni quoq; nō pauci. Alius ergo dicet: Nōne Marsilius est sacerdos? Est profectō. Quid igitur sacerdotibus cū medicina? Quid rursum cū Astrologia cōmercij? Alius item: Quid Christiano cum magia uel imaginibus? Alius autē, & quidem indignus uita, uitā inuidebit cælo. Cuncti deniq; sic affecti, beneficio in eos nostro ingrati nimis erunt, atq; aduersus charitatem nostrā, qua uitæ prosperitatiq; publicæ pro ingenij facultate consulimus, nō pudebit esse crudeles. Communis igitur erit uobis iste labor: sed ut quodammodo leuior sit, tres enim estis aduersum tres hostes, distributū subite certamen. Nec inuectiua (noui enim ingenium uestrum) confutabitis inuectiuam, sed alieni fellis amaritudinem (quæ uestra suauitas est mirifica) uestri mellis dulcedine superabitis. Principio candidissime Nere respondeto primis, antiquissimos quondam sacerdotes fuisse Medicos pariter et Astronomos. Priscos sacerdotes fuisse tū Medicos tum astrologos. Quod sanè Chaldaeorū, Persarum, Aegyptiorū testificatur historiae. Ad nullum præterea magis quàm ad pium sacerdotem pertinere singularis charitatis officia, quæ quidem in maximo omnium beneficio quam maxime lucent. Officiū uero præstantissimū est procul dubio, quod & maxime necessarium, & in primis ab omnibus exoptatū, efficere uidelicet, ut hominibus sit mens sana in corpore sano. Id autem ita demū præsta-

re possumus, si coniungimus sacerdotio medicinā. At quoniam medicina sine fauore cœlesti (quod & Hippocrates Galenusq; confitentur, & nos experti sumus) sæpius est inanis, sæpe etiam noxia: nimirum ad eandem sacerdotis charitatē Astronomia pertinet, ad quā attinere diximus medicinam. Eiusmodi (ut arbitror) Medicū honorari sacræ literæ iubent, quoniā propter necessitatem hunc altissimus procreauerit. Et Christus ipse uitæ largitor, qui discipulis mandauit, languentes toto orbe curare, sacerdotibus quoq; præcipiet, si minus uerbis ut illi quondam mederi possint, saltem herbis & lapidibus medeantur. Quæ si minus ipsa sufficiant, opportuno quodam afflatu cœli cōflare hæc, & ægrotis admouere iubebit. Nam & ipse eodem afflatu cœli animalia passim ad suam quæq; concitat medicinam, usq; adeo uitæ omnium abundantissime. prouidet. Sic instinctu cœlesti diuinitus instigante, serpentes quidam marathro, hirundines autē chelidonia oculis medicantur: Aquilæ uexatæ partu Aëtitem lapidem diuinitus inuenerūt, quo feliciter oua statim eniterentur. Itaq; deus ipse, qui per cœlum animalia quæuis ad medicinas instigat, sacerdotes certe permittit nō mercede inquā, sed charitate medicinis cœlitus cōfirmatis morbos expellere. His uero tu deinceps plura etiam si expedierit ingenij tui aculeis addes. Surge post hæc et tu Guiciardine uehemens, atque curiosis ingenijs respondeto, magiam uel imagines non probari quidē à Marsilio, sed

filio, sed narrari, Plotinū ipsum interpretante. Quod
et scripta planè declarāt, si æqua mente legātur. Neq;
de magia hæc prophana, quæ cultu dæmonū nititur,
uerbū quidem ullum asseuerari: sed de magia natura-
li, quæ rebus naturalibus ad prosperam corporū ua-
letudinē cœlestium beneficia captat, effici mentionem.
Quæ sanè facultas tam concedenda uidetur ingenijs le-
gitime utentibus, quàm medicina & agricultura iure
conceditur: tantoq; etiam magis, quanto perfectior est
industria, terrenis cœlestia copulans. Ex hac officina
Magi omniū primi Christū statim natum adorauerūt.
Quid igitur expauescis Magi nomen formidolose? no-
men Euangelio gratiosum, quod non maleficum & ue-
neficum, sed sapientem sonat & sacerdotē. Quidnam
profitetur magus ille uenerator Christi primus? Si cu-
pis audire, quasi quidā agricola est, certe quidam mun-
dicola est. Nec propterea mundum hic adorat, quem
admodum nec agricola terram. Sed sicut agricola hu-
mani uictus gratia ad aërem temperat agrum, sic ille
sapiens, ille sacerdos gratia salutis humanæ inferiora
mundi ad superiora contemperat: atq; sicut oua galli-
næ, sic opportune terrena subijcit fouēda cœlo. Quod
efficit semper ipse deus, & faciendo docet, suadetq; fā-
cere, ut à superis infima generentur & moueātur atq;
regātur. Deniq; duo sunt magiæ genera: Vnū quidem Magiæ duo
eorū, qui certo quodam cultu dæmonas sibi conciliant: Genera.
quorū opera freti fabricant sæpe portenta. Hoc autē

Q

penitus explosum est, quādo princeps huius mundi eie-
ctus est foras. Alterū uero eorū qui naturales materias
opportune causis subiiciūt naturalibus mira quadā ra-
tione formādas. Huius quoq; artificij species duæ sunt:
Altera quidem curiosa, altera necessaria. Illa sanè ad
ostentationem superuacua fingit prodigia: cū quando
Persarū Magi ex saluia sub fimo putrefacta, dum Sol
& Luna secundam Leonis faciē occuparent, eundemq;
gradum ibi tenerent, generabāt auem merulæ similē,
serpentina cauda, eamq; redactā in cinerē infundebāt
lampadi, unde domus statim plena serpentibus uideba-
tur. Hoc autē tanquā uanū & saluti noxiū procul effu-
giendū. Tenenda tamē species necessaria, cum Astrolo-
gia copulans Medicinā. Si quis autē pertinax ulterius
instet, morē huic ita gerito Guiciardine, ut ne legat hæc
nostra, nec intelligat, nec meminerit, nec utatur homo,
si homo est, tāto beneficio prorsus indignus. Multa sunt
præterea quæ tu aduersus ingrātā ignorantia in mediū
afferre tuo ingenio poteris. Quidnā agis et tu strenue
Soderine noster? Tolerabis ne supersticiosos cæcosq;
nescio quos futuros, qui uitā in animalibus uel abiectissi-
mis, herbisq; uilissimis manifestam uident: in cœlo, in
mundo nō uident? Iam uero si homunciones isti uitā mi-
nimis cōcedunt mundi particulis, quæ tandē dementia
est, quæ inuidia, nec nosse, nec uelle totū uiuere in quo
uiuimus, & mouemur, & sumus? Quod quidem canit
Aratus, Iouem manifeste significans cōmunē corporis
mundanī

mundani uitā. Peropportune nunc in hæc Arati uerba nescio quomodo uideor incidisse. Memini Lucā euangelistam, memini Paulū apostolū his uerbis libenter uti, in quibus mundi uitā sapientes illi nō horrent. At uero superstitiosus quidā his obijciat, non facile conuinci ex uerbis eiusmodi Paulū assentiri mundū habere animā, sed tantū subesse Deo, ac nos in hoc ipso Deo uiuere. Esto igitur, ne nominemus in mūdo, quādo nō placet, animā. Nomen anima sit prophānū. Licebit ne saltem uitā qualem cūq; dicere? quam Deus ipse mundi faber huic operi suo tam feliciter absoluto clemēter inspiret: quandoquidē erga uilissima quæq; uiuentia nō est auarus, & quotidie per cœlum quamplurimis quæ sunt in eo largissime præstat uitam. Dic amabō, nōne uides boues & asinos, ô bos, ô asine, qui tactu quodam ex se uiuentia generant, esse uiuos? Si ergo hæc præterea ex se uiua quædam aspectu etiā generarent, an non multo magis hec uiuere iudicares? si quod modo ipse iudiciū, si quam uitā habes. Cœlum terræ maritus, non tangit (ut cōmunis est opinio) terram: cum uxore non coit, sed solis siderum suorum quasi oculorum radijs undiq; lustrat uxorem, lustrando fœcundat, procreatq; uiuentia. Num ergo uitam uel intuēdo largiens, ipsum in se propriā nullam habet uitam? Et quod dedit aui Struthio uitam aspectumq; uiuificū, longe est hoc ipso deterius. His tandem adductis in mediū nisi persuaferis, superstitiosum istum mittito semiuiuum, inò uero non

Christo-
phorus
Landinus.

Picus Mi-
randulæ
Comes.

uiuum. Proinde ut pluribus causam nostram patronis
agamus, addito Petre mi Nere Amphionem illum no-
strum Landinum Christophorū oratorem pariter et
poëtam. Ille noster Amphion suauitate mira celeriter
lapidea hostiū nostrorū corda demolliet. Tu uero Gui-
ciardine charissime compater, ito nunc, ito alacer, Po-
litianū Herculem accersito. Hercules quondam ubi pe-
riculosius certandum foret uocitabat Iolaum: tu nunc
similiter Herculem. Nosti profectò quot barbara mon-
stra Latium iam deuastantia Politianus Hercules inua-
scrit, lacerauerit, interemerit, quàm acriter expugnet
passim, quàm tutò propugnet. Hic ergo uel centū hy-
dræ capita nostris liberis minitantiā, statim contundet
claua flammisq; cōburet. Eia mi dulcissime Soderine,
surge age, Picum salutato phœbeum. Hunc ego sepe
Phœbum appello meum, ille me Dionysium uicissim
atq; Liberū. Fratres ergo sumus. Nuncia Phœbo meo
uenenosum contra nos Pythonē, ex palude imiā emer-
gentē. Tendat arcū obsecra, precor. Confestim spicula
iaculetur. Intendet ille protinus, scio quid loquar, uene-
numq; totū semel una nece necabit. Valete iam feliciter
amantissimi fratres mei, nō ualetudine tantū felici, sed
ipsa etiā felicitate digni: liberorumq; meorū in lucem
iam prodeuntiū ualetudinem felicitatemq; curate.


Decimoquinto Septemb. M. CCCC.

LXXXIX. in agro Caregio.

APOLOGIAE FINIS.

Q V O D

ad uitam securitas & tranquillitas
animi.



Arsilius Ficinus dilectissimis in uerita-
tis uenatione fratribus Bernardo Cas-
nifiano, Ioanni Canacio, & Amerigo
Cursino salutem. Quum primis hic in
uerbis uenationē quandā instituissemus, meritō forsan
canes statim adhibuimus et cursores. Apte quidem phi-
losophantes appellauimus uenatores, anhelā semper
ueritatis indagine laborantes. Num etiam apte canes?
Aptissime inquit in Republica Socrates: Philosophan-
tes enim uel legitimi sunt uel spurij. Ambo canes. Illi
quidē ueritatē ipsam sagaciter inuestigant, mordicus
inuentā tenent. Hi uero pro opinione latrāt, mordent,
lacerant. Tantū profectō canes inter philosophos sibi
uendicāt, ut nō solū seipsos in sectā aliquā inseruerint,
sed etiam sectam ipsi suam nomine Cynicam quandoq;
confecerint. Habet quinetiā suos Academia canes. Huc
ergo uos sagaces Academiae canes, huc uos uelocissimi
cursores aduoco. Treis enim estis. Treis ergo nūc meos
precor defendite liberos adhuc teneriores, inter lupos
(ut uereor) euestigio prodituros. Currite inquam ala-
cres, negotia enim nunc uobis optata mando, nō curas.
Georgium Benignū Saluiatum cognoscitis meum, qui
ueritatem illam, per cuius nunc uos uestigia passim ue-
nando discurritis, iandiu est sagaciter assequutus. Qui
et fratres suos Solis instar, maior ipse minores illustrat.

Huic igitur si quē lūporū ululatū audieritis, nunciate. Fortissimus ille Georgius omnes facile fugabit lupos, qui & uastum draconē quandoq; transfixit. Ille me igitur, ille solitudine simul & uos, cura leuabit. Solet enim inter uos aliquis, & quidem iam sæpius dicere, nihil ad uitā salubrius experiri, quā magna cum securitate tempora deglutire. Cæteri uero dicenti protinus arridere. Sed dic age Canaci, quidnam hoc tuū est toties repetitū, Tempora deuorare? Quid deniq; tibi uis? Nō esse inquit, sed bibere potius: nō mandere uel conterere, sed faucibus plenis ingurgitare. Siquidē tempus ipsum natura quædam est liquens (ut ita dixerim) atq; labilis. Lipientiū uero hæc est conditio, ut si cohibeas in angustū, subito perdas. Diffluunt enim coacta celeriterq; diffugiunt. Si aquā spongiæ imbibitā fortē cōpresseris, exprimes eam, statimq; disperges. Si latius hanc tenueris, retinebis: multo magis aërem, ignemq; & ætherē. Hinc apud Poëtas frustra contendunt, qui ampla Diuorū manium uel simulacra ulnis capeffere moliuntur. Late admodum accipienda sunt latissima. Lipientia & amplissima sunt amplissime possidenda. Tūc certe grauitē nos premit angustia, quādo animū ipsum motumq; eius naturaliter amplū, redigimus in angustū. Quicunq; studia negociaq; pensitāt examussum, & in minima quæq; semper exactissime deterunt, uitā interea suam, heu suam uitā clām miseri cōterunt. Recte igitur Pythagoras præcepisse uidetur: Caue ne
quando

quādo in angustū fortē cōhibearis: nihil cōlo amplius
nihil est uitalius. Angustissima uicissim terra uitam ha
bet in mundo quam minimā. Deniq; si cōlo temporeq;
uiuimus, quanto hēc latius absorbemus, tanto uiuimus
& diutius. Viuite ergo lati ab angustia procul ō ami
ci. Viuite lēti. Lētitia cōelum uos creauit sua, quā suo
quodā risu, id est dilatatione, motu, splendore declarat
quasi gestiens. Lētitia cōlū uos seruabit uestra. Ergo
quotidie in præsens uiuite lēti. Nam sollicitudo præsens
tium rapit uobis præsens, præripitq; futurū. Curiosita
tas futurorū celeriter in præteritū uos traducit. Iterū
igitur precor atq; iterū, uiuite lēti. Nam fāta sinunt,
dum securi uiuitis. Sed ut reuera sine cura uiuatis, ne
unam quidem hanc curam sumite, qua solliciti curetis
unquā, qua potissimū diligentia curas effugiatis. Vna
enim cura hēc mortalibus heu miseris omni cura cor
urit. Negligite igitur diligentia, negligentia uero dili
gite, atque hanc etiam negligenter, quoad licet uobis
inquā, atq; decet. Hēc autē non tam ut sacerdos amici
mando uobis, quā ut Medicus. Nam absque hac una

tanquam medicinarum omnium uita, medicinæ

omnes ad uitam producendam adhibetæ

moriuntur. XVI. Septembris,

M. CCCC. LXXXIX.

In agro Caregio.

Non abs re nobis uisum est his de Vita libris, eiusdem autoris Epidemiarū Antidotum ueluti coronidem adsuere: quā ille quidem sua uernacula lingua, hoc est Thuscana, precibus amicorū conscripserat: Nunc uero hic uitæ thesaurus à Hieronymo Riccio Ticinensi in coloniam Romanam deriuatus est, ut si unā cum uoluptate & cōmoditatem metiaris, non sit aspernabilis. Traduntur in eo morbi nedum definitiones, causæ morbi effectrices, signa, uerumetiam prophylactica, & præsentis mali curationē, uarijs diuersisq; corporibus accōmodatas, mira breuitate simulatque facilitate perstringens medelas. His fretus præsidijs uitæ & sanitatis rationem in eas, tibiq; persuade.

*Ανδρι δὲ ὑγιαίνειν ἀριστον, ὥς
γέ μοι δοκεῖ.*

MARSILII

MARSILII FICINI ²⁴⁹

FLORENTINI MEDICI AT-

que Philosophi clarissimi Epidemiarum Anti-
dotus, ex idiomate Thufco, à Hiero-
nymo Ricio latinitate donata.

P R A E F A T I O.



Per æprecium duxi, patriæ pietatis im-
pulsu, aliqua consilia contra pestilen-
tiæ morbum conscribere. Vt uero quisq;
huius penetrare intelligentiam & cu-
ram exercere possit, institui subtiles
omniscis longasq; disceptationes reijcere. Satis nanque
erit, quod quicquid in præsentia sum traditurus, etsi
breui uerborum contextu haud plura dici queant, suffi-
cientibus tamen rationibus, multorumq; tam priscorum
quàm recentiorum autoritatibus & experiētijs, præ-
sertim patris nostri M. Ficini, inter medicos præcipui,
qui haud paucos hac labe infectos pristinae sanitati res-
tituit, & comprobatum est & traditum. Imploramus
itaque Deum Opt. Max. humanæ uitæ largitorem,
necnon uerarum salutariumq; medicinarum reuelato-
rem, ut contra pestis pericula efficacia nobis detegat
remedia, utq; suum uitale donum nobis ad laudem glo-
riamq; suam conseruet.

Ficini præ-
sertim inter
Medicos
clarus.

Q s

QVID, QVALISVE SIT PESTIS.

CAP. PRIMVM.



ESTIS, uenenosus quidam uapor est in aëre concreatus, uitali inimicus spiritui: non quod propter elementarem aliquam qualitatem sibi contrarietur, sed specifica quadam proprietate. Veluti Theriaca, amica quidem est, nō quia calida sit uel frigida, sicca uel humida, sed quoniā ex uniuersa eius cōpositione forma resultat quaedam, uitalis formæ spiritus accōmodata: Sic & pestifer ille uapor non quia calidus, frigidus, humidus uel siccus, naturæ inimicus est, sed quia sua proportio quasi ad amūssim proportioni contraria est, in qua spiritus consistit in corde uitalis. Et quemadmodum continuō in terra nascuntur uenena, sic sepe numero nascitur uenenosus in aëre uapor: attamen nō ita potens, quia magis spargitur. Nec puro stabiliri potest in aëre, quousq; talis aër est spiritui conformis, & igni, qui ex suæ naturæ potentia alterius nō recipit naturæ mixtionē, unde fit quod nullam capiat putrefactionē. Sic purus & aër nullā recipiēdo mixtionē, putrescere minime potest. Rursus uenenosus huiusmodi uapor, humano ei solum applicatur corpori, in quo apti ad febrē extant humores, utpote qui ad putredinē inflammationemq; sunt dispositi. Etenim si
uitalis

uitalis potentior ipso fuerit spiritus, procul à se pellit: si uero debilior, fugit eundem, suum ueluti contrarium opus. Quapropter est ex usu, aërem, humores, & denique cor corrigere, purgare, roborare. Notandum (ut recte capias) quū dico uenenosum hūc esse uaporē, tu ne credideris ipsum fore talem secundum formā, & totam sui naturam, quia omnes inde inficerentur: Sed huiusmodi est qualitatis, ut quamfacilime in ueneni naturam transeat. Et proprie uenenum efficitur, quando per ipsum in humano corpore, certo quodā gradu putrescunt humores, simul & ebulliūt. Quod cōmuniter die tertia solet accidere, & interdū citius, maxime ubi quis superfluis abundat humoribus, præsertim sanguine & cholera. Et quando iam ueneni suscipit naturā, calcis uel Arsenici qualitatem recipit, cuius effectus est putrefacere, rodere, ardere intus & extrā. Summe igitur necessum est, ut his trinis effectibus, potissimum interius, omni qua possumus industria resistamus.

Aër nō uenenosus secundū totalem suā formā, sed qualitatem.

Epidemiæ ortus causæ, & quæ potissimū huic malo obnoxia sint corpora. Cap. II

Concreatur huiusmodi uapor in aëre, uniuersa-
lioris tempore pestis, ex malignis quibusdā constellationibus, præsertim ex Martis cum Saturno in signis humanis coniunctione, & ex luminariū eclipsibus: Qualis est præsentis pestis in anno scilicet millesimo quadringentesimo septuagesimonono: & qualis etiam fuit anno eiusdem millesimi, octauo, & hoc po-

tiſſimum lædit homines. Hisq; graſſatur in locis, quæ
 Horoſcopū ſiue ſuum Aſcendentem ob prædictos ſide-
 rum aſpectus infortunatū habent. In magis uero par-
 ticularibus peſtilentijs, præſatū naſcitur uenenū ex
 uentis & malignis lacunarū cloacarumq; uaporibus,
 atque pariter ex terræ motibus. At uero data iſtarum
 quacunq; cauſa, ſemper tamen groſſo potiſſimum re-
 gnat in aëre, inq; paluſoſo, nebuſoſo, ſœtido. Et quan-
 do ſubtilem ad aërem extenditur, penetrat, uelociusq;
 interimit: at citius, frequentius, diutiusq; in groſſo, ca-
 lido, humido, ſœtidoq; aëre regnat. Aſſerunt Doctōrū
 nonnulli peſtilentialem putrefactionem ſubtili prius,
 poſt uero groſſiori ineſſe aëri: ſed multo durabiliorem
 in groſſo. Haud ſcio quo mētis diſcurſu, quo fundamen-
 to primæ ſit mihi parti adhæredum, quum contrariū
 experiētia mōſtret. Præterea nobis ratio dictat, quod
 quum non purum, ſed tantummodo mixtum elementū
 putrefieri poſſit: quo minus eſt mixtum, quemadmodū
 eſſe conſtat ſubtiliorem aërem, eo minus aptum eſt ad
 putrefactionē. Et propterea eam non niſi per aſiduū
 ſuſcipit augmentū peſtiferæ ſiderum influentiæ. At ue-
 luti groſſior, mixta & ſtabilis aqua facilior putrefieri
 ſolet, ſic utique haud difficulter putrefactionem recipit
 groſſus & nebuſoſus aër. Hoc dat præceptū Raimun-
 dus, quod peſte inferius excitata, altior ſubtiliorq; pe-
 tendus eſt aër: ſed orta ſuperne, per duos meſes pri-
 mo fugiendum eſt deorſum ad groſſiuſculū frigidum,
 humidum,

humidum, purumq; aërem, ubi rara esse soleat infirmitas. Sequentes uero duos menses ad mediam aëris regionem, deinceps ad paulò altiore, uidelicet siccum, frigidū & subtilem, semper fugiendo calidū, humidū, & nebulosum. Quo in aëre tales sunt homines, quales turbidis pisces in aquis. Id insuper facit pestilentialis aër in hominibus, quod caliginosæ putresq; in piscibus aquæ. Sed quod hominibus uenenū est, non oportet ut semper tale cæteris sit animantibus, propter cœlestiū signorum ac animalium specierum diuersitatem. Hinc oritur ut de illorū opinione quid dicam, ignorem penitus, asserentiū quando pestilentiale incipit in aëre uenenū, quod tunc quæ semper in alto degere solent auiculæ, descendunt ad ima, & planitiem inhabitant: Sed quādo in terra oritur, tunc lumbricos & serpentes exire dicunt de sinu terræ, & auiculas quarū consuetudo est uolare habitareq; ad imū, sublimia petere, & montes adire. Addunt præterea, quod quando primum in aëre, post uero in terra uenenū accenditur, interdum fugiunt animantia ex alto deorsum, & exinde rursus altiora repetunt. Hinc est quod uulgò dici solet, uultures seu miluos pestilentiali cedere aëri, & quæ loca huiusmodi tenent milui, pestifero non subesse aëri. Sæpius audiuius hanc contagionē ab hominibus transiisse ad porcos. Fieri forsitan id potuit per aliquā non quidem spiritus, sed carnis similitudinē. His proxime elapsis diebus semel atq; iterum pestilentiæ morbū ex

una in alteram domū tulere feles & canes, ipsis tamen nulla ex parte hac cōtagione lēsis. Nec ulla te propterea admiratio capiat, quod interdum sine omni nocu-
mento, homo uel bestia prādictū suscipiant uaporem,
ac tamen alios inficiant. Ignitum nanq; ferrum stupam
consumit & paleam, ipsum uero nullatenus consumia-
tur. Hoc enim ex recipientis subiecti dispositione pro-
uenit, in quo potissimum secundum Aristotelem, Gale-
num & Auicennā, rei consistit effectus, ita ut his pro-
ximis diebus binus nostro in rure puerulus integro ste-
tit die, infecto cum puero, annorū plus minus septem,
cibo sēpius uescebatur infecti ore pueri masticato, neq;
ullam ab ipso morbi labem suscepit, qua tamen correa-
pti fuerunt alij longiuscule distantes. Nec nimiam ha-
beas tua in dispositione fiduciam, cogitando te eius esse
ualetudinis ut minime hęc tibi timenda sit cōtagio, sed
hunc physicū obserua canonem: Quod quando multū
disposita est materia, agens tunc causa quantumcunq;
imbecillis, citō producit effectū: sic accendit stupam &
sulphur fauilla ex suscipientis aptitudine. Et contrā,
potentiſſima quæ fuerit causa, etiam in nō dispositam
operatur materiā. Et licet sulphur ignis suscipiat ope-
rationē citius q̄ lignū, et siccū lignū minuteq; incisum,
facilius quā cætera ligna: ardēs nihilominus fornax
ligna statim rapit in flammā, & grossiora & uiridia,
eo quod summa agētis potentia citō disponit atq; infor-
mat. Et multoties pestifer huiusmodi uapor fit suarū ui-
causarum

causarū potentissimus, nec scire tu poteris quando scilicet hoc fiat. Et licet uno in tempore talis non adsit dispositio, est tamen futura in alio.

Quo pacto & quales temperaturas pestis ex contagio feriat ocysime. Cap. III

Venenosus iste uapor adeo subtilis saepenumero existit, ut uisu diiudicari nequeat: interdumq; dissoluitur, sed facile exinde regeneratur, manente ad hoc ipsum disponente, influētia: iamq; tametsi pusillus à principio fuerit, tamen multo magis quam sulphur, quū accenditur, uelociori q; cursu de loco in locum expanditur, & longe magis cōtrariatur uitali cordis spiritui, qui est uapor ex subtili sanguine, quam sulphur naso. Eiuscemodi uapor solum in dispositis ad hoc corporibus infecto ab aëre accenditur: sed postquam est accensus, corporibus mira uelocitate facilitateq; accensum ueluti sulphur, plus quam antea circumqua; dilatatur, praesertim quando subtili in humore, & tenui aestatis aëre accensus fuerit, et spargitur, salitq; ex uno in alterū corpus. Accenditurq; potissime ubi maior est naturae similitudo, & in corpore recrementis pleno, cum foetidis intus & extra uaporibus, & in cibis humoribusq; superfluis, & ad inflammationem putredinemq; aptis: & ubi calida est materia, et humida, corue coitu debilitatū. Et pariter in corpore passionibus animae defatigato, & ultra modum calido, quodue balneis est assuetum, cuiusue pori sunt nimis patentes, seu multū oppila

Pueros &
foeminas pe-
ste capi plu-
rimum.

multū opitulati. Hæc quidem Galeni & Auicennæ fuit
sententia. Pueri & foeminae multū ad pestem sunt apti,
eo quod tenuis mollisq; materia ad transmutationē est
facilior, & pleni sunt humoribus ad putredinē aptis,
estq; præter modum & ordinem illorū uita. Quem-
admodum enim perturbat confunditq; uinum calidus
uentus & grossus, sic pestifer iste uapor inficit cogitq;
circūquaq; ad cor, primo spiritus, postmodum humo-
res, qui iam putrefacti ebulliūt. Est uero hæc ebullitio
febris ipsa, quæ per uniuersam inde spargitur: plus q̃
cæteræ bullit seu inflat: quia tanta est uenenosa mate-
ria, ut natura quantū potest principalibus à membris
hanc statim conetur expellere. Iste quidē uapor omnē
maculare potest humorē, sed potissimū sanguinē, secun-
do cholerā, tertio phlegma, quarto uero melancholiā.
Vnde fit quod magis huic subijciuntur periculo sangui-
nei, paulò minus cholerici, postmodū phlegmatici: &
minus reliquis melancholici, quia frigidus et siccus hu-
mor ad inflātionē & putredinē ineptus est, & ma-
xime quia strictos habent meatus per quos transire ue-
nenū oportet. Idcirco senes minus sunt pestifero morbo
obnoxij: licet huius anni pestis nec seniores etiā relinqui-
rit intentatos. Cuius fortè ratio fuit quod ultra cæteros
aduersos siderū aspectus, Saturnus retrogradus domi-
nus fuerit anni. Est mirū dictū, quod, licet ex urbe no-
stra Florētina uniuersus fermè populus aufugerit, omni
tamē die uita functi sumi circiter centū et quinquaginta.

De signis

De signis indicijsq; pestis. Cap. IIII

QUæ uero signa indicent, quibus febrem esse pestilentialem faciliter & clare deprehendatur, haud tam facile ostendere quisquã potest, propter tam multiplicem accidentiũ diuersitatẽ & fallaciam. Hoc enim testatur uniuersus Doctorũ conuentus, p̄sertim Auenzoar & Rasis. Erit nanque clara interdum urina, eo quod non pertingent ad hepar humores: apparebit modica febris, eo quod non erit calido in humore uenenũ, seq; propterea non diffundit ad extra: sic statim morietur patiens. Videbitur interdum restitutus, eo quod natura primo in aggressu uenenũ à corde depulerit: tamen paulò post destituetur spiritu, eo quod potens non erit secundum pellendi aggressum. Ex quo primo lassata fuerit conflictu, etiam quia uenenũ multiplicatũ est, uel magis mutatum in malignũ, uel propinquius factum cordi quàm prius. Omnes ferè in principio aliquantulũ in melius tendere uidentur, quia tunc robustior natura tantum contra hostem omnes colligit uires: uerũ in alijs minus malis ægitudinibus, ad tam repentinum tantumq; non inducitur conatum. Videbitur præterea uirtutis robur obtinere, quia dictum uenenum non alijs ut cordi membris à principio contrarium est, & quando ipsum cor aggreditur statim interimit. Quare his in temporibus haudquaquam conuenit morbi signa examinando moram trahere, quia falleris, nec te natura expectabit, nisi administrando re-

R

media festinaueris. Hac igitur de causa his quū tempō
 ribus febrem adesse cōspexeris, præsuppone quod ad
 sit, uel citò futura esse possit pestis, ac ei pestilentialis
 curam febris administra, & eo maxime quod quandiu
 uenenosa durat aëris influētia, omnis superflui humor
 facile inficitur: Et omnis quaecunq; fuerit infirmitas, in
 pestilentia facile transire poterit, febres præsertim su
 riosæ et continuæ. Vnde cōmuniter euenire solet, quod
 hoc morbo tempore nulla præter pestem ægritudo
 appareat. Quod si aliæ & multiplices quidē apparue
 rint ægritudines, tunc pestilentia remittitur & cessat.
 Sunt nōnulla pestilentialis febris signa, uidelicet febris
 cōtinua absq; ordinata & manifesta declinatione, cum
 magna anhelitus & pectoris angustia, cum repentina
 pulsus debilitate, cum uniuerſi corporis grauiamine,
 præcipue capitis, phrenesi, anxietatibus, ardore, siti,
 sanguineis maculis pluribus in locis: cū urina grossa,
 turbida, et qualis est iumētorū. Memineris tamē quod
 signa fallunt. Aduerte insuper, quod quicunq; puer eo
 tempore uermiū laborarit infirmitate, dici poterit pe
 stilentia infectus, quia est materia ad pestem disposita,
 ut sulphur ad ignem. Hoc multi nescientes medici, iu
 uandi studio post sunt fraudati. Et ex signis propinquæ
 pestis ultra aëris turbiditatē, & animalium ex putre
 dine genitorū abundantiam, est principaliter uermiū
 multitudo, uariolarū & morbillorū, febriumq; conti
 nuarū & conclusarū, urinæ turbidæ, oculorū rubo
 res,

res, excoriationes palati, phrenesis, & uniuersaliter quacumq; in febre, qua se uersus cor frequenter dirigit humor, humanam significat complexionē ad pestem esse dispositam. Scias iterum, quando multo tempore pestifer uapor in aëre durat, tunc aquam terræq; fructus inficit: propterea tutius est aquam decoquere, uel ferratam scilicet aquā conficere, cum eaq; uinum lymphare, quia uinum fumosum est, & non conuenit iuxta Auicennæ & Rasis sententiam his in temporibus merum, utpote purum. Opportunum præterea alia quæ sumuntur in cibū rebus boni odoris corrigere, & cum salsis acetosis ue saporibus, præsertim quando pestis post terræ motū oritur. Præstiterit quoq; non parum rebus uti aridis, in locis odoriferis & æditis locis nascentibus, & inhabitare montes & colles.

Prophylactica cura à diætâ & uictus ratione in statu pestilentiali. Cap. V

Abstinendū est tempore pestifero à rebus inflammantibus & nimis aperitiuis, quia facilius ad uenenū suscipiendum disponunt. Videlicet cauendū est extrâ à solari calore, pariter à calore ignis, uestimētorum: & intrò, à sale, à speciebus & medicinis calidis, similiter ab herbis intense caliditatis, à multo usu acriminū, excepto cape & cichoria, uel raphano cum aceto, quia ueneno aduersantur. Item à uino nimium fumoso, ab exercitio post cibū, præsertim tempore calido: & à sudore, quia humores alterat: & in aëre infecto

R 2

non licet se multū aëri exponere, nec excessiuo sub diu
 uo exercitio, quia calefaciendo & poros aperiendo,
 statim multum de aëre suscipit infecto. Item abstinenda
 ab facientibus oppilationem & putrefactionem,
 quia pestilentialis dant febris materiā, qualia sunt uis-
 cosa, frigida & humida: præsertim quando aliquid
 accidentalē seu extranei caloris suscipiunt. Etiam à ui-
 scosis, calidis & humidis, ubi humidum calido prædo-
 minatur & male decoctū est: & ut summatim dicam,
 humiditas putrefactionis est mater. Et quæ extra nos
 difficulter conseruatur, etiam in nobis haud facile con-
 seruari poterunt. Vitandi igitur pisces quantū fieri po-
 terit, in quorum genere parui minus nocent pisciculi,
 & qui ex flumine sunt claro, petroso, & corrente, friga-
 xi in oleo cum sale, & immersi staphisagria seu aceto,
 aut succo aranciorum cum sale & modico piperis, uel
 cinnamomi. Etiam uitandū est lac, & omnia recocta.
 Quod si eo uti uolueris, sit primū inter alia cibaria et
 modica quantitate cum parum sacchari. Fructus uitan-
 di sunt omnes, exceptis amygdalis, cerasijs acetosis,
 pyris, chrysomelis, persicis, pomis cydonijs, auellana-
 nis, prunis siccis, prunellis, mespilis, & cornulis, mā-
 lis appijs, mālis granatis, malatestis. Cæteris uero fru-
 ctibus nequaquā utere, uel raro, uel rarissime. Poteris
 tamen diutius uti fructibus & herbis frigidis, siccis &
 acetosis, uel aliquantulum amaricantibus. Sed utendo
 fructibus calidis & humidis, ut sunt ficus, iua, mora,
 cerasa

cerasa dulcia, fac sint modica, & immediate post co-
 mede pomū anaranciæ cum sale. Præterea si uteris frī-
 gidis & humidis, ut sunt melones, pisces molles & te-
 neri, pruna pinguis, sume paulò post aliquid fœniculi,
 & pomi anaranciæ cum sale, suprabibendo parum uī-
 ni boni & odoriferi. Vitare etiam debes fungos & her-
 bas humidas, portulacas, cucurbitā, & omnem humi-
 ditatem, necnon & rem quæ facilis est putrefactionis.
 Cauebis quoq; fructus & res nimium dulces & humi-
 das herbas: permitto tibi lactucam permixtam mentæ
 uel cinnamomo. Eandem quoq; corrigere poteris cum
 basilicone, chariophilato minutissimo & quasi ad rus-
 bedinem quandam tendente, odorem habente chario-
 philorū: est enim cordi gratissimū. Concedo etiam tibi
 cucurbitā, & herbam, quæ Tusca lingua Selbastrela
 appellatur. Rursus aduerte, ne te Rasis sentētia fal-
 lat, quæ tempore multum calido admittit olera & fru- Rasis Ca
 ctus frigidos & humidos, quia Aegyptū ipse inhabita non.
 bat ubi extrema est siccitas, ubi eiusmodi fructus &
 olera sunt exquisite à natura decocta. Cautus igitur
 esto ne talem præsumas licentiam in regionibus nō si-
 milibus Aegypto. Notandum insuper quod res aceto-
 se, asperæ & acres in conseruatiuo æque ac curatiuo
 administrandæ sunt regimine; quia periculū potissimū
 imminet in calido et humido, & in putrefactione illinc
 dependente, in spirituū resolutione, inq; accessione ue-
 neni ad cor. Res itaq; prædicti saporis omnibus iam di-

R 3

Etis obsistunt malis, quia refrigerant, desiccant, conseruant, cōfortant, restringūt, et uniunt. Operæ precii hic est meminisse, quod res nimis acres, ubi timetur pectoris strictura, aut stomachi debilitas, temperandæ sunt cum saccharo, sale et lacte amygdalarū, cinnamomo, pipere, foeniculo, croco, ouis, et modico pinguedinis. Cōmendo plurimū panem speltæ, hordei, et fercula ex his condita. Item biscocta, risum, passulas tendentes ad acredinem, panem optimi grani sufficienter coctū cum modico salis. Vtere sæpius capparibus cum aceto, et aliquando eo genere casei, quod Florentini Marzellinū uocant. Vitandus est caseus multum pinguis uel salsus. Nec laudo tibi caules nec legumina, exceptis lenticulis. Prohibeo super omnia phaseolos, nec laudo multū rapas et spinachias. Concedo tibi petroselinum et pastinacas. Prohibeo autem crucam, cariotas, sapam, sinapi, citrullus, melones, bacellos, cicer recens, cucumeres, cerasia dulcia et mollia, uuas, ficus dulces et mora. Nec te repleto nimio uino, carnibus et ouis, ne nimium sanguinem, choleram, putrefactionem inflammationemq; multiplices. Vtere ouis cum agresta et aceto et pomis anarancijs. Carnes sint leues et siccæ, bene coctæ, pulli, auiculæ, hœdi castrati, piones, turtures, et syluestres auiculæ. Si usus fueris carnibus humidis sint assatæ, sed fac ut intus per totū bene impleantur cum acribus condimentis et acetosis, cum modico piperis, cinnamomo, coriandro et sale. Vina turbida

turbida sunt omnino noxia, & præsertim musta. Esto in cibo & potu plus solito parcior: cibus sit aliquantū copiosior potu. Nec tamen uolo ut nimiam feras sitim & inediam. Caue stomachum fastidire permittas, sed eum præserua cum cibi & potus mediocritate, cū exercitio & ieiunio, cum appropriatis euacuationibus. Abstine à coitu & passionibus animæ excessiuis, nisi forsitan per coitus abstinentiam te omnino grauatum perceperis. Ad mentem reuoca dictum Auicennæ tractatio naturalium, quod superflua per coitum seminis euacuatio plus nocet quàm si quadragesies tantum exiret sanguinis. Dixit Hippocrates, coitū speciem esse quadam morbi epilepsiæ. Caue ab aëre multum núbilo, denso, recluso & humido: ac scias aërem qui non frequenter mouetur & innouatur, ubi nec uentus nec Sol penetrat, nec purgat, facile mixtionē suscipere & putrefactionem uenenosam, ueluti immobilis aqua. Ab hominum te turba semoueto, præsertim existens ieiunus, & quando calidum successerit humido, & humidū calido. Declinato etiam aërem nimis calidum, quia aperit & nimis debilitat. Habitatio tua sit spaciosa, sicca, aërem recipiens siccum continuū, & tempore æstatis subinde recentem. Caue quando multum incalueris, ne te protinus exponas frigido uel humido, nebuloso, & uento calido & humido, præsertim in locis infectis, & de infecto loco ueniente, etiam ab omni uento de prædictis locis flante, nisi fuerit nimis longe distans, aut fras

Etus pluuijs. Ventus autē qui aërem in frigidat & sicc
 cat & serenat, sua natura est salubris, si cum cum tem
 peramento receperis: & est principalis medicus con
 tra huiusmodi uenenum. Magnam adhibe curam ui
 tando uentos à stagnis uel paludibus uenientes: aquas
 fuge putridas herbas cōtinentes, immaceratumq; linū,
 & quencunq; prauum odorem. Procul esto à caulium
 nucum ue odoribus, & foetidis ab herbis. Abstinendū
 item à balneis, à somno meridiano, ab adhærenti ara
 etoq; hominū consortio. A turba fuge citò & procul,
 ac tarde reuertaris: quoniam longo durare solet tem
 pore uenenum, ad offendendum perquam promptissi
 mum. Vtere cibis siccis, optimi saporis, acribus, acce
 tosis, uitando brodium, pinguedinem, dulcia, uiscosa:
 uinis subtilibus, clavis, odoriferis, aliquantulū fumosis
 sed parum acetosis, non dulcibus, dilutis aqua multum
 subtili & clara. Summa, omni tempore à rebus caue
 sanguinē generantibus aut nimitū, aut aquosum, gros
 sum & turbidum, & pariter quancunq; rem stoma
 cho nocentē. Hæc est regula cibi potusq;. Vtilis est,
 iudicio meo, omnibus superspersa cibarijs talis specie
 rum cōpositio. Accipe sandalorū rubeorū unciam di
 midiam, cinnamomi electi drachmas tres & dimidiā,
 croci drachmā dimidiā. Gentilis omni tempore his
 utitur speciebus. Sume cinnamomi semunciā, mannæ
 drachmam unam & dimidiā, chariophilorū, becn
 albi & rubei drachmam dimidiā, corallorū rubeo
 rum

rum drachmā unam, cardamomi drachmas duas, croci drachmam dimidiam, sacchari ad pondus omnium. Item nonnulli aliam habent descriptionē, & est talis: Cape margaritarū drachmas duas, corallorū alborū & rubeorum drachmam dimidiam, rosarum, spodij ana scrupulum unum, cinnamomi drachmam unam, croci scrupulum unum. Item, Sume cinnamomi unciam dimidiam, chariophilorū drachmam dimidiam, corallorum rubeorū scrupulos duos, croci drachmam dimidiam, sacchari ad pondus omniū. Pro primo cibo utile est, nisi te calor offenderet, sumere ficus, rutam, & nuces cum sale, præsertim tempore frigido uel humido. Notandum quod speciebus multum calidis, ut est quarta compositio ex his quas narrauimus, utendum est solum in ferculis multum humidis, frigidis & acetosis, alijs uero uti possumus in omnibus. Post cibum magno sunt adiumento semina coriandri præparati, & etiam secundum Auicennam ieiuno stomacho, qui hæc ipsa tali in casu plurimis effert laudibus. Vt re ieiuno stomacho frictionibus, bene pectina capillos, omnē expurga superfluitatē, uniuersum corpus mundum cōserua. Matutino tempore ignem præpara temperatum, & interdum quandoque, præsertim humidis temporibus. Bonis sæpius odoribus domū suffumigato, similiter & uestimenta. Admoueas naso pariter et ore teneas ubi plus opportunum fuerit, aliquid theriacæ: alijs uero in locis siue temporibus, corticem citri, &c.

doariam, uel modicū thuris: manu etiam supradictum
gestare poteris cedrinum pomum. Cape ladani dra-
chmam unam, been albi & rubei, rosarū rubearū ana
drachmas duas, styracis liquidæ scrupulū unum, myra-
rhæ, mentæ, chariophilorū ana drachmā unam, sana-
dolorū alborū & rubrorū, camphoræ ana drachmā
dimidiam. Fac pomū cum aqua rosarum muscata, sus-
pende collo cornu unicornis, hyacinthū, topazium,
& smaragdum, ut pectus tangat, & etiam in ore.

Dixit Auicenna, fore necessariū ut hyacinthus & si-
milia, à naturali calore nostro calefiant, qui illorū ad
actū producat uirtutes, ut operentur in nobis. Fer tecū
etiam in manu ad odorandum poma odorifera, præ-
sertim citri, limonum, aranciorum. &c. Sæpius ablue
os, faciem & manus aceto, & aliquando cum uino po-
tenti: Nec omittas odorem mentæ, melissæ, querculæ,
rutæ, uiolarū rubearū, & myrti. Vtere odoribus fri-
gidis, quos tempera cū calidis, ita tamē ut frigidi præ-
dominentur, præsertim calidis temporibus, quia calia-
dus per se aperit odor & inflammat, quamuis aërem
purget. Super omnia cura, ut hoc facias, scilicet, per-
misce æquali parte acetū rosatū albū & aquā rosarū
cū uino albo potenti, cū modico zedoariæ uel corticis
citri: de qua sæpius modicū aliquid bibe, & sæpius cū
ea manus lauato & faciem. Defer tecū in spongia cum
ligno fraxini, & laua etiam cum eisdem manē & serō
tepidis, uniuersum corpus. Vtere temperato exercitio
sub tecto

sub tecto quando es in locis infectis, ieiuno stomacho, sitq; locus exercitij spaciosus: alijs autem in locis facies exercitium sub diuo & pariter ieiunus. Rustici bibant loco uini acetum permixtū aquæ. Admonco omnes, ut non nisi summa cum cautela res tangant ex infectis locis allatas, nec quicquam gustent ex illis nisi coquatur, mundetur, uel abluatur. Haud equidem scio an dicere in præsentia debeā, an silentio potius præterire, quod Doctorū nonnulli sæpius ieiuno stomacho dare solent in potu, urinam pueri recens emissam, uel lixiuium. Detur pro remedio rusticis accommodato.

Præseruatricuratio Epidemiæ. De pilulis & pulueribus præseruatiuis. Cap. VI

NEcessaria nobis est bis in hebdomada, ipsa omnium compositionū regina, cœlitusq; tradita theriaca. Vera quidem theriaca, ut eam noscas, saporem longa mora in ore conseruat, & stypticitatem ingerit uentri: ætatis esse debet annorum quatuor, & non ultra duodecim: de ea debet antea fieri experiētia in uenenatis animalibus. Theriaca electa iuxta Galeni, Auicennæ, Auerroisq; sententias, securū reddit hominem ab omni ueneno, morboq; uenefico. Etiā in ipsa pestilentiali febre admittitur. Dixit Galenus se inuenire, theriacam plusquam res omnes esse diuinā in conseruando & curando. Dixit Moses Aegyptius, mirabilem factam esse cum ea experiētiā in pestilentia Antiochensi. Nec silentio transcundū puto Galeni typum.

Theriaca
probæ
indicia.

dicentis : Pestem esse draconē cum corpore aëreo, qui
 uenenū contra hominē spirat: et theriacā purgatoriū
 quoddam esse, purgans uenenū & draconem domans.
 Accipiatur post cibum horis nouem, & ante cibum ho-
 ris sex uel septem. Qui eam sumere non potest, saltem
 cordi apponat & stomacho nasoq; & pulsibus: frea-
 quentius detur drachma una prouectis, alijs uero dra-
 chma dimidia, seu scrupulus unus. Qui calidæ sunt
 temperaturæ, bibant æstiuo tempore sumpta theriaca
 tertiam partem cyphi aquæ rosarū cum modico aceti
 rosati: alij scilicet alterius complexionis, & alio tem-
 pore, sumant cum uino albo permixto cum aqua sca-
 biosæ & melissæ. Quod si theriaca non affuerit, uel
 non cōpetens fuerit tuæ naturæ, sume Mithridatū. In
 alijs diebus hebdomadæ sume pilulas contra morbum
 saltē horas quatuor uel quinq; ante cibū, unam scilicet
 aut duas, uel plus, secundum complexionē, superbiben-
 do parum de uino albo cum aqua scabiosæ & melissæ
 temporibus frigidis: uel cum aqua rosæ & cum aceto
 rosato tēporibus æstiuis. Pilulæ antiquiores sunt istæ:
 Sume myrrhæ, croci, ana unciam unam, aloës uncias
 duas, sed quia nimiū aperiunt, calefaciunt, resoluuntq;
 spiritus, ideo nonnulli abluunt ipsum aloë, & addunt
 terram sigillatam, uel bolum armenū secundum dosim
 myrrhæ, uel addunt camphoræ ad dosim tertiæ par-
 tis myrrhæ, sed eligibilis est bolus armenus. Nōnulli
 componunt sic: Accipe aloës drach. sex, myrrhæ dra-
 chmas

chmas tres, seminum citri scrupulos duos, tormentillæ
drachmam dimidiam, croci drachmam unam, reubar
bari drachmas duas, chariophilorū scrupulum unum,
agarici, corticum citri, sandalorū rubeorum ana dra
chmam unam, seminū citri scrupulos duos, seminis ace
tosæ drachmam unam cum dimidia, corallorū rubeo
rum drachmam unam cum dimidia, boli armeni dra
chmas tres, camphoræ grana duo, confice cum syrupo
de citro. Auicenna & Auerrois dicūt, qui utitur aloë,
myrrha & croco nunquam periclitabitur peste. Præ
dictæ compositiones temperant illorū qualitatem, &
uirtutē augent. Sed multo melior est cōpositio Nicoli,
secundum quem ueræ pilulæ sunt istæ: Sume myrrhæ,
croci, boli armeni, charabe, corallorum rubeorū ana
drachmā unam, emblicorū drachmas duas, aloës loti
ad pondus omniū, fiant pilulæ cum uino albo, odorifē
ro. Credo quod essent nobiliores, & magis ad propo
sitū, si loco emblicorū ponerentur terræ sigillatæ dra
chmæ duæ, & boli armeni drachmæ tres, fiant pilulæ
cum acetositate citri, & accipiantur cum uino albo,
aqua rosata, aceto rosato. In alijs uero sequatur coma
positionē prædictā. Fac autem ut aloë sit splendidum,
leue, aliqualeter rubescens, delicatū, odoriferum, fran
gibile, pinguescens, & immittendo super ipsum flatū,
madescit. Sit & myrrha clara, & corallus delicatus,
absque theriaca & dictis pilulis non bene fieri poterit
præseruatio. Itaque præ omnibus alijs utere duobus

prædictis, scilicet theriaca, duobus diebus diuersis, & pilulis tribus saltem, quia desiccando humiditatē præseruant à putrefactione. Etiam fortificant cor, stringūt meatus, ne uenenū transitum habeat ad cor, & ipsum illinc depellunt. Videtur mihi quod aloë in prædictis pilulis, quando sunt tempora humida & frigida, similiter & complexio, nō debet lauari, sed in alijs temporibus & complexionibus sumere pilularum compositionem in pulueribus: melius est solum quādo opus est festinatione. Potest etiam sumi ante cœnam tribus horis uel quatuor, sicut etiā ante prandium. Poteris etiā semel in hebdomada, uel duabus uicibus aut plus, quando pilulæ offenderent (licet nullius sint offensionis) in tempore hyemali & humido, loco pilularum sumere ficum siccum cum dimidio nucis, cum modico rutæ & parum salis, superbibendo parū aquæ rosarū uel acetī rosati. Quod si & istud te offenderet, utere loco illius non accipiendo aliquid aliud, parum panis tosti intincti in uino albo potente, cum pomo anaranciæ, made facto in aceto rosato, & intincto cinnamomo. Sunt nōnulli qui dant huiusmodi pilulas sero uel mane unam scilicet pro uice. Sume ligni aloës drachmā dimidiam, tormētillæ scrupulos duos, dictami albi scrupulū unū, zedoariæ drachmā dimidiā, croci drachmā unam, berberis drachmā dimidiam, cornu cerui adusti scrupulos duos, sandalorū rubeorum scrupulum unum, seminis acetosæ & corallorū rubeorū, boli armeni ana drachman

chmam unam, camphoræ scrupulos duos, gemmarū
ex quibus fit electuariū de gemmis, drachmam dimi-
diam, margaritarū drachmam unam, hyacinthorum
drachmam dimidiam, confice cum syrupo de ribes,
uel de limonibus. Ego autem in omni tempore etiam in
calido, eiusmodi pilulas dare soleo. Sume zedoariæ, Pilulæ Mar
ligni aloës, agrimonie, croci, aristolochie rotundæ, filij.
dictami albi, gentianæ, corticū citri, seminis citri ana
scrupulū unum, coriandri præparati, tormentillæ, san-
dalarū rubeorum, corallorū rubeorum, rosarum ru-
bearum, spodij, emblicorū ana drachmā unam, terræ
sigillatæ drachmas duas, boli armeni drachmas qua-
tuor, fac pilulas cum acetositate citri, quas administra
cum uino albo, aceto rosato albo, & aqua rosæ. Ego
multū adhibeo fidei huic nostræ compositioni, cum aca-
cipiendo quando non sumitur aliquid de pilulis cū aloë
compositis. Etiam post operationem prædictarū pilu-
larum, additur ipsi compositioni, ambre, musci, hya-
cinthi, smaragdi, topazij, margaritarum, cornu uni-
corni ana scrupulus unus. Melius, etiā erit laudabile
multum, bibere ista cum uino acetofo, uel aceto albo,
cum aqua rosæ, terra sigillata & bolo armeno, cum
exigua portione smaragdi, & hyacinthi, & topazij,
uel saltem cum margaritis & corallis. Ista multū com-
mendantur à Galeno & Auenzoar. Alij dant cortices
& semina citri, & limonū, cum uino uel aceto rosato,
& aqua rosarū. Ego uero frequenter dare soleo hanc

simplicem confectionem & quidem efficacissimā atq;
 securā, cum uino albo, uel aceto rosato & aqua rosa-
 rum. Accipe boli armeni drachmas duas, terræ sigilla-
 tæ, corallorum rubeorum ana drachmā unam, corti-
 cum citri, zedoariæ, croci ana drachmam dimidiam,
 sacchari rosati ex rubeis rosis conditi uncias sex, ace-
 tositatis citri uncias decem, fac electuariū. Raimundus
 & Arnoldus, theriacales quasdam pilulas tribus mo-
 dis cōponūt. Primo, sume boli armeni drachmas tres,
 barbæ tormentillæ drachmas duas, barbæ herbæ tūni-
 ci drachmam unam, sacchari ad pondus omnium, fac
 pilulas. Item, sume ambræ drachmam dimidiam, mu-
 sci scrupulum unum, camphoræ grana sex. Item, acci-
 pe smaragdi, hyacinthi, topazij ana partes æquales,
 triturentur & lauentur sicut abluit Mesue lapidē la-
 zuli, fac pilulas cum succo acetosellæ. Dicūt huiusmodi
 lapides ab antiquis appellari Bezoar, id est liberato-
 res mortis, & quod in hoc theriacam excellunt quod
 ipsa uenenū à se pellit, non trahit ad se: huiusmodi au-
 tem lapides utrunq; faciunt, ideo debent per os admini-
 strari. Etiam possunt superponi plagæ, morsuræ, &
 bullæ uenenosæ. Hac etiam utuntur compositione, sci-
 licet auri optimi, margaritarū, serici crudi triti. Lau-
 dant etiam electuarium diambæ, de gemmis & chera-
 mes Mesue: laudant granata, rubinos, carbunculos,
 sapphiros, palladios, corallo, grana tinctorū, & lapi-
 dem inuentū in capite aspidis, & pariter cornu suum,
 & cornu

Lapides
Bezoar.

Et cornu unicorni. Item electuariū laticans Alman-
foris cum re aliqua refrigeratiua. Vtere etiam rebus
sanguinē clarificantibus, ut sunt lupuli, myrobalani,
fimus terræ. Credo quod uti semine iuniperi cum semi-
ne myrti sit multum utile contra huiusmodi uenenum.
Item tale electuarium: Sume citrum unum integrum,
maceretur bene Et coquatur cum saccharo Et aqua ro-
sarum. Et ubi non habetur citrus, fac cum limone seu
pomo anarancio integro: multi utuntur uerbena. Sum-
mare solitus pauperibus parum panis bene tosti, intin-
cti aceto cum modico rutæ, Et aliquando cū cepæ por-
tiuncula. Do etiam nonnunquā ad superbibendum pa-
rum uini puri. Item eiusmodi panem tostum intinctū
aceto rosato cum pauculo cinnamomi, quādoq; super-
sumendo pomū arancium, Et parum boni uini. De his
quidem rebus administrare poteris, modo unā, modo
alteram, his scilicet diebus quibus theriacā non sumis,
nec ueras pilulas, uel etiam illis eisdem diebus post ue-
speras. Vti etiam poteris sero, ieiuno stomacho, parū
istius nostræ confectionis: Cape sacchari rosati, diama-
renati ana uncias quatuor, coriandrorū preparato-
rum, corallorū rubeorum ana drachmā unam, cinna-
momi drachmas duas, sed æstiuo tempore drach. unā,
sandalorum rub. croci ana drachmā dimidiam, uerum
in æstate croci scrupulum unum: confice cum acetosi-
tatis citri uncijs quatuor, superbibe parū uini optimi,
uel aceti rosati. Poteris etiam uti eo matutino tempore

S

aliquando loco prædictarū. Dixit Raimundus, quod
 suo tempore iuncti fuerunt Saturnus, Iupiter, & Mars
 in undeuigesimo gradu Aquarij, anni millesimi tri-
 centesimi gradagesimioctauī, in mense Martio, quæ
 quidem coniunctio horribilia significabat, præsertim
 graues pestilentias frequentius per spaciū annorum
 quadragintaquinque, eo quod fuerit in signo humano
 fixo in domo Saturni. Inter quas erat pestilentia illa
 anni quadagesimioctauī, ubi Medici Parisienses &
 ex Auinione, & Pedimontani nouam composuerunt
 theriacā ab ipsis expertam, & cum felicitate eos con-
 seruauit. Arnoldus Receptā conscripsit, quā Raimun-
 dus eiusdem discipulus his uerbis recitauit: Sume semi-
 nis iuniperi drachmas duas cum dimidia, chariophilo-
 rum, macis, nucis muscatæ, zedoarij, zinziberis ana-
 drachmas duas, aristolochiæ longæ & rotundæ, barbæ
 gentianæ, tormentillæ, barbæ herbæ tunici, dictami,
 inulæ campanæ ana drachmā unam cum dimidia, sala-
 uiæ, rutæ, seminis balsamitæ, mentæ, pæoniæ, pulegij
 ceruini ana drachmā unam, doronici Romani, baccarū
 lauri, seminis acetosæ, seminis citri, basiliconis,
 masticis, thuris, boli armeni, terræ sigillatæ, spodij,
 ossis de corde cerui, rasuræ eboris, & cornu unicorni,
 margaritarū, sapphiri, smaragdi, corallorū rubeo-
 rum, ligni aloës, sandalorū rubeorum, hyacinthi, to-
 pazij ana drachmam dimidiam, sacchari rosati, diabo-
 raginati, diabuglossati, dianenusarati, diaacetosellati,
 pulparum

pulparum tamarindi acetosi, theriacæ ana drachmā dimidiam, sacchari libras tres, fac electuariū aut morsellos, cum aqua scabiosæ & rosata parum camphorata & cum uino cydoniorū, addendo folia auri quadraginta. Qui sitim patitur extra cibū, utatur acetosa simplici cum pauxillo aquæ frigidaē uel uini māli granati acetosi cum iuleb rosato, uel uino acetoso. Possis etiam exprimere acetositatē citri uel limonis, uel pomi anarancij, & bibere cum aqua et saccharo. Item succi rosarū, sacchari rosati, diamarenati, diaprunis, diacydonitis dissoluti cum aqua colata & expressa, bibendo cum aqua frigida. Item rosæ, myrobalani, tamarindi, cerasa acetosa, pruna persica sicca, cydonia trita, dissoluta, colata, & expressa, bibe cum aqua & saccharo, ponendo plus de saccharo ubi minus est de calido, & minus de saccharo ubi plus fuerit de calido. Item succus rosarum cum uino granatorum: item oxysacchara cum aqua frigida recenti. In pluribus etiam rebus proficuum est uinum cydoniorum. Vti herbis cor ipsum sua uirtute respicientibus, utile est, ut sunt borago, buglossa, melissa, endiuiā ac mentæ parum. Item septem principales herbe quas contra uenenum plurimum ualere fertur, quarū prima est herba hypericon, alio nomine Perforata: secunda est herba dicta uince-toxicon, tertia enula, quarta raphanus, quinta dicta mus, sexta aristolochia, septima lactucella. His additur ab Arnaldo et Raimundo, herba tunici. Nec pre-

Septem her-
bæ princie-
pales cōtra
uenenum.;

termittenda est agrimonia, acetosella, cichoria, mar-
rubium, hyssopus, scabiosa, pentaphyllum, capparis,
limones, citrulli, arancij scilicet quos poma aurea uo-
camus; & uniuersaliter cuncta acetosa, & quæ ponti-
citatem quandam participant. Scias flosculos uitis multum
conferre, si eis in cibo & potu atq; electuarijs uti con-
suecas: pariter & aqua scabiosæ, necnon melissæ, in
his omnibus quæ sanis simul et infirmis administratur
mirabilis est, eo quod humiditates exiccet uenenosas,
Et ubi in desiccando refrigeratione multa opus sit, uten-
dum potius est aquis endiuivæ, rosarum, plantaginis, ace-
to rosato, uel aqua, uel succo acetosellæ, succo limonum,
cedri, aranciorum, cichoriæ, pimpinellæ, fumi terræ.
Quum uero temperatis uti oportet, accipe aquam bora-
ginis & buglossæ, singulis decoctionibus impone pru-
na damascena, myrobalanos, & tamarindos. Et hoc
memori serua mente, quod cunctis in remedijs quam
bene conueniunt hæc quatuor, uidelicet uinum album,
acetum album rosatum, aqua rosata, omnia æquali pon-
dere, crocus pauxillula quantitate. Vbi absq; mora ac-
cum facilitate quadam operari necesse fuerit, admini-
strabis quæ opportuna sunt in forma subtili et liquida,
uel ad suprabibendum dato quæ prædiximus. Inquit
Raimundus, quod si tandiu differri potest ut præmemo-
ratarum fiat compositio pilularum, melius esse, ut exhibe-
antur pilulæ quam pulueres, tum quia huiusmodi com-
positio melius fermentata est, qua quidem fermentatione
ultra

ultra cōplexionalē, specificam quoq; contrahit uirtutem: tum quia permanēdo in stomacho mage cōseruat, roborat, cōfortat, ac melius discurrit per corporis remotiora, suprabibendo parū alicuius liquidæ substantiæ, & multum abstinendo. Nec tamen ideo uolumus ut pilulæ sint ualde siccæ ac induratæ, imò si tales fuerint, decet ut reformentur. Congruit sanguineis phlebotomia, uidelicet extrahere sanguinem, ut conseruentur, si aliàs nullum ex se fluxum sanguinis haberent.

Sanguineos eos intelligo qui decenter carnosī, colore Sanguineis rubei sunt, pilosī, robusti, quibus uenæ amplæ, & qui rebus uestuntur multi nutrimenti. His inquā extrahatur sanguis ex basilica dextra, inde post bimestre spacium fiat iterum minutio ex basilica sinistra. Nec una pro uice excedas pondus libræ. Fiat etiā temporibus anni temperatis, ac luna in bono & fortunato aspectu existente. Sanguis purus minuitur oriente Sole, chole-ricus in meridie, melancholicus in occasu, phlegmaticus in medio noctis. Vult ideo Raimundus, ut iuxta ordinem Auicennæ, secundum quatuor species sanguinis prænumeratas, obseruetur in extrahendo illæ quatuor horæ. Cognoscuntur autem hæ species, primo per earundem signa, deinde iuxta quatuor ætates quibus dominantur, succedendo ordine prædicto. Et ubi non apparuerit multa sanguinis abundantia, uult ne penitus minutio fiat, nec causa cōseruationis, nec curæ. Et quā extrahere uolueris, cura ut die præcedēti fiat clystere,

Et exhibita sit aliqua medicina non solutiua. Nec praetermittendum duco, quod ubi sanguis ad alios multum declinat humores, minime sit euacuandum. Memineris Galenū et Auicennam, quanto magis medendi artem exercuere, tanto semper timidiore erga phlebotomiā esse factos, eo quod plus trahit phlebotomia ex naturali et bono, et ex spiritibus, quam ipsa medicina: ac minus temporis concedit ad discernendū malum sanguinem à bono. Conserūt infantibus et pueris ea quae contra uermes ualent, quorum his potissimū temporibus imminet periculum, administrato illis in potu semel in hebdomada dictami drachmā unam cum uino aliquatiter styptico, siue cum uino decoctionis absynthij et nigellae, aut seminis sancti. Illiniatur item stomachus, umbilicus, gula et pectus, oleis herbisq; amaris et huiusmodi: quandoq; etiam exhibebis pilulas de reubarbaro. Verū quia multū humida complexio, multumq; calida periculosa est tempore pestis, opus est refrigeratione, desiccatione, et frequenti euacuatione, quae quidem secundum opportunitatē cum moderamine fiant. Hunc defer sacculum cordi applicatū: Sume rosarum rubearū drachmas duas, sandalorum rub. corallorum rub. spodij ana drachmā unā, zedoariae, ligni aloës, cinnamomi, chariophilorū, corticum citri, croci ana drachmā dimidiam. Esto diligens ut omnis expurgetur superfluitas, ac cura ne stypticus maneat uenter, sisq; tardus ad solitas cōstringendum expurgationes,

uel

et fluxus siue superfluitates, hæmorrhoides, scabies, naturales solitosq; sudores, plagas ueteres apertas, quibus sine molestia profluit humor, lachrymæ, sanguinẽ è naribus fluentem, solitum et ordinarium, uniuersales guttas et huiusmodi, quoniam hæc dicta expurgamenta securiorem reddunt à morbo. Admoneo rerum publicarũ gubernatores, secundũ Hippocratis experientiam, si fecerint ac ordinarint ignes et fumigia ex iunipero, myrto, terebinthina, et thure, manẽ et sero ante posticas quarunq; ædium, domuũ, et habitatio- num, statim expelleretur ab eo loco pestis. Valet loco iuniperi, laurus, saluia, rosmarinus, et herbarũ quicq; est odoriferarũ. At terebinthina mirabilis est. Multi doctorũ dicunt, ignem semper fore tempore pestis utilem, eo quod omnem dissoluit uaporẽ. Inquit Raimundus utendum esse confortantibus solum, quũ grossi apparent uapores et humidi. Calidis temporibus superare debẽt odores in frigiditate alios: è diuerso quẽ tẽpora frigida sint et humida, rosæ, sandali, myrtus, cãphora, cortices pomorũ, málà granata, calidos con- temperant odores: similiter acetũ, et uirides herbulæ frigidiusculæ. Consulere Magi Persarum regi pro sui defensione ab omni ueneno morboq; uenefico, sculpi faceret in lapide Hæmatite hominẽ flexis genibus stan- tem, cinctũ serpente, dextra eius caput, leua caudam serpentis tenentem, et imprimi ligariq; faceret hunc lapidem in anulo aureo: uerum lapidi in loco capsulæ

supponi barbam serpentariae, quem quidem anulū gestaret in digito. Laudat Auerrois hircinae odoramentum urinae. Moneo ut continuīs utaris remedijs quū fueris in loco infecto uel propè, eo quod contagio frequēs est, infectusq; aër continuē noxius offendit. Volo diligenter aduertat, quū fuerit coniunctio Solis & Lunae, quumq; oppositio, id est quando est plenilunium. Item quando coniungitur Luna Saturno, & magis quando coniungitur Marti. Item quū fuerit in quadra cum distis planetis. Et nota (ut refert Rasis) fortiter moueri solet uenenū huiusmodi pestilentiae in Solis ortu, in occasu, in meridie, & medio noctis, quia Sol quatuor his uicibus mutationem causat in aëre. Regnat in Vere, in aestate magis, plus in autumnino. In Vere est aër calidus & humidus, et accedit sanguinis dominiū. In aestate cholera, calidus aër multū aperit & penetrat, debilitantur corpora, rebus replentur corruptibilibus, materiam humidam aëris caliditati in putredinem tribuentibus. Qui quidem calor si tam intus quā extrā cum siccitate foret, parum abesset, quemadmodū etiam haud multum nocet humidum cum aëris tum complexionis frigiditati adiunctū. Sed ualde periculosum est ubi calidum humido permixtū fuerit, uel foris uel intus. Experimento compertum habuimus, quod longa siccitas calido minuit tempore pestem: at frigiditas excitat, affert. Deniq; in autumnino augmentatur fructuum repletio, ac corporū debilitas, aër tenuis est ob aestatē præcedentem

præcedentem uaporū facile susceptiuā, quos non resoluit propter caloris diminutionē, deinde nebulosus est ac uariabilis. Sæpenumero uentus adest grossus & humidus, excedit caliditas humiditatē, & frequenter aduenit, augmentaturq; pororū oppilatio propter aëris crebrò post calidum præcedens, frigiditatē. Sciendum etiam quod quū pori ualde oppilati sunt, comprimunt putrescibilem ad intrā materiā. Econtrario quū plus æquo aperti, repente nimis uenenosum capiūt aërem, ita ut nōnunquam (maxime post sudorem uel coitum) paucis (ut gladius) occidit horis.

De modo curandi secundum rationē phys
sicam. Cap. VII

IN pestilentiali febre non expurgato ueneno, caue ne administres intus nec extrā res partiū pectoris simpliciter aperitiuas, eo quod aditum præbent ueneno ad cor, & spiritibus uiam aperiunt exhalationis: sed ut inflammatio prohibeatur & putrefactio, utere subito aliquantulū infrigidantibus & multū desiccantibus. Roborant nanque cor, & uias claudunt uersus ipsum tendentes, ne uenenum ad illud perueniat. Pro parte etiam bene purgandus est humor, & spiritus nutrimento sæpius recreandi, & quæ contra uenenū ualent continuè administra, id quidem sua natura cor petit. Quod si differas donec uenenum eò peruenierit, fortasse fieri poterit, ut partes cordis multū inde constringantur, quas quidem denuo aperire quàm proficuum.

S S

plus fortè noxium periculosum uè esset. Igitur quū pri-
mum caput omniaq; membra grauari simul adiuncta
febre quispiam perceperit, uide ex signis ne mendacia-
bus ambiguisq; fidem habeas, nec differas quousq; ap-
pareat inflatio uel bulla. Sed hæc quū emineant, eo ci-
tius quo poteris cōfestim inungas oleo de scorpionibus
& theriaca, pulsus temporū, manuum & pedum, na-
res, occiput, gulam, pectus & locum circa bullam &
apostema si apparuerit. Vera olei cōpositio talis est.

Olei de
Scorpio-
nibus con-
fectio.

Sume olei oliuæ annorū quinquaginta uncias octo, im-
ponas scorpiones numero quinquaginta, simul cū oleo
bulliant ita ut fundum petant, quod facias in æstate, &
maxime mense Augusti, serua & utere: est enim mira-
bile contra uenena. Quod si stomachus cibo grauatus
fuerit, prouocandus est uomitus cum facilitate, cū aqua
tepida, aceto, et oleo, etiā cum raphano, tentando etiā
prouocationem cum penna, & statim postea facias cly-
stere. Et renouabis omni die maluarū decoctionem &
matris uiolarum, bletæ, hordei, lactucæ, camomillæ,
mellis uiolati, sacchari rubei, uitelli unius oui, diasenæ
uel casie unciam unam, succi rosarum solutiui drach-
mas duas, salis cōmunis & olei uiolati quod satis est.
Hoc factō, applicabis epithema cordi ex rebus cordia-
libus frigidiusculis à prædominio: Sume aquarū rosa-
rū, buglossæ, acetosellæ, nenufari ana drachmas duas,
aquarum melissæ, succi granatorū medijsaporis, acce-
tositatis citri ana drachmam unam, succi cydoniorum
unciam

unciam unam, sandalorū alborum rubcorū & citrino
rum ana drachmas duas, spodij, rasuræ eboris, seminū
citri, seminis acetosæ ana drachmam dimidiam, grano
rum tinctorū grana sex, camphoræ drachmam dimi
diam, conterantur bene omnia, & calefiant in uase ui
treato puro. Post cum panno de Grana temperate ca
lido superponas pectori, singulis tribus horis ipsum
renouando. Item pro stomacho hanc habeto in sacculo
compositionē, ad uiuificandum & roborandū spiritus
eius. Sume absinthij, mentæ ana manipulum unum,
melissæ, acetosæ ana manipulū dimidiū, rosarū rubea
rum unciam unam, corticū citri, risi ana drach. tres,
coriandrorū præparatorū drachmas duas, corallorū
rub. masticis, sandalorum rub. ana drachmam unam,
macis, foliorū chariophilorū ana drachmā dimidiam,
nucum cupressi numero quatuor, componas cum sacco
cydoniorū. Item sub brachijs hoc remediū administra
bis: Sume rosarū, florum camomillæ, meliloti, florum
myrti, nucū cypressi, sandalorū, omniū in debita quan
titate, bulliāt in aqua cui intingatur spongia uel stupa,
quæ postmodū exprimatur, et temperate calida appli
cetur, sæpiusq; renoua: Istud enim mirabile est.

Cucurbitularū usus, & curandi ratio per sanguis
nis missionem. Cap. VIII

His factis & debite, ut dictum est, administratis,
si bulla uel signum in tibijs adhuc nō apparue
rit, duas confestim natibus uentosas applica, & duas

pariter coxis à parte posteriori. Voluere ueteres ut post huiusmodi uentosarum depositionem fieret phlebotomia. Et si bulla uel signum solitum non apparuerit, fiat ex uena communi à parte dextra, ad prohibendum ne uenenum partes cordis attingat: & si etiam apparuerit huiusmodi signum uel bulla, eodem in latere extrahendus est sanguis, & hoc ne se extendat dilatetque uenenum (ut semper solet) per omnes uenas ac corporis partes. Quod si circa aures apparuerit, uel collum, minuatur ex cephalica in parte qua signum, iuxta pollicem manus. Si sub axillis apparuerit, euacuetur hepatica in brachio eius partis in qua signum. Si in inguinibus, fiat phlebotomia ex saphena, hoc est sub talo pedis eiusdem lateris. Denique in uniuersali, quoties ab origine gulæ ad caput usque huiusmodi signum appareat, fiat minutio ex cephalica in parte signi apparentis. Si ab ea parte usque ad umbilicum antè uel retro, fiat pariter phlebotomia ex hepatica. Si ab umbilico infra, debet minui saphena modo quo supra. Et phlebotomandum est quam citius fieri potest, saltem quum primo apparere incipit apostema. Intrepide autem bonam quantitatem extrahi facias, nisi patiens forte modici fuerit sanguinis: extractis duabus uncis uel circa, siste paululum, ut dijudicari possit an bonus sit sanguis uel ne. Si malus: extrahere poteris copiosius: si bonus, parcius. In debilibus & sanguine non multum abundantibus sufficit extractio duarum unciarum. At febrilis tempore rigoris

goris id minime feceris. Patiens autem quū fit sanguinis minutio, degustet uel ore teneat pomum anaranciæ & acetosa quæq; naso, fronti, ac temporum pulsibus acetum applicando: hic nam cōmunis phlebotomandi est modus. Fulgineus Gentilis plurimū laudat id quod iam dicemus, ut rem quampiam expertam. Si solitum apparēs apostema uenerit circa spatulas, applicandæ sunt uentosæ ubi iunguntur ipsæ spatulæ: minutio autē fiat ex mediana quæ dici solet cōmunis & nigra. Si apparuerit in collo uel capite, minuatur cephalica iuxta pollices manuū. Si sub uel dextro in brachio, phlebotomandus est de uena pulmonis inter medium & anularem eiusdem lateris digitum. Si circa brachium uel latus sinistrū, ex uena Saluatella inter dextræ manus paruum & anularem. Si in inguinibus uel in sinistro latere, ex uena Paralytica minutio fienda est inter poplitem pedis & alium propinquum eodem in latere. Si appareat in tibia uel pede dextro, ex uena sic dicta Vena mulierū, solent doctores Hispani & Catellani prima post factum clystere uel saltem secunda die, facere phlebotomiā duabus interpolatis uicibus. In sanguineis robustis ac bonæ ætatis hominibus primo die sic faciunt: Primo extrahunt sanguinē in parte opposita, eo quod humor in motu adhuc existat, nec iam ueneficus factus est. Si apostema sub brachio sinistro apparuerit, minuūt subito à manu dextra uncias sex uel quatuor, uel ex caulla pedis sinistri uncias tres. Post

Hispanorū
medicorū
in sangui-
nis missio-
ne modi.

uero horas sex uel octo recreato patiente atq; quieto,
 extrahūt à sinistro brachio uncias sex uel quatuor aut
 tres iuxta compressionē & uirtutem uenæ grōssioris,
 quoniam ea opportunius phlebotomiam exposcere se
 monstrat. E diuerso faciunt ubi apostema in inguinibus
 appareat, primo quidem minuunt in brachio eiusdem
 lateris, secundo in pede illius etiam eiusdem partis ex
 Saphena. Verū si patiens haud multū robustus fuerit,
 nec sanguine abundans, attamen naturalē habet decen
 ter uigorem uirtutisq; constantiā, aut sit ut iam existat
 in fine secundi, uel in tertio die, quū iam uerisimile sit
 materiam ipsam suum cursum motumq; cepisse, iamq;
 ueneno infectā esse, euacuant uncias duas uel quatuor à
 latere apostematis, loco apostemati quā sit possibile
 propinquiore. Si post aures extiterit, minuunt ex Ce
 phalica eiusdē lateris. Quod si hæc ipsa haud ita facile
 comprehendī possit, fiat in Mediana uniuerso corpori
 comparticipante. Quod si nec ista pateat, fiat in manu
 eadem ex uena quæ est inter pollicem & indicem. Si
 militer autē faciunt à medio secundæ diei ad sequentes,
 sed ab initio ad medium secundi facerent phlebotomiā
 ex parte opposita, similiter à primo ad mediū secundi.
 Si apostema est sub brachio, euacuandum est ex uena
 eiusdem brachij, & ex uena cōmuni, uel saltem ex he
 patica, aut eiusdem manus infra digitū medium & sibi
 adhærentem. Si in eodem prædicto tempore signum
 ipsum in inguinibus fuerit, incidas uenam sub eiusdem
 lateris

lateris genu, aut sub cavilla eiusdem pedis. Si signum
uergit uersus nates, mitte sanguinē de grossiori uena,
& magis apparente in dorso pedis eiusdē lateris. Istorum
quoq; modus est, quod citra secundæ dimidiū dici,
incipiunt ut plurimū in latere opposito sanguinē ex-
trahere, ultra uero ut plurimū in contrariū. Nos au-
tem ad canones nostros uniuersales accedamus. Quia
eiuscemodi morbus uel est in ipso sanguine, uel in hu-
moribus sanguine permixtis: ideo mihi uidetur extra-
hendū esse sanguinē omnibus, ab annis quatuordecim
usque ad sexaginta, ratus multo satius fore, ut uenenū
quod per uenæ apertionem expiret, quā sanguinis
effluxu magnopere cruciari. Extrahe ipsum iterata
uice cum sex horarum interstitio. Robustis autem cor-
poribus & sanguine multum abundantibus, extrahe
ad summū, libram unam: Mediocriter uero robustis,
& mediocriter sanguineis adusq; uncias octo: debilio-
ribus autem constante pulsu, uncias quatuor uel tres,
siue duas aut saltem unam. Vbi uero dominium chole-
ra obtineat, non excedat uncias extractio duas. Multi
extrahere præcipiunt, quousq; nō debilis, debilitetur.
Hoc autem mihi minime placet, quandoquidem spiri-
tus dissoluit. Vbi pulsus uacillat, nil prorsus extrahen-
dum. Maior uero mihi est cura ut prius appareat apo-
stema, etiam postmodum prouocentur hæmorrhoides
frictionibus factis cum rebus asperis, & succo cepa-
rum, cū uentosis & scarificationibus, & sanguisugis.

Vbi sanguis abundat, facias idem post alterā uenæ sectionem. Vbi autem modicum fuerit sanguinis, saltem id feceris.

De medicinis uenenū dissoluentibus & ad extrā trahentibus. Cap. IX

Quidam ut primo semel euacuatus est sanguis, applicant epithema. Verum sapientiores id agunt à principio, sæpiusq; renouant, uidelicet à tertia in tertiam horam, apponunt temperate calidum cum panno coccineo. Descripsimus unum suprā, alterum hoc est: Sume aquarum rosarum, aquarū endiuia, buglossæ, melissæ ana libram dimidiā, aceti uncias duas, sandalorum, rosarum, corallorū ana drachmas tres, spodij drachmas duas, margaritarū, hyacinthorum, sapphiri ana scrupulū unum, been albi & rubei, ossis de corde cerui, seminū citri ana drachmā dimidiam, musci scrupulū dimidium, camphoræ, croci ana scrupulum unum. Si insolitam in patiente noueris caliditatem, fac ut ungatur hepar & regio renū, ungueto sandalino, bis in die. Inde post horas quatuor (more consueti & ordine) exhibendæ sunt pulueris contra morbum drachmæ duæ uel una cum albo uino & aquis endiuia, necnon acetosellæ, pariter & theriacæ drachmæ duæ, uel saltem una. Post hunc ipsum potum coadiuuia cum pannis & sumigijs calidis, naturā ad sudorem. Nec erraret qui theriacam solam administraret: ueruntamen plus in usu est eam dare cum pulueribus.

bus. Addunt nonnulli acetum, & id mihi haud displicet: placet quoque eam sepius administrari. Et utilis est simul cum theriaca, aqua scabiosæ & melissæ, ubi non multa adsit caliditas: Antiqua contra morbum pulueris talis est descriptio. Cape dictami albi, corallorum alborum, tormentillæ, boli armeni, gentianæ ana unciam unam, terræ sigillatæ unciam dimidiā. Modernior hæc est: Sume barbam dictami, barbam tormentillæ, agrimonie, ligni aloës, boli armeni, ualerianæ, lapatij, sandalorū rubeorū ana partes æquales, barbæ scabiosæ ad pondus omniū, misce cum sanguine tauri desiccati ad solem & destillati. Alia descriptio.

Sume spodij, dictami albi, gentianæ, tormentillæ, granorum iuniperi, seminum citri, carlinæ ana drachmas quatuor, foliorum albatricis uncias duas. Tertia descriptio. Sume tormentillæ, dictami albi, cornu cerui usti, zedoariæ ana drachmam unam, margaritarū, corallorum rub. ana scrupulos duos. Quarta descriptio. Sume tormentillæ, dictami albi, boli armeni, camphoræ, margaritarum, sandalorum rub. cornu cerui usti, aristolochiæ rotundæ, sacchari albi ana drach. duas.

Quinta descriptio. Sume tormentillæ, dictami ana drachmas duas, seminis acetosæ, seminum citri ana drachmas tres, zinziberis albi, cinnamomi, croci ana scrupulū unum, boli armeni, terræ sigillatæ ana drachmas duas cū dimidia, sacchari uncias duas. Hic puluis multum (ut fama est) ualet contra uenenū, tam antè

T

quàm pòst administratus. Sexta descriptio. Sume radicum tormentillæ drachmas duas, sandalorum rub. dictami albi recentis, cornu cerui usti, margaritarũ, boli armeni, aristolochiæ rotundæ ana drachmā unā, camphoræ drachmā dimidiā, sacchari albi drachmas duas, pimpinellæ, myrrhæ, zedoariæ ana drachmam unam, sandalorũ, terræ sigillatæ ana drachmas duas, seminum citri, croci ana scrupulum unum, cornu unicornis, hyacinthorũ ana drachmā dimidiam. Hi pulueres uigorẽ præstant cordi, adiuuantq; ipsum in expellendo à se uenenũ, putrescibiles humores desiccant, cohibet uias cordis ne uenenũ ipsum attingat: frequenter etiam uenenum expellunt per uiam sudoris. Experimento compertum habetur priorem, quam diximus antiquā, descriptionem, ac inter modernas ultimam, cæteris esse multo ac longe efficaciorẽ. Sunt quidam qui post uomitus prouocationem (si ea opus sit) facto etiam clystere & inunctione, primo exhibent pulueres atq; epithema: post cuius operationẽ tunc primũ euacuant sanguinẽ. Id autem faciunt ubi patiens sanguinis multum habuerit, nec fortè in hoc errant. At ubi fieri non possit sanguinis extractio, tum defectu sanguinis, loco phlebotomiæ exhibet medicinā, prius tamen puluerem. Postquam sudauerit infirmus, aut debitũ sudoris tempus elapsum fuerit, nō expectanda est humoris digestio, quoniam non adest temporis mora atq; facultas pro celebranda digestionẽ. Equidem quũ necessitas immincat

immineat (siquidem ea ipsa nō subest legi) minime obseruanda est consueta temporū discretio atq; dierum. Nec confidendū est spe aliqua in opere naturæ ad euacuationem enitentis, quoniam irregularis est propter indigestionē impetumq; ueneni, equidem oppressa natura ut potest plus operatur quā debeat. Post ideo competens sudandi tempus, uel sanguinem si abundat minues, uel non abundante dabis purgationē, ex rebus tamen non cōmouentibus stomachū. Factus enim cum uiolētia uomitus, pectoris dilatādo uias facit ut ad cor uenenum percurrat, trahitq; ipsum ad cerebrum. Hac de causa errant qui capraginem & res huiusmodi exhibent uomitiuas & uenenosas: Vix enim uni resistere potest natura ueneno. Posset fortē nobis quispiam opponere, cur uenenosos ad uomitum producere phisici soleant. Dico non parem esse uenenorū conditionem: cætera enim plus habent materiæ, & ad educendum aptiora per uomitum, & sunt in stomacho: istud uero uapor est quidā uenenosus, et in partibus pectoris. Nulla igitur adsit medicina quæ uomitum uiolenter producere possit: at eum qui nulla cum uiolentia, damnare minime: approbarē tamen magis, ut per inferiora diuersio fiat. Dissoluatur, quam dabis, medicina in uino albo, & aquis scabiosæ, endiuie, rosarū, plantaginis, buglossæ, melissæ, aceto rosato, in quibus facta sit decoctio ex prunis Damasceenis, myrobalanis, tamarindis. Si autem morbus inuadit aliquē stomacho repleto,

quidnam faciendum erit iuxta ordinem modernorum?
Fac ut post unctionem cum oleo scorpionū & theriaca
faciliter uomat, cum aqua tepida, aceto, oleo, & suc-
co raphani, tentando etiam prouocationē cum penna
longa, deinde administrabis clystere, postmodum epi-
thema, & de ipsis pulueribus. Deinde tēpore quo iam
quietior et restauratus ægrotans fuerit, uenam seces, si
est sanguineus: sin minus, administra medicinam. Et si
in phlebotomia ultra quatuor sanguinis uncias extra-
xeris, abstine à medicina quousq; transactæ sint à phle-
botomia horæ duodecim. Et licet phlebotomiam perez-
geris, spem tamen non ponas in sola ipsa, præsertim in
plethorico, sanguineo, & robusto corpore. Quinimo
& in alijs quibus parū sanguinis extraxisti, etiā pro-
pinanda est suo tempore medicina iuxta complexionis
qualitatem & uirtutis. Similiter si prius medicinā de-
deris, non eris ea contentus, si fuerit plethoricum cor-
pus, uirtute consentiente, phlebotomiā quoq; tempore
& modo iniunge. Et hanc distinctionem facies, scilicet
in administrando unum & alterū, ubi id possibile &
conueniens. Sed ubi sanguis abundat, præccdat phle-
botomia & sit copiosior: ubi uero sanguis non abun-
dat, medicina præccdat, & phlebotomia sequatur,
modica tamen, scilicet potius euentandi quàm diminu-
endi causa. Post tertium diem nulla fieri debet sangui-
nis extractio, nisi te ad hoc sanguinis multitudo com-
pellat. Quotiescunque medicinam uel phlebotomiam
scu

seu uomitiuum administras, ad hoc ut eiusmodi agitatione ipsum uenenu à signo non reuertatur ad intus, si signum fuerit apparens, fac ut in tali cōmotione ponas sub & supra signum, uentosas & sanguisugas, & super cor epithemata frigida. Et antè & post propinabis per os ea quæ descendunt à ueneno, uidelicet theriacam, bolum armeni, smaragdos, hyacinthos, topazium, uel saltem alia gemmarum genera, aut coralloscum succo herbarū contra uenenum. Quum facis purgationem, exhibe medicinam cum modico croci in decoctione supradicta. Principalis & securior medicina secundum Persarum Medicos, & Mesuen, est triseræ persicæ uncia una cum electuarij hamech drach. duabus, uel ad minus triseræ uncia dimidia, & electuarij hamech drachma una uel dimidia. Sed maxime robustis datur uncia una cum electuarij hamech drachmis tribus, & Persiani eam administrant cum aqua frigida uel succo solatri uel endiuie. De hoc sæpius audiui, & felix periculum feci iam præsentī anno. Vbi autem triseræ & electuariū hamech defuerint, propinabis diasenæ loco triseræ, & diamannæ, uel succū rosarum loco electuarij hamech modo prædicto. Experiētiā feci, & multæ utilitatis securitatisq; hanc compositionē reperi: Sume triseræ persicæ, pulpæ casianæ unciam dimidiam, reubarbari, diamannæ uel electuarij hamech drachmā unam. Sed ubi natura ualida est & uenter stypticus, dabis diamannæ uel electuarij

hamech drachmas duas, distempera cum aquis buglosæ, endiuie, cū decoctionibus supradictis & aquis prædictis. Ego uero reubarbarū in uino albo & aquis endiuie cum modico spicæ teneo per horam, quod do in substantia cōmiscendo omnia simul, sæpius etiam addo postmodum mannæ unciam unam. Conueniūt & pilulæ de fumo terræ, aggregatiuæ pilulæ, partes æquales, robustis quidem in toto drachma una, alijs uero in toto drachma dimidia, suprabibendo uinum albū cum aquis endiuie, uel rosarū & scabiosæ. Etiam ipsæ solæ aggregatiuæ in omni tempore, præsertim minus æstiuo, drachma una uel dimidia. Notandum si febris inhaeret humoribus subtilibus & calidis, apparebit sitis uehemens, gulæ ariditas, linguae nigredo, acutus capitis dolor, phrenesis, uel similia horrenda accidentia. Si autem grossioribus inhaeserit humoribus, & minus furiosis, febris uidebitur lenta, & prædicta accidentia remissiora. Considera cuiusmodi signa, & scias quod in quocunq; humore conuenit trisera cum agarico, & pilulæ aggregatiuæ uel solæ, uel cum pilulis de fumo terræ. Syrupus etiā solutiuus quem dicemus inferius, si fuerit in materia furiosa, etiam conuenit diasenæ cum electuario hamech uel succo rosarum. Item casia cum reubarbaro, item manna cum diamanna in decoctionibus frigidis. Si est in materia grossa frigida & humida, conueniunt robustioribus pilularū aggregatiuarū scrupuli duo, pilularum de agarico scrupulus unus.

Debilibus

Debilioribus uero diacatholiconis uncia una cum diafeniconis drachmis duabus, uel cum agarici trochiscati drachma una uel semis. Item de pilulis contra morbum dictis superius, drach. una uel semis: & fortè eiusmodi pilulæ conueniunt in quocunque humore.

Nota quod agaricus bene præparatus & trochiscatus est singularis in hoc casu in quocunque humore & membro. Ideo quando certior essem de sua præparatione, uterer eo in omni medicina, dando drachmas duas, uel unam, uel semis de eius trochiscis, iuxta potentiam medicinæ, & iuxta complexionē hominis. Et ubi dubitarem de eius præparatione, infunderem eum in oxymelle squillitico cum salgemma, & postea colando ponerem super medicinam absq; expressione. Item notandum quod pilulæ aggregatiuæ sunt appropriatæ, & loco illarū debent administrari pilulæ sine quibus, minus robustis. Et scias melius esse dare medicinā quā pilulas in hoc casu. Et si haberi possit diamanna melior est succo rosarum & fortior. Et electuariū hamech melius est ambobus, scilicet & diamanna & succo rosarum. Demum in omni humore mirabilis est iste syrupus solutiuis loco medicinæ ad minus uncia una, & ad ultimum duæ, cum aqua rosarum & uino albo. Sume corticum citri, radicum capparis, berberis, sandalorum rub. spodij ana drachmas duas, chariophyllatæ, melissæ, buglossæ, boraginis, cichoriæ ana manipulum unū, acetosæ, prassij, hepaticæ ana manipulū

Agaricus.

unum cum dimidio, scariole sylvestris drachmas duas,
 seminis cucurbitæ, scilicet peponum, citrulli, cucume-
 ris, uiolarū ana manipulum unum, thymi, epithymi,
 agarici, reubarbari, senæ, polipodij ana drachmas du-
 as, succi absinthij, fumi terræ, ebuli et plantaginis ana
 drachmas sex, myrobalanorū chebulorū drachmam
 unam, citrinorū drachmam dimidiam, diagridij dra-
 chmas duas, sacchari albi libras duas, fac syrupū cum
 aceto cydoniorum. Iste syrupus à Doctoribus uocatur
 diuinus in conseruando & curando, quia statim abscin-
 dit humores putrescibiles, confortat membra princi-
 palia, pellit uenenū ad extra, & de eo plures uisæ sunt
 experientiæ. Inter cæteros Doctores Petrus de Tussia
 gniana, & Gentilis Fulgineus, cum mirum in modum
 cōmendant, & mihi uidetur eum factum esse ad inten-
 tionem triseræ persicæ, sed magis solutiuus, & mihi
 summo opere placet in personis non debilibus, & non
 habentibus uentrem ualde lubricum. Sumatur semel
 in hebdomada à sanis & ægris. Nota quod post ope-
 rationem medicinæ, aut phlebotomiam, si medicinam
 non administraueris die sequenti, propinetur theriacæ
 drachma una, cum aquæ rosarū uncia una, cum mo-
 dico aceti rosati. Nec timeas theriacæ caliditatē, quo-
 niam tam modica portio parum calefacere potest, eo
 quod qualitas elementaris, qualis est caliditas & simi-
 les, quū sint ualde materiales, haud multum operatur,
 nisi multa cum materia. Verum specifica uirtus utpote
 quæ

quæ donum sit cœleste, & quasi spiritale, multū operatur secundum Galenum pauca etiam cum materia. Theriaca autem à proprietate specifica operatur contra uenenum, ac præter hoc, caliditatis secundum uix perficit gradum, ideo longe potentior est ad uenenum expellendum, quàm ad calefaciendum. Febris item pestilentialis multo magis uenenosa quàm calida: at exhibenda est theriaca cum aqua rosarum, & etiam in cæteris curandum est ut tendant ad quandam frigiditatē, quatenus hac ipsa uti ualeas. Potest etiam dari Mithridatum loco theriacæ, sed multo potiores ex theriaca uisæ sunt experientiæ. Ideo inquit Moyses Aegyptius narratum sibi esse à sapiente quodam Medico, se dum tempore pestis in Antiochia artem exerceret, ipsa re uerum reperiisse, cætera remedia cuncta fore debilia, at solum qui monitu suo theriacam assumebant, tutos & superstites euasisse, cæteri nequaquā. Et hi tantum qui ea post morbi inuasionem usi sunt, liberati fuere, alij uitam morte commutarunt. Per hoc confirmatur quod inquit Galenus in libello De theriaca ad Cæsarem, eam esse omnibus uenenis peraduersam, foreq; potentem ubi cætera deficiunt ac sunt debilia. Hoc autem habet à uirtute quadam miraculosa. Sunt etiam qui urinam potu exhibeant, uel lixiuium, item succum ceparum albarum cum aceto, haud scio quid mihi dicendum. Hoc monco ne confidentiam habeas in purgatione postquam eam feceris, etiam si ex ipsa melius se

habeat infirmus: sed quum æger melius habere uidebitur, tertia die aut quarta post purgationē. Si multa adhuc adsit sanguinis superfluitas, extrahe parum de sanguine, & reitera eandem medicinalem purgationem. Quod si non admodum abundat, repete saltem pulueres & medicinam, ne recidat in peius. Quidam exhibent euphorbium cum mastice ac gumma elemi. Sume euphorbij drach. quinq; & scrupulum unum, gumme elemi uncias duas, mastice unciam unam cum dimidia, dabis robustis ad pondus drachmam unam, debilibus scrupulum unum, cum aquis endiuie & scabiosæ. Est quidem periculosa medicina, nec nisi robustissimis appropriatur, ac nisi in principio. Afferunt nonnulli gummam elemi fore gumma arboris cedrini. Sciendum quod hoc in casu non debilis exhibenda est medicina, id est, quæ exilem faciat operationem, quoniam natura ipsa si prima medicina non bene sit operata, secundam non expectat. Nec tamen decet nimio impetu soluere, nam ex hoc resolverentur spiritus, istudq; malum magis consistit in qualitate quadam uenosa, quàm in quantitate materie. Inquit Gentilis Fulgineus se multa expertum cum supradicto puluere, ab initio sic ipsum administrabat: Sume euphorbij drachmam dimidiam, mastice drachmam unam, dabis ex his scrupulos duos, & multum plethoricis drachmam unam. At mihi multo magis placet agaricus, quia, ut aiunt Democritus, Galenus & Auicenna, ab omnibus

omnibus membris aliquē trahit humorem, similiterq;
habet uirtutem quasi theriacæ, aduersus omne uene-
num cor roborat, idq; ab omni ueneno expurgat, gros-
sos principaliter purgat humores, nec relinquit tenues
quoq; intentatos. Sit albus, porosus, rotundus, necnon
et fractu facilis, dulcis ac leuis. Sit quoq; modicæ ama-
ritudinis et stypticitatis, bene tritus, et mixtus cum
salis gemmæ parte tertia, et sic corrigatur cum sala-
gemma, melle rosato colato, oxymelle squillitico, et
uino infusionis zinziberis, et sic præparetur intro-
chiscatum. Et debilibus tutius est ut detur permixtus
alijs rebus, quàm solus, et melius in decoctionibus,
quàm in substantia, quoniam frequenter longos pro-
ducit uomitus, uentrisq; dolores, nisi bene electus et
præparatus sit. Quod si debite fuerit electus et præ-
paratus, est medicina sancta et familiaris secundum
Democritum et Mesue. Felices nanque fecimus (modo
et ordine dicto) ipso cum agarico experientias. At cir-
ca euphorbium compertum habuimus, quod ualde bo-
num nōnunquā fecerit opus, at sæpiusculè contrariū.
Vniuersaliter et in summa, sis celer in euacuando et
frequens, obseruatis modo et ordine. Frequentius in-
firmum recrea, quoniam spiritus aliās plurimum re-
solvuntur, nec tantū ea dato, siue cibaria, siue medi-
cinalia, quæ solum mollificant, sed his permisce refri-
geratiua, desiccatiua, et cordis confortatiua, quæ etiā
ueneno resistent.

Agarici bo-
ni substan-
tia qualis.

De cibaione, & regimine egrotantis.

Caput X

Cibus esse debet, secundum Rasim & Auicennā quarto Canonis, frequēs, modicus, levis, elixus, ac multi & humidi nutrimenti, conditus cum rebus acetosis & frigidis, ut scilicet cum endiuiā, acetosella, aceto, agresto, mālīs granatis, arancijs, limonibus, cerasijs acetosis, prunis. Cibi substantia sint pulli, perdid, phasianus, contusum, consummatū, destillatum, oua recentia. Hædinas quoque carnes non prohibeo. Summa, nutriatur rebus liquidis, humidis, & multi nutrimenti. Sic tamen nutriri debet ut natura toleret, nec febres multiplicentur: plus enim multo quàm cæteris, hoc in casu uberiori opus est alimento. Inquit Auicenna quarto Canone, quod uenarum repletio per nutrimentum prohibet uaporis ueneni aëris & humoris transitum, & quod hi frequentius liberentur qui intrepide nutrimento adiuuantur. Nota, quod facto clystere solutiuo, de quo supra mentionem fecimus, si restoratione opus sit alia, sumat aliquid per os, facies solutionem uel cum enemate uel suppositorio, inde ad horas quatuor administrabis aliquid nutrimenti, de quo paulò supra disseruimus. Vinum sit album, subtile, odoriferum, dilutum cum aqua ferrata, recenti saltem, parte æquali. Melior uero esset aqua aurata in qua aurum ignitum extinctum sit, uel etiam extinguī potest aurū in uino. Non sinas eum pati sitim, nec os exiccare,

ri,

ri, sed continuè fac ipsum gargarizare cum uino albo bene diluto. Res teneat in ore humidas, frigidulas: frequenter bibat de acetositate citri, & iuleb rosato ana partes æquales cum uino granatorũ & aqua siue succo acetosellæ. Vtilis est syrupus acetosæ simplicis cum aqua ferrata, & pariter succus cedri uel limonum siue aranciorum expressorũ: hæc dabis cum aqua & saccharo fini, uel fortè melius cum aqua hordei uel ferrata. Item saccharum rosatum aut diamarenatũ uel diaprunis & diacydoniten dissolutum in aqua, colatum & expressum, uel rosas, cerasa acetosa, myrobalanos, tamarindos, pruna, cydonia, persica sicca, trita & infusa in aqua, post colata, expressa & cum saccharo & aqua recenti exhibita, utilia sunt. Conuenit etiam acetum album cum aqua ferrata & saccharo ægris simulatq; sanis. Confert etiam oxysacchara composita cum aceto albo, succo granatorũ acetosorum, & saccharo. Prodest quoq; succus granatorũ medijs saporis, uel succus siue uinum acetosorũ cum modico sacchari, & aqua ordeï cum uino granatorũ. Bonum est anulos aureos in aqua tandiu confricare, ut aliquantulum rodantur per aquam. Item bullire aquam cum auro, & ea uti in cibo & potu bonum est. Secundum Gentilem fieri fortasse potest, ut aurum ad formam reducatur liquidam aptam ad potandum, hoc modo: Sume auri unciam unam, argenti uiui uncias duas, misce, & simul mixta maneant quousq; aurum dissoluatur, deinde im-

ponas alembico cum igne lento, intantum quod argentum uiuum alembicū exeat. Postea excipias aurum ex fundo alembici, & adde aquarū buglossæ uncias quadraginta septem, ponas in alembicū uitreum bene obturatum. Continuabis sub eo ignē per tres dies & noctes, ignem dico bene proportionatum. In fine si callueris artem, inuenies aquam minimè consumptā, & aurum liquefactum, & hoc est aurum potabile cordialissimū, & digeri potest. Aurum quidem alia forma parum est utile, quia digeri nequaquam potest. Administrabis bis in die ieiuno stomacho ex his syrupis, scilicet de acetositate citri, de limonibus, de cichoria, de fumo terræ ana drachmam dimidiam, cum uncia una aquarū melissæ & succi acetosellæ. Item syrupi de agresta, de ribes, rob berberis, de cydonijs, de granatis medijs saporis, de granatis cum aquis endiuia & buglossæ. Item syrupi de endiuia cum aquis endiuia & acetositate citri, cum succo acetosellæ, & uino granatorū acetosorum, item succum limonum, uel citri, uel aranciorum expressorū exhibendum cum aqua & saccharo. Non displiceret si loco aquæ administrares brodium pullo-
rum, quod appellari uulgariter solet Piperata, aut perdicem coctam cum agresta & endiuia, exinde colata, cui mixtum sit aliquid ex memoratis succis, cum dulcibus cōtemperando acetosa, ueluti natura facit in granatis medijs saporis. Etiam mālā granata acetosa cum uino & succo suo sola, uel etiam cum alijs succis, con-
diantur

diantur bene omnia. Item succum rosarū, myrobala-
nos, tamarindos, saccharū rosatum & diamarenatū,
diaprunis, diacydoniten, dissoluta in aqua, & colata
& expressa, bibenda sunt cum aqua recenti. Item
oxysacchara cum iuleb rosato & aqua ferrata. Item
succum rosarū & acetositatem citri cum uino grana-
torū. Nota, syrupus acetosæ scilicet in quocunq; utilis
est syrupo. Vbi non habeatur acetositas citri, exprime
limones uel arancios, & cum saccharo tempera, &
ubi maior adsit caliditas, maiori quantitate dabis ace-
tosa: ubi minor, minori. Et ubi non habeatur syrupus
acetosus, dabis acetum, aquam & saccharū simul per-
mixta. Album acetum melius est rubro. Item syrupū
hunc optimū: Sume succi melissæ, boraginis, buglossæ
depurati ana uncias tres, aquæ rosarū, aceti albi ana
unciam unam cum dimidia, acetositatis citri & limo-
num unciam dimidiam, sacchari albi libram unam, ex
hoc propinabis uncias duas cum aquarū buglossæ &
acetosellæ uncijs duabus & dimidia, ex his utere quo
placet: Et simul dato duos trochiscos de camphora.
Quidam sapientum loco syrupi hanc dant potionem:
Sume aquæ rosarum libram unam, uini albi odoriferi
libram dimidiam, boli armeni optime puluerisati &
cribrati unciam dimidiam, pro uice una exhibeto dra-
chmas duas: est enim remedium & antiquum & po-
tens. Experimentatores duobus potissimum utuntur,
uidelicet succo florum aranciorum cum uino in ca-

Syrup

su & post casum, & semine Cardonis benedicti cum
 uino, quia hæc sunt experta aduersus uenenum fungo-
 rum. Solent & hæc dare sapiētes: Sume succi scabiosæ
 uncias tres, terræ sigillatæ drachmam unam cum mo-
 dico uini, item seminum citri drachmas duas cum uino
 bono. Item ambram & charabe cum uino, item specie-
 rum coagulorū drachmam unam cum uino. Coagula
 sunt muccilagines quædam in certis uescis, appense in
 uisceribus hædorū & leporum. Item radicem palmæ
 Christi cum uino. Hæc quibus (ut tradidimus) sapien-
 tes utuntur, remouent uenenu à corde. Conueniunt ad
 conseruandū & curandum hæc confectiones. Multum
 confide in hac nostra compositione simplici, segura,
 efficacissima: Accipe boli armeni drachmas duas, ter-
 ræ sigillatæ, corallorū rubeorū ana drachmā unam,
 corticum citri, zedoariæ, croci ana drachmam dimi-
 diam, sacchari rosati rosis rubeis conditi uncias sex,
 acetositis citri uncias decem, dabis semper cum uino
 albo & aqua rosarum: quandoq; cōmiscendum est pa-
 rum aceti rosati. Ex his etiam conficere possumus pilu-
 las, si loco sacchari rosati accipiamus rosarū rubeorū
 unciam dimidiam cum acetositate citri quantū sufficit.
 Quidam dant istas compositiones: Sume sacchari ro-
 sati, trium sandalorum, diadraganti ana uncias qua-
 tuor, folia auri numero decem, margaritarū, hyacin-
 thorum, ossis de corde cerui ana drachmam unam.
 Item cape margaritarum scrupulum unum, sapphiri,
 hyacyntho-

hyacinthorū, smaragdorū drachmas duas, terræ sigillatæ, triū granorū, serici crudi triti ana drachmā dimidiam, smaragdorū drachmā unam, manus christi rosati quantum libet, aquæ rosarum in qua confricentur anuli aurei uel uasa aurea & huiusmodi quantum sufficit. Item aquæ rosarum, sacchari albi ana libram unam, sandalorum rubeorum & alborum, corallorū rubeorum, spodij ana drachmā dimidiam, margaritarum drachmā unam, hyacinthorū, smaragdorū, sapphiri, ossis de corde cerui ana scrupulum unum.

Omnia aromatica conueniunt ad conseruandū & curandū, maxime quæ attinent frigiditati & caliditati. Et si non conueniant ad febrilem calorem, ualent tamen aduersus uenenum ipsius, & maxime si contemperentur cum frigidis, ita ut ad frigiditatem aliquā declinent, & plus declinent stante uel temporū uel complexionum uel febrium acutarū caliditate. Item nota quod inter terram sigillatam, & bolum armenū hæc est distantia, quod quamuis utraq; ualeant contra uenenum & morbum, nihilominus plus utuntur sapientes terra quàm bolo in cæteris uenenis: at in morbo pestilentiali potius econuerso faciunt. In hoc conueniunt omnes, in cæteris uenenis nil melius esse terra sigillata, maxime exhibendo eam cum modico boli armeni, & granorū iuniperi, & aceto diluto secundum modum Galeni, quia statim constringit, clauditq; uias pectorales, ita ut uenenum per eas transire non possit, eijcitq;

uenenum per uomitum. Pariter & uenenum quod per
 solutiua educibile, id facit administrata tam post quàm
 ante casum, sed securius ante. Similiter consentiunt o-
 mnes, quod quum ad conseruandū se à peste tum etiam
 expellendū ipsam bolus armenus cætera simplicia su-
 peret omnia, maxime exhibitus cum uino albo et aqua
 rosarum, secundum ordinem Galeni, Serapionis &
 Auicennæ, qui aiunt se esse expertos tempore magnæ
 pestilentie fuisse cum hoc faciliter & conseruatos &
 sanatos humores. Est enim bolus armenus rubcus pa-
 rum croceus, delicatus, frangibilis. Terra uero sigilla-
 ta aliquantulum sit rubens, gustui parum acetosa &
 arida, nonnihil uiscosa, nec tamen adeò tenax ut digi-
 tis adhæreat. Aduerte quod nōnunquam initium capit
 morbus cum sputo sanguinis abundante, hoc in casu
 non datur bolus neq; aliud huiusce uenenosi sanguinis
 strictiuum: Imò coadiuuatur iste fluxus cum rebus pe-
 ctoralibus, extrahiturq; sanguis ex ambabus uenis sa-
 phenæ, in qualitatē complexionis. Quod si ægrotans
 est multum sanguineus, fit etiam minutio postmodum
 ex mediana. Nec sunt prætermittendæ fricationes sto-
 macho ieiuno. Fac ut admoueat naso spongiam intin-
 ctam in aqua rosarum & aceto rosarum & cum uino
 odorifero, quibus etiam sæpe lauet omnes pulsus & fa-
 ciem. Vbi adsit de futura phrenesi suspicio, admoueas
 quandoq; fronti aquam rosarum cum aceto rosarum.
 Et nisi nimiam metuas somnolentiā, addas parum cam-
 phoræ.

phoræ. Cura ne infirmus in profundū nimis deueniat somnum: sufficiunt enim horæ sex uel quinq; per diem & noctem, siquidem dormitio multa retrahit uenientia ad intra. Ventosæ à tergo positæ, frictiones & ligamenta circū extremitates, conferunt ad phrenesim pariter & somnolentiam. Item confert suppositoriū ex sapone duro cum modico salgemmæ. Somnus modicus in principio morbi utilis est, nec ideo tantum uigilandum est ut inde spiritus resoluantur. Camera euentari debet sæpe aperiendo & reserando: ex hoc enim uariatur aër: sic tamē euentari debet, ne ob id sentiat ægrotans & patiatur frigoris quicquam. Debent tendi per latera lecti lintea aceto madefacta. Asperge parietes ac solum camerae aceto aqua permixto: spargantur hincinde, & per angulos & parietes apponantur frondes, pampini, cannæ, salices, rosæ, plantulæ & folia citrullorū & alia quæque uiridantia, flosculi & poma odorifera. Facies suffitum ex sandalis & rosis, mirthillis & camphora, terebenthina, thure, corticibus citri, corticibus granatorum & pomorum cōmuniū, additis modicum chariophilorū & croci. Super omnia curæ sit, quod singulis horis sex oportet temerare & renouare infirmo camisiam & omnes pannos, linteamina, fumigia, unā cū uase pro fumigio. Si comode fieri potest mutabis singulis uigintiquatuor horis stratum & cameram. Antea autem quā introducatur, sit camera bene emundata, ac bonis (ut cōuenit)

odoribus fumigata. Aliter enim amictus, lectus, & habitatio, ueneno inficiunt. Nec uolo cum silentio præteriri, quod ubi insolita appareat caliditas, stomachi robur, dolorumq; ab intestinis securitas, consueuerunt Rasis & Iohannitius semel tantum ad potandum dare aquam frigidam & recentem multa cum quantitate. Ego uero ut securius agerem, darem aquæ hordei recentis libras tres, cum uncijs tribus sacchari. Et forte darem etiam succi cucumeris libram dimidiam, cum uncia una sacchari bene simul permixta, postea succi aranciorum uel granatorum unciam unam, & drachmam unam sacchari. Quidam compatriota noster uir robustus, quamprimum hic ipsum morbus inuasit, immerisit se aquis frigidis, perq; duas horas sic stetit, exiens liberatus est: uerum tamen fallacissimum hoc est experimentum. Fortè securius esset sedere in aquis tepidis quæ pectoralia non attingerent, quoniam hæ partes non sunt aperiendæ, nec ad ipsas prouocandi sunt humores. Nonnulli hoc in casu assumpserunt uenena & maxime quæ frigida naturæ, & fortassis etiam ea quæ calida naturæ, prius uel post theriacam uel terram sigillatam cum bolo armeno & aceto aqua permixto, & similia quæ contra uenenum sunt. Inter quos quidam phisicus liberatus fuerat. Videtur tamen mihi res admodum periculosa.

De cura per artem chirurgiæ. Cap. XI

Hoc in casu non expectandum, quousq; appareat inflatio aut bulla, sed facta purgatione uel phlebotomia

botomia sis celer & promptus ad uenenum extrahendum, faciendo cum fermento & cantharidibus ruptorium, uel aliud ex his quæ inferius narrabimus. Appli- ces musculo dextri brachij sub cubito interiori à parte uel ubi tangi solet pulsus, nō tamen super proprio pul- su. Similiter facies super talo pedis dextri quatuor di- gitis ad intra ut fiat uestica, quam aperi, apertam que teneas. Si solitum apparuerit signum, & incōmoditas breuitasq; temporis obseruandum ordinem impediāt, fiat phlebotomia atq; purgatio. Quibus factis uel sal- tem phlebotomia, facies ruptoriū, et applicabis eidem lateri sex digitorū sub signo distantia. Sunt qui tempo- ris uarietati non confidant, sed & præter ordinem pri- mo & post, simulq; quo melius possent remedijs curæ student. Modernorū talis ordo quorundā est, ut ubi nil impediāt, primo purgetur infirmus cum clysteribus, pulueribus, phlebotomia & medicina. Post uero ap- plicanda ut diximus (etiam non apparente signo) ru- ptoria, ac tutius est confestim (appareat signū uel nō) ponamus ruptoria, & reliqua huic morbo appropria- ta. Si uideatur apparens, sic facito. Si enim apparue- rit circa aures subito ruptorium applica collo in po- steriori parte, eiusdem tamen lateris in quo signum. Si sub brachio, musculo ruptorium apponatur eiusdem brachij, uel prope pulsum, non tamen suprā. Si in inguinibus, pone iuxta cauillam, hoc est super talo pe- dis eiusdem lateris. Quum alibi appareat, applica ru-

ptorium sub signo per distantiam sed digitorum, uel sextantis, ne tamē ponatur, utcunq; sit, supra pectus. Et si fuerit in gula, uidelicet à parte anteriori, ponatur ruptorium à posteriori uidelicet in collo: si uero in posteriori parte eodem in loco fuerit, non debet in anteriori applicari, sed potius sub loco signi, sicq; tandiu permittes ibidem ruptoriū donec uesicam fecerit, quā aperias, & supraponas butyrum & folia caulis: item spongiā hac intinctam decoctione. Sume camomillæ, brietanicæ, meliloti, scabiosæ ana manipulum unum, bulliant in libra dimidia aquæ ad consumptionem dimidij: hanc quia uenenum trahit renouato, teneto sæpius in finem usque curæ.

Simpliciū descriptio ruptoriorū. Cap. XII

Ruptoria hæc sunt, uincetoxicon, uitriolum, flos æris, nux rancida, cordumeniū, arsenicum, calx uiua, antipharmacū, cuscuta, calx cum sapone fullo-
num, aura, cynoglossa, fermentum cum lixiuio, galba-
nus, cauda equina, euphorbium, stercus columbinum,
stercus accipitris, anserū, anatum, nasturtiū, limacia
uiua uel suo cum cortice trita, rana excoriata & assa-
ta, calamentū, pulegium ceruinū, aristolochia, rapha-
nus, uiscum, centinodia, costum, piper, lapis spongiæ
marinæ, flammula trita, urtica, sinapis, uitalba, men-
tastrum, scabiosa, canapis, canapatium, cantharides
& salgemma, grana masticata, pirethrū, uitellum oui
cum multo salis, consolida maior, et scabiosa, trita in-
tra duos

tra duos lapides mirabiles sunt. Dicta ruptoria debent citò, ut dixeram, applicari, & fortè pariter super signum apparens. In delicatis personis utendū est lenioribus, & in alijs, fortioribus. Et tutius est ut sub signo ponantur quàm supra: uel supraponantur minus fortia, sub uero, fortiora.

Curandi apostematis rationes, modi, & conditiones. Cap. XIII

Hoc signum uocatur apostema: quod quum uenit ante febris accessum, indicat cor fortè esse & potens ad expellendum uenenum, & tunc est febris accidens apostematis. Ediuerso est quum uenerit post febrim. Hoc enim apostema est duarum generationū, altera est bulla & nominatur anthrax & carbunculus: Altera est inflatio, & uocatur bubo & glandula. Bulla cōmuniter per emunctoria exit, & quanto plus à principalibus distat membris, tanto minus periculosa est. Nigra est omnium pessima: secundo uiridis loco est paulò minus mala: tertio glauca, rubea quarto. Et quanto aridior tanto etiam peior est. Inflatio cōmuniter in emunctorijs uenire solet, hoc est, principalium membrorum purgatorijs, quæ tres sunt, in locis scilicet post aures, sub brachijs, in inguinibus. Cerebrum per emunctoria post aures demittit uenenum, necnon in collum. Cor sub brachia mittit. Ad uel circū inguina hepar. Hac de causa peior est inflatio quàm bulla, quoniā ueneni multum ad principalia decurrisse mem-

Tria principalium membrorum emunctoria.

la ostendit. Et quanto cordi propinquior inflatio fuerit, tanto quidem periculosior. Vtrorumq; scilicet bulle pariter & inflationis quasi similis est cura. Sunt qui accedente apostemate ante febrem & procul à corde faciunt subito ligaturas inter locum doloris & cor, supraponuntq; reperiendi causa res frigidas, siccas. At supra doloris locum proprium, res ponunt calidas & humidas, resolutiuas. Alij quamprimum apparere incipit apostema, ponunt supra simul & à latere uenatosas, ut diximus, & ruptoria, subito hanc exhibendo medicinā. Sume hellebori nigri præparati, senæ, cinamomi ana drachmam dimidiam, diagridij scrupulum dimidium, infundantur in uini granatorū uncias quatuor, & sacchari unciam unam. Si ad multas horas in infusione staret, melius esset, postea cola & exprime, propinanda quā apparet apostema antequam dormiat. Sic uero præparant hellebortum: Scindunt per longū in frusta minuta, ponunt ipsum in pomo dulci, inuoluntq; pomum in stuppis prius aqua rosarū intinctis, sicq; coquunt sub cineribus calidis, cocto semel proijciunt pomum, recoquunt helleborum alio in pomo, modo quo prius, separatim à pomo conseruatur. Dant robustissimis helleborū mixtis miscendis, modo & ordine dicto. Cæteris uero & minus robustis dant solummodo pomum secundæ coctionis. Præparant scamoneam coquendo ipsam in malis, cydonijs uel in pasta farinæ hordei facta cum uino cydoniorū. Non reprobo istorum

bo istorum regulas, sed ad nostras regredimur.

Regulæ & modi applicandorū ruptoriorū.

Caput XIII

QUum opportunū non est ut extrahi possit sanguis cum uentosis uel sanguisugis, nec incendi signum, poni debent sub uel suprā, uel simul utrobique ruptoria ex dictis, & his etiam quæ in sequentibus dicam, compositionibus. Exhibes autem prædicta si uideatur temporis adesse commoditas, postquam extractus est sanguis, ac parū quieuit ægrotans, uel saltem post assumptionem medicinæ & eius perfectam operationē, & si non præstò affuerit qui manu operetur, dato puluerem, quem si non habeas, exhibe medicinā. Si nec medicinam habueris, applica sine dilatione ruptoria supra & extra signum, cum moderatione, ut diximus, & ordine: & si tempus instet, nec quicquam adhuc factum sit, exhibe simul purgationē & ruptoria, nec cesses unquam à remediorū administratione, nec differas ut speres te omnia cum temporis comoditate facturum. Aduerte ne super signo ponas res adeò frigidas & stypticas ut uenenū ad intra repercutiant. Vtere his quæ apte ad trahendum & resoluendum, ut sunt res calidæ. Ac aliquantulū temperandæ sunt quandoque, si sis eas continuaturus cum rebus frigidis, ut nimia euitetur inflammatio, nec tamen ita frigidis ut inde restringant. Nec multum metuas dolorem, quoniā uenenum trahit ad postema. Nolo tamen toleres ex

cessum, quoniā uires adderet ueneno, augmentaret pariter & febres, naturamq; nimis lassaret. Locum ruptorij nolo per artem in totum consolidare, donec tres elapsi sunt menses: hoc uero quum facis reitera purgationem. Quidam Florentinus noster hoc Vere incidit bullam: quod quum inde ab hoc morbo ita liber esset, ut non diuersus foret à sanis, haud ita multo post quamprimum plagam consolidauit: transactis uero post diebus quadraginta iterum morbo infectus bidui spacio interijt, maxime hoc quia sine purgatione plagam restrinxerat. Hoc etenim scias, quod qui post septimum perit diem, mala potius cura id euenit quam huiusce natura morbi. Scito quod postquam uenenum intantum decurrit ad apostema, ut principalia membra per hoc sint alleuiata, nisi tu perbene & continue id ipsum trahas, rectifies, & purges, intrinsecum apostematis uenenum plus exasperatur, contractum uaporat ad intra et occidit. Idcirco continue cor ipsum fortifica constringendo uias eius intus & ab extra, humores saepius euacua, uenenum plagæ rectifica, purga. Nil speres certi ex illorū præter rationem sanitatis spe, quinimò nec ad instans ob hoc à remedijs cesses, maxime si adhuc septimus non elapsus fuerit dies.

Composita ruptoria & emplastra quædam
fortia. Cap. XV

Multifariam sunt ruptoria composita, fortiaq; in trahendo uenenum ad extra. Enarrabimus multa,

multa, ut secundum opportunitatē cuiuslibet auxilio
cōmode uti possis. Sume ficus, ireos, & grana tritici
contusa, parte æquali, maturat hoc citò ac rumpit.
Item fermentū cum oleo et sale. Item pix cum passulis
& melle. Item stercus passerinū cum axungia porci.
Item uitrum puluerisatū cum terebenthina. Item nisi
abominosum foret stercus humanū, ualet multum ante
& post rupturam, supraponendo medullam panis fer
uenti oleo intinctam. Item oleum cum cineribus bulli
tum. Item cantharides numero decē, cum uncijis passu
larū una, fermenti una et semis, scabiosæ, cynoglossæ,
consolidæ maioris, antipharmaci ana unciam unam,
incorporentur cum oleo liliorum. Et si fortius facere
uolueris, adde sal & columbinam herbam, rutam ana
drachmas duas. Item nasturtium cum oleo & sale.
Item auripigmentū, piper ana drachmas duas, cari
cas numero decem, fac emplastrum cum melle quantū
sufficit. Item baurach, salis ammoniaci, scabiosæ, anti
pharmaci, allij, piperis ana partes æquales, fac empla
strum cum succo scabiosæ. Item galbanum, radices li
liorum alborū, stercus humanū, consolidam maiorem
tritam inter duos lapides. Item fermenti uncias qua
tuor, sinapis, rutæ, scabiosæ, absinthij ana manipulum
unum, radicum liliorū alborū partem tertiā, uitrioli
drachmas duas, cantharides numero decem, galbani
unciam unam, nuces rancidas numero tres, olei lilio
rum alborum quantum sufficit, coquantur herbæ &

radices in oleo, & fiat emplastrum, addendo cætera ingredientia secundum artem. Item cantharides cum oleo saponis. Item cineris quercini, quo tinctorum utuntur partes quatuor, calcis partes sex, misce, & quum uteris suprapone prædictum emplastrum. At istud nunc dictum emplastrum facies cum oleo oliuarum nigrarum, & fortius est, si oleum cum cineribus bulliat.

Item fermenti, urticæ, pinguedinis carnis exiccatae, barbæ maluanisci, maluæ, partes æquales. Quinque sunt herbæ hoc in casu tum in omnibus emplastris, tū etiam intus sumptæ ualde conuenientes, quoniam tam intus quàm extrà ueneno resistunt, & sunt quasi temperatæ, scilicet consolida, scabiosa, agrimonia, britanica, aristolochia.

De emplastris temperatis. Cap. XVI

Fortia sunt admodum supradicta ruptoria & emplastra, cum ad rumpendum, tum etiam ad extrahendum citò uenenum. Sed non sunt continuanda, quoniam nimis inflāmarent, attamen eis plus uti quis posset, ubi apostema non esset coloris multum uiridis aut rubei uel nigri. Ac etiam ubi non multa foret corrosio, temperatiora quædam adducam & magis conuenientia, ubi de magna metus esset inflammatione. Sume barbæ maluanisci uncias duas, caput unū liliorū alborū, farinæ seminis lini ana unciam unam cum dimidia, bulliant in aqua cōmuni, & pistentur cum fermento & axungia ueteri, applicetur calide. Item sume fursuris

me furfuris non penitus expurgati à farina manipulos duos, coquatur in aceto. Item columbina cum aceto & oleo rosato. Item farina hordei cum succo brittanicae uel consolidae. Item capas cum butyro coctas addendo post caricas, & fermentum cum oleo camomillino dulcorari potest (si opus sit ob odoris uehementiam) addendo poma cocta, aut maluauisci, & maluum, ipsarumq; mucilagines. Quod si maiori adhuc opus sit dulcoratione, accipe capas coctas & poma cocta, scilicet cum butyro & oleo camomillino. Item malua, barba maluauisci, scabiosa ana manipulum unum, bulliant herbae in aqua comuni, cum qua incorporetur farina. Pistentur autem herbae & condiantur simul omnia cum uncia una pinguedinis gallinae, & totidem olei camomillini, croci drachma dimidia, est enim delicatissimum emplastrum. Item scabiosa, pes columbinus, cichoria, consolida maior. Conuenit post haec emplastrum ex apio, brittanica, farina orobi cum praedictarum herbarum succis, secundum aliquos etiam cum theriaca. Item emplastrum ex opoponaco trito cum passulis. Item assa, ruta, & nitrum cum melle. Bonum quandoque fuerit unctum esse cum theriaca, suprapositis capis & malua coctis. Supraponunt etiam nonnulli flores aranciorum, & folia contusa cum axungia & malua. Quantum uero ad ipsam theriacam, uolunt aliqui non esse ei quicquam superponendum, quoniam reamittit uenenum ad intra.

Emplastra temperatissima. Cap. XVII.

QUum bulla multū nigra est, & supra modum ardens, ac perquam citò accendit, corrodit, & dilatatur, temperatiora debent esse ea quæ administras, desiccatiua cum aliquali frigiditate, temperataq; caliditate resolutiua. Exempli gratia: Sume plantaginem & gallas cum aceto coctas, item lentes cum pane mixto, cum cribratura furfuris. Item granatæ acetosa & medij saporis in quatuor partes scissa & cocta in aceto usque ad eorundem dissolutionem, contendantur & applicentur, conueniūt ab initio morbi usque ad declinationis statum. Conuenit alterum hoc emplastrum ante hulcerationem causatam à bulla. Sume aacacij, draganti, opij, corticum granatorum ana drachmam unam, uiridis æris, hyoscyamum album, fac emplastrum cum uino & serua ad usum. Quando uideas iam factam hulcerationem, suprapone id aliquantulum desiccatiuū: Sume esdram cum uino & rob granato & similibus: aduerte ne partes signo circumstantes putrescant, defende ipsas cum bolo armeno, aqua rosarum, oleo rosato, aceto rosato, & cæteris. In recessu inflammationis, hulceratione remanente, pone emplastrum ex litargyrio, & ea quæ ad malignas & corrosiuas plagas conferunt, id est, quæ refrigerant, desiccant, reperiunt, ex quibus aliqua superius cōmemorauimus. At temperate facito cuncta, & repete ut expedit, purgationes ad intra.

De modo

De modo mitigandi dolorem circa ipsum apostema. Cap. XVIII

QUæ superiori tractata sunt capite in bullis multum nigris & corrosiuis uerificantur, at in cæteris non tantæ inflammationis temperatior esto maturiorq; in reperiendo. Ardorem doloremq; partim à morbo, partim à ruptorijs siue ab inflammatione prouenientem, si mitigare studeas, circumpone signo medullam panis calidi recentis primum excepti è furno, uino acetofo uel succo plantaginis intinctam. Item coque prædictam medullam, necnon & lentes in aceto, applica & sæpius muta, & ne desiccetur emplastrum illico suprapone folia plantaginis. Quando emplastrum deponis lauetur plagæ superficies cū uino pontico siue acetofo, suprapone farinā hordei cum melle. Intelligo autem poni debere ista non supra, sed circum plagam, quamuis secundum Petrum de Tusigniana aliosq; & doctos & expertos, hæc quæ diximus non multum reapercutiant, uerum pellunt caliditatem, confortant doloris locum, & temperato quodam calore resoluunt. Remanentem postea plagam his rebus curato quæ ad uenenosas corrosiuasq; attinent plagas.

De modo incidendi putrem ipsius apostematis.
carnem. Cap. XIX

QUando est mortificata plaga, cura subito ut tristis illa caro decidat. Sume branca ursinæ, barbæ maluaufici, herbæ peruincæ, foliorum maluæ ana-

unciam unā, coquantur, pistentur & misceantur cum axungia porci non salita, & cum butyro ueteri, sic simul ad tres dies permittantur, postea colentur, exprimentur, addendo colaturæ parum ceræ & mastice, serua ad usum. Vtq; competentē faciat plaga crustam, quā postea bene diuellas, quū dicto usus es emplastro, ungatur cum butyro & oleo. Crustam autē nulla cum uolentia deponere (id quidem multum obesset) morare donec natura id per se facere incipiat, quam postmodum cum supradictis adiuua. Interea ne corrodat uenenum, perq; sanas corporis partes discurrat, hunc in modū succurrere opus est. Habeas uentosam amplam, ita ut totam (quum applicatur) plagam hoc modo ambiat, uidelicet ut supraposita tangat circumcirca tantummodo carnem sanam, ita ut plaga nulla ex parte contingi queat à uentosa. Hanc igitur uentosam applicato sic trahendum uenenosum ex profundo sanguine, prohibendumq; ne intrò reuertatur.

De modo mundificandi plagam.

Caput XX

Rupto apostemate extractaq; ueneni materia, propinanda sunt constrictiua simulq; mundificatiua. Sume farinā ordeï cum melle & modico salis, suprapone folia caulii. Item sarcocollam puluerizatam, & mel parte æquali: si fortius uolueris, coque in primis ipsum mel, post uero adde sarcocollā. Est equidem secundum Gentilem de Fulgineo & Petrum de Tusigniana

Tuſſigniana ſolennis compositio, quoniam omne vulnus mūdificat, omnemq; sanioſam plagam. Cōmendo pariter ad hanc rem emplaſtrum diaquilon.

De modo regenerandi carnem bonam.

Cap. XXI

MVndificata quum fuerit plaga, ad bonam carnem regenerandā, accipe folia baſiliconis optime contuſa. Item recipe xanthos, centaureæ maioris, herbæ pentaphyllon, cōſolidæ maioris ana partes æquales, deſtillentur in Vere per alembicum, uel facito his ex herbis ſuccum, ſicq; ſimul per mitte donec bene permisceantur. Poſtea adde illis aquæ uitæ partē quintam, ſerua ad uſum: iſtud enim mirabile inuenies in regenerando carnem. Item conſert ad hoc barba aſphodeli, hoc eſt lappa, cocta cum ſecibus uini. Item emplaſtrum ex coriandris uiridibus cum melle & paſſulis.

De uarijs modis extrahendī ſanguinem à ſigno.

De modo cauterizandi per incendium.

Caput XXII

OMnis circa ſignum prædicta cura, quæ (ut antea narrauimus) ſit cum ruptorijs ſimplicibus & compositis: Laudabilior fieret Italicorū omnium Doctōrū ſentētia, modo quem iamiam dicemus, poſtponendo ipſa ruptoria, & ſic faciendo: Pone cauteria diſtanter à ſigno quemadmodum iam diximus, & ſimul ſupra ſignum magnam pone uentofam, qua depo

sita tange ipsum uarijs in locis cum rasorio & lance-
 ola, postea uentosam repone, ut sanguinem attrahat,
 eamq; cessante sanguinis attractione amoue. Deinde
 tres bene purgatas sanguisugas applica, hisq; iam re-
 pletis & amotis, gallorum uel pipionum columba-
 rumq; pullos scinde per medium, & sic calide unum
 post alterum appone. Post secundum quosdam debet
 inungi cum theriaca, dein uero permittas cum quie-
 scere. Nonnulli istorum loco dmepluāt locum circa a-
 num galli, & accipiunt saponis aliquantulum obscuri ac
 quasi uiridis unciam unam, opij scrupulum dimidiū. pi-
 stantq; bene, & cum sale albo pulueratissimo faciūt sup-
 positoriū gallo, & totum in simul superponunt. Quo
 peracto restaura egrotantem, & postmodum cum le-
 niter cauteriza. Non dico cum cera nec oleo feruenti,
 quia oppilant, sed cum auro ignito, aut argento uel
 ferro, ipsumq; instrumentum in summitate rotundam
 habeat planitiem ad formam unius satis magni qua-
 drantis, sitq; in medio huiusmodi planitiei acies siue
 acumen ad formam adamantis, non nimis acuti. Et
 post incendium inunge cum butyro, & cooperias lo-
 cum folio caulis, & permitte eum quiescere. Hoc mul-
 to eligibilius est ruptorijs, eo quod citius operatur, ma-
 gisq; pellit uenenum, meliorem insuper qualitatem in
 membro relinquit. Posthac utuntur rebus plagæ sus-
 perponendis, & circa, quas superius cōmemorauimus
 post ruptoriū administrandas & eodem modo. Non-
 nulli

nulli pestilenti morbo laborantes non aliud ostendunt signū quā maculas, ueluti morbilli, per corporis cutem disseminatas. Istiusmodi debent inuolui panno coccineo calido, & custodiri à frigore, apponāturq; duæ magnæ spongiæ dorso cum renibus, & pectori calide, intinctæ decoctioni meliloti, camomillæ, & lentis, & bene expressæ, & ieiuno stomacho: sæpius mutantur. Dabis etiam in potu decoctionem caricarū, lentis, granorum tinctorū, & croci.

De cura secundum morem Hispanorum & Catelanorū. Cap. XXV

Dictum à nobis in præcedentibus de istiusmodi morbi cura secundum Græcorum, Latinorū, necnon & Barbarorum intentionem, maxime uero secundum usum Italorum, at in præsentia iuxta Hispanorum morem, pariter & Catelanorum, de hisce medicamentis considerabimus. Itaque secundum istos fit statim clystere: post uero, si sanguis abundat, phlebotomia. Sin minus, exhibetur iuxta peccantis humoris qualitatem medicina. Ab initio applicāt epithema, deinde facta aliquali euacuatione, saltem cum clystere, ad curam procedunt apostematis. More etiam istorum, nihil ex inflammantibus ardentibusq; superponi debet apostemati, quia spasmus inducunt, febres accendunt, malignius reddunt uenenum, maxime si in emunctorijs fuerit apostema. Aiunt item non esse in principio apponenda maturantia multum ac maces

ratiua, quoniam glutinant, oppilant, putrefaciunt, re-
 feruere faciunt, pelluntq; uenenum ad intra. Nec frigi-
 da quoque dicunt administranda, nec quicquam (quia
 desiccet) cum spongia, neq; cū panno, quia intus clau-
 dit uapores stringitq;: At uero cum lana munda, siue
 cum stuppa (maxime ex cannebo) laudabile est. Præ-
 sens decoctio est maxime familiaris, his præcipue qui
 sunt natura delicati, ac etiam in emunctorijs: Accipe
 flores camomillæ, melilotū, capillos Veneris, bulliant
 in aqua, imbibe lanam siue stuppam, exceptam mani-
 bus exprime, applica tepidam uel parum calidam,
 singulis horis renoua, donec resoluat uel aperiat. Post
 uero aperturā transacto die quinto utere maturatiuis,
 & quæ mundificant, regenerant. Bullis autem ut run-
 pantur secure superponitur scabiosa pista, uel sola, uel
 cum ueteri axungia porci, & salita. Si uiridis est bulla
 uel nigra, nec tamen est in emunctorijs, aperias eam
 subito uarijs in partibus cum lanceola, uel rasorio, ut
 inde citò exeat uenenu. Deinde laua bullam cum aqua
 salsa: ne ibidem remaneat sanguis coagulatus, applica
 sanguisugas. Post quum fuerit rupta & ueneno expur-
 gata, transacto (ut supra) die quinto superpone matu-
 ratiua, mundificatiua, regeneratiua. Præter hæc (nisi
 admodum tenellæ sit ætatis ægrotans) debet nō supra
 sed sub bulla per sex digitorū distantiam poni ampla
 uentosa. Postea fieri debet apertio cum lanceola uel
 rasorio, & iterum apponi uentosa ut sanguinem atra-
 trahat,

trahat, uidelicet uncias duas uel tres, uel plus etiam iuxta tenorem consensumq; uirtutis. Aduerte, signo in emunctorijs existente, ne proprio signo applices uentosas, nec incidas, nec nimis ipsum molestes frequentando uentosas, quoniam sic augetur spasmus, multi trahuntur calidi humores, peius efficitur uenenū, & multi sic faciendo pereunt. Verum si circa aures, uel in gula huiusmodi signum appareat, applica uentosam retro sub spondylibus colli, non supra uel in spatulis. Si uero appareat sub brachijs, applica uentosam sub eodem latere, declinando uersus dorsum. Si in inguinibus, applica uentosam in coxa, uel retro sub clunibus. In quocunq; horum casuum sic facito: pone per sex digitorū spacium procul à signo (ut diximus) uentosam, & scarificando trahas sanguinem cum uentosis uel sanguisugis. Sed supra signum, supradictam pone decoctionem, ut temperate leniat atque resoluat. Vnā cum decoctione bonū esset si posses apponere lapidem quempiam ueneni tractiū puluerizatum, uel integrum, ut sunt smaragdus, hyacinthus, topazius. Tamen secundum aliquos istorum possumus superponere signo sanguisugas, & quandoq; etiam uentosas. Esto quod sit in emunctorijs, nulla tamen fieri debet cum uiolentia, post uero lauando cum aqua salsa. Hoc fit quando signum summe inflatum est, uel mali coloris: & quum est apertum signum, transacto die quinto utuntur maturatiuis. Quod si hæc ipsa decoctio minis

mam faciat operationem, reduces eam ad formā doc-
 ciæ uel guttæ. Quando ipsum apostema plus solito est
 inflatum, quidam post diem tertium fortiter incidunt
 ipsum per longum eius membri in quo signum appa-
 ret per interuenia scilicet, cuitando uenas & arterias.
 Et si nimis flucret sanguis, obuiant cum stuppâ intin-
 ctâ uitello oui, & oleo rosato, non uero in albumine,
 quia frigidum est & uiscosum. Eo tempore confortant
 ægrotum cum cordialibus intus & extrâ. Verum sas-
 pientiores inter istos non approbant hanc incisionem,
 iudicando ipsam maximi esse periculi, præsertim in ca-
 muntorijs. Post uero quintum diem si febris non est
 ardua, ac signum nō multum est uenenosum, nigrum,
 uel uiride: si etiam approximat rupturæ, corpore be-
 ne purgato, incipe cum maturatiuis, postquam feceris
 quæ diximus, ad maturandum apostema. Sume barbæ
 maluauiſci, barbæ liliorum, enulæ campanæ, cucume-
 ris asinini, ceparum ana libram dimidiam, caricarum
 pinguiū, seminis fœnogræci, seminis lini ana unciam
 unam, foliorū maluæ maluauiſci, brancæ ursinæ, her-
 bæ uiolarie ana manipulū unum, coquantur cum im-
 petu in aqua, bene pistentur. Si pro delicatis hoc matu-
 ratiuū fiat, colentur prædicta, coquantur, pistentur,
 & exprimantur. Postea addatur axungie porci re-
 centis, liquefactæ, colatæ, libra una uel quantū sufficit.
 Aliqui addunt limacias bene pistas, unâ cum cortice:
 hoc enim conuenit ubi cutis multum densa est, ueluti in
 inguinibus,

inguinibus, & post aures. Alij addunt fermenti, panis
grossi ana uncias duas, aut plus, uel minus, secundum
opportunitatem trahendi & rumpendi, quæ res conue
nientior est in bullis, quàm in inflationibus emuncto
riorũ. Sunt & alia quedam leuiora maturatiua, ut est
farina tritici cum oleo & aqua simul bullita, donec ad
aliquantulam tenacitatem perueniãt, uel cum medulla
panis fursurei, & cum caricis pinguibus simul coctis,
& postea pistis. Possumus addere oleum oliuarũ, uel
oleum amygdalarũ dulcium, aut axungiam porci re
centem. Si talis axungia uetus esset, & salita, foret hoc
emplastrum utile ad leniter rumpendum bullas. Etiam
addere possumus pinguedinem gallinæ recentem, se
tali cum pinguedine, axungia, & butyro recenti, oleo
uiolato, barbis liliorũ coctis fiat emplastrum gratum
delicatis. Huiusmodi maturatiua (ut antè diximus) fie
ri debent post purgationem cessante febre, & postquã
signum est apertum, expurgatumq; ueneno, transacto
etiam die quinto, deinde utuntur mundificatiuis, po
stea regeneratiuis, ultimo consolidatiuis signi. Si bulla
fuerit nigra uel uiridis & corrosiua, nec est in emuna
ctorijs, incide cum profundatione lanceola uel raso
rio. Postmodum ministrabis docciam cum aqua salsa
aliqua lter calida, ne sanguis (ut diximus) coaguletur:
deinde applica uentosam aut sanguisugas, uel anum
galli deplumatũ. Quidam applicant limaciam uiuam,
nonnulli ranam uiuam: hoc autem fieri potest quando

signum non sit in emunctorijs, postea apponi aliquod
 facile ruptoriũ quod suprà tradidimus, uel etiam istud:
 Sume uitellum oui cum modico salis, nec fortius, quia
 bullam malignaret: mutetur autẽ istud sæpius. Quod
 si & hoc bullam nimis cõturbaret, utere sola scabiosa
 pista, uel ueteri axungia porci salita, uel simul utrisq̃.
 Sunt quædam ruptoria admodum fortia, quæ non de-
 bent poni super emunctoria, nec ubi grauis adsit fe-
 bris: quæ etiam si ponantur, ubi non minus sit fortis,
 minime conducunt. Sume caricæ crudas, & fermentũ.
 Item si hoc nõ ualet, faciũt hoc fortius, obseruatis tamẽ
 modo & ordine narrato: Sume cantharides bene tris-
 tas, & tertiã partem axungie porci, hoc pone super
 bullam malignatam ter uel quater. Dicunt chirurgici
 hoc esse sæpius expertum. Quando adhuc fortius hoc
 ipsum habere uolunt, addunt quartam partem saponis
 fullonum, quod quidem dicunt in malignata bulla, &
 in homine robusto mirabiliter operari. Item aliud for-
 te pro bullis. Sume pulueris uitri bene puluerizati un-
 ciam dimidiam, granorũ tritici tritorum uel dentibus
 masticatorum unciam unam, uitella ouorum numero
 duo, croci drachmã unam, terebenthinæ unciam unã,
 bene cõmisceantur & superponãtur cum stuppis mun-
 dis. Reliqui apponunt calcem uiuam cum sapone. At
 quoniam huiusmodi ardentia & uiolenta frequenter
 malignius faciunt apostema & febres, ideo securius
 est ante hulcerationem aduertere, ne materia intro
 reuertatur,

reuertatur, etiam ne quasi rabida efficiatur his cum rebus acutis, in debilibus præsertim complexionibus, uel multum cholericis, ideo his intentionibus utile est emplastrum Galeni toti membro superponere. Sume plantaginis, lentis, panis fursurei ana partes æquales, coquantur in aqua donec ad quandam soliditatē perueniant, superpone loco doloris & circume circa per latum spacium. Auicenna addit galas, ubi plus de subtili sanguine apparet quàm de cōpacto. Item ad istud utile est emplastrum granatorum dulcium, & acetosorum coctorū in aceto & aqua, præsertim ubi apparet materia incensa. Post uero quàm cessare incipit ardor, conuenit emplastrū Auicennæ, ex caricis pinguibus, passulis, nucibus, farina hordei, simul coctis ad maturandum & rumpendum. Post uero factam rupturam, mundificetur plaga cum succis apij, absinthij, plantaginis, melle rosato, farina, coctis cum modico terebenthinæ lotæ, deinde consolidatur secundum ordinē aliarum plagarum: circumponitur uero unguentum ex bolo armeno, & oleo rosato. Quidam ab initio causa fortis attractionis, ponunt inter musculos tibiariū, uel brachij, uel super spatulis herbam flammulam, id est cuscutæ tritam, quæ quidem faciendo hulcerationem emunctoriorū ad se trahit humores, & membrorum principalium. Istud remedium in robustis corporibus, & ubi nulla adest febris, utile est, non alibi nec aliter. Nonnulli actuale faciunt cauterium super signo cum

ferro ignito, quod quidem plus conuenit robustis, & ubi non est ardua febris. Raimundus inquit quod the-
riaca & bolus armenus non trahunt ad se uenenū, sed
procul depellunt: ideo dicit non esse assumenda per os
post secundum uel tertium diem, quando materia iam
uenenosa est, & cor ipsum attingit, nisi bene euacuata
sit & correctā. Item prohibet ne unquam super signo
ponantur, nec etiā uult ut apponantur, nisi signum
extra emunctoria fuerit, & quoq; ante tertium diem,
& in circuitu, non supra. Potest administrari bolus ar-
menus etiam post septimum diem, plaga ueneno ex-
purgata, ungendo in circuitu. Sic igitur conuenit in
tertio antequam plaga sit facta uenenosa: & conuenit
post septimum, postquā plaga ueneno expurgata est:
in circuitu autem ungi debet cum oleo rosato, aceto ro-
sato, & aqua rosarum ad defendendum membrum.
Haecenus Hispanensium & Catelanorū narrauimus
opinionēs unā cum correctionibus Arnoldi & Rai-
mundi medicorū singularium: uera res est, & Raimun-
dus huius est sententiæ, scilicet quod non debeat pur-
gari infirmus cum phlebotomia, medicina, aut uomi-
tu, quando apostema repletum est admodum, & uene-
nosum, hoc est, transacto die secundo, ne uenenum tali
motione intro reuertatur. Hæc quidem opinio uidetur
corrigenda secundum alios, & sic uidelicet purgari
debet si opus sit (cum dictis obseruantijs) etiam post
ipsum diem secundum, sic tamen quod dum purgatur
applicet

applicēs uentosas & sanguisugas, sub & super signo,
& quod cor defendatur intus & extrā cum cordialia
bus frigidis: & hic quoq; modus non prorsus est alica
nus ab intentione præfati Raimundi.

De astantium conseruatione qui infirmū regunt.

Caput XXIIII

Huius astantes præterea quæ dicta sunt in prin
cipio pro conseruatione (scilicet theriacam, pi
lulas & similia) nisi uacui fuerint sanguinea superflui
tate, debent aliquantulum sanguinis extrahere ex uena
cōmuni, facta bona purgatione cum dictarum pilula
rum drachma una, uel saltem media. Vtile est sæpius
sumant pulueres & medicinam contra morbum, ut in
præcedentibus dictum est, & maneāt quo magis pro
cul possunt ab infirmo, præsertim quum sunt ieiuni.
Euentetur sæpe locus habitationis, & fiant fumigia,
ut supra dictum est, nunquam prætermittendo tereben
thinam: gestent in manibus faces ardētes, & carbonēs
bene succensos bonis odoribus fumigantes, lauent uni
uersum corpus cū aceto tepido bis in die, scilicet manē
& serò. Sæpenumero mutet indumēta, & frequentius
renouet fumigia, maxime cum thure, terebenthina,
iunipero, myrto, sandalis, rosis, & camphora uel ro
remarino, lauro et similibus. Teneat in manibus aran
cium & fasciculū rutæ uel quercule maioris & mentæ
ac melissæ cum myrto & flosculis recentibus: sit sema

per bene purgatus ab omni humore et cibo superfluo.
Iterum repete salutiferum illum odorem cum aqua ro-
sarum, aceto rosato, uino maluatico, zedoaria, uel cor-
ticibus citri: super omnia lauet sæpius cum his manus
& uultum. Cuius etiam compositionis pauculum bi-
bat, & teneat etiam admotam naribus spongiam in
eadem iam dicta mixtura intinctam, ligatam in ligno
fraxini: quoniam tantam habet fraxinus contra uene-
num potentiam, ut nullum animal ueneficum eius ap-
propinquare audeat umbræ, suo neque odori: potius
enim sese sponte ad concremandum igni concederet,
quàm ut huic proxime adhæreret arbori. Faciant sæ-
piusculæ ignes & focus per uniuersam domum, maxi-
me cum lignis & rebus odoriferis. Nec putet qui semel
ab hoc morbo liberatus est, sese deinceps nō posse hoc
in casu perire: quia præsentis anno ter unum ex Flo-
rentinis nostris hic morbus inuasit, qui secundo per-
fecte liberatus, tertio mortem euadere non potuit.
Eodem iterum anno in mense Septembri mulierculam
liberaui quandam à peste: sana equidem erat, ut cæ-
teri qui semper sospites extiterant: at quum inter mor-
bosos uersaretur, post dies xvij. iterū infecta periit.
Nulli confidendum est in hoc quod cæteris sit fortior
& magis sanus, quoniam uenenum ita fortes interimit
ut debiles. Imò uenenū istud plus quàm reliquos offen-
dit sanguineos atq; robustos, eo quod apertæ sunt illis
pectoris uix, habent & cor ualde calidum, multumq;
sanguinem

sanguinem calidum & humidum, ideo cordis ipsa caliditas per meatus apertos multum trahit aërem perniciosum, & quidem subito trahit, antequam temperari transitu possit. Etenim sanguinis caliditas perquam cito succenditur & inflammatur. Confestim putrefactiōi subest humiditas, in que uenenum conuertitur: quippe ut quanto plus in uase uini, & quanto potentius, tanto etiam in plus, tumq; in mordacius uertitur acetum: sic potens uenenum, tanto quidem abundantior, quanto calidior fuerit in pectore sanguis, quando equidem sanguis fit ipse uenenum, perquamfaciliter paruoq; ipsius contactu transmutatur ad idem. Conuertunt enim se alterutrū contactæ inuicem partes ad uenenum. Nec te prætereat ô qui patientis curam geris, quod quanto illi es propinquior, tum cognatione, tum complexionis uel naturæ ac constellationis symboleitate, tanto quidem maiori contagionis subiaces periculo: quia lationis quædam inest qualitati promptitudo, ut similis ad simile adimpleri transmutatio possit, ueluti ignis ad aërem, ad aquam aëris, huius ad terram. Et quum duæ citharæ, binæ uel fidiculæ uersu modulantur eodem, tunc quidem resonat motus, uoxq; huius in illam. Si uero petis, quas intret per uias uenenum? respondeo, quod omnes per corporis poros, maxime qui magis aperti. Citius autem offendit quando per nares, per os, perq; pulsus ingreditur, & multo quidem fortius si uias adinuenerit in calidis, humidis

334 MARS. F. EPIDEMIARVM

subtilibusq; apertas humoribus, et si quoq; à similibus
 prouenit humoribus, siq; influentia Martis cum diuer
 so euenit, & modo contrario, cumq; Saturnio influxu
 se quidem eo tardius demonstrat. Multoties immanet
 uestibus diu & cute uis patentibus & uenis cordi pro
 pinquis, nec inde quisquam grauari uidetur, quia pau
 culus est, leuisq; uapor, nec eam habet cæteris ut cordi
 partibus contrarietate, sed ipsi tantillum quum pri
 mum cordi contiguum efficitur, manifeste non occulte
 ledit. Similiter rabidi canis uenenum, necnon & alia
 suam longo etiam post tempore detegunt offensionem.
 Hæc denique scias uelim, quod scilicet per bimestre
 spacium remanet uenenum in personis. Parietes, fæ
 ramenta, & quæ sunt ex lignis constructa, nisi corri
 gantur cum lotionibus, fumigijs, ignibus, per annum
 uel plus fortè suam reseruant uenenositatem. Vestes
 quoque laneæ, & id genus nisi euententur, laucntur,
 sæpiusq; fumigentur, uel ponantur ad ignem, ad uen
 tum, ad solem, tribus annis & ultra remanent infectæ.
 Nosti quidem mucidi odorem arancij in qua mucea
 scerit capsula, multos seruari per annos. Similiter suo
 quo prius erat bombace musci diu permanet odor.
 Equidem ut ignis oleum, sic nutrimentum huius est la
 na ueneni: & quidem ita enutrit hæc lana uenenu, ut
 non modò conseruet ipsum, sed & augmentet, simulq;
 fortificet. Non est utendum pro cibi uel potus dispo
 sitione uasis illorum qui infecti sunt, nec tangi debet
 quicquid

Quicquid adhæserit illis. Iucunde tibi uiuendum est,
eo quod lætitia uitalem confortat spiritum. Continen-
ter & sobrie uiuas, siquidem tanti est ualoris sobrietas
& continentia, ut ea sola mediante in multis & qui-
dem grauibus (Athenis quæ fuerant) pestilentijs So-
crates philosophus sese seruarit incolumem. Inquiunt
ideo Aristoteles atque Galenus talem esse in puris cor-
poribus dispositionem, ut fermè nunquam sentiant pe-
stem, uel ea ipsa (& si infecti) saltem non percunt.
En tibi iam duo, ut te conserues singularia trado. Pa-
rato ut bibi possit smaragdum, ut tangi, ut ore tene-
ri, suspendique collo, cuius tanta est aduersus uenena
uirius, ut, teste Rasi, Auenzoar, Serapione, tyris
& bubonibus eius conspectu ex sese statim lumina cas-
dant. Pauperibus dare soleo raphanum syluestrem,
parum pro uice ne sanguinem incendat: tantam enim
habet contra uenenum efficaciam, ut scorpionem eius
contactu crepari faciat: & dicit Dioscorides, quod tri-
to cum aceto eius semine lotis manibus, tangendo ser-
pentes nocere minime possunt. Lapis bezoar (si quis
posset habere eum) super omnia ualet aduersus uene-
na: quamuis enim Persico idiomate id omne bezoar
ab antiquis appellari solet cuius est proprietas uirtus
que pellendi uenena: secundum tamen Serapionem,
& Rasim principaliter uocatur bezoar lapis quidam
omnibus uenenis tum calidis tum frigidis morsibus,
cunctis ue hulceribus uenenosis sua uirtute resistens.

& confert siue sumatur per os, tum etiam ore teneatur, uel è collo suspensus, tum denique quouis modo applicatus ad extra. Oritur in Syria, in India, in partibus Orientis, estq; diuersi, diuersus trini coloris. Nam quidam glaucus est & fuscus, quidam glaucus, fuscus & uiridis, alter uero albus & aliqualiter glauculus uidelicet similis colori uini albi, clari: hic inter ceteros est optimus, leuis, delicatus, mollis, absq; sapore splendens ut lumen. Dosis eius quādo per os recipitur est grana duodecim. Testificantur Rasis & Serapion sepius se suis compertum habuisse temporibus, quod preciosissimus iste lapis omnes tam simplices quā compositas medicinas, tum etiam cōpositas theriacas propria qualitate superauerit in resistendo uenenis. Inquit Hahamed, ligetur in anulo, in sculpaturq; scilicet lapidi scorpionis imago, quum luna est in Scorpione, respiciendo ipsum ascendentem. Quo facto sigillentur cum eo thura quando luna fuerit in signo Scorpionis. Quod si postmodum huiusmodi thuris pulverisati ad debitam quantitatem ueneno in potu dederis, tantū ualebit aduersus uenena, quantū & proprius ipse lapis. Inquit Abdallah amarach hunc se uidisse lapidem, quem comparasse ait filiū Mamari, seq; in solutionem lapidis Cordubæ pallatium dedisse. Serapion ait eundem mirabilia operari non solum in hominibus, sed & in cæteris quibusdam animantibus: primum quod contingendo hoc lapide scorpionis aculeum

leum

leum deperdit pungendi potentiam. Præterea tritum mixtumq; cum aqua, serpentisq; ori impositum, occidere cum asserit.

Fuge citò, procul, ac tarde reuertaris.

Caput XXV

Reseruare uisum est ad libri calcem principalitè hac in materia regularū declarationem. Fuge quantum potes hominū conuersationem, & maxime quādo es ieiunus. Sis semper remotus à socio ad minus per spacium bicubiti, & in loco libero, aperto: & ab infecto (quum secum loqueris) remotior saltem per sex cubitorum interstitium, & sub diuo uel loco aëreo, & caue ne uentorum flatus ab eo uersus te spiret. Inter te & ipsum sit sol, ignis, odores, uel tendens ad ipsum uentus: loca enim angusta simulq; turba hominū, ualde periculosa sunt. Hoc etiam cōmemoro, quod paricatum procinctu ac domuum contingentia & continuatione multiplicatur morbosa contagio. Super omnia suadeo ut citò ac procul fugias ab his locis quibus imminet pestis, tardeq; redeas. Dixi citò, hoc est quamprimum apparent signa proximæ pestis: quæ quidem signa sunt, quando eius loci aër extra naturalem suam dispositionem esse uidetur, declinando ad calidum & humidum, quādo nebulosus, nubesq; densæ, puluerulentus apparet, uenti grossi & tepidi, ac etiam quando aquæ & agri sumāt & olent, sic pariter & pisces mali sunt saporis atq; odoris: Quā multa super terra

Propinque
pestis præ
sagia.

ex putrefactione nata apparent animalia, fungorum
 & putridarum herbarum copia, terræ fructus & ani-
 malia insipida sunt & parum conseruantur, turbida
 efficiuntur uina, multa & terrestria & aërea anima-
 lia ab eo loci recedunt, insolitæ oriuntur febres, laten-
 tes, furiosæ, continuæ, fallaces, cum pectoris anxietate,
 cum pulsus prosternatione, phrenesis, urinarum
 turbulentia, palati intestinorum excoriationes, oculo-
 rum rubedo, uermes, morbilli, multæ fœminarum con-
 turbationes, iræ rabidæ, rixæ, dira bella, monstra na-
 turæ, mirandæque uel naturæ uel à deo signa, inuisa
 multū & rara. Hæc enim quæ diximus præagia sunt
 propinquæ pestis. Tunc igitur fuge antequā unus effi-
 ciaris de duodecim mille signatis. Id uero dupliciter
 fieri potest, scilicet uel quia iam captus eris cōtagione
 infectorū, uel quia tristem infecti aëris qualitatem iam
 receperis, sic quod pedetentim fiat ille tibi familiaris
 aër, ita quod nec aëri natura, nec aër illi resistet: uerū
 si alienam subito quæsieris auram, abibit primus aër
 illiq; natura resistet, & hic naturæ, prouenit unde pe-
 stis origo. Et etiam ut procul aufugias moneo, uidelicet
 ut ea te ad loca conseras quibus res, nec personæ, nec
 soni, strepitus, rumores quicunq; infecti loci ad te pera-
 uenire ualeant. Sicq; remotus esto, ut alti intermedient
 montes, quibus uaporū prohibeatur accessus, ne uena-
 torum flatu, uel aëris dilatatione te possint cōtingere.
 Considera loci ad quem curris dispositionē & situm,
 uidelicet

idelicet ne pestilenti quouis modo sit similis aëri, ut
pote in calido, frigido, humido, siccoq; nubibus, plu-
uijs, uentis: sis denique tali in loco firmatus, ut uenti,
nubes, pluuia, spirare, dilatari, abinde ad remoueri
nequaquam possint. Nec te hoc fugiat, quod horosco-
pus siue Ascendēs alicuius urbis uel castelli infectæ uel
infecti sæpius ad ea loca omnia pestem extendit, quæ
illi ab initio ciuitati uel castello subiacent, & quæ ali-
qualem eo cum Ascendente conformitatē habent. Terc-
tio dicimus ut tarde reuertaris, quoniam pauxillula
transacti morbi remanēs infectio, potēs est ad eos per-
quam subito maculandū omnes, qui etiam haud intem-
pestiuo fugam tempore cœperūt, quia maiori subsunt
periculo qui locum frequentant infectum quum prius
aufugerint, quàm hi qui semper ibidem, cum cautela
tamen, permanserunt, quoniam subita nouaq; male to-
lerat natura accidentia: & præter hoc diutissime qui-
dem remanent hæ (ut ante diximus) qualitates in pa-
rietibus, lignamentis, uestibus, pannis quibusq; & cæ-
teris. Quantum uero ad solius aëris dispositionem una
sufficiens angaria, ita ut ubi ad tres menses immunes ab
hoc morbo omnes quicumq; sunt perstiterint, iudicari
potest aërem iam fore purgatum. Sed esto cautiſſimus
in appropinquatione & contactu eorū quæ plus aëre
uenenum retinent. Prociñctus fornacium in muris diu-
tius seruant quàm ligna uenenosam caliditatem: uerū
purificādo (ut sæpius diximus) uidelicet cum ignibus,

240 MARS. F. EPIDEMIA RV M

lotionibus, euentationibus, fumigijs, odoribus, & re-
 liquis. Purificantur homines communiter spacio qua-
 tuordecim dierum: domus, lignamenta & cetera
 in uiginti uno. Panni, uestimenta & huiusmodi spa-
 cio dierum uiginti octo. His habeas temporibus sepa-
 rata ad bibendum pariter & manducandum uascula,
 & lectisternia quæque, uel saltem si cetera non possis
 linteamina: reliqua lotionibus & fumigijs purificato.
 Equi, pecunia, supellectilia, sarcinule & huiusmodi,
 nisi admodum caute egeris, uenenum diu ser-
 uare solent: quare uigil, cautus & pru-
 dens esto, cunctisq; ordinatim
 provideas.

MARSILII FICINI EPIDE-
 MIARVM ANTIDO-
 TI FINIS.

